

საქართველოს მეცნიერებათა აკადემია

მ. ჯავახიშვილის სახელობის ისტორიის, არქეოლოგიისა და ეთნოგრაფიის
ინსტიტუტი

ვერონტი გასვიანი

ნაკვეთები
შუა საუკუნეების სვანეთის
ისტორიიდან



თბილისი
„მეცნიერება“

1991

ნაშრომში მოცემულია დადიშქელიანთა გენეალოგია, სვანეთის სამთაეროს წარმოშობა, მისი საზღვრები და მოსახლეობა, სოციალურ-ეკონომიკური ურთიერთობა, სამთაეროსა და ბატონყმობის გაუქმება. დახასიათებულია ეკლესია და სვანეთზე გამოთქმულ შეხედულებათა არსი.

დამატებაში განხილულია ისტორიული სვანეთის ტოპონიმიკის ზოგიერთი საკითხი, ვინ იყვნენ აფხაზეთის მკვიდრი მისიმიანები და სხვ.

განკუთვნილია ისტორიკოსებისა და მკითხველთა ფართო საზოგადოებისათვის.

რედაქტორი ისტორიულ მეცნ. დოქტ. გ. მ ა რ გ ი ა ნ ი

რეცენზენტები ისტორიულ მეცნ. დოქტორები: ვ. ი თ თ ნ ი შ ვ ი ლ თ
გ. ა ფ რ ა ს ი ძ ე

შესავალი

დიდი ხანია საქართველოს ერთ-ერთი ძირძველი კუთხის სვანეთის ისტორია მკვლევართა შეუნელებელ ყურადღებას იპყრობს. როგორც ადრე, აგრეთვე საბჭოთა ხელისუფლების წლებში განსაკუთრებით ინტენსიური ხასიათი მიიღო სვანეთის საზოგადოებრივ ყოფაში შემჩნეული გადმონაშთების კვლევა-ძიებამ.

უძველესი დროის გადმონაშთურ მოვლენათა მეტიმეტმა გაზვიადებამ და საზოგადოების განვითარების დამახასიათებელი ძირეული საკითხების ყურადღების მიღმა დატოვებამ თავისთავად ისეთი შთაბეჭდილება შექმნა, თითქოს სვანეთის საზოგადოების ყველა სფეროში პირველყოფილური ინსტიტუტები და შესაბამისი ურთიერთობა იყო გაბატონებული. იშვიათი გამონაკლისის გარდა, ყურადღება არ ექცეოდა საზოგადოების განვითარების განმსაზღვრელი ისეთი წამყვანი დარგების კვლევასა და გამოვლენას, როგორცაა საკუთრებისა და მეურნეობის ფორმები (მიწისმფლობელობა, მესაქონლეობა, ხელოსნობა, ვაჭრობა, და სხვ.), აგრეთვე საზოგადოების სოციალურ-წოდებრივი შემადგენლობა, მისთვის დამახასიათებელი ურთიერთობა, წოდებრივ-კლასობრივი ბრძოლა და სხვ.

ეთნოგრაფიული ხასიათის გამოკვლევებში დავიწყებას მიეცა არა მხოლოდ ის, რომ სვანეთი წარმოადგენდა საქართველოს ფეოდალურ მონარქიის ორგანულ და განუყოფელ ნაწილს, მისი განვითარებისა და წარმატების მონაწილესა და მოზიარეს, არამედ არავითარი ანგარიში არ ეწეოდა სვანეთის შინაგან ყოფა-ცხოვრებას, მის ამსახველ წერილობით და მატერიალურ ძეგლთა მონაცემებს.

არცთუ ვრცელი ქვეყნის — საქართველოს მთისა და ბარის — ისტორიული პროცესის ხელოვნური გათიშვითა და დაშორიშორებით, მთის მოსახლეობის ყოფის ასევე ხელოვნური არქაიზაციით და იქ შემორჩენილი გადმონაშთების უნივერსალური ხასიათის მტკიცებით, ზოგიერთ ნაშრომში ქართველ მთიელთა საზოგადოებრივი წყობილება ბევრად უფრო პრიმიტიულად წარმოისახა, ვინემ ის სინამდვილეში იყო. ასეთ ნაშრომებში ანგარიში არ გაეწია და არაფრით იქნა გათვალისწინებული არა მხოლოდ ადგილობრივი მატერიალური და სულიერი კულტურა, არამედ ისიც, რომ თავის დროზე საქართველოს

ფეოდალურმა ცივილიზაციამ არა მარტო თავისი ქვეყნის ბარი მოიკვა და მძლავრი ზემოქმედება მოახდინა თავისი ქვეყნის მთელ მოსახლეობის ცხოვრების გარდაქმნაზე, არამედ კეთილშეიარაღი ზეგავლენა მოახდინა აგრეთვე მეზობელი ქვეყნებისა და ხალხების კულტურულ განვითარებაზე.

რაც ეთნოგრაფიულ და ისტორიულ გამოკვლევებში შეინიშნება ტენდენცია, რომელიც ერთმეორისაგან გამოყოფს არა მხოლოდ საქართველოს მთისა და ბარის განვითარებას, არამედ თვით პატარა კუთხის — სვანეთის — სხვადასხვა თემისა და სოფლის ყოფა-ცხოვრებას, ეპოქალურად და ფორმაციულად განასხვავებს მათ განვითარებას.

წინაზრახულად მოპოვებულ და შეთხზულ ეთნოგრაფიულ მასალაზე დაფუძნებული ზოგიერთი ნაშრომი და გამოკვლევა საქმეს ისე ხატავს და წარმოგვიდგენს, თითქოს „თავისი მთური მდებარეობის გამო ე. წ. „თავისუფალი“ სვანეთის განვითარება მთელ შუა საუკუნეებში ერთწერტილზე იყო გაყონული და XIX საუკუნემდე ვერ გასცდა პატრიარქალურ-გვაროვნულ წყობილებას“; თითქოს „შუა საუკუნეების მთელ ჰიგრძეზე იქაურ საზოგადოებაში წოდებრივ-ფეოდალური დაყოფა არ შეინიშნებოდა“, თითქოს „მთელი საზოგადოება თავისუფალი და თანასწორუფლებიანი იყო“, თითქოს „თავისუფალ სვანეთში სოციალური დიფერენციაცია მეთემის გაგლეხებაზე შორს არ წასულა“. ზოგიერთის შეზღუდულობა და გაუთვითცნობიერებლობა იქამდეც კი მიდის, რომ ამტკიცებს, თითქოს ე. წ. „თავისუფალ სვანეთში ვარგ-აზნაური და გლეხი ფორმალურად არსებობდა“, თითქოს „როგორც ქონებრივად, აგრეთვე უფლებრივად აზნაური გლეხს არაფრით აღემატებოდა, პირიქით ნაკლებიც კი იყო“?! (იმასაც კი წერს, რომ „თხა-თხაზე ნაკლებიო...“).

მსგავსი ტენდენცია და ცალმხრივობა, სამწუხაროდ, მთელი კავკასიის მთიანეთის ხალხის ისტორიის შეფასებას დასჩემდა.

მართალია, დღეს თითქმის არაფერია იზიარებს სვანეთზე ძველ შეხედულებას (თვით მისმა ავტორებმაც შეაქციეს ზურგი), მით უფრო, რომ ჯერ კიდევ 60-იანი წლების დასაწყისში ჩვენი ქვეყნის ისტორიის ერთ-ერთი გამოჩენილი მკვლევარი ნიკო ბერძენიშვილი თავისი ცხოვრების უკანასკნელ ხანს სინანულით წერდა: „მე მაინც სვანეთი მიღვას თვალწინ... რა უსუსური წარმოდგენა გვქონდა ამ ქვეყანაზე. რა უმადურები ვიყავით.

ხომ ყოვლად აშკარაა, რომ XIX საუკუნეში სვანეთი სავარაუდოდ წყობილების ქვეყანა არაა. კიდევ მეტი: თავისუფალი სვანეთიც

კი (რომ არაფერი ვთქვათ სადადიანო, სადადეშქელიანოზე) XIII—XIV საუკუნეებში დიდი ხანია გამოსულია საგვარეულო წყობიდან¹.

მაგრამ როგორც უახლესი ლიტერატურიდან ჩანს, კავკასიისა და კერძოდ, საქართველოს მთიანეთის საზოგადოებრივ-ეკონომიკური განვითარების კვლევა-ძიებაში კვლავ ორი მაგისტრალური თვალსაზრისი შეინიშნება: დავა დაიწყო და კვლავ გრძელდება ფეოდალური ხანის სვანეთის საზოგადოებრივი განვითარების დონის და ხასიათის განსაზღვრასთან, აგრეთვე ე. წ. „თაფისუფალ“ სვანეთთან დაკავშირებით. დღესაც ერთიმეორეს უპირისპირდება ორგვარი გაგება (ანგარიშში არ ვთვლი ზოგიერთი ოპონენტის უაღრესად პრიმიტიულ-დილეტანტურ განცხადებებს, რომლებიც არავითარ ჩარჩოში არ თავსდება):

ერთი თვალსაზრისი, რომელსაც XIX საუკუნეში ჩაეყარა საფუძველი, ერთიმეორესაგან თიშავს და ებოქალურად აშორებს საქართველოს მთისა და ბარის საზოგადოებრივ განვითარებას, რაშიც გადამწყვეტ როლს გეოგრაფიულ გარემოს ანიჭებს (აქედან ე. წ. „მთური ფეოდალიზმი“). თითქოს მთური და მწირი მდებარეობის გამო საქართველოს მთიანეთში საზოგადოების ქონებრივი და სოციალური დიფერენციაციის პირობები არ არსებობდა; თითქოს „მთაში ფეოდალური ურთიერთობა იმიტომ ვერ წარმოიქმნა და დაფუძნდა, რომ იქ ზედმეტი პროდუქტი არ იწარმოებოდა, ამიტომ მისი მითვისებაც არ არსებობდა“.

მეორე თვალსაზრისი, რომელიც აგრეთვე XIX ს. ჩაიხსნა, რეალურად აფასებს საქართველოს მთიანეთის, კერძოდ, სვანეთის საზოგადოების განვითარებას და მიუთითებს, რომ მიუხედავად გეოგრაფიული გარემოს უარყოფითი ზემოქმედებისა, მიუხედავად იმისა, რომ საქართველოს მთა თავისი საარსებო პირობებით ბარს ბევრად ჩამორჩებოდა (და ამის გამო საზოგადოების განვითარებაც), შინაგანი პირობების (კერძო საკუთრების, მეტ-ნაკლებად განასხვავებული იარაღების, შრომისნაყოფიერებისა და სხვათა), აგრეთვე გარედან მოქმედი ისტორიული ვაგლენის წყალობით (ბართან თუ მთასთან, ცენტრალურ ხელისუფლებასთან თუ საერთოდ გარე სამყაროსთან ურთიერთობის), თავისი მასშტაბის შესაბამისად, სვანეთშიც ხდებოდა საზოგადოების ქონებრივ-სოციალური დიფერენციაცია, მეტ-ნაკლებად ვითარდებოდა და წინაურდებოდა იქაური საზოგადოება და მისი წარმომადგენლები (როგორც ნაშრომში ვნახავთ, მთურ მდებ-

¹ კ. კეკელიძის სახ. ხელნაწერთა ინსტიტუტი, ნ. ბერძენიშვილის ფონდი
მ.—3

რეობას თუ შედარებით სუსხიან კლიმატს არ შეეძლო საზოგადოების თანასწორობისა და ჰარმონიის დაცვა საუკუნეთა მანძილზე, არ შეეძლო საზოგადოების სოციალურ-ეკონომიკური დიფერენციაციის შეჩერება, ასე ვთქვათ, ფეოდალური ურთიერთობის ჩასახვა-განვითარების გამორიცხვა).

ნაშრომში ვერ გამოუვლდებოდა სვანეთზე გამოთქმულ ყველა შეხედულების დეტალურ გარჩევას, რაც სხვადასხვა საკითხის განხილვისასაა რამდენადმე გარჩეული; არ შეეძლო იმ ნაძალადეგ და შეკოწიწებულ ფსევდომეცნიერულ აზრებზე, რომლებიც არ შეიცავენ რაიმე ღირებულ მოსაზრებას, მეცნიერულ განზოგადებას, სამაგიეროდ, ისტორიული ფაქტებისა და მოვლენების გაყალბებით ხასიათდებიან.

წინამდებარე შრომაში მიზნად ვისახავთ გავარკვიოთ დადიშქელიანთა გენეალოგია, მათი სამთავროს წარმოშობა, სამთავროს მოსახლეობა და საზღვრები, სოციალური ურთიერთობა, სამთავროსა და ბატონყმობის გაუქმება, სვანეთის ეკლესიის რაობა, სვანეთის სოციალურ-ეკონომიკურ სტრუქტურასთან დაკავშირებულ მოსაზრებათა არსი, აგრეთვე რაქა-ლეჩხუმის სვანური ტოპონიმიკა და სხვ.

ნაშრომი დაწერილია წერილობით-საისტორიო ძეგლების, სათანადო ლიტერატურის, ფოლკლორულ-ეთნოგრაფიულ და სხვა მასალათა მონაცემების საფუძველზე.

თ ა ვ ი პ ი რ ვ ი ლ ი

ს ვ ა ნ ე თ ი ს ს ა მ თ ა ვ რ ო

1. დ ა დ ი შ ე ლ ი ა ნ თ ა გ ი ნ ა ლ ო ზ ი ა

დადიშქელიანთა ანუ დადეშქელიანთა საგვარეულოს წარმოშობის ისტორია ჭერჭერობით დაუდგენელია. ეს გვარეულობა წერილობით წყაროებში პირველად XV საუკუნის მეორე ნახევარში მოიხსენიება.

დადიშქელიანთა ფეოდალური გვარეულობის წარმომავლობაზე სხვადასხვა თქმულება-ლეგენდა არსებობს, მათ შორის აღსანიშნავია თვით ამ გვარის წარმომადგენლის, თათარყანის მიერ XIX ს. მეორე ნახევარში მოხუცებულებისაგან ჩაწერილი სხვადასხვა თქმულება.

ერთ-ერთ თქმულებაში ნათქვამია: შორეულ ყუმიყთა ქვეყანაში, სადაც არც ერთი სვანი არ დადიოდა, ცხოვრობდა ორი ძმა. უფროსს, რომელიც უცოლშვილო იყო და სამფლობელოს მეთაურად ითვლებოდა, ფუეში ერქვა, უმცროსი, ცოლიანი, არაფრით იყო ცნობილი.

გადმოცემაში ნათქვამია, რომ უმცროსი ძმის სხვაგან ყოფნის დროს, ფუეშისგან დაორსულდა მისი ცოლი და ვაჟიშვილი ეყოლა. როცა შინდაბრუნებულმა ძმამ ეს შეიტყო, თავისი ძმა სახალხო სასამართლოში გამოიწვია და ადამ-წესის დარღვევის გამო სამფლობელოდან და ქვეყნიდან გააძევა.

სახლიდან გაგდებულმა ფუეშმა, ხანგრძლივი სიარულის შემდეგ, კავკასიის დიდი მთები გადალახა და თავი ამოყო სვანეთის ერთ-ერთ უდაბურ ხეობაში, საიდანაც დათვის კვალმა, ლენხერის გზით, ჩუბეჩევში მიიყვანა.

გადმოცემა გვეუბნება, რომ უცხო კაცი არც იქ გაჩერდა, გზა განაგრძო. ამასობაში, გვიან ღამე, სოფელ ეცერამდე მიაღწია, მაგრამ იქ სახლში არავინ შეუშვა. უცხო კაცმა ბოლოს წმ. გიორგის სახელობის ყურაშის ეკლესია შენიშნა და იქითკენ გასწია. რაკი მისი კარები დაიხურა, დადლილ-დაქანცული კაცი შიგ შევიდა და იქ შეაფარა თავი.

თქმულება ამბობს, რომ ძველად ხალხი ღმერთის მორწმუნე იყო და ქურდობას არავინ კისრულობდა. ამიტომ, მიუხედავად დიდი სიმდიდრისა, ეკლესიის კარები მუდამ ღია იყო.

როგორც წესი, წირვა-ლოცვის ჩასატარებლად ეკლესიას დილაადრიანად მოადგა მღვდელი, რომელიც უცხო და გოლიათური აღნაგობის მამაკაცის დანახვის გამო გაოცებული დარჩა. როცა მღვდელი დარწმუნდა, რომ ეკლესიაში მყოფი კაცი სამტროდ არ იყო მოსული და თავშესაფარს ეძებდა, ის თავის სახლში წაიყვანა და სარდაფში საიდუმლოდ დამალა.

იგივე გადმოცემა გვეუბნება, რომ ერთ მშვენიერ დღეს, სარდაფში დამალული უცხო სტუმარი შენიშნა მღვდლის ერთადერთმა ქალიშვილმა, რომელიც განთქმული იყო თავისი სილამაზით. ქალიშვილმა უცხო კაცი პირველსავე შეხედვაზე შეიყვარა, ამისი წინააღმდეგოთიქმის მამამისიც არ იყო, მაგრამ მან თავისი ქალიშვილი მაინც მკაცრად გააფრთხილა, რომ საქმის საბოლოო დადგენამდე და სტუმრის სათანადო გამოცდამდე თავი წმინდად შეენახა.

გადმოცემა გვაუწყებს, აგრეთვე, რომ იმ დროს, როდესაც ეცერში ვიღაც უცხო პირი მივიდა, სვანეთში „სვიმრობა“ იყო და ხალხი თავისუფლად ცხოვრობდა. ამავე გადმოცემით, სვიმრობამდე სვანეთს ჰყავდა თავისი მეუფე ფუსდ-ფუსტ, რომელიც ტომით სვანი იყო და ბაგრატიონ ხელმწიფეს ემორჩილებოდა. სვანეთის ფუსდი თავის მეფეს გადასახადებად ბავშვებს აძლევდა, ხოლო ომიანობის დროს ჯარით ეხმარებოდა.

გადმოცემაში ნათქვამია, რომ ერთხელ, როდესაც სვანეთში მეფის მოხელე ვარგები (აზნაურები) ახალგაზრდებს კრებდნენ მეფესთან წასაყვანად, ერთ-ერთმა დედამ, რომელსაც ერთადერთი ვაჟიშვილი ჰყავდა, იმ ვარგს, რომელსაც მისი ვაჟიშვილი მიჰყავდა, ნაჯახი ჩაართვა თავში. რადგან ვერავინ ურიგდებოდა თავისი შვილის შორეულ ქვეყნებში წაყვანას საომრად, ხსენებულ ქალს სხვებმაც მიბაძეს, დაბოლოს მთელი სვანეთი აჯანყდა, თავიდან მოიშორა თავისი უფალი, მისი ვარგები, საქართველოს მეფის დაწესებული ვალდებულება და თავისუფლება მოიპოვა.

ამავე გადმოცემით, როდესაც მთელ სვანეთში თავისუფალი მმართველობა დამყარდა, ეცერის ორ სოფელში — ისკარსა და ლადრერში — ცხოვრობდნენ რიჩგვიანები, რომლებიც მთელ თემში პირველობდნენ და ყველას ჩაგრავენ. ეს ვითარება ძალიან აღელვებდა ეცერის სხვა სოფლების — ბარშის, სვიფის, ჩელირისა და ყურაშის — მოსახლეობას (გვეშლარებს), რომლებიც უქსაფერის მომენტს ეძებდნენ რიჩგვიანებს დასამხოვად. მღვდელიც ამ მიზნით ინახავ

და თავისთან უცხო სტუმარს, რომელსაც წმ. გიორგის (ჭგერავის) მოვლენილად ასაღებდა.

გადმოცემა გვაუწყებს, რომ ერთ მშვენიერ დღეს ფხოტრერის მთავარანგელოზის თეთრი ეკლესიიდან საყვირის გაბმული ხმა მოისმა, რომელიც ხალხს აუწყებდა სასწრაფოდ შეგროვილიყო. საქმე იმაში იყო, რომ ამ ეკლესიის ეზოში მოსულა ვიღაც ომახიანი ოსი (მესაე), რომელიც ეცერლებს ჭიდაობას სთავაზობდა იმ მიზნით, რომ თუკი გაიმარჯვებდა, ყველანი მისი მორჩილი გამხდარიყვნენ, ხოლო თუ თვითონ დამარცხდებოდა, მაშინ თავის უმდიდრეს აღჭურვილობას დათმობდა.

უცხო კაცის ასეთი უტიფრობით ეცერლები ძალიან შეშფოთებული იყვნენ, თუმცა მასთან შერკინებასაც ვერავინ ბედავდა. ამ დროს წინ წამოდგა ყურაშის ეკლესიის მღვდელი, რომელმაც ხალხის ასეთი დაბეჩავეებისათვის რიჩგვიანები დაადანაშაულა. აქვე დასძინა, რომ ხალხის ღირსებას თვითონ დაიცავდა და სახლისაკენ გასწია, საიდანაც წამოიყვანა სტუმარი („ყუმიყი“), რომელიც წმ. გიორგის სახელით წარუდგინა ხალხს. როცა ფხოტრერის ეკლესიის ეზოში თავმოყრილმა ხალხმა გოლიათური აღნაგობის ვაჟკაცი დაინახა, შვებით ამოისუნთქა. გარკვეული ჩოჩქოლის შემდეგ, ხალხმა მღვდელს მიმართა, თუკი მის მიერ მოყვანილი კაცი ოსს დაამარცხებდა, ჯილდოდ მისცემდნენ ყველაფერს, რასაც მოიწადინებდა.

გადმოცემა ამბობს, რომ მალე უცხო პირები ერთიმეორეს შეერკინენ, მაგრამ ბრძოლა არცთუ ხანგრძლივი აღმოჩნდა, გამარჯვება წმ. გიორგის „მოყვანილ“ ყუმიყს დარჩა, დამარცხებული ოსი სირცხვილნაჭამი და აღჭურვილობაყრილი გააძევეს.

შეპირებისამებრ ეცერის თითოეულმა კომლმა გამარჯვებულ ყუმიყს თითო ხარი, თითო ძროხა და თითო ცხვარი მიგვარა. ამგვარად შეგროვებული პირუტყვის ჯოგი საღამოყამს ეცერის დასავლეთით გარეკეს, იმ პირობით, რომ სადაც ის მეორე დღეს აღმოჩნდებოდა, იქ საპატიო გადამთიელისათვის სასახლე აეშენებინათ. ლეგენდა ამბობს, რომ ჯოგი წმ. გიორგის მფარველობითა და სურვილით მეორე დღეს აღმოჩნდა ჭელირში, სადაც პირობისამებრ სტუმარს სასახლე და კოშკი აუშენეს.

თქმულება-ლეგენდის ეს ვარიანტი ირწმუნება, რომ ხსენებულმა ყუმიყმა (რომელიც წმ. გიორგიმ მოუვლინა სვანეთს) დაუღო სათავე სვანეთის დადიშქელიანებს, რომლებიც მალე მომრავლდნენ და გაძლიერდნენ.

ლეგენდის მეორე ვარიანტი გვაუწყებს, რომ ყუმიყთა ქვეყნიდან დევნილი კაცის სახელი (რომელიც წმ. გიორგიმ შეიფარა) იყო ფუთა, რომელიც დათვის კვალმა მიიყვანა ეცერში. თითქოს ამის გამო ამ კა-

ცის შთამომავალი დაშდნგელად (დაშდე სვანურად დათვია) ანუ დადიშგელიანად იწოდა.

როგორც ვხედოთ, მთელ ამ ვრცელ გადმოცემას დადიშქელიანთა წარმომავლობაზე ზღაპრულ-ფანტაზიური შინაარსი აქვს. საერთოდ, მსგავსი რამ დაუჭერებელია. თვით ამ გადმოცემათა ჩამწერი თ. დადიშქელიანიც ექვობდა თავისი გვარის ამგვარ წარმოშობაზე, ამიტომ წერს: ჩვენ შორს ვართ იმისგან, რომ მოცემული გადმოცემის უქვევლობა ვამტკიცოთ, მითუმეტეს, როგორც ყველა ზეპირი გადმოცემა, ესეც არ არის რომელიმე ძველი წერილობით წყაროს მიერ დამტკიცებული, ამიტომ ის საჭიროებს გულმოდგინე შემოწმებას, მაგრამ მასალეზ იმდენად მცირე და ძუნწია, რომ საკითხი, ალბათ, გადაუჭრელი დარჩება!

აქ შევხვებით თქმულება-გადმოცემას დადიშქელიანთა გვარის უცხო წარმომავლობაზე, მაგრამ მარტო ეს გვარი როდია უცხოური წარმოშობისად მიჩნეული. როგორც წესი, ლეგენდა-თქმულებებით, თითქმის ყველა დიდგვაროვანი ქართველი უცხოა: ზოგიერთი ინდოელი, ჩინელი, არაბი, ზოგიერთი ებრაელი, ეგვიპტელი და ა. შ. ბუნებრივია, ყველაფერი ეს იმისათვის იყო მოგონილი, რომ დიდგვაროვანნი არაჩვეულებრივ, განსაკუთრებულ, ზეციურ წარმოშობისად ყოფილიყვნენ მიჩნეული და ამით მათ ბატონობას კანონზომიერი ხასიათი მისცემოდა; როგორც ჩანს, დადიშქელიანთა შესახებ თქმულებაც ამ ტრადიციას მისდევდა.

საერთოდ, შესაძლებელია დადიშქელიანების წარმოშობის დაკავშირება სვანეთის მიმდებარე ჩრდილო კავკასიასთან. ჯერ ერთი, ცნობილია, რომ მეზობელ ჩრდ. კავკასიის მთიანეთის ნაწილი (აწინდელი ყარაჩაისა და ბალყარეთის უკიდურესი სამხრეთი ხეობები) თავის დროზე სვანებით იყო დასახლებული. ამდენად, გასაკვირი არაფერია იმაში, რომ იქ დადიშქელიანებსაც ეცხოვრათ და იქიდან წამოსული სვანეთში უცხოდ მიეღოთ.

მეორეც, ჩრდილო კავკასიაში ფეოდალურ გვარეულობათა შორის გამოირჩეოდნენ ყრიმშამხალოვებიც, რომლებიც დაღესტნის გარდა თავის გავლენას სხვა მოსაზღვრე ტერიტორიებზეც ავრცელებდნენ, რაც ცნობილი უნდა ყოფილიყო ჩრდ. კავკასიაში მოსახლე სვანებისთვისაც. ამიტომ უცნაური არაფერია იმაში, რომ თავისი წარმომავლობა დადიშქელიანებს ამ ძლევამოსილი გვარეულობისათვის დაეკავშირებინა.

როგორც უკვე აღვნიშნეთ, დადიშქელიანი ანუ დადიშქელიანი წერილობით ძეგლში პირველად XV საუკუნეში გვხვდება, ესაა ე. წ.

1 კ. კეკელიძის სახ. საქართველოს ხელნაწერთა ინსტიტუტი, Ros, 284, ფ. 39—40.

„ჩაფარიძეთა სასიხლო სიგელი“ ანუ „წიგნი“, რომელშიც მოთხრობილია სევანებსა და იმერეთის სამეფოს მესვეურთა შორის მტრობაზე და ამ ნიადაგზე სევანების შევიწროებაზე. ძეგლში ნათქვამია, რომ მეფისაგან შეწუხებულმა სევანებმა ბჭობა გამართეს და რიჩგვიანსა და დადიშქელიანს შეეხვეწნენ, რათა დადიანის მეშვეობით იმერეთის მეფესთან შერიგებულიყვნენ: „და მერმე შევიყარენით სრულიად სუანთ ჩენილები და ვქენით ეაზირობა. მივედით ეცერს, რუჩაგვიანსა და დადიშქელიანს შეეხვეწენით და დადიანთან გავგზავნეთ“².

ბსენებულ ძეგლში დადიშქელიანები (ასევე რიჩგვიანები) ყოველგვარი წოდებისა და ეპითეტის გარეშე არიან მოხსენიებული ეცერის მცხოვრებად. მაგრამ საგულისხმოა, რომ ამ გვარეულობებს, როგორც პრივილეგირებულ წოდებას, უკვე საკმაო ძალა და გავლენა ჰქონდათ მოპოვებული. ბუნებრივია, ამის გარეშე მათ დადიანთან შუამავლად არავინ გამოარჩევდა. ცხადია, ისინი, როგორც ფეოდალური გვარეულობა, დადიანთან ურთიერთობის ღირსნი იყვნენ. საგულისხმოა, აგრეთვე, რომ ასეთი ღირსების გარეშე ვერც თვითონ იყინრებდნენ ოდიშის მთავართან უშუალო შუამავლობას.

დადიშქელიანის გვარ-ჩამომავლობისა და სადაურობის დასადაგენად გარკვეული მნიშვნელოზა აქვს ე. წ. „სუანეთის საეკლესიო კრებათა მატთანეს“ ანუ „სუანეთის სულთა მატთანეს“, რომელშიც ეკლესიისადმი შემვედრებელი და შემწირველი სვანებია ჩამოთვლილი³.

მართალია, ამ უძველეს და უმნიშვნელოვანეს ძეგლში (სხვათა შორის, ამ ძეგლში იმდენი გვარეულობებია აღნუსხული, რომ ამ შხრივ მისი შესადაარი თითქმის არაფერი მოგვეპოვება) უშუალოდ დადიშქელიანი არ ჩანს, მაგრამ მისი მსგავსი გვარი თუ სახელი არაერთხელ მოიხსენიება. მაგალითად, ასეთთა შორის არიან იგივე ეცერის მცხოვრებნი: დადიშგელა წარეკელიანი, დადიშგელა აშტიანი, აგრეთვე მრავალი დადისშვილი⁴.

როგორც ცნობილია, გვარეულობა ხშირ შემთხვევაში სახელიდან წარმოიქმნებოდა. ამდენად, შეიძლება ვივარაუდოთ, რომ დადიშქელიანი რომელიმე ბსენებული სახელიდან წარმოიშვა, ანდა შესაძლებელია ის იგივე ეცერ-ცხუმარის მცხოვრები დადისშვილის სვანური ფორმაა, მით უფრო, რომ დადისშვილი, როგორც გვარეულობა, ეცერ-ცხუმარში XIV საუკუნის შემდეგ არ გვხვდება (მას შემდეგ, რაც დადიშქელიანი გაჩნდა).

² სვანეთის საისტორიო ძეგლები, წ. 2, გვ. 32.

³ იქვე, გვ. 115—160.

⁴ იქვე, გვ. 132—134, 139, 144.

ამდენად, დადიშქელიანის (ასევე მისი ვარიაციების: დადიშქელიანი, დადიშგელიანი, დადიშკელიანი, დადიჩქელიანი, დაჩქელიანი, დაშგელიანი და სხვ.) სვანური წარმომავლობა ეჭვს არ უნდა იწვევდეს.

როგორც აღვნიშნე, გამორიცხული არ არის შესაძლებლობა, რომ: დადიშქელიანი, როგორც სვანი, მიმდებარე ჩრდ. კავკასიიდან იყოს წამოსული. ამას გვაფიქრებინებს არა მხოლოდ ის, რომ ჩრდილო კავკასიიდან სვანეთში გადმოსულად ითვლებიან ისეთი გვარეულობები, როგორცაა გოშთელიანი, ჭაჭკელიანი, ბახსოლიანი და სხვა, არამედ იმისი დადასტურებაც, რომ დღევანდელი ყარაჩაისა და ბალყარეთის (იგივე მალყარეთის) რიგ ხეობებში (ბაქსანის, ჩეგემის, ტებერდის და სხვ.) უწინ მრავალი სვანი ცხოვრობდა, მაგრამ საქართველოს დაშლა-დასუსტებისა და თურქულენოვანი ტომების მოძალების გამო იქ სვანური მოსახლეობა თანდათან გაქრა (ნაწილი გაწყდა, ნაწილი გაითქვიფა და ნაწილიც სვანეთში გადმოსახლდა).

თუ დადიშქელიანთა გვარ-ჩამომავლობაზე ზოგადი მონაცემებით ვმსჯელობთ, სამაგიეროდ მათ სოციალურ აღზევებასა და გათავადება-გაბატონებაზე შესაბამისი წერილობითი ძეგლები მოგვეპოვება. ამ ძეგლთაგან პირველ რიგში აღსანიშნავია ე. წ. „სვანეთის საეკლესიო კრებათა მეორე მატჩიანე“ ანუ „სვანეთის სულთა მატჩიანე“.

ამ წერილობითი ძეგლიდან (რომელიც XVII, XVIII საუკუნეებს განეკუთვნება) ირკვევა, რომ დადიშქელიანები საბოლოოდ XVII საუკუნეში გათავადდნენ, როდესაც მათი მფლობელობა და მმართველობა შეიქმნა.

აღნიშნულ ძეგლში, რომელიც ექ. თაყაიშვილმა XVIII საუკუნით დაათარიღა, აღნუსხულია 13 საეკლესიო კრება, რომელთაგან ექვსი დადიშქელიანთა სახლებს ეხება. მოცემულ ძეგლში დადიშქელიანთა სახლის უფროსები „დიდებულსა და ბატონის“ ეპითეტებით მოიხსენიებიან: „დიდებულ ალმაიზ დადიჩქელიანს შეუნდვენ ღმერთმან“, „დიდს დიდებულს ალაგიყეს დადიშქელიანს შეუნდვენ ღმერთმან“, „დიდსა დიდებულსა სათუთ დადიშგელიანსა შეუნდვენ ღმერთმან“, „დიდებულს ბატონს გელახსან დადიშქელიანს...“, „ბატონს ციოყ დადიშქელიანს...“ და ა. შ.

ცხადია, დადიშქელიანთა ბატონად და დიდებულად მოხსენიება შემთხვევითი არ არის, რადგან იმავე სოფლების სხვა რიგითი გვარეულებები ასეთდაგვარად არც ერთ შემთხვევაში არ მოიხსენიებიან. ეს კი იმისი უთუო და უთუძეო მაჩვენებელია, რომ ისინი დიდგვარიანსა და სოციალურად გაბატონებულ ძალას წარმოადგენდნენ.

მოცემული ძეგლიდან ჩანს, აგრეთვე, რომ ხსენებულ დროში დადიშქელიანთა ფეოდალური სახლების უფროსები იყვნენ: დულარუყ, ისლამ, გელახსან, ციოყ, სორთმან და სხვ. მათთან ერთად მატჩიანეში

ჩამოთვლილი არიან: ალმაიზ, ფუთა, ჭეყან, დადიშქელ, ალაგიყე, ბი-
სლუხ დადაში, ახლავ, მურზაყან, ჯანსულ, სუშაძე, საულუხ და სხვა
პირები.

ჩანს, აქ მოხსენიებული ფუთა დადიშქელიანია ის პირი, რომელ-
თანაც არაერთი თქმულება-გადმოცემაა დაკავშირებული და რომელ-
ლიც უშგულში მოკლეს კოლექტიურად. როგორც ჩანს, არც ისაა შე-
მთხვევითი, რომ ამ ფუთას მკვლელობა დაკავშირებულია უშგულის
შოსახლეობისაგან გადასახადად პირუტყვის ჯოჯის აკრეფასთან.

დადიშქელიანთა ისტორიის დასადგენად ერთ-ერთ მნიშვნელოვან
მონაცემს გვაწვდის რუსეთის გენერალური შტაბის თანამშრომელი,
სწავლული პ. უსლარი, რომელმაც გასული საუკუნის 50-იან წლებში
შეადგინა დადიშქელიანთა ფეოდალური გეარეულობის გენეალოგიუ-
რი ტაბულა.

პ. უსლარის მონაცემებით დადიშქელიანთა ფეოდალური სახლის
ფუძემდებლად ითვლება ხოშა ოთარ („დიდი“ ოთარი), რომელსაც
ჰყავდა სამი ვაჟიშვილი: ხოჩა ოთარ („კარგი“ ოთარი), სორთმანი და
დადავი (სხვანაირად დუდაუ). უფროსი ძმის, კარგი ოთარის მემკვი-
დრეები იყვნენ: როსტომხანი და თენგიზი; სორთმანის — გელა, ხოლო
მესამე ძმის — დადავის: აზნავირი და მურზაყანი.

როსტომხანის (კარგი ოთარის ძის) მემკვიდრეები იყვნენ: ოთა-
რი და ჯანსული. პირველ მათგანს ჰყავდა ერთი შვილი — ისლამი,
ხოლო მეორეს — ოთარი, თათარყანი (ძმამ მოკლა) და მურზაყანი.

როსტომხანის მომდევნო ძმას — თენგიზს (რომელიც თანამო-
ძმეებს მოუკლავთ) — ჰყავდა სამი ვაჟიშვილი: ციოყი („ბაბა“ ციო-
ყად წოდებული, რომელიც 1812 წ. გარდაიცვალა), გელა და ჯანბუ-
ლათი.

ისლამს (ოთარის ძეს) ჰყავდა ოთხი მემკვიდრე: აზნავირი (მო-
კლულ იქნა), გელახსანი (მოკლულ იქნა), გელა და ჯანბულათი:

ბაბა ციოყს ჰყავდა ორი ვაჟიშვილი — თენგიზი და ჯანსული
(მოკლულ იქნა), მის მომდევნო ძმას — გელას: გელა, ლევანი, ისლა-
მი (1832 წ. გარდაიცვალა) და თათარყანი (მეფის მთავრობის მიერ
ნიკოლოზად წოდებული, რომელიც 1850 წ. გარდაიცვალა). მესამე
ძმა ჯანბულათი უმემკვიდრეოდ დარჩა.

თათარყანს (ნიკოლოზს) ჰყავდა სამი ვაჟიშვილი: ოთარი (1852 წ.
მოკლეს), ჯანსული და მოსოსტრი (1846 წ. მოკლეს).

სორთმანს („ხოშა“ ოთარის ძეს) ჰყავდა ერთი ვაჟიშვილი —
გელა, გელას—თენგიზი, თენგიზს-ნეჩუა, ხოლო ამ უკანასკნელს ორი
ვაჟიშვილი: ციოყი და თენგიზი (1853 წ. გარდაიცვალა).

დადავს („ხოშა“ ოთარის ძეს) დარჩა ორი მემკვიდრე: აზნავირი
და მურზაყანი. პირველს — სამი ვაჟიშვილი: თენგიზ, ციოყი და ქე-
რიმი, ხოლო მეორეს — ბესლუხი; ამათგან მემკვიდრე მხოლოდ ბე-

სლუხს დარჩა: ხაეიკი, მურზაყანი და სორთმანი. ამ სამთავან ვაჟიშვილები მხოლოდ პირველს ეყოლა: ხაპუკი, მურზაყანი და სორთმანი.

აღსანიშნავია, რომ ძმების ბაბა ციოყისა და გელას შემყვიდრეების ხელში დადიშქელიანთა ერთიანი სახლი ორად გაიყო (ეს ფაქტობრივად მეფის მთავრობამ 1833 წელს, დადიშქელიანთა ქვეშევრდომადმიღების დროს), ხოლო 1857 წ. დადიშქელიანთა მმართველობა (სამთავრო) საერთოდ გაუქმდა.

პ. უსლარის გენეალოგიური სქემით, დადიშქელიანთა ფეოდალური სახლის (სამთავროს) მეთაურები იყვნენ (თანმიმდევრობით): „ხოშა“ ოთარი (პირველი), „ხოჩა“ ოთარი (მეორე), სორთმანი, როსტომხანი, თენგიზი (პირველი), „ბაბა“ ციოყი (1821—1841 წწ.), კონსტანტინე ანუ მურზაყანი (1841—1857 წწ.).

დადიშქელიანთა მეორე (გამოყოფილი) შტოს უფროსები იყვნენ: თათარყანი ანუ ნიკოლოზი (821—1850 წწ.), ოთარი (1850—1852 წწ.), ლევანი (1852—1857 წწ.).

თ. დადიშქელიანის მიერ შედგენილი სქემით, ამ გვარის ისტორია იწყება XIV საუკუნეში, როდესაც თითქოს ყუმიყთა შამხლები გაიფანტნენ; ერთ-ერთმა მათგანმა სვანეთში მოაღწია და აქ დააფუძნა დადიშქელიანთა გვარი. ამ სქემით, პირველ დადიშქელიანს დაჩქლანთ ერქვა, შემდეგ — ფუთა (რომელიც უშვლულში მოკლეს), მას მოყვებიან: ისლამბერარ, ისლამარ და ხოშა ისლამ.

მოცემული სქემით, ხოშა ისლამს ჰყავდა ოთხი ვაჟიშვილი: ოთარი (აქედან მოდიან ოთარშერები), სორთმან (სორთმანშერები), დუდაუ (დუდაუშერები) და ქერიმ (ქერიმშერები).

ყველაზე უფროსს, ოთარს ჰყავდა ორი ვაჟიშვილი: თენგიზი და ლევანი; თენგიზს — ოთარი და ჯანსული, ხოლო ლევანს — თენგიზი, გელა და ციოყი.

თ. დადიშქელიანის გენეალოგიური სქემით, დადიშქელიანთა ბოლო უფროსები იყვნენ: ციოყი, ისლამი და ქერიმი⁵.

სხვათა შორის, თ. დადიშქელიანის ხელნაწერებში იხსება აღნიშნული გენეალოგიის სხვა ვარიანტიც, რომლის მიხედვით, პირველი დადიშქელიანია ჩერპლან, შემდეგი (თანმიმდევრობით): ხოშა ისლამ, თენგიზ. ფუთა, ისლამბერარ, ოთარ, სორთმან, დუდაუ და სხვ.⁶

უდავოა, რომ პ. უსლარის მიერ შედგენილი გენეალოგიური სქემა შედარებით სრულყოფილი და სარწმუნოა. ის ყველაზე უკეთ ასახავს დადიშქელიანთა ისტორიას.

⁵ კ. კეკელიძის სახ. ხელნაწერთა ინსტიტუტის არქივით, Ros, ფ. 284, ფურც. 44.

⁶ იქვე.

დადიშქელიანთა (ანუ დადიშქელიანთა) სამთავრო მოიცავდა ჩუბეხეს, ეცერს, ცხუმარს, ლეჩყანსა⁷ და ბეჩოს თემებს (ანუ ე. წ. ბალსქვემო ხევებს).

როგორც აღვნიშნეთ, XVII—XVIII საუკუნეებში დადიშქელიანებსა და რიჩგვიანებს შორის გადამწყვეტი ბრძოლა გაჩაღდა. XVIII საუკუნის შუა ხანებამდე ცხუმარში რიჩგვიანები მძლავრობდნენ, ხოლო ეცერში დადიშქელიანები. ერთი და მეორეც თავგამოდებულ ბრძოლას ეწეოდნენ პირველობისათვის. ჩანს, XVIII საუკუნის პირველ ნახევარში, ცხუმარის გარდა, რიჩგვიანები სახლობდნენ ფარისა და ბეჩოს ზოგიერთ სოფელშიც.

რიჩგვიანებსა და დადიშქელიანებს შორის შუღლი ფართოდ აისახა სეანურ ფოლკლორულ-ეთნოგრაფიულ გადმოცემებში.

ერთი გადმოცემის მიხედვით, ცხუმარის რიჩგვიანთა მეთაურს ერქვა გუგჩა, რომელიც გოლიათური აღნაგობისა და შესანიშნავი შეხედულების კაცი იყო. მას თავის დასაცავად ჰყავდა მრავალი მსახური, რომელთაც ჩრდილო კავკასიაში ნაყიდი ქვემეხიც ჰქონდათ. ეს ქვემეხი ანუ ზარბაზანი შესანიშნავად ისროდა თურმე მიზანში.

გადმოცემა გვამცნობს, რომ ცხუმარის რიჩგვიანებს სამი კოშკი და რამდენიმე სახლი ედგათ, თითოეულ მათგანში დაახლოებით 60—60 მცველი ეყენათ. ამავე გადმოცემით, რიჩგვიანთა უფროს გუგჩასა და მის მეუღლე იმახათს მცველად ჰყავდათ მეზობელ სოფ. ზაგარიდან გახიზნული კაცი, რომელსაც ცოლ-ქმრის დიდი ნდობა დაუმსახურებია, მაგრამ თურმე ოთარ დადიშქელიანის მიერ იყო მოსყიდული. ამ კაცმა გუგჩა დაარწმუნა, რომ ზარბაზანი დაეშალათ და ერთი ადამიანის სახმარი გაეხადათ, რათა მხოლოდ თვითონ მომსახურებოდა. გუგჩას უფიქრია თურმე, რომ ეს ნაკლებ ხარჯებს მოითხოვდა, თანაც თავისი ერთგული კაცის ხელში ასეთი ზარბაზანი ბევრად საიმედო იქნებოდა. ამიტომ მას ბეჩოდან მოუწვევია მკედლები, რომელთაც ზარბაზნის გადაკეთებას ერთი კვირა მოანდომეს. ბოლოს, როცა ქვემეხი გამოსცადეს, გუგჩამ დაინახა, რომ თუ ზარბაზანი ადრე შესანიშნავად ისროდა მიზანში, ახლა კოშკსაც კი ვერ მოახვედრეს.

როდესაც ზაგარელმა კაცმა თავისი ვერაგული მისია შეასრულა, ის ოთარ დადიშქელიანთან გაიპარა და ახარა, რომ ზარბაზანი უკვე გაფუჭებული იყო, თან ანუგეშა და წააქეზა — ახლა თქვენ გაიმარჯვებთო.

7 ლეჩყანში შედიოდა სოფლები: ქართვანი, დოღა და ჰკიდანარი, რომლებიც შემდეგ ბეჩოს თემს შეუერთდნენ.

გახარებულმა ოთარმა რიჩგვიანების დასაზვერად თავისი მსახურები წაიყვანა, მაგრამ შენიშნა, რომ გზებსა და ხიდეებზე ყველგან დარაჯები იყვნენ ჩაყენებული. ამიტომ დაზვერვის საშუალება მხოლოდ დაღამების შემდეგ ჰქონდა. მტერს რომ არაფერი გაეგო — ოთარის კაცები იძულებული იყვნენ მდინარეზე ჰოკები გადაედოთ, რათა ასე შიახლოვებოდნენ რიჩგვიანების სასახლის მისადგომებს. ეს ამბავი გუგჩამ შეიტყო და თავის მეუღლე იმახათს უთხრა: ჩვენი საქმე ცუდად არის, რადგან დადიშქელიანი მოგვეძალა და ქვემეხიც გაფუჭებული გვაქვსო.

გუგჩა მიხვდა, რომ ყველაფერი ოთარის მოხერხება იყო, მიხვდა, რომ მარტო ვერაფერს გახდებოდა, ამიტომ ლატალისკენ გასწია და ხმარების სათხოვნელად. მაგრამ გზა გაყინული აღმოჩნდა, გუგჩას ფეხი აუსხლტა და რივენში (ენგურში) გადაეშვა.

ამ დროს ოთარის მსახურები მდინარეზე ჰოკებს დებდნენ, მათ წყალში შენიშნეს რაღაც შავი, რომელიც წყალმა მათკენ წაიღო. როცა წყალწადებული მდინარის ნაპირზე გადმოათრიეს, იცნეს, რომ ის გუგჩა იყო. რაკი ოთარმა თავისი მეტოქე ჩაიგდო, მალე პირდაპირ იერიშზე გადავიდა და გუგჩას მთელი სასახლე დაიპყრო, თუმცა იმახათი გაქცა და ლატალში წავიდა⁸.

ძნელი გასარკვევია, თუ XVIII ს. დასასრულსა და XIX ს. დასაწყისში დადიშქელიანის რამდენი კომლი სახლობდა სვანეთში (ჩუბე-ზევში) და რა ოდენობის ყმა-მამულს ფლობდა თითოეული მათგანი. დადიშქელიანთა მიერ ურთიერთსაწინააღმდეგო საჩივრებიდან ჩანს, რომ ისინი სამ ჯგუფად იყოფოდნენ: ოთარშერებად (ოთარის შთამომავლებად), სორთმანშერებად (სორთმანის შთამომავლებად) და დუდაუშერებად (დუდავის შთამომავლებად). ჩანს, დადიშქელიანები თანდათან გამრავლდნენ, თუმცა, ფაქტობრივად, ყველანი ერთიმეორის ნათესაეები იყვნენ.

დადიშქელიანები, რიჩგვიანების გარდა, დანარჩენ პრივილეგირებულ გვარეულობებსაც დაუპირისპირდნენ, მაგრამ ერთიმეორესაც არანაკლებ ეჭიშპებოდნენ. ბრძოლის ცენტრში ხოჩა ოთარის შვილები, როსტომხანი და თენგიზი იდგნენ. ძმათა შორის ბრძოლაში თენგიზი დამარცხდა, მაგრამ მისმა შვილებმა — ბაბა ციოყმა (+ 1812 წ.), გელამ და ჯამბულათმა — ძლიერ როსტომხანის შვილებს — ოთარსა და ჯანსულს, ხოლო ბაბა ციოყის შვილებმა — თენგიზმა, ჯანსულმა და გელამ — სასტიკად დაამარცხეს როსტომხანის შვილები. თვით როსტომხანის შვილიშვილებიც — ოთარო და თათარყანიც — ერთიმეორეს გადაეკიდნენ, რაც თათარყანის მოსპობით დამთავრდა. სამა-

⁸ სვანური პროზაული ტექსტები, II. თბ., 1957, გვ. 81—82.

ვიეროდ ოთარის მკირეწლოვანი ვაჟიშვილები ბაბა ციოყის შვილმა — თათარყანმა (ნაკოლოზად წოდებულმა) — დახოცა.

საბოლოო ჯამში, როსტომხანის შთამომავალმა მხოლოდ მეოთხე თაობამდე მიაღწია (მისი უკანასკნელი ნაშვირი — შვილიშვილის შვილთაშვილები ისლამი და ქერიმი (ყერიმი) — სენენიდან გააძევეს), ლეჩხუმში დასახლდნენ, სადაც საბოლოოდ გადაშენდნენ.

ჩანს. ძმათაქველ (შინაფეოდალურ) ომში ყველაზე მეტი ძალა ბაბა ციოყის მემკვიდრეებს (ექვს ვაჟიშვილსა და მათ მემკვიდრეებს) აღმოაჩნდათ. მათ მეთოდურად და თანდათანობით შეაფიწროვეს არა მხოლოდ სხვა მეტოქეები (რიჩგვიანები და სხვ.), არამედ თანამომკვებიც — უშუალო წინაპრის. ხომა ოთარის ძმების — სორთმანისა და დუდავის — შთამომავალიც (სორთმანის მემკვიდრეებმაც მხოლოდ მეოთხე თაობას მიაღწიეს, დაახლოებით ასევე დუდავისაც).

ბოლოსდაბოლოს, XIX ს. პირველ მეოთხედში მთელ ბალსქვემო თემებს ბაბა ციოყის შთამომავალი დაეუფლა (მთავრის უფლებებში). რუსეთთან შეერთების პერიოდში დადიშქელიანთა ორი საბლი გამოჭრილდა. ერთს ბაბა ციოყის უფროსი შვილის, თენგიზის შვილიშვილი ციოყი (მოსოსტრის ძე + 1821 წ.) ეღვა სათავეში, მეორეს თენგიზის ყველაზე უმცროსი ძმა თათარყანი.

აღნიშნულთა გარდა, ჩუბე ხეეში (ეცერში, ცხუმარსა და ბეჩოში) დადიშქელიანთა რამდენიმე ოჯახი ცხოვრობდა, მაგრამ ყველა მათგანს მხოლოდ რიგითი მემამულის უფლებები ჰქონდა და ამდგვარად ფლობდა თავის ყმა-მამულს.

დადიშქელიანთა უფროსი შტო განაგებდა მამულს ფარიდან დაწყებული (ჩუბე ხეეებს) ვიდრე სამეგრელოსა და აფხაზეთ-ყარაჩაი-ბალყარეთის საზღვრებამდე, დაახლოებით 40-მდე სოფელს, ხოლო ამდენივეს უმცროსი შტო.

რაც შეეხება დადიშქელიანთა სამფლობელოს მოსახლეობის რაოდენობას, მასზე ცნობები ერთგვაროვანი არ არის, მაგრამ ზოგადი რაოდენობის დადგენა მაინც შესაძლებელია.

ერთ-ერთი ცნობით, რომელიც XIX ს. პირველ მეოთხედს ეხება, დადიშქელიანთა სამთავროში სულ 11 ათასამდე სული ცხოვრობდა. მეორე ცნობით, რომელიც ფინანსთა მინისტრის კანკარინის ხელში მოხვდა (როზენის მეოხებით) დადიშქელიანთა საბატონოში 9 ათასამდე სული ითვლებოდა (აქედან 4000-მდე ციოყის, ხოლო 5000 თათარყანის)⁹.

სხვათა შორის, კავკასიის სამხედრო კორპუსის 1830 წლის მონაცემით (გენერალ-ფელდმარშალ ვარშავსკისადმი რაპორტით), დადიშქელიანთა სამფლობელო 12 ათასი სულისაგან შედგებოდა, აქედან

⁹ ЦГИАЛ, ф. 561, д. 141, л. 14—16.

ციოყის (შემდეგში მიხაილად წოდებულის) სამფლობელოში 7 ათასი სული, თათარყანის (ნიკოლოზად წოდებული) — 5 ათასი. აქვეა დასახლებული ე. წ. თავისუფალი სვანეთის მოსახლეობაც — 8 ათასი სული და ე. წ. სადადიანო სვანეთისაც — 5 ათასი¹⁰. როგორც ვხედავთ, სულ მთელი სვანეთი 25 ათასი სულისაგან შედგებოდა.

დადიშქელიანთა ფეოდალური სახლების მფლობელობაში არსებული ყმა-გლეხობის რაოდენობაზე, დაახლოებით, მსგავს ციფრებს გვაწვდის სვანეთის საქმეებში გათვითცნობიერებული გენშტაბის წარმომადგენელი — შტაბ-კაპიტანი შახოვსკი (ის XIX ს. 30-იან წლებში ორჯერ იყო სვანეთში), რომლის მონაცემებით, ციოყის სამფლობელოში 500-მდე, ხოლო თათარყანისაში 760-მდე კომლი ცხოვრობდა¹¹. თუ ვივარაუდებთ, რომ ოჯახის წევრების რაოდენობა საშუალოდ 8 სულს უდრიდა, გამოვა, რომ დადიშქელიანთა სამფლობელოში სულ 9—10 ათასი სული ცხოვრობდა, რაც მიახლოებით სწორი უნდა იყოს.

უნდა ვივარაუდოთ, რომ სვანეთის, კერძოდ, დადიშქელიანთა სამფლობელოს მოსახლეობა, XIX ს. 30-იან წლებთან შედარებით, XIX ს. დასაწყისში უფრო მრავალრიცხოვანი იყო, რადგან მაშინ დადიშქელიანთა კუთვნილი გლეხობა კავკასიის ქედის ჩრდილოეთითაც (ბახსანში და სხვაგან) ცხოვრობდა; ამასთან, XIX საუკუნის პირველ მეოთხედში (განსაკუთრებით 1811—1812 წწ.) დასავლეთ საქართველოში გავრცელებულმა ინფექციურმა დაავადებამ სვანეთშიც ბევრი ადამიანი იმსხვერპლა. ეტყობა, ამის გამო სვანეთის მოსახლეობა ძალზე შემცირდა. ეს ჩანს იქიდან, რომ XIX ს. შუახანებში დადიშქელიანთა სამფლობელოში მხოლოდ 460 კომლი ცხოვრობდა (ჩუბხევი — 115, ეცერში — 171, ფარში — 79, ბეჩოში — 84)¹².

კამერალური აღწერის მასალებით, ზემო სვანეთში XIX ს. 60-იან წლებში სულ 10050 სული ითვლებოდა (5968 მამრ. და 4086 მდედრ. სული), აქედან ნახევარზე ნაკლები დადიშქელიანთა სამფლობელოზე მოდის¹³.

XIX ს. პირველი ნახევრის ზემო სვანეთში მრავალი სოფელი განადგურდა. მაგალითად, საქმეში ჩახედული სვანეთის მკვიდრის ი. მარგიანის ცნობით, „სვანეთში ბევრ ალაგას შეხვდებით სახლების ნან-

¹⁰ ЦГВИА, ВУА, д. 18505.

¹¹ ЦГИАЛ, ф. 561, д. 141, л. 16.

¹² Тепцов В. Я. СМОМПК, вып. X, отд. I, с. 36.

¹³ Сельское хозяйство и аграрные отношения, т. II, сост. проф. П. Гугушвили, Тбилиси, 1950, 414.

გრეკებს და მიტოვებულ პატარა სოფელს, რომელთა განადგურება-
დაცარიელებას 1812 წლის „უამს“ მიაწერენ¹⁴.

სვანეთის მოსახლეობის შემცირება მიგრაციასაც უნდა გამო-
ეწვია, მაგალითად, XIX ს. შუახანებში აფხაზეთის სვანეთში 100-მდე
კომლი გადასახლდა.

3. დაღწევილიანთა სამთავროს შეერთება რუსეთთან

როგორც ცნობილია, საქართველოს პოლიტიკური დაშლის შემდეგ
ცალკეული ერთეულები დიდხანს განაგრძნობდნენ არსებობას, მათ
შორის სვანეთიც, რომლის ნაწილში დადიშქელიანთა სამთავრო ჩა-
მოყალიბდა.

ცნობილია აგრეთვე, რომ რუსეთს ჯერ აღმოსავლეთ საქართვე-
ლო შეუერთდა, შემდეგ სამეგრელოს სამთავრო, იმერეთის სამეფო
და აფხაზეთის სამთავრო.

ცხადია, სვანეთის სამთავროს (დადიშქელიანთა სამფლობელოს)
და მთელი ე. წ. ზემო სვანეთის ჯერიც დადგა. რაც შეეხება ე. წ. ქვე-
მო სვანეთს, ანუ ცხენისწყლის ზემო წელში განლაგებულ სვანეთს,
რაკი ის დადიანს ექვემდებარებოდა, ამიტომ სამეგრელოს (ოდიშის)
სამთავროსთან ერთად შეიერთა რუსეთმა. როგორც ცნობილია, ზემო
სვანეთი არცთუ ისე იოლად დაიმორჩილა თვითმპყრობელობამ. საქმე
იმაშია, რომ ის საკმაოდ გამიჯნული იყო დასავლეთ საქართველოს სხვა
პოლიტიკური ერთეულებისაგან და ძნელად მისაღწევ მთებში მდებ-
არებოდა.

ცარიზმმა გამოცდილებით იცოდა, რომ მთიელები შედარებით
თავისუფლად ცხოვრობდნენ და არცთუ ისე იოლად ნებდებოდნენ
სხვას. თუმცა, რაკი დასავლეთ საქართველოს უდიდესი ნაწილი უკვე
ცარიზმის ხელში იყო, ამიტომ მისი დამოუკიდებელი არსებობა მას
დიდ საფრთხეს არ უქადდა, მით უფრო, რომ სვანეთი კავკასიის მთე-
ბის სიღრმეში მდებარეობდა და შორს იყო რუსეთისათვის სასიცო-
ცხლო-სამომოსვლო გზა-მაგისტრალებიდან (რუსეთის საგარეო პოლი-
ტიკაში პირველხარისხოვან როლს შავი ზღვა და მისკენ მიმართული
გზები ასრულებდნენ).

ყოველივე ამის გამო, სვანეთის დამოუკიდებელი არსებობა ცა-
რიზმს მაინცდამაინც ისე არ აღეგებდა. ჯერჯერობით ყველაფერა
შავი ზღვის სრუტეების პრობლემას ეწირებოდა.

როგორც კი რუსეთ-თურქეთისა და რუსეთ-ირანის ომები დაძ-
მავრდა, ცარიზმმა თავისი ყურადღება მიაპყრო კავკასიის მთიანეთს,

¹⁴ ეთნოგრაფიული წერილები, თბ., 1973, გვ. 160—161.

კერძოდ, სვანეთსაც. მან კარგად იცოდა, რომ კავკასიის მტკიცე დაუფლებიანათვის აუცილებელი იყო ჭერ კიდევ თავისუფალი მთიელების დამორჩილება.

სხვათა შორის, მეფის თვითმპყრობელობის ზოგიერთი მოხელე სვანეთს დასავლეთ კავკასიის სტრატეგიული პლაცდარმის მნიშვნელობას ანიჭებდა. გენერალური შტაბის ოფიცრის შახოვსკის აზრით, სვანეთის ხელში ჩაგდებათ რუსეთს შეეძლო იმერეთის, სამეგრელოს, აფხაზეთისა და სხვა მეზობლების თავის კონტროლის არეში მოქცევა სამხედრო მოხელის პოლკოვნიკ უსლარის მტკიცებით, რომელსაც კავკასიის არმიის სარდლობაც იზიარებდა, სვანეთი არა მარტო დასავლეთ საქართველოს, არამედ ყაზარდო-ბალყარეთისა და ყარაჩაის სტრატეგიული დასაყრდენიც იყო¹⁵.

ცხადია, სვანეთის დაკავებას გარკვეული მნიშვნელობა ჰქონდა კავკასიის მთიელთა საერთო მოთხოვნათვის, მაგრამ მისთვის ისეთი უდიდესი მნიშვნელობის მინიჭება, როგორც ამას მეფის ზოგიერთი სამხედრო მოხელე ეარაუდობდა, უთუოდ საქმის გაზვიადება იყო.

ზემო სვანეთის შეერთებაში თვითმპყრობელობა თავდაპირველად სამეგრელოს მთავრის ლევან დადიანის გამოყენებას ცდილობდა. ამ უკანასკნელმა შუამავალის როლი იკისრა, მაგრამ წარმატებას ვერ მიაღწია.

თვითმპყრობელობის არაერთგზის ცდა ზემო სვანეთი მშვიდობიანი გზით მიეღო თავის ქვეშევრდომობაში, XIX ს. 20-იან წლებში მარცხით დამთავრდა. სხვათა შორის, ამ მისიაში, გარდა დადიანებისა, იმერეთის, ლეჩხუმისა და რაჭის მფლობელებიც და ეკლესიის წარმომადგენლებიც მონაწილეობდნენ.

როგორც ჩანს, კავკასიის ომის გამო, რომელიც მეოთხედი საუკუნე გრძელდებოდა, მეფის მთავრობა სვანეთში საქმის გართულებას ერიდებოდა, ძალა არ გამოუყენებია.

XIX ს. 30-მან წლებში კავკასიის სამხედრო კორპუსის სარდალმა, გენერალ-ფელდმარშალმა პასკევიჩმა სვანეთის დაზვერვა და საჭირო ცნობების შეგროვება გენერალ-მაიორ გესეს დაავალა. მეფის მოხელეებმა სვანეთის მშვიდობიანი დამორჩილების გეგმაც შეადგინეს (პრივილეგიებისა და საჩუქრების დაპირებით). სხვათა შორის, მეფის მოხელეებს ამ საქმეში ადგილობრივი აზნაურებიც ჩაუბამთ (კერძოდ იოსელიანები, დევდარიანები, ქურდიანები, ჭაფარიძეები, გოშთელიანები, ჩარკვიანები და ჟორჯოლიანები, სულ 49 აზნაური)¹⁶.

¹⁵ Акты собранные Кавказской археографической комиссией, т. VIII, 455; Т. XII, 369.

¹⁶ ე. გაბლიანი. ძველი და ახალი სვანეთი. თბ., 1925, გვ. 73.

მართალია, კავკასიის ადმინისტრაციამ მთელი ზემოსვანეთის შეერთება ვერ მოახერხა, მაგრამ ერთიმეორეს მოჭიშპე დადიშქელიანთა მესვეურების თანხმობას მაინც მიაღწია.

რუსეთის ქვეშევრდომობაში შესვლისა და სათანდო აქტის გაფორმების მიზნით თბილისში მიღის დადიშქელიანთა ერთ-ერთი სახლს უფროსის — მოსოსტრის (+1821 წ.) — ქვრივი დიგორხან გარდაფხაძე-დადიშქელიანისა, რომელმაც თავისი ვაჟიშვილის ციოყის სახელით საქართველოს მთავარმართებელს გენერალ-ადიუტანტ ბარონ როზენ პირველს წერილობითი პირობა დაუდო, რომ ამიერიდან ჩუბეხევის მფლობელი რუსეთის ქვეშევრდომობას იღებდა¹⁷.

მართალია, დადიშქელიანთა მეორე სახლის მეთაურმა თათარყანმა (ციოყის ბიძამ, აწ გარდაცვლილ ძმებს შორის ყველაზე უმცროსმა) მეფის მოხელეებთან მოლაპარაკება უფრო ადრე დაიწყო იმ მიზნით, რომ ის დადიშქელიანთა ერთადერთ უფროსად ეცნოთ, მაგრამ რაკი ამისი პირობა ვერ მიიღო, თავისი სურვილის მიღწევის მიზნით საქმეს აჭიანურებდა. თუმცა, რაკი დიგორხანის გადაწყვეტილება შეიტყო და თავისი ვერ გაინაღდა, იძულებული გახდა რუსეთის ქვეშევრდომობის მიღებას დაეახლებულიყო.

1833 წლის აპრილში ციოყმა, ხოლო მაისში თათარყანმაც გააფორმა რუსეთის ქვეშევრდომობის აქტი და „სათხოვარი პუნქტები“.

ციოყ (მიხაილად წოდებული) დადიშქელიანის „სათხოვარ პუნქტებში“ ჩამოთვლილი იყო ყველა პირობა, რაც, ერთი მხრივ, თვითონ და, მეორე მხრივ, თვითმპყრობელობას უნდა შეესრულებინა. აგრეთვე ის უფლებები და პრივილეგიები, რაც ციოყს ენიჭებოდა რუსეთის ქვეშევრდომობის მიღებით:

«Просительные пункты».

Сванетского князя Циоха Дадшкелнани, удостоенные Высочайшего утверждения.

I

Я нижепоименованный князь Циох Мисустров, сын Дадшкелнани, один из владетелей Сванетцев, храброго и в древности славного народа и законный владелец оного; от дня подписки сего акта, по совершенни клятвенного обещания по обряду, предаю себя со всем моим настоящим и будущим потомством и со всеми моими владениями¹⁸, лежащими меж Кав-

¹⁷ АКАК, т. VIII, с. 493.

¹⁸ У князя Татархана оговорено: «Мне в собственность независимо от другого соседственного мне владетеля, князя Циоха Мисустрова, сына Да-

казских гор на вершинах рек Ингура, Баксани, граничащими с большою Кабардою, Аланию, Мингрелию и Рачинским округом, в вечное и верное рабство и поданство Высочайшей Всероссийской Державы, ныне счастливо царствующему, Всепресветлейшему, Державнейшему государю императору Николаю Павловичу, самодержцу всея России и Его Императорского Величества Всероссийского престола Наследнику Его Императорского Высочества, Государю Цесаревичу, Великому Князю Александру Николаевичу и Высоким Его приемникам.

2

Да благостью Его Императорского Величества Всемилостивейшего моего Государя и повелителя, предоставлено будет мне, сыну моему и всему моему потомству по старшинству колена пользоваться правами и преимуществами владетеля со всеми обязанностями верноподанного раба Всероссийского Государя Императора, яко верховного моего и присмников моих Великого Государя и повелителя, на что да буду очастливлен Высочайшею Его Императорского Величества Грамотою. —

3

Да милосердием Его Императорского Величества Всемилостивейшего моего Государя и повелителя, предоставлены будут мне и приемникам моим суд и расправа во владении моем по делам гражданским, исключая уголовных по смертоубийству или измене, в каковых случаях обязываюсь преступников представлять всегда ближайшему Российскому Начальству для поступления с ними по законам.

Маловажные же поступки, у горцев таковыми почитаемые, воровство, грабж и побой от одного другому причиняемый, да позволено будет мне наказывать по прежнему до времени, пока подвластные мне Сванетцы выйдут из полудикого состояния и ознакомятся с законами и обычаями Российскими. —

4

Да силою Высокославного оружия Его Императорского Величества Всемилостивейшего Государя моего и повелителя ограждены будут земли и народ мне принадлежащие, в случае

дешкетана, принадлежащими, которые находятся в смежности с владением сего последнего».

надобности в такой защите от могущих быть внешних врагов моих. —

5

Да от щедрот Его Императорского Величества Всемилостивейшего Государя моего и повелителя, не оставлен я буду некоторою частью дохода в случае разрабатывания во владении моем золоты, серебряных или иных каких руд. —

6

Во взаимность вышесказанных моих просьб к его Императорскому Величеству Всемилостивейшему моему Государю и повелителю, я ниже поименованный с присмниками моими обязуюсь от Его Императорского Величества постановленным, как то Главноуправляющему Грузии, или кто от него из Генералов или других чиновников будет прислан повиноваться во всем, якобы зерноподанный раб Всероссийскому Государю Императору, и всеми зависящими от меня мерами стараться склонить к поступлению в вечное рабство и поданство и неподвластных мне племен Сванетского народа, в горах обитающего. —

7

Я с преемниками моими обязуюсь Российским войскам, если бы они пришли в мое владение, способствовать к выстройке домов или временных саклей и доставлять дрова безденежно. —

8

Я с преемниками моими обязуюсь оным войскам доставлять ячмень, по неимению пшеницы и других зерновых хлеба и сена за цены умеренные, стараясь всеми мерами по всеподданнейшему моему усердию, чтобы недостатка ни в чем не было, сколько способны земли то дозволяют. —

9

Я с преемниками моими обязуюсь, в случае отыскания и разрабатывания руд Российскими художниками доставлять по

возможности число рабочих за цену от горного начальства определению. —

10

В доказательство чистосердечного верноподданнического моего усердия, залогом верности к Всемилостивейшему моему Государю, я ныне же представил сына моего князя Бесирбея Дадишкелиани Сванетского Его Императорского Величества Генерал-Адъютанту Барону Григорию Владимировичу Розену I-ому для оставления его в Тифлисе. —

11

Прибегая к неизреченному милосердию Его Императорского Величества Всемилостивейшего Государя моего и повелителя, осмеливаюсь всеподданнейше просить в знак Высочайшего благоволения ко мне, осчастливить владельческий дом мой пожалованнем мне Грамоты и знаков отличия по благоусмотрению Правительства, которые бы оставались в роде моем навсегда. —

12

По Высочайшей конфирмации сих пунктов, я прошу точную с оных копию, за свидетельством Главноуправляющего Грузией Генерал-Адъютанта Барона Розена I-го, сообщить мне для хранения в доме моем.

В заключение всего моего обещания, я за свое лицо и за всех преемников моих утверждаю сие мое всеподданнейшее моление к Его императорскому Величеству приложением собственной руки моею, предавая все на благоусмотрение Великого императора Всемилостивейшего Государя моего и повелителя. —
подп. Ген.-Адъютант¹².

ასეთივე „სათხოვარი პუნქტები“ გაფორმდა თათარყან დადიშქელიანზეც, ოღონდ იმ განსხვავებით, რომ ციოყის „სათხოვარ პუნქტებში“ აღნიშნულია მისი სამფლობელოს საზღვრები, კერძოდ: ყაბარდო, ალანეთი, სამეგრელო და რაჭა. აქვე ნათქვამია, რომ ციოყის სამფლო-

¹² ЦИАЛ, ф. 1268, оп. 9, д. 64, л. 85—90.

ბელო მოქცეული იყო მდინარეების—ენგურისა და ბახსანის²⁰ — ხეობებში. რაც შეეხება თათარყანის „სათხოვარ პუნქტებში“ არც სამფლობელოს კონკრეტული დასახლება და არც მისი საზღვრები არ ჩანს, მხოლოდ ზოგადადაა ნათქვამი, რომ მის სამფლობელოს, ერთი მხრივ, ციოყის (მიხაილის) სამფლობელო ეკვროდა. მეორე მხრივ ე. წ. თავისუფალი სვანეთი.

სათანადო აქტის („სათხოვარი პუნქტების“) ოფიციალური გაფორმების შემდეგ დადიშქელიანთა ორივე სახლის მეთაურმა მიიღო მეფის სიგელები და ხელისუფლების ნიშნები. ამასთან დაკავშირებით თათარყანის (ნიკოლოზად წოდებულს) სახელზე შედგენილ საბუთში ნათქვამია:

На титуле

«Нам любезно верноподанному Сванетскому князю Татархану Дадишкелян. Наша Императорская милость и благоволение из донесения Нашего Генераль-Адъютанта Генераль от Инфантерии Барона Розена. Мы с удопльствием усмотрели, что Вы учинили присягу в непоколебимой верности Вашей, к Высочайшему Нашему Престолу, а потому, снисходя на прошение Ваше утверждаем и признаем Васъ, Нашего любезного верноподанного Князя Татархана, Правителем зависящей ныне от Вас части Сванетов, под верховным покровительством, державою и защитою Российской Империи, и приемля Васъ с домом Вашим в число наших верноподанных на основании пунктов, представленных Вами помянутому Генералу Барону Розену, обещаем Вам и всем приемникам Вашим, которые будут удостоены и признаны от нас звания и Нашу Императорскую милость и благоволение. В ознаменованне же достоинства Вашего, жалует Вам саблю и кинжалъ украшенные драгоценными камнями, которые пребудут в роде Вашем знаком Всемилостивейшего Нашего к Вам благоволения. За сим, поручая Вам управлять зависящею от Вас частью Сванетского народа, с кротостию и правосудием надеемся мы, что Вы и Наследники Ваши, как в преданности к нашему престолу, так и в точном исполнении обязанностей Ваших пребудут непоколебимы— Во упование и в залог Монаршей Нашей к Вам и Сванетскому народу милости дано сия Наша императорская Грамота за собственноручным Нашим подписанием и с приложением Государственной печати в престольном Нашем Граде

²⁰ როგორც ჩანს, XIX ს. 30-იან წლებში დადიშქელიანთა უფროსი შტო მიწა-წყალ ფლობდა კავკასიის მთავარი ქედის ჩრდილოეთითაც, კერძოდ, ბახსანის ხეობაში (ასეთი სურათი ჩანს დეგორხანის საჩივარ წერილში კავკასიის ადმინისტრაციისადმი), მაგრამ შემდეგში ეს ტერიტორიები დაკარგეს.

«Святого Петра, Декабря 26 дня в лето от Рождества Христова 1833, царствования же Нашего в девятое. Наподлинной собственною его императорского Величества рукою подписано Николай»²¹.

როგორც ვხედავთ, დადიშქელიანთა ორივე სახლის უფროსებს (ციოყს — მიხაილად და თათარყანს — ნიკოლოზად წოდებულს) 1833 წ. დეკემბერში (გარდა დამტკიცებული «სათხოვარი პუნქტების») ებოძათ სიკვლები და ხელისუფლების ნიშნები, ძვირფასი ხმლები და ზანჯლები (ბრილიანტებით გაწყობილი).

ამიერიდან ციოყი და თათარყანი სვანეთის მფლობელებად («ელადეტელი სვანეთი») იწოდებოდნენ, მთავრის უფლებებში. ხელისუფლების ნიშნების გადაცემისთანვე ორივე მფლობელს მაიორის ჩინი ებოძა²².

მეფის თვითმპყრობელობის მიერ დადიშქელიანთა სამთავროს ორ სათავადო სახლად დაყოფის ოფიციალური ცნობის შემდეგაც არც ერთმა მხარემ არ შეწყვიტა პირველობისათვის ბრძოლა. განსაკუთრებულ სისასტიკეს იჩენდა თათარყანი, რომელიც, მართალია, უმცროსი შტოს მეთაური (თავადი) იყო, მაგრამ ბაბა ციოყის ექვს ვაჟიშვილთაგან (ჩანსული და ლევანი თანამომხმეებთან ბრძოლაში დაიღუპნენ) ცოცხალი მხოლოდ თვითონ თათარყანი იყო და იგი, როგორც უხუცესი, მთელ დადიშქელიანთა მეთაურობას ესწრაფოდა. იგი არა მხოლოდ დაპირისპირებულ — უფროსი შტოს — მეთაურს ებრძოდა, არამედ დადიშქელიანთა სხვა ოჯახებსაც, რომელთაც პირველობის პრეტენზია არ ჰქონდათ.

დადიშქელიანთა შინა არეულობით სარგებლობდნენ მათი ზოგიერთი მოსახლერე მფლობელებიც, ისინი ავიწროებდნენ დადიშქელიანებს, ზოგჯერ საძოვრებსაც სტაცებდნენ, ანდა უარს ეუბნებოდნენ ამ საძოვრების სარგებლობისათვის დაწესებულ ჭირაზე (იჯარაზე).

თავის მხრივ, მეფის მოხელეები ნაკლებად იწუხებდნენ თავს დადიშქელიანთა ინტერესების დაცვაზე. მაგალითად, კავკასიის მმართველობამ 1834 წელს დადიშქელიანების საქმეების მოსაგვარებლად სვანეთში მიაღწინა გენერალური შტაბის ოფიცერი შახოვსკი, რომელსაც დაეალებული ჰქონდა მოდავე სამეგრელოს, წებელდის, ყარაჩაისა და ბალყარეთის საზღვრების მოწესრიგება (ამასთან, შახოვსკის დაევადა მოლაპარაკება გაემართა ბალსზემო სვანეთის აზნაურებთან რუსეთის ქვეშევრდომობაში შესვლაზე).

შახოვსკის მეშვეობით დადიშქელიანებს საკმაოდ დიდი ტერიტორიები ჩამოეჭრათ, შვალითად, სამეგრელოს მხრიდან — ცხვიშვაგა-

²¹ ЦИНА.Т. ф. 1268, т. II, 9, д. 64, л. 82—84.

²² АКАК. т. VIII, с. 380, 465, 466.

რიდან (ჯვართან) მდ. ეცამდე, ტყაბედნიერამდე და ბოგურჯელამდე (სამხრეთ-დასავლეთით დაახლ. 25 ვერსი); ყარაჩაის მხრიდან — კავკასიის მთავარ ქედამდე („ლაბგვიაროდან“), ყაბარდოს მხრიდან — კავკასიის მთავარ ქედამდე (ნაქმუკვარი, თეგენეის მთა და ჩეგემი).

ამასთან დაკავშირებით ციოყის (მიხაილის) დედა („მთავრინა“) დიგორხანი საპროტესტო საჩივარს წერს ბარონ როზენის სახელზე, რომელშიაც ნათქვამია:

„სვანეთის მამული დღემდის ყოფილა ქუეშე ჩვენსა და არისცა. მათ მამულთა საზღვრავს ჩერქეზების მხრიდან მთა თეგენეი და ყარაჩაების მხრით არის საზღუარი, სადაც დასრულდება ვაკე ჯლაგი, რომელსაც ეწოდების ლაბგვიარი და ეს ლაბგვიარი არის ჩვენი და იმას იქეთ ყარაჩაელთა, ხოლო სამეგრელოს მხრივ საზღვრავს ჩუნენსა მამულსა მთა, წოდებული ცხვიმზაგელად („ცხვიმზაგარ“ — გ. გ.)“²³.

დიგორხანი როზენს წერდა, რომ ჩერქეზების (იგულისხმ. დღევანდელი ბალყარეთის ტერიტორია, რომელიც ყაბარდოს ხელში იყო) მოსაზღვრე ბახსანში მცხოვრები გლეხები მათი საკუთარი ყმები იყენენ, რომ ამჟამად ბახსანში მოსახლე მიჩაყულა (ისმაილის ძე) ვერსპილოვი დიდი ხანი არ არის რაც აქ ჩასახლებულა, ხოლო ამ ხეობის მკვიდრი მოსახლეობის ნაწილი (დადიშქელიანების ყმები) შვეჟირს ამოუწყვეტია, ნაწილიც ციოყს გადმოუსახლებია (ამ ადამიანებმა დღესაც იციან თავიანთი ნამოსახლარი) სვანეთის სოფლებში — დეშდერსა (ე. ი. ფარის თემში) და ლაშხრაში (ეცერის თემში). აქვე ნათქვამია. რომ ბახსანის მოსახლეობა დადიშქელიანებს ემსახურებოდნენ ბატონყმური წესით (ვითარცა საკუთარი ყმები), იცავდნენ საზღვრებს და სხვ.²⁴

წერილში ასევე აღნიშნულია, რომ კავკასიის ჩრდილოეთით — მთავარი ქედიდან ლაბგვიარამდე — საძოვრები დადიშქელიანების ხელში იყო „ყარაჩელნი როდესაც მოიხმარებდნენ მამულსა ჩვენსა ლაბგვიარად წოდებულსა და ანუ სხვისი პირუტყვისა საძოვრელად გვაძლევდნენ თვინიერ ყოვლისა უარის ყოფისა შესახვედრსა საბალახოსა, რაიც შეხუდებოდათ ჩეულების მიერ“²⁵.

საჩივარში ნათქვამია, აგრეთვე, რომ „სამეგრელოს მხრიდან ოდეს გარდმოვლენ იქაურნი მცხოვრებნი ხსენებულსა მთასა ცხვიმზაგელასა. მაშინ იმათ ვართმევთ პირუტყვისა თვის საბალახოსა და სხუა, რაც სამსახურსა. ამა საზღვრებსა იქეთ მდებარეობს სოფელი ჯვარი,

²³ ЦГБИА, ф. 792, л. 1; ე. გაბლიანი, თეოსოფალი სვანეთი, თბ., 1927, გვ. 47-51.

²⁴ ЦГБИА, ф. 792, л. 1.

²⁵ იქვე: ე. გაბლიანი, დასახლებული შრომა, გვ. 50.

რომელიც არის და ეკუთვნის თავად დადიანს... ერთხელ გადმოსულიყო ამა საზღვარსა გარდაცვალებული გიორგი დადიანი ცოლით და შვილებით და გაეკეთებინა კოშკი და დამდგარიყო მუნ, თვინიერ დაკითხვისა ჩუენისა და ოდეს ჰკენს ქმარმან ჩემმან მოსოსტრმა (+ 1821 წ.) და მურზაყანმა (მოსოსტრის უმცროსი ძმა) იმავე დროს განდევნეს იქიდან და დაუქციეს კოშკი იგი. რომელსაც არა უარს ყოფენ შვილნი მისნი გიორგი დადიანისანი კაცია და ვამეყი. რომელნიცა ამჟამად ისინიცა იყუნეს იქ თავის ცოლებით და შიღ რაოდენსამე წლისა თხოვნითა მათ დადიანთა, რადგანაც არს მამული იგი საჭირო მათის სოფლისა ჭვარისათვის. მივეციოთ ნება, რათა იზმარონ მათ და მისთვის გვაძლევენ ჩუენ პირუტყვისა თვისა საბალახოსა და თაფლსა, რადგანაც იმ ჩუენ ხმელში კეთილობს ფუტკარი²⁶.

საჩივარში ნათქვამია, აგრეთვე, რომ დადიშქელიანებს ცხვირზე-გარს იქეთ ჭვარშიც ჰყავდათ ყმები, რომლებიც გრიგოლ დადიანს სევანეთის მთავრის თენგიზისათვის (ბაბა ციოყის მამისათვის) მიუცია იმერეთის მეფე სოლომონ მეორის წინააღმდეგ ლაშქრობაში დახმარებისათვის (ლაშქრობაში დახოცილთა სამაგიეროდ).

დაბოლოს, დიგორხანი ბარონ როზენს წერდა: „გვიბოძეთ წერილი თქუენი ხელის მოწერით ესრეთ რომელ რაიცა დღემდის ყოფილ იყო სამფლობელოსა ქუეშე და გვესარგებლინოს მითი იგი მიგველოს და აღწერილობა კნიაზ შახოვსკისა მოიშალოს...“²⁷.

როგორც ე. გაბლიანი შენიშნაუს, დიგორხანის კანონიერი საჩივარი მეფის მთავრობას ყურად არ უღია. ამიტომ დადიშქელიანებმა გადაწყვიტეს საკუთარი ძალღონით დაეცვათ თავისი საზღვრები²⁸.

როგორც საარქივო მასალიდან ჩანს, ჩუბეხევის მფლობელებს დიდი უთანხმოება ჰქონდათ მეზობელ ჩრდილო კავკასიის მოსახლეობასთან, განსაკუთრებით ურუსბიეველ მურზაყულთან, რომელსაც დადიშქელიანთა მსახურებმა არაერთი ადამიანი დაუჭრეს და მოუკლეს. დადიშქელიანებს ასეთივე დავა და უკმაყოფილება ჰქონდათ ყარაჩაელებთან და ჩეგემლებთან. ამის გამო ჩრდ. კავკასიის ზოგიერთი მფლობელი იმუქრებოდა. რომ თუ დადიშქელიანები შარიათის წესით არ შეუტრიგდებოდნენ, მაშინ მათ მიწა-წყალზე სევანებს არ გაატარებდნენ²⁹.

როცა დასახელებულ ადგილებში მეზობელი მფლობელები ჯოგებს შემორეკავდნენ საბალახოდ, დადიშქელიანები თავს ესხმოდნენ მათ და ხშირად იტაცებდნენ მეჭოჯეებს და პირუტყვს. ასეთი თავდა-

25 ე. გაბლიანი, დასახელებული ნაშრომი, გვ. 50—51.

27 იქვე, გვ. 51, 53.

28 იქვე.

29 ЦГВИА, ВУЛ, д. 19247, л. 13—14.

სხმები და შეხლა-შემოხლა დიდხანს გრძელდებოდა, სანამ საერთოდ არ გაუქმდა დასავლეთ საქართველოს ცალკეული პოლიტიკური ერთეულები (ე. ი. 60-იან წლებამდე). ამ შეხლა-შემოხლის დროს არაერთი თანამოძმე იხოცებოდა, ჩანავდებოდა ოჯახები და სოფლები. სხვათა შორის, ამ დავაში ე. წ. თავისუფალი სვანეთის მოსაზღვრეობაც ერეოდა, მათ შორის ლატალია და მულახის საზოგადოებები.

დადიშქელიანები, მეზობელ სამეგრელოს, წებელდის, ყარაჩაის, ყაბარდოსა და ბალყარეთის მფლობელებთან ჩაბმულ ბრძოლასთან ერთად, ერთიგორეს ეურჩებოდნენ და ებრძოდნენ. მეფის მთავრობა XIX ს. 30—40-იან წლებში აქტიურად ვერ ერეოდა სვანეთის საქმეებში. ის უფრო კავკასიის ომითა და შუა ზღვის პრობლემით იყო დაკავებული. მიუხედავად მრავალგზის პროტესტისა, დადიშქელიანთა სამართლიანი მოთხოვნის მხარდასაჭერად მეფის მთავრობამ არაერთარი ზომები არ მიიღო, რადგან მისთვის უფრო სასარგებლო იყო დადიშქელიანებისადმი დაპირისპირებული დიდი მფლობელებისადმი მხარდაჭერა, მათ შორის დადიანებისადმი, რომლებიც თვითმპყრობელობისადმი განსაკუთრებულ ერთგულებას იჩენდნენ. 1837 წ. ბარონი როზენი წერდა: დადიანი იმპერატორის ტახტისადმი უქვეშევრდომილესი ერთგულებით გამოირჩევა, ხელისუფლების ყველა ღონისძიებისადმი აქტიური მხარდაჭერის და ხელშეწყობის გამო, მე შეუძლებლად მიმაჩნია, ამ მთავრის უფლებების რაიმე შეზღუდვა³⁰.

კავკასიის ომის ქარცეცხლიან დღეებში მეფის მთავრობას არაფრით აწყობდა აგრეთვე აფხაზეთის, ყაბარდოსა, ყარაჩაის მფლობელთა კიდევ უფრო განაწყენება, ამიტომ ერიდებოდა მათ გაბოროტებას. 1838 წ. კავკასიის ადმინისტრაციამ დადიშქელიანთა საჩივრების გასარჩევად სვანეთში მიავლინა ნემიროვიჩ-დანჩენკოც, რომლის მისიას დაზარალებულთა სასარგებლოდ არაფერი მოჰყოლია.

აშასობაში დალესტანსა და ჩერქეზეთში კიდევ უფრო გამწვავდა მდგომარეობა. ჩრდ. კავკასიის მაჰმადიან მთიელებთან ერთად აფხაზეთის მაჰმადიანი მოსახლეობაც ჩაება მიუერიდიულ მოძრაობაში და მეფის რუსეთის წინააღმდეგ სამეკდრო-სასიცოცხლო ბრძოლა გააჩაღა. მეფის მოხელეებმა სცადეს 1840 წელს მაჰმადიან მთიელთა წინააღმდეგ დადიშქელიანებიც ჩაებათ. გენერალმა გოლოვინმა ციოყსა და თათარყანს თხოვა, სამეგრელოსა და იმერეთის რაზმებთან ერთად, თავიანთი ძალაც გამოეყვანათ აფხაზეთის (წებელდის) მფლობელების შაბათ და ეშავ შარშანიების (წარმოშობით მარუშიანების) წინააღმდეგ. როგორც სამხედრო მინისტრ ჩერნიშოვისადმი გოლოვინის პატაკიდან ჩანს, თათარყანი (რომელიც მეფის მთავრობამ დადიშქე-

ლიანთა ერთადერთ მეთაურად არ ცნო) განაწყენებულა იყო და ამოტომ მან დავალება არ შეასრულა, ხოლო ციოყს თავისი რაზმი წაუყვანა³¹. მალე ციოყს მონაწილეობა მიუღია გენერალ ანრეპის ექსპედიციაში (შაფსულებისა და უბიხების წინააღმდეგ), სადაც კიდევაც დაღუპულა.

როგორც ჩანს, თათარყანმა ციოყის დაღუპვით ისარგებლა და კიდევ უფრო აქტიური ბრძოლა დაიწყო მთელი სადადიშქელიანო სამფლობელოს ხელში ჩასაგდებად. მან ციოყის ცოლშვილზე მეურვეობის უფლება მოითხოვა და ამით საწადელსაც მიაღწევდა, მაგრამ, როდესაც ამაზე თანხმობა ვერ მიიღო, 1843 წ. მოულოდნელად დაესხა თავს ციოყის სასახლეს ფარში. აღმოჩნდა, რომ (ყვავილის ეპიდემიის გამო) ციოყის ცოლ-შვილი, მათ შორის: მურზაყანი (ჩვენთვის ცნობილი კონსტანტინე, სვანეთის მთავარი), ბექირბი (ანუ ალექსანდრე, რომელიც გენერალი გახდა), ისლამი, თენგიზი და ციოყი, სამეგრელოში აფარებდნენ თავს ლევან დადიანთან.

თათარყანმა სხვა რომ ვერაფერი იღონა, თანამოძმის სასახლეც ცეცხლს მისცა, მოწინააღმდეგე მცველები (17) დახოცა, ციოყის ქალიშვილი დაატყვევა. ციოყის დედა დიგორბანი (გარდაფხაძე-დადიშქელიანისა), რომელიც კოშკში იყო შეხიზნული და ჩაკეტილი იძულებული გახდა, ირგვლივ გამძვინვარებული ხანძრის გამო, კოშკიდან გადმომხტარიყო, მაგრამ ძირს დაცემისთანავე დაიღუპა³².

ციოყის ცოლ-შვილი, მთავრობის მხრივ დახმარების მოლოდინში, დადიანებთან აფარდნენ თავს, მაგრამ კავკასიის ომისა და თურქეთთან გამწვავებული ურთიერთობის ვითარებაში მათ არავინ მიეშველა. კავკასიის ადმინისტრაციის მხრივ იმედგადაწურული კონსტანტინე და მისი ძმები იძულებული გახდნენ სვანეთში დაბრუნებულიყვნენ და მამული თავისი ძალით დაებრუნებინათ.

დადიშქელიანთა თვითნებობით განაწყენებულმა მთავრობამ კავკასიის მთავარსარდალს, გენერალ-ადიუტანტ ნეიდგარდტს დაავალა სვანეთის მფლობელთა სახელისუფლო ტიტულებისადმი გადაეხედა. ასეთ ვითარებაში დადიშქელიანებს „ვლადეტელი სვანეთი“ შეეცვალათ „სვანეტსკი ვლადეტელით“ (ე. ი. „სვანეთის მფლობელების“ ნაცვლად „სვანი მფლობელები ეწოდათ). თუმცა, ამის მიუხედავად, ისინი კვლავ „ბრწყინვალეების“ ეპითეტით მოიხსენიებოდნენ.

დადიშქელიანთა საქმის მოგვარება კავკასიის მეფისნაცვალმა, ვორონოვმაც სცადა. მან სვანეთში გააგზავნა პროტორეა (მღვდელი) ქუთათელაძე, რომელმაც თითქოს მოქიშპე მხარეებიც შეარიგა. ვორონოვი ამით არ დაკმაყოფილდა და 1846 წ. სვანეთში გაგზავნა თა-

31 АКАК, т. IX, с. 497.

32 ЦГИАЛ, ф. 1268, оп. I, д. 466, л. 12—13.

ვისი ადიუტანტი ლობანოვ-როსტოვსკი, რომელმაც თათარყანს წერილობითი პირობა დაადებინა, რომ ჩუბეხევის დადიშქელიანების წინააღმდეგ მტრობას შეწყვეტდა. ამის შემდეგ დადიშქელიანთა ორ შტოს შორის შუღლი შენელდა, ხოლო თათარყანის გარდაცვალებით (1850 წ.) შემდეგ, 1851 წ. მისი შვილები ჯანსული და ოთარი სვანურა წასით შეურიგდნენ კონსტანტინესა და მის ძმებს, რომელთაც სისხლის საურავად 24 ყმა და სხვა ქონება გადაუხადეს.

სხვათა შორის, თათარყანის გარდაცვალებისთანავე მისმა შვილებმა ჯანსულმა და ოთარმა თავიანთი სამფლობელო ორად გაიყვეს: ეცერ-ცხუმარი ჯანსულს (უმცროს ძმას) ერგო, ხოლო ბეჩო — ოთარს (მათი მესამე ძმა — მოსოსტრი 1846 წ. გარდაიცვალა, რომლის შვილს მოსოსტრს შედარებით მცირე მამული მისცეს).

საარქივო მასალებიდან ჩანს, რომ დადიშქელიანთა შორის მტრულ დამოკიდებულებას აღვივებდნენ დადიანები, რომლებიც ხშირად უნათესავედებოდნენ (ან ქორწინებით ან ნათლიმამობით) დადიშქელიანთა ამა თუ იმ შტოს და მოხერხებულად უპიროსპირებდნენ დანარჩენს. ჩანს, XIX ს. 50-იან წლებში დადიანებს, მათ შორის დავით დადიანის მეუღლეს ეკატერინე ჭავჭავაძეს, კავშირი შეუკრავს თათარყანის ნემკვიდრებთან. რომელთაც არა მხოლოდ ისინი გამოუყენებიათ კონსტანტინესა და მისი ძმების წინააღმდეგ, არამედ მათი სიძე ბაგრატიონ-მუხრანსკიც (გენერალი, გურიაში დაბანაკებული სამხედრო რაზმის უფროსი). ეს გარემოება კი კიდევ უფრო ამწვავებდა დაპირისპირებულ მხარეთა უთანხმოებას.

დადიშქელიანთა შორის ურთიერთობა XIX ს. 50-იანი წლების დასაწყისში ისევ გამწვავდა. ეტყობა, ჩუბეხევის სათავადო სახლს მოსვენებას უკარგავდა თათარყანის მიერ მიყენებული შეურაცხყოფა. კონსტანტინესა და ალექსანდრეს უმცროსი ძმები სულ იმის ფიქრში იყვნენ, თუ როგორ ესისხლათ ბებია დიგორხანი და მამიდა (რომელიც დატყვევების შედეგად გარდაიცვალა). მალე, ყირიმის ომის დაწყების შედეგად (როცა ქვეყნის მართვაგამგეობა აირია) ჩუბეხევის დადიშქელიანებს ხელსაყრელი მომენტი დაუდგათ.

ყირიმის ომთან დაკავშირებით მოქმედ არმიასი იქნენ გაწვეული დადიშქელიანთა რაზმები. როდესაც ბაგრატიონ-მუხრანსკის მიერ ჯარში გამოძახებული ჯანსული (თათარყანის ვაჟიშვილი), თავისი 40-კაციანი ამალით, დანიშნული ადგილისკენ მიდიოდა, მათ, 1953 წ. აპრილში, ლაბამულაში (გზაზე) ისლამი და თენგიზი ჩაუსაფრდნენ. ჯანსული მოკლეს, მისი უფროსი ვაჟიშვილი თენგიზი დაჭრეს, დანარჩენები უვნებლად გაიქცნენ. შურისმაძიებლები ამით არ დაკმაყოფილდნენ და ჯანსულის მამულსაც დაეპატრონენ, ხოლო მისი ცოლშვილი,

80 მსახურითა და ძოახლით, ეკატერინე ჰავკავაძე-დადიანს შეეხიზნენ ლეჩხუმში³³.

ამ აქტმა არა მხოლოდ ეკატერინე და მისი ახლობლები გააცხარა, არამედ მეფის მთავრობა და ყველა, ვინც თურქეთისა და მისი მოკავშირეების წინააღმდეგ იყო დასავლეთ საქართველოში მობილენებული.

ეკატერინეს აქტიური მოქმედებით დასავლეთ საქართველოს სამხედრო რაზმების მეთაურმა ბაგრატიონ-მუხრანსკიმ ქანსულის მკვლელობას პოლიტიკური სარჩული დაუდო და კონსტანტინესა და მის ძმებს უდიდესი ბრალდება წარუდგინა. საბრალდებო დასკვნის ოფიციალურ წაყენებამდე, მოწინააღმდეგე დადიშქელიანებზე ეკატერინე დადიანმა რამდენიმე საჩივარი შეადგინა; ერთ-ერთ მათგანში ის წერდა, რომ ქანსულ დადიშქელიანი კონსტანტინეს ძმებმა დადიანებისადმი ერთგულების გამო მოკლესო. მეორეში აღნიშნავდა, თითქოს თავისუფალი სევანები დადიანებს ემორჩილებოდნენ, მაგრამ კონსტანტინესა და მის ძმებს მათი ძალით დაპყრობა სურდათ. მესამეში ირწმუნებოდა, რომ კონსტანტინეს ძმები ყაჩაღურად აწიოკებდნენ და ძარცვავდნენ ქანსულის მამულს და ა. შ.³⁴.

ყოველივე ამის გამო ეკატერინე დადიანი მოითხოვდა დადიშქელიანთა სასტიკ დასჯას.

ჩანს, ეკატერინეს არაერთმა საჩივარმაც იმოქმედა მეფის მოხელეებზე. რომელთაც კონსტანტინეს ძმების ისლამისა და თენგიზის მოქმედებას, ბოროტ შურისძიებასთან ერთად, პოლიტიკური სარჩულიც დაუდეს.

რთული ვითარების გამო მეფის მოხელეებმა სევანეთში სამხედრო რაზმის გაგზავნაზე ღრობით თავი შეიკავეს. ბაგრატიონ-მუხრანსკის მიეთითა იქამდე არაფერი ელონა, სანამ კონსტანტინეს განმარტებას მიიღებდა. თუკი დადიშქელიანებს რუსეთის საწინააღმდეგო მოქმედება დაუდგინდებოდათ, მაშინ ისინი სამხედრო ძალით უნდა დაეთრგუნათ.

სევანეთში საქმის გასარკვევად გაიგზავნა მოქმედი არმიის ოფიცერი დემიანოვიჩი, რომელმაც, საქმის დაზუსტებასთან ერთად, გეჩერალ ბაგრატიონ-მუხრანსკის კონსტანტინეს წერილიც წაუღო. კონსტანტინე მთავრობას წერდა, რომ მისმა ძმებმა მკვლელობა მხოლოდ შურისძიების მოტივით ჩაიდინეს და არა სხვა რაიმე მიზნით.

33 ე. გაბლიანი. ძველი და ახალი სევანეთი, ტფ., 1925, გვ. 75.

34 Акты, собранные Кавказской археологической комиссией (АКАК), т. XI, с. 944—948.

რაკი მეფის მოხელეები დარწმუნდნენ, რომ კონსტანტინეს ძმები მთავრობის წინააღმდეგ არ აპირებდნენ აჯანყებას, მათი საქმის გარჩევა დროებით გადადეს და იმით დაეკმაყოფილდნენ, რომ „როტმისტრ“ კონსტანტინეს და მის ძმას „პორუჩიკ“ ალექსანდრეს ხელფასის მიცემა შეუწყვიტეს, ხოლო ამ უკანასკნელს ებრძანა დაუყოვნებლივ გამოცხადებულიყო მოქმედ არმიის (ჩერნიგოვის დრაგუნთა პოლკში)³⁵.

როგორც ითქვა, ყირიმის ომის ვითარებაში მეფის მთავრობამ თავი შეიკავა სვანეთში სამხედრო ძალით გალაშქრებაზე, ხელსაყრელ დროს დაელოდა. სხვათა შორის, კავკასიის მეფისნაცვალ მურავიოვი უშუალოდ იცნობდა ალექსანდრეს, შესაძლებელია გარკვეულად ამანაც განაპირობა სვანეთში სამხედრო ექსპედიციის გაგზავნისაგან თავის შეკავება.

ერთი წლის შემდეგ კავკასიის ახალმა მეფისნაცვალმა გენერალ-ადიუტანტმა ბარიატინსკიმ დადიშქელიანთა საქმეს უფრო ენერგიულად და მკაცრად მოკიდა ხელი.

როგორც კი ყირიმის ომი დამთავრდა, ახლა დადიშქელიანთა წინააღმდეგ ერთად დაირაზმნენ მეფის მოხელეები და დაპირისპირებული დადიანები. ბარიატინსკი, ერთი მხრივ, დაჟინებით მოითხოვდა პორუჩიკ ალექსანდრეს გარიცხვას სამხედრო სამსახურიდან, მეორე მხრივ, დადიშქელიანთა მკვლელობის გამოსაძიებლად გენერალ-მაიორი ლორის მელიქოვი (კავკასიის სამხ. კორპუსის თანამშრომელი) გამოყო³⁶.

მიუხედავად არაერთი დაჟინებითი მოთხოვნისა ალექსანდრე დადიშქელიანი სამხედრო სამსახურში არ ცხადდებოდა, სანამ ძმების აწეწილ-დაწეწილ საქმეებს არ მოაგვარებდა, ხოლო უგზოობის გამო სვანეთში ვერ მიდიოდა სამხედრო ექსპედიცია, რომელსაც ლორის მელიქოვიც უნდა გაჰყოლოდა.

განაწყენებული მეფისნაცვალ ბარიატინსკი სამხედრო მინისტრს სუხოზანეტს თხოვდა — რაც შეიძლებოდა მალე შეეყვანა მეფე საქმის კურსში ალექსანდრე დადიშქელიანის სამხედრო სამსახურიდან გარიცხვის დასადასტურებლად³⁷.

35 ალექსანდრე (ბეჟიბი) ვიხილის ძე (ციოყის ძე) დადიშქელიანმა თავდაზნაურთა კადეტთა კორპუსი დაამთავრა და 1843 წელს, „პრაპორშჩიკის“ ჩინით ჩუბუხევი იქნა ხანგრძლივ შევბუღებაში გაშვებული — თავისი უფროსი ძმის კონსტანტინეს დასახმარებლად (ალექსანდრე ოფიციალურად ნიკეგოროდის დრაგუნთა პოლკში ირიცხებოდა, ჯერ „პრაპორშჩიკის“, ხოლო 1848 წლიდან „პორუჩიკის“ ჩინით. როგორც კონსტანტინე, აგრეთვე ალექსანდრე სამხედრო ხელფასს იღებდნენ).

36 ЦГИАЛ, ф. 1268, оп. 9, л. 64, л. 10.

37 ЦГИАЛ, ф. 1268, оп. 9, л. 64, л. 3—4.

როგორც ჩანს, ლორის მელიქოვი ავად გახდა, ამიტომ სვანეთის მფლობელთა საქმეების გამოძიებას პოლკოვნიკი უსლარი აწარმოებდა. ამასობაში დადიშქელიანების წინააღმდეგ არაერთი ბრალდება იქმნებოდა, ერთ-ერთ ბრალდებად კონსტანტინესა და მის ძმებს უყენებდნენ თავისუფალ სვანთა შევიწროებას (თითქოს მათ დაშინებითა და ძალით აიძულეს ორი თავისუფალი საზოგადოება მორჩილება აღეთქვათ). დადიშქელიანთა წინააღმდეგ ცნობებს აგროვებდა ქუთაისის გენერალ-გუბერნატორი გაგარინიცი, რომელსაც, საჭირო შემთხვევაში, სვანეთში გასაგზავნად სამხედრო რაზმები უნდა შეეკრიბა სამეგრელოსა და წებელდაში. თუკი დადიშქელიანები ნებაყოფლობით არ დაემორჩილებოდნენ მთავრობას, მაშინ მათ წინააღმდეგ სამხედრო ნაწილები უნდა მომზადებულიყო ნაღიკისა და ყარაჩაიშიცი და ყველა ერთად დაძრულიყო სვანეთისაკენ.

საბოლოო ჯამში, დადიშქელიანთა წინააღმდეგ მძიმე ბრალდებები შემუშავდა: ერთ-ერთში (პოლიტიკურ ბრალდებაში) ლაპარაკია, თითქოს, ყირიმის ომის დროს, დადიშქელიანებს კავშირი ჰქონდათ თურქეთის აგენტებთან. ამ ბრალდებას მეფის მოხელეები იმითაც ამაგრებდნენ, რომ კონსტანტინემ და მისმა ძმებმა საკუთარი რაზმი არ გამოიყვანეს ომარ ფაშას წინააღმდეგ, ხოლო ჯანსუღის მოკვლით მათ ჩაშალეს დაპირისპირებულ დადიშქელიანთა რაზმის გამოცხადება მოქმედ ჯარში. ამ ძირითად ბრალდებას ემატებოდა ისიც, რომ თითქოს კონსტანტინეს მხარე თავისუფალ სვანთა დაპყრობასაც ცდილობდა.

ბოლოს და ბოლოს, 1857 წ. ივლისში სვანეთში იგზავნება სამხედრო ექსპედიცია, რომლის მეწინავე ნაწილს პოლკოვნიკი უსლარი მეთაურობდა, ხოლო საერთო ხელმძღვანელობა ქუთაისის გენერალ-გუბერნატორ გაგარინს ევალებოდა, გადაწყვეტილი იყო—თუკი დადიშქელიანები წინააღმდეგობას გაბედავდნენ, სვანეთისაკენ ერთდროულად უნდა დაძრულიყვნენ ყარაჩაიში, კისლავეოდსკში, ნაღიკში და წებელდაში შექმნილი სპეციალური რაზმებში³⁸.

სვანეთში წასვლის წინ მეფისნაცვალმა ბარიატინსკიმ თავისთან გამოიძახა უსლარი და სპეციალური ინსტრუქციის მიცემასთან ერთად, კონსტანტინესათვის გადასაცემი წერილიც გაატანა.

სამხედრო ექსპედიციამ 1857 წ. ისე შემოიარა სვანეთი, რომ არავითარ წინააღმდეგობას არ წაწყდომია. ცხადია, სვანეთში არც პიატიგორსკის, კისლავეოდსკის, ყარაჩაისა და არც სამეგრელო-წებელდის რაზმები არ გაუგზავნიათ.

სვანეთში წასული სამხედრო რაზმის მეთაურთან, უსლართან გამოცხადნენ კონსტანტინე და ალექსანდრე, რომლებიც მალე მეფისნა-

³⁸ АКАК, т. XII, с. 369—370.

ცვალ, თავად ბარიატინსკისაც ეწვივნენ თბილისში; რაც შეეხება ისლამსა და თენგიზს, ისინი სვანეთშივე დაიმაღნენ.

ახლა, მკვლელობიდან რამდენიმე წლის შემდეგ, ისლამისა და თენგიზის წინააღმდეგ სისხლის სამართლის საქმე აღიძრა, ხოლო კონსტანტინე, რომელსაც ჯანსულის მკვლელობაში უშუალო მონაწილეობა არ მიუღია (იმ დროს თბილისში იმყოფებოდა), დამნაშავედ იქნა ცნობილი თათარყანის მამულის დაპატრონების გამო.

რაც შეეხება ალექსანდრეს, ის იმაში იქნა დადანაშაულებული, რომ, მიუხედავად არაერთი ბრძანებისა, მოქმედ ჯარში არ გამოცადა, რის გამო კიდევაც გაირიცხა სამხედროდან, მაგრამ ამის მიუხედავად, ბარიატინსკის მიაჩნდა, რომ მან ახალგაზრდობის დროს სრულყოფილი, რუსული აღზრდა მიიღო ჩერნიგოვის დრაგუნთა პოლკში. კარგად წერდა და ლაპარაკობდა რუსულად, დაჯილდოებული იყო გონებრივი ნიჭით, ამიტომ ის სასარგებლო კაცი იყო და შეიძლებოდა მისი ჯარში აღდგენა რუსეთის რომელიმე შიდა გუბერნიის პოლკში.

აქედან გამომდინარე, ბარიატინსკიმ სამხედრო მინისტრის წინაშე იშუამდგომლა ალექსანდრეს (პორუჩიკის ჩინით, წლიური ხელფასი 200 მან. ვერცხლით — ჩინისათვის კუთვნილის ზემოთ) აღდგენაზე სამხედრო ნაწილში. ოღონდ მისი შევებულებაში წასვლა წინდაწინ უნდა ყოფილიყო შეთანხმებული კავკასიის კორპუსის მთავარსარდალთან, რათა მას ძმებზე ზემოქმედების საშუალება არ მისცემოდა³⁹.

ბარიატინსკიმ საბოლოოდ შეათანხმა, რომ ალექსანდრე დაუყოვნებლივ წასულიყო ნოვოჩერკასკში (საგზლად უნდა მისცემოდა 1000 მან. ვერცხლით) სათანადო პოლკში გასამწესებლად, ოღონდ მას დაუწესდა სამუდამო საიდუმლო მეთვალყურეობა⁴⁰.

ამასთან, ბარიატინსკის აზრით, საჭირო იყო დადიშქელიანთა მამულების სასწრაფო გამიჯვნა და მეზობელ მფლობელებთან საქმის მოგვარება. ბარიატინსკიმ დაადასტურა აგრეთვე, რომ დადიშქელიანთა ორივე მეთაური კვლავინდებურად „სიატელნად“ წოდებულ იყო.

ბარიატინსკიმ კონსტანტინე ქუთაისში გაისტუმრა, ხოლო, გარკვეული ლოდინის შემდეგ, ალექსანდრე თავდაპირველად ჩერნიგოვის დრაგუნთა პოლკში აღადგინეს.

ამავე დროს, მეფისნაცვალმა ბარიატინსკიმ კანცელარიის მმართველს დაავალა გადაეხედა დადიშქელიანების შესახებ არსებული ყველა სახის საბუთისათვის, რათა საბოლოოდ გარკვეულიყო მათი საკითხი.

³⁹ ЦГИАЛ, ф. 1268, оп. 9, д. 64, л. 23.

⁴⁰ იქვე. ფ. 26.

ამასობაში კავკასიის მმართველობის რეორგანიზაციის საკითხიც მომწიფდა. მეფის მთავრობის პოლიტიკას ხელს უშლიდა ცალკეული ივტონომიების არსებობა. ამიტომ ისინი დაუყოვნებლივ უნდა გაუქმებულიყვნენ. მალე ბატონყმობის გაუქმების საკითხიც დაისვა, მაგრამ ყველაფერი ეს დიდ სამუშაოს შესრულებასა და დროს მოაჯივ-და.

რადგან 1857 წ. ივლისის სამხედრო ექსპედიციამ ისლამი და თენგიზი ვერ დაიჭირა, და ზამთრის მოახლოების გამო სევანეთში ექსპედიციის ხელახალი მოწყობა შეუძლებელი გახდა, ძმების დაჭერა სევანეთის ბოქაულს ა. მიქელაძეს დაევალა. ეტყობა, ქუთაისის გენერალ-გუბერნატორი გაგარინი ჩქარობდა დადიშქელიანთა საქმის მოგვარებას. მან უსლარსა და ბარტლომეს დაავალა, რომ კონსტანტინე ხელიდან არ გაეშვათ და ჩუბეხევის დადიშქელიანებზე ყველა ცნობა და მასალა შეეგროვებინათ.

რადგან მეფის მთავრობას განზრახული ჰქონდა დადიშქელიანთა სამთავროს გაუქმება, გაგარინმა გადაწყვიტა კონსტანტინე მანამ არ გაეშვა ქუთაისიდან, სანამ მისი ოჯახის მომავალი ბედი არ გაირკვეოდა. რაკი ეს საქმე გვიანდებოდა, გაგარინმა განიზრახა, საქმის საბოლოო გარკვევამდე, კონსტანტინე ერევანში გაეგზავნა.

კონსტანტინეს ქუთაისში დაკავების, აგრეთვე ერევანში გაგზავნის მიზეზი ისიც იყო, რომ მისი უმცროსი ძმები — ისლამი და თენგიზი — დაჭერილი არ იყვნენ.

ბარიატინსკის მიაჩნდა, რომ კონსტანტინეს ძმების მიერ ჩადენილი დანაშაული, ნაწილობრივ მაინც, თავიანთი ქვეყნის წარმოდგენებისა და ტრადიციის ბრალი იყო, ამიტომ შეიძლებოდა მათ გარკვეული შეღავათი მისცემოდათ, მით უფრო, რომ ისინი ახალგაზრდები იყვნენ და მათი გამოყენება შეიძლებოდა რუსეთის სასარგებლოდ. ყოველივე ამის გამო, მეფის ნაცვალმა შესაძლებლად მიიჩნია ისლამისა და თენგიზის რუსეთის რომელიმე შორეულ გუბერნიაში გადასახლება (ამის სათანადო ხარჯი უფროსი ძმების ანგარიშზე უნდა გაღებულიყო)⁴¹.

მოთქმებული გეგმის შესაბამისად, 1857 წ. 24 ოქტომბერს გენერალ-გუბერნატორმა გაგარინმა კონსტანტინე დადიშქელიანი თავის კაბინეტში გამოიძახა და განუცხადა, რომ გადაწყვეტილი იყო მისი სამთავროს გაუქმება, ამიტომ, სანამ მისი მომავალი საცხოვრებელი ვამოინახებოდა, დროებით ერევანში უნდა წასულიყო.

ჩაშს, კონსტანტინე ისედაც განერვიულებული იყო უსლარისა და ბარტლომეს უხეში მოპყრობით და თვალთვალით. ამას დაემატა

⁴¹ ЦГИАЛ, ф. 1268, оп. 9, л. 64, л. 24.

გენერალ-გუბერნატორის მბრძანებლური, უხეში ტონი, რამაც კონსტანტინე კიდე უფრო ააფორიაქა. ასეთი ცხარე კამათის დროს კონსტანტინემ გამოსავალი ვერ იპოვა, ხანჯალი იძრო და მყისვე სიცოცხლე მოუსწრაფა გაგარინს, შემდეგ მის ორ მცველს, დიდი დანით შეტევაზე გადმოსულ მზარეულს და ბოლოს ჯაჭვის ხიდის მიმართულებით გაიქცა.

როგორც ჩანს, ჯაჭვის ხიდი და ყველა გზა სწრაფად ჩაიკეტა, ხოლო მდინარე რიონი აღიდებული აღმოჩნდა, ამიტომ კონსტანტინე იძულებული გახდა მდინარის პირას ბაქრაძის სახლისათვის შეეფარებინა თავი. მალე ეს სახლი ჯარის მიერ იქნა გარემორტყმული. კონსტანტინემ სახლის პატრონები სასწრაფოდ გააქცია, კარები მძიმე საგნებით ჩახერგა და ფანჯრიდან სროლა დაუწყო მის შესაპყრობად მისულ სამხედრო ნაწილს. მან რამდენიმე ჯარისკაციც დაჭრა, მაგრამ სხვა ვერაფერი იღონა; ჯარის ნაწილმა სახლს იოგვლივ ჩალა და თივა მიაყარა და ცეცხლი წაუკიდა. კონსტანტინე იძულებული გახდა ცეცხლმოდებული სახლიდან გადმომხტარიყო, რის შემდეგაც მალე შეიპყრეს.

მთავრობის წინააღმდეგ ჩადენილი უდიდესი დანაშაულისათვის კონსტანტინე (მურზაყანი) სამხედრო-საველე სასამართლოს გადაწყვეტილებით სასწრაფოდ დახვრიტეს⁴².

ჯერი კონსტანტინეს ძმებსა და ცოლ-შვილზე დადვა. მთავრობის სამხედრო მოხელის, პოლკოვნიკ პ. უსლარის (სხვათა შორის, ის არქეოლოგი და ენათმეცნიერიც იყო) მიერ დეტალურად იქნა გამოკვლეული ჩუბუხევის დადიშქელიანთა ისტორია. აღნუსხულ იქნა მათ მიერ ჩადენილი მკვლევრობები და სხვა დანაშაული (პ. უსლარის მიერ

⁴² აღსანიშნავია, რომ 1862 წ. 25 აპრილს კონსტანტინე დადიშქელიანის ნეშტი დახვრიტის ოდგილიდან გადასვენეს ქუთაისის წმ. გიორგის ეკლესიაში, სადაც მეუღლემ, ეპისკოპოს გაბრიელის, ნათესაებისა და საზოგადოებრიობის მონაწილეობით (პოლიციის მეთაურობის ქვეშ), სამოქალაქო პანაშვიდი (წირვა და ქელები) გადაიხადა.

როდესაც ეს საქმე გახმაურდა, საქართველო-იმერეთის სინოდისლური კანტონის პროკურორმა ახმატოვმა სისხლის სამართლის საქმე აღძრა და 1863 წ. იანვარში წერილით მიმართა საქართველოს ეგზარქოსს, რომელშიც შემფოთებული წერდა, რომ თითქოს ამ საქმით გაცემულია თვით მეფისნაცვალი გენერალ-ფელდმარშალი ალექსანდრე ბარიატინსკიც კი (ის უკვე მეფისნაცვალი არ იყო), ამიტომ კითხულობდა — რანაირად მოხდა ყოველივე ეს.

საქართველოს ეგზარქოსმა პროკურორს მოახსენა, რომ კონსტანტინეს ნეშტის გადასვენება ქუთაისის გენერალ-გუბერნატორ კოლიუბაჟინის ნებართვით მოხდა. ეგზარქოსმა თავი იმით იმართლა, რომ კავკასიის ყოფილმა მმართველობამ კ. დადიშქელიანის დასაფლავებისა და ქელებისათვის 3 ათასი მანეთი (ვერცხლით) გამოყო (იხ. ЦГИАЛ, ф. 1268, он. 9, д. 64, л. 130—131).

შედგენილი დადიშქელიანთა გენეალოგიური ტაბულა წიგნს თან ახლავს).

უსლარის დასკვნით, „დადიშქელიანებისათვის სისხლის აღება ჩვეული საქმე და შთამომავლობითი მოვალეობაა“. ამის გამო, მისავე განსჯით, მოსალოდნელი იყო კონსტანტინეს დახვერტისათვის დადიშქელიანების მიერ სისხლის აღება მეფის მოხელეებზე.

ამის გამო, კავკასიის ადმინისტრაციის აზრით, აუცილებელი იყო ჩუბხევის ყველა დადიშქელიანის გადასახლება სვანეთიდან და საერთოდ კავკასიიდან.

რაკი ისლამისა და თენგიზის დაპატიმრება 1857 წელს ვერ მოხერხდა და სვანეთის ბოქაული ნიქელაძეც ვერაფერს გახდა, 1858 წ. შემოდგომაზე, გენერალ-ლეიტენანტ ერისთავის მეთაურობით, ზუგდიდიდან ჩუბხევეში სამხედრო რაზმი გაიგზავნა. სახლში მყოფი ძმები მიხვდნენ, რომ წინააღმდეგობა უმიზნო იყო, ამიტომ უბრძოლველად დანებდნენ. ისინი თბილისში წაიყვანეს.

როგორც ნაეარაუდევი იყო, ახალგაზრდული ასაკისა და სისხლის აღების ჩვეულების ტრადიციული ვალდებულების გამო, ისლამსა და თენგიზს გარკვეული შეღავათი მიეცათ. კავკასიის ადმინისტრაციამ საკითხი დასვა, რომ ძმები (მესამე ძმა ციოციც) რუსეთის რომელიმე შორეულ გუბერნიაში გადაესახლებინათ საცხოვრებლად.

საქმის შეთანხმებასა და საბოლოო გადაწყვეტილების მიღებას დრო დასჭირდა. ამასობაში ალექსანდრე დადიშქელიანი ირკუტსკში გაამწესეს აღმოსავლეთ ციმბირის გენერალ-გუბერნატორის, გრაფ ნიკოლაი მურავიოვ-ამურსკის ადიუტანტად⁴³.

ჩანს, ალექსანდრემ გავლენა მოახდინა თავის უშუალო უფროსზე, თხოვა თავისი უმცროსი ძმების — ისლამის, თენგიზისა და ციოცისადმი დახმარება. ეტყობა მურავიოვმა გულთან მიიტანა თავისი ადიუტანტის თხოვნა და კავკასიის მეფისნაცვლის, აგრეთვე სამხედრო მინისტრის სახელზე შუამდგომლობა გააგზავნა ძმები დადიშქელიანებისადმი სასჯელის შემსუბუქების თაობაზე. ის გულმოდგინედ ითხოვდა, რომ ძმები შეეწყნარებინათ და კავკასიაში დაეტოვებინათ.

ძმებთან ერთად კონსტანტინეს ცოლ-შვილის საკითხიც დაისვა, გადაწყდა, რომ ქვრივი რუსუდან შერვაშიძე შეიძლებოდა საცხოვრებლად თავისიანებთან დარჩენილიყო აფხაზეთში. მისი უფროსი ვაჟი შვილი მოსოსტრი, რომელიც თბილისის გიმნაზიაში სწავლობდა, ციმბირის კადეტთა კორპუსში უნდა გადაეყვანათ, დანარჩენი ვაჟი-შვილები — ოთარი, ლევანი და მურზაყანი, რომლებიც ღებთან ერთად იმყოფებოდნენ დედასთან აფხაზეთში, სრული ასაკის მიღწე-

⁴³ ЦГИАЛ, ф. 1268, оп. 9, д. 64, л. 34.

ვისთანავე ციმბირის კადეტთა კორპუსში ჩარიცხულიყვნენ, ხოლო ქალიშვილებს — კესარიას, გიგობანს, დიორხანსა და მელახანს — ნება მიეცათ აფხაზეთში დარჩენილიყვნენ დედულებთან ან ყველანი ერთად წასულიყვნენ ძმებთან ომსკში⁴⁴.

რაკი მთავრობამ ჩუბეხევის დადიშქელიანებს სვანეთიდან სამუდამო გადასახლების განაჩენი გამოუტანა, საკითხი დაისვა მათი მატერიალური უზრუნველყოფისა და ჩუბეხევის მმართველობის შემდგომი მოწყობის შესახებ. ამასთან დაკავშირებით, კავკასიის ადმინისტრაციამ საჭიროდ ჩათვალა ირკუტსკში გამწესებული ალექსანდრეც გამოეყენებინა.

საქმე იმაშია, რომ მეფის მთავრობა ფორმალურად მაინც ცდილობდა დადიშქელიანების მომავალი ბედის უკონფლიქტოდ გადაჭრას, ამიტომ გადაწყვიტა ალექსანდრეს მეშვეობით დანარჩენებზეც ემოქმედა. მთავრობას მიაჩნდა, რომ ალექსანდრეს, ისლამს, თენგიზსა და ციოყს, აგრეთვე კონსტანტინეს ოთხ ვაჟიშვილს (უფროსი ვაჟი, ჭერჯერობით, თბილისის გიმნაზიის მოსწავლე იყო) შეეძლოთ რუსეთისათვის კეთილი სამსახური გაეწიათ. ამ მიზნით, კავკასიის ადმინისტრაციამ, ჭერ კიდევ 1958 წ. დეკემბერში, წერილით მიმართა აღმოსავლეთ ციმბირის გენერალ-გუბერნატორ მურავიოვ-ამურსკის, რათა თავისი ადიუტანტი ალექსანდრე ჩაერთო საქმეში. მართალია, ამ დროს ალექსანდრეს ექსპედიცია ჰყავდა ამურის მხარეში წაყვანილი, მაგრამ როგორც კი ის დაბრუნდა (1859 წ. აპრილში), მურავიოვი საგანგებოდ მოელაპარაკა. ამის თაობაზე, ის 1859 წ. 10 აპრილს კავკასიის ადმინისტრაციას ატყობინებდა: დადიშქელიანების მომავალ ბედზე მე ალექსანდრეს დაბრუნებისთანავე ვესაუბრე, რაც თქვენ მომწერეთ. მთავრობის გადაწყვეტილება მან გულთან მიიტანა და თანახმაა მოწყვალე ხელმწიფის მიერ გამოტანილი განაჩენის⁴⁵.

მურავიოვ-ამურსკი წერს: „ალექსანდრე დადიშქელიანი დაწვრილებით მომიყვა სვანეთის უკანასკნელ ამბებს, თავისი ძმებისა და თავის საქმეებზე და გულწრფელად ინანიებს ყოველივეს. მე მოვისმინე მისი ღრმა ნაფიქრი, პატიოსანი და ჭანსალი აზრი, რომელიც გაუღმთილია თანამედროვე შეგნებით და მთავრობისადმი სიყვარულით. რაკი საქმე მისი ოჯახის მომავალს ეხება, მან მთხოვა რამდენიმე დღე მიმეცა, რათა ყოველივე ღრმად განესაჯა და ყველაფრისთვის სრულყოფილი პასუხი გაეცა, რასაც მას ეკითხება მთავრობა. ალექსანდრე დამპირდა, რომ ყველაფერ ამაზე წერილობით პასუხს მომახსენებდა პატიოსნად და გულლიად.

44 ЦГИАЛ, ф. 1268, оп. 9, д. 64, л. 111.

45 ЦГИАЛ, ф. 1268, оп. 9, д. 64, л. 38.

მე ამაზე დავთანხმდი — წერს გენერალ-გუბერნატორი, — და, თქვენს მაღალკეთილშობილებას (ლაპარაკია კავკასიის მთავარი სამმართველოს უფროსზე) გაახლებთ თავად დადიშქელიანის წერილს, რომელიც მე წარმომიდგინა და რომელშიც გულწრფელად და პატიოსნად აცხადებს — რასაც მთავრობა მოიპოქმედებს მის ოჯახზე და ნათესაებზე ყოველივეს უყოყმანოდ და განუხრველად მიიღებს⁴⁶.

რაც შეეხება თავად ა. დადიშქელიანის პირად აზრს — თავიანთ გლეხებზე, — იტყობინება გენერალ-გუბერნატორი, — ის თანახმაა მათ განთავისუფლებაზე, იმაზე, რომ მათი საქმე გადაწყდეს სასიკეთოდ და უყოყმანოდ, რაც კარგად ახასიათებს მისი აზრების განვითარებულობასა და თანამედროვეობას, რაც ძალიან შორსაა. აგრეთვე, აზიური შეგნებიდან. შეეხებ რა გლეხთა განთავისუფლებას, — დასძენს გენერალ-გუბერნატორი, — ალექსანდრემ შემახსენა თავიანთი უფლებები ამ გლეხებისადმი, მაგრამ ის ახლა არ მოითხოვს ამ უფლებების შემდგომ გავრცელებას თავისი წინაპრების სახლისადმი კუთვნილ გლეხებზე, მიწა-წყალზე და მთის საძოვრებზე. ა. დადიშქელიანს არაფერი საწინააღმდეგო არა აქვს, აგრეთვე, სვანეთის მმართველობის ახლებური მოწყობისა და არ აცხადებს ამ მმართველობაში მონაწილეობის პრეტენზიას, მაგრამ, როგორც ყველა შემამულებე, ის იტოვებს მამულებისადმი საკუთრების უფლებას⁴⁷.

რაც შეეხება ალექსანდრეს უმცროსი ძმების საცხოვრებლად გადასახლებას ირკუტსკში, — წერს მურავიოვ-ამურსკი — მიმაჩნია, რომ ა. დადიშქელიანს მართლაც შეუძლია თავის ძმებზე იმოქმედოს, მაგრამ ამ შემთხვევაში არ შეიძლება მის მოსაზრებას არ დაეთანხმო, რომ ირკუტსკში გადასახლებას მისი ძმები მიიღებენ, როგორც უშიშესი სასჯელს, თუნდაც უცხო ენის, უცხო ჩვეულებებისა და სხვათა გამო, რაც გამოიწვევს უიმედობას კავკასიაში ოდესმე დაბრუნებაზე. ამასთან, მისი აზრით, ძნელი წარმოსადგენია, რომ ისინი ამ უცხო მხარეში როდისმე დაქორწინდებიან. თავის მხრივ, გუბერნატორი მზად იყო თავისი ადიუტანტის უმცროსი ძმებისათვისაც აღმოეჩინა მეურვეობა, მაგრამ მას მიაჩნდა, რომ თავისი მოღვაწეობა აღმოსავლეთ ციმბირში პირობითი და დროებითი იყო, ხელმძღვანელობის შეცვლამ კი შეიძლება მათი ყოფისა და მდგომარეობის განუსაზღვრელობა და გაუარესება გამოიწვიოსო⁴⁸.

იქიდან გამომდინარე, — წერს გენერალ-გუბერნატორი — რომ ალექსანდრეს ზედმიწევნით კარგად იცნობს და იცის მისი ოჯახური

47 ЦГИАЛ, ф. 1268, оп. 9, д. 64, л. 39.

47 იქვე, ფურც. 39.

48 იქვე, ფ. 40.

ურთიერთობა, რაც ასე წმინდად აკავშირებს მთიელთა ოჯახურ სა-
თავეებს. მე ჩემი მხრიდან, — აღნიშნავს მურავიოვი, — მესმის მისი
თავდებობა და სიყვარული ძმებისადმი, რომ მათი ცული საქციელი
ციმბირში მყოფ უფროსი ძმის მომავალ ბედზეც ცუდად იმოქმედებს.
ამასთან, თავიანთ სამშობლო — სვანეთში — დაბრუნების იმედი, მათ
უთუოდ გაუღვიძებს მადლობისა და ერთგულების გრძნობას მთავრო-
ბისადმი, ხოლო ციმბირში გადასახლება, პირიქით, სასურველ შედეგს
არ გამოიღებს, მათი ისედაც მღელვარე ნატურას ვაალიზიანებს, რწმე-
ნას დაუკარგავს და მთავრობისადმი სიძულვილს გაუღვივებს. შესა-
ძლებელია ამან მთელ სვანეთზე და მეზობელ მთიელებზეც უსიამოვნო
შთაბეჭდილება მოახდინოს.

შემდეგ გენერალ-გუბერნატორი წერს: რაც შეეხება დაღიშქე-
ლიანებისადმი დასანიშნ საჯარაულო ხელფასს და სვანეთის მამულის
საფასურს, ამაზე თავადი ალექსანდრე არ აყენებს რაიმე მოთხოვნას,
ის კმაყოფილია თავისი დღევანდელი ყოფით და არ აპირებს
მთავრობის მდგომარეობის დამძიმებას თავის მხრიდან. მაგრამ
გვთხოვს: მიეცეთ საშუალება გააგრძელოს სამსახური და ანით დაამ-
ტვიცოს თავისი ერთგულება ხელმწიფე-იმპერატორისა და რუსეთი-
სადმი. გვთხოვს, აგრეთვე, ძმებს მიეცეთ უფლება დარჩნენ კავკასიაში
მისი თავდებობით, თუ ეს არა, დაუტოვოთ მათ ერთი ბეწვი იმედი
მაინც, რომ ოდესმე დაბრუნდებიან თავიანთი ნებობების მამულში, იმ
მიწის მფლობელად, რომელიც მათ ეკუთვნოდათ. ეს იმედი იქნება
უდიდესი ჯილდო მათი მომავალი წუნდაუღებელი სამსახურისათვის.

გენერალ-გუბერნატორი ერთხელ კიდევ იმეორებს თავის შუა-
მდგომლობაში, რომ ალექსანდრეს თავდებობით კავკასიაში დაეტოვე-
ბინათ მისი უმცროსი ძმები: ისლამი, თენგიზი და ციოყი, რომლები-
სთვისაც ყველაფერზე ძვირფასაა მამა-პაპათა სამშობლო და მამუ-
ლი⁴⁹.

დაბოლოს, გენერალ-გუბერნატორი, გრაფი ნიკოლაი მურავიოვ-
ამურსკი კავკასიის მმართველობას თხოვდა, საკითხის მოხსენიების
დროს, იმპერატორისათვის წარედგინათ თავისი შუამდგომლობა და
აგრეთვე ალექსანდრეს წერილი⁵⁰.

მალე, 1859 წ. 12 აპრილს გენერალ-გუბერნატორმა მურავიოვ-
ამურსკიმ ასეთივე შინაარსის მოკლე წერილით მიმართა კავკასიის
მეფისნაცვალს, თავად ა. ბარიატინსკის, რომელსაც კვლავ თხოვდა
ალექსანდრეს ძმების დატოვებას კავკასიაში, ან იმის იმედს, რომ
ისინი როდესმე დაბრუნდებოდნენ შინ — მამა-პაპათა მამულში⁵¹.

⁴⁹ ЦГИАЛ, ф. 1268, оп. 9, л. 64, л. 40—41.

⁵⁰ იქვე. ფ. 41—42.

⁵¹ იქვე. ფ. 43—37.

გენერალ-გუბერნატორის წერილებს თან ახლდა ალექსანდრე და-
დიშქელიანის წერილი ძმებისადმი:

ძვირფასო ძმებო — ისლამ, თენგიზ და ციოყს!, — წერს ალექსან-
დრე — აქაურმა გენერალ-გუბერნატორმა დაწვრილებით შემატყობინა
თქვენი ამბები. ალექსანდრე ძმებს თხოვდა დამშვიდებულიყვენენ და
ამით აეცილებინათ ყოველგვარი საყვედურები, ის შეახსენებდა, რომ
მას შემდეგ, რაც რუსეთის ქვეშევრდომობა მიიღეს, მათი ბედი ამ
ქვეყანას დაუკავშირდა მტკიცედ. ის მადლობას უხდოდა ძმებს მთავ-
რობის გადაწყვეტილებისადმი დამორჩილებისათვის და აღნიშნავდა:
ჩვენ ვერ შევიტყვეთ მთავრობის სურვილი, რომ როგორც სვანეთში,
აგრეთვე მთელ საქართველოსა და სხვაგანაც ამიერიდან ბატონობა
და მონობა არ იარსებებს. თქვენ თვითონ დაინახავთ, რომ მარტო
ჩვენ არ ჩამოგვერთმევა გლეხები, არამედ ყველას, ვისაც ისინი
ჰყავს. თუ კარგად და გულმოდგინედ მოვიქცევით რუსეთისადმი,
მაშინ არ დავკარგავთ არც სახლს, არც მიწას და არც სამშობლოს.
ჩვენ თავიდან უნდა ამოვიგდოთ ის აზრი, რომ დაგვიბრუნდება გლე-
ხობა, რადგან ბატონყმობა ამიერიდან არ იარსებებს. სამაგიეროდ მთა-
ვრობა თვითონ მოგვცემს სათანადო გასამრჯელოს. იმედი მაქვს, —
განაგრძნობს ალექსანდრე, — ჩვენი ძმური და ოჯახური სიყვარუ-
ლისათვის. ჩვენი მამა-პაპათა ხსოვნისათვის ვუერთგულვებთ რუსეთსა
და მის მთავრობას⁵².

აღმოსავლეთ ციპრიის გენერალ-გუბერნატორის მურავიოვ-
ამურსკის შუამდგომლობისა და მისი ადიუტანტის ა. დადიშქელია-
ნის წერილების მიღების შემდეგ კავკასიის ადმინისტრაციამ საბო-
ლოოდ დააზუსტა თავისი გადაწყვეტილება და 1859 წ. 20 ივნისს სამ-
ხედრო მინისტრს სუხოზანეტს აცნობა, რომ დადიშქელიანების საქმე
დროებით გადაიდო, სანამ მეფისნაცვალი ა. ბარიატინსკი თბილისში
დაბრუნდებოდა. ისიც აცნობა, რომ კავკასიის ადმინისტრაციას ამ სა-
ქმეზე მეფის კართან წინასწარი შეთანხმება უკვე ჰქონდა⁵³.

ასე თუ ისე, როგორც ა. დადიშქელიანმა, აგრეთვე მისმა ძმე-
ბმაც ხელი აიღეს თავიანთ ყმა-მამულზე ჩუბუბევეში, სამაგიეროდ მთა-
ვრობამ მათ 150 ათასი მანეთი (ვერცხლით) გამოუყო. ამ თანხის ნახე-
ვარი მიეცა ძმებს: ალექსანდრეს, ისლამს, თენგიზსა და ციოყს, ნახე-
ვარი კონსტანტინეს ქვრივს და მის რვა შვილს. ოლონდ შვილების
კუთვნილი თანხა ბანკში ირიცხებოდა, რომლის გამოტანა და დახარ-
ჯვა მათ მხოლოდ სათანადო ასაკის მიღწევის შემდეგ შეეძლოთ. ბან-
კში შენახული თანხის პროცენტი კონსტანტინეს ქვრივს, რუსუდან

⁵² იქვე, ფ. 93—94.

⁵³ ЦГИАЛ, ф. 1268, оп. 9, д. 64, л. 93—94.

შერვაინძეს უნდა მიეღო სარჩენად, რაც ყოველწლიურად 1000 მანეთს შეადგენდა⁵⁴.

კავკასიის ადმინისტრაციის მიერ იმპერატორთან შეთანხმების საფუძველზე 1860 წ. საბოლოოდ გადაწყდა, რომ ისლამი, თენგიზი და ციოცი, ვიატკის ნაცვლად (რაც თავიდან იყო ნავარაუდევი), დონის კაზაკთა პოლკში ჩარიცხულიყვნენ (ის პოლონეთში იყო განლაგებული). ივარაუდებოდა, რომ თუკი ძმები რუსეთისადმი ერთგულებას გამოიჩინდნენ და საუკეთესოდ მოიქცეოდნენ, გარკვეული დროის შემდეგ, მათ გადმოიყვანდნენ იმ რეგულარულ არმიაში, რომელიც უშუალოდ იმპერიის ევროპულ ნაწილში იმყოფებოდა⁵⁵.

ამის შემდეგ საბოლოოდ გაუქმდა და მოისპო ჩუბეხევის დადიშქელიანთა ის სახელისუფლებო ნიშნები და წოდებები, რომლებიც თავიდან ჰქონდათ მიღებული. ამასთან, ჩუბეხევი ზაზინას გადაეცა და მას საგლებო რეფორმა უკვე არ შეეხო (გლახთა ყველა კომლს ხელუხლებლად დარჩა ის მიწა, რომელსაც დადიშქელიანების დროს ფლობდნენ ნადელის სახით).

ასევე მოისპო ეცერ. ცხუმარ, ბეჩოს მფლობელ დადიშქელიანთა სახელისუფლებო ნიშნებიც.

აღსანიშნავია ისიც, რომ ა. დადიშქელიანი, რომელიც გენერალ-გუბერნატორ მურავიოვ-ამურსკის ადიუტანტი იყო, მთელი სიცოცხლე ირკუტსკში დარჩა (იქ საკმაოდ დიდ ადგილ-მამულსაც ფლობდა).

თავისი უშუალო უფროსის მურავიოვ-ამურსკის დახასიათებით, ა. დადიშქელიანი იშვიათი ნიჭის, დიდი ცოდნისა და სიმაჰაციის პატრონი იყო. მან, გენერლის ჩინთან ერთად, დიდი მეცნიერული ცოდნაც მიიღო. ამასთან, არაერთი ნაშრომიც შექმნა (მათ შორის — ამურის ტოპოგრაფია, კორეის გეოგრაფია და სხვ.), რომლებიც სპეციალური ჯილდოებით (ორდენებით) აღინიშნა. ალექსანდრემ მრავალ, ურთულეს ექსპედიციაში (იმიერ-ბაიკალში, იაპონიაში, კორეაში, ჩინეთში და სხვ.) მიიღო მონაწილეობა და ყველგან უდიდესი ქება-დიდება დაიმსახურა⁵⁶.

4. სოციალური ურთიერთობა

როგორც ვნახეთ, დადიშქელიანები თანდათან გაძლიერდნენ და ყველა მოწინააღმდეგის დაძლევის შემდეგ ნამდვილი მებატონეები

⁵⁴ ЦГИАЛ, ф. 1268, оп. 9, д. 64, л. 100.

⁵⁵ იქვე, ფ. 100.

⁵⁶ იქვე, ფურც. 114—128.

გახდნენ. მართალია, XVIII საუკუნეში დადიშქელიანებს კვლავ უპირისპირდებოდნენ რიჩგვიანები, მაგრამ, ამის მიუხედავად, ისინი ჩუბეხევის, ეცერის, ცხუმარისა და ბეჩოს თემებში გაბატონებულ ძალად და თავადად გადაიქცნენ. როგორც ისტორიული წყაროები და ეთნოგრაფიულ-ფოლკლორული მასალები, აგრეთვე მატერიალური კულტურის ნაწილები ცხადყოფენ, რომ XVII ს. დასასრულსა და XVIII საუკუნეში სვანეთში დადიშქელიანთა სამთავრო ჩამოყალიბდა.

როდესაც საკითხი სოციალურ ურთიერთობას ეხება, უნდა ვიცოდეთ, რომ დადიშქელიანებამდე სვანეთში, კერძოდ, ბალსქვემო ხევებში, არაერთი პრივილეგირებული გვარი ცხოვრობდა, მათ შორის ერთ-ერთი რიჩგვიანები (რიჩქიანები, რუჩაგვიანები, რუჩეგვიანები) იყვნენ. მათთან ერთად სოციალურად დაწინაურებულ გვარეულობებს შეადგენდნენ ბაბიანები, გოშუანები, მილდანები, კვიციანები, დევდარიანები, ჩარკვიანები და სხვ. ჩანს, ყველა მათგანი, XVIII საუკუნეში, დადიშქელიანებს ჰყავდათ დამორჩილებული.

საკითხავია, თუ რა ედო საფუძვლად სვანეთში და კერძოდ დადიშქელიანთა სამფლობელოში სოციალურ ურთიერთობას — მიწის საკუთრება თუ პოლიტიკური მოტივი?

სადავო არ არის, რომ სვანეთში, კერძოდ ბალსქვემო ხევებში, დადიშქელიანებამდე მიწა დიდი ხნის დასაკუთრებული და დაპატრონებული იყო. ყოველ შემთხვევაში, წერილობითი წყაროების მონაცემებით, ე. წ. ბალსზემო ხევებში სახნავ-სათიბი მიწა და ტყე XIV—XVI საუკუნეებში ვაჭრობის ანუ ყიდვა-გაყიდვის საგანი იყო, რაც იმისი მაჩვენებელიცაა, რომ დანარჩენ სვანეთშიც ასეთივე სურათი იყო. ეს კი იმას ნიშნავს, რომ სვანეთში გვაროვნული წყობილების საფუძველი — მიწის საერთო-თემური მფლობელობა — ხსენებულ საუკუნეებში დიდი ხნის გამჭრალი იყო.

შესაძლებელია სვანეთში, სადაც სახნავ-სათესი მიწის ნაკლებობა იყო, მიწის დასაკუთრება ადრე განხორციელდა, ვიდრე საქართველოს ბარის ზოგიერთ რეგიონში, სადაც ასეთი მიწა უხვად იყო (მაგალითად, ქიზიყში). ამაზე მეტყველებს ფ. ენგელსის დაკვირვებაც ევროპის მაგალითზე. მაგალითად, ფ. ენგელსის აზრით, გერმანიაში მიწის კერძო დაპატრონება მთიან და ვიწრო ხეობებში გაცილებით ადრე დაიწყო და განხორციელდა, ვინემ გაშლილ და უხვმიწიან ბარის რაიონებში⁵⁷.

ფაქტი ის არის, რომ დადიშქელიანების გაბატონებამდე ჩუბეხევის მიწა დიდი ხნის დაპატრონებული იყო, ამიტომ მათი ბატონობის საფუძველი თავდაპირველად პოლიტიკური ძალა უნდა ყოფილიყო.

57 ფ. ენგელსი. გლუხთა ომი გერმანიაში, თბ., 1932, გვ. 165.

ძნელია იმისი ზუსტი თქმა, თუ დადიშქელიანებამდე რა სახის ვალდებულებითი ურთიერთობა არსებობდა ე. წ. ბალსქვემო სვანეთში. როგორც ცნობილია, საქართველოს ერთიანი ფეოდალური მონარქიის დროს, სვანეთის მოსახლეობის მთავარი სახელმწიფო ვალდებულება ლაშქრობაში მონაწილეობა იყო. ამიტომ უნდა ვივარაუდოთ, რომ სვანეთის მოსახლეობის უმეტესი ნაწილი (როგორც გლეხობა, აგრეთვე სხვა) სამეფო ყმებს შეადგენდნენ. რაც შეეხება აზნაურებს, მათი უშუალო ვალდებულება სვანეთის ლაშქრის წინამძღოლობა უნდა ყოფილიყო (ისინი იყვნენ ხამეფო კარის აგენტები ანუ მთავარი დასაყრდენი).

აღნიშნულის გარდა, სვანეთში, როგორც საერისთავოში, სხვა სახის ვალდებულებაც არსებობდა. გლეხობის ნაწილი აზნაურებისადმი იყვნენ ვალდებული, ხოლო აზნაურები და გლეხები ერთად — ერისთავისადმი. ჩანს, ამასთან ერთად, გლეხთა სხვა, არაპირდაპირი ვალდებულებაც არსებობდა, რაც გზების, ხიდების, ციხეების მოვლა-შენახვაში, მოხელეების გამასპინძლებაში და მსგავს მოვალეობაში გამოიხატებოდა.

როგორც წერილობით, აგრეთვე ფოლკლორულ-ეთნოგრაფიულ მასალებზე დაკვირვება ცხადყოფს, რომ XVII საუკუნემდე სვანეთის სხვადასხვა ნაწილებს შორის სოციალურ-ეკონომიკურ და პოლიტიკურ-კულტურულ ურთიერთობებში რაიმე არსებითი განსხვავება არ შეინიშნება. მართალია, XV საუკუნეში ბალსქვემო ხევებში მოიხსენიებიან შედარებით მსხვილი აზნაურები, დადიშქელიანები და რიჩგვიანები, მაგრამ ამ მხრივ მსგავსი სურათი გვაქვს ბალსზემო ხევებშიც (XIX ს. „თავისუფალ სვანეთად“ წოდებულ მხარეშიც), სადაც იმზანად რიჩგვიანებისა და დადიშქელიანების შესადარი და კიდევ უფრო ძლიერი აზნაურული გვარეულობები ცხოვრობდნენ, კერძოდ გელოვანები. თავის დროზე (XVII საუკუნემდე), რიჩგვიანებსა და დადიშქელიანებს არაფრით ჩამოუვარდებოდნენ, აგრეთვე, ყიფიანები და ჩარკვიანები. ეტყობა, ბალსქვემო ხევების ძლიერი აზნაურების მისწრაფებას — მთელი ზემო სვანეთი ჩაეგდოთ ხელში — წინ ლატალის ჩარკვიანები გადაელობნენ და წარმატებითაც. ამ მხრივ საინტერესოა არაერთი ლეგენდა-თქმულება, რომელთა მიხედვით, დადიშქელიანები ჩარკვიანებს ვერაფერს აკლებდნენ, პირიქით, ზოგჯერ ჩარკვიანები აღემატებოდნენ, როგორც ყმა-მამულით, აგრეთვე შეიარაღებული რაზმებით.

XVII—XVIII საუკუნეებში კი დადიშქელიანები ტოლს არავის უდებდნენ სვანეთში არც თავიანთ უშუალო მეტოქე რიჩგვიანებს, არც ჩარკვიანებსა და ყიფიანებს და არც სვანეთის ერისთავთა ჩამომავალ გელოვანებს.

XVII, XVIII და XIX სს. (რეფორმამდე) დადიშქელიანებმა ბატონყმობის მძიმე უღელი დაადგეს ბალსქვემო ხეების გლეხობას. ამ მხრივ ისინი ტიპიური მებატონეები იყვნენ და გლეხებისადმი სუსხიანი დამოკიდებულების მხრივ არაფრით განსხვავდებოდნენ ბარის ცნობილი მებატონეებისაგან.

მიუხედავად თავისი მასშტაბის სიმცირისა, ბატონყმური ურთიერთობა სვანეთის სამთავროში არსებითად ისეთივე ხასიათს ატარებდა, როგორც მეზობელ სამეგრელოში, გურიასა და რაჭა-ლეჩხუმში. ბატონყმური ვალდებულება დადიშქელიანთა სამფლობელოში უფრო მძიმე და მრავალფეროვანი იყო, ვიდრე ქვემო სვანეთში (გელოვანთა და გარდაფხაძეთა სამფლობელოებში, მით უფრო ლენტეხის თემში, სადაც ადგილობრივი პრივილეგირებული გვარეულობა გამჭრალი იყო და XVIII საუკუნეში დადიანები გაბატონდნენ).

მიუხედავად იმისა, რომ თავდაპირველად მიწა-წყალი დადიშქელიანთა კუთვნილებას არ შეადგენდა, აქან ხელი ვერ შეუშალა მათ გაბატონებულებს, გლეხობისათვის მძიმე ნატურით გადასახადები და შრომითი ბეგარა დაეკისრებინათ. სამეგრელოს, იმერეთის, გურიისა და სხვა მხარეების მსგავსად, სვანეთის სამთავროშიც გლეხთა ბეგარა-ვალდებულება უმეტესად ადათ-წესის ხასიათს ატარებდა (წერილობით ნაკლებად ფორმდებოდა).

დადიშქელიანთა სამფლობელოში გლეხის კომლი ვალდებული იყო გამწევი ძალით, შრომის იარაღებითა და თავისი ხარჯით მებატონის პირად მეურნეობაში ემუშავა ნებისმიერ დღეს, როგორც ხენათესვის, აგრეთვე მკა-თიბის დროს. ამასთან, გლეხები ვალდებული იყვნენ მითითებისამებრ დადიშქელიანების ყანები შეეღობათ, გაენოყიერებინათ, გაემარგლათ, მოსავალი დაებინავებინათ, ხორბლეული გაესუფთაებინათ და დაეფქვათ, თივა და შეშა დაემზადებინათ, შინ მიეზიდათ, მონაწილეობა მიეღოთ საცხოვრებელ და სამეურნეო ნაგებობათა მშენებლობაში და, საერთოდ, ნებისმიერი სამუშაოს შესრულებაში, რასაც დადიშქელიანები მოისურვებდნენ. ამასთან, გლეხები იხდიდნენ ღალას (მოსავლის მესამედს ან მეოთხედს) ან მის ფულად ღირებულებას (ეს უკანასკნელი ბოლო დროს საკმაოდ გავრცელებული იყო). ამის გარდა, გლეხის კომლს ევალდებოდა განსაზღვრულ დროში გადაეხადა ცხვარი, თხა, ძროხა ან ხარი (მსხვილფეხა რქოსანი საქონელი ერთ ან ორ წელიწადში ერთხელ, ხოლო წერილფეხა — უფრო მოკლე დროში).

ამ მძიმე ბეგარა-მოვალეობასთან ერთად, გლეხის კომლი ვალდებული იყო აგრეთვე მებატონე დადიშქელიანისათვის ერთი შინა მოსამსახურე მიეცა ყოველწლიურად, ლაშქრობაში მიეღო მონაწილეობა (კომლიდან ერთს, ან ყველა ბრძოლისუნარიან მამაკაცს), აგ-

რეთვე ბატონი გეცილებინა მგზავრობისას, მისი ბარგი გაეზიდა და სხე.

აღნიშნულთან ერთად, გლეხობას სხვა არაპირდაპირი მოვალეობაც ეკისრა: ბატონისათვის წელიწადში ერთხელ კარგი პურმარილი მოეწყო, ყოველ დღესასწაულზე არაყი, ყველი, ხორცი, ქათამი, კვერცი და მისთანა ძღვენ-საჩუქრები მიერთმია და სხე.

გლეხი მოვალე იყო, აგრეთვე, დაქვრივების შემთხვევაში — საქერივო (60 მანეთი), გათხოვების ან ცოლის წერთვის შემთხვევაში — 120 მანეთი გადაეხადა. არსებობდა გასამყრელო თუ შესამყრელო გადასახადი; ამასთან, სატირალის, ორმოცის და წლისთავის გადახდის შემთხვევაში, გლეხს დადიშქელიანებისათვის ვანსაზღვრული პური, ხორცი და არაყი მიეცა. სისხლის სამართლისა თუ სამოქალაქო დანაშაულის ჩადენის შემთხვევაში გლეხებს დადი ქარიშა-გადასახადი ეკისრებოდათ; მაგალითად, მკვლელობის შემთხვევაში — 120 მანეთი (ზოგიერთი ცნობით — 300 მანეთი), ჩხუბის შემთხვევაში სხეულის მძიმე დაზიანებისთვის — 60 მან. და ა. შ.

გლეხი ვალდებული იყო მებატონის ყოველი ჯიკრი და ლხინი გაეზიარებინა.

დადიშქელიანთა გლეხების მძიმე მდგომარეობას ასურათებს საქმეში გათვითცნობიერებული მეფის არაერთი მოხელე, აგრეთვე სხვადასხვა მკვლევარი და მოგზაური, მათ შორის გენერალური შტაბის ოფიცერი შაზოვსკი, რომელიც აღნიშნავს, რომ საბატონო სვანეთში ყოველგვარ საქმეებს მხოლოდ დადიშქელიანები წყვეტდნენ, ისინი აეთებდნენ იმას, რაც მოუნდებოდათ, გლეხებისაგან იღებდნენ ყველაფერს, რასაც მოისურვებდნენ⁵⁸.

ე. გაბლიანი წერს: „თავად დადიშქელიანებს საშინელ მდგომარეობაში ჰყავდათ ჩაყენებული თავისი ქვეყნის გლეხკაცობა. გლეხები სულიან-ხორციანად ბატონების ხელში იყვნენ. ისინი ხშირად თავის ქვეშევრდომებს ოსეთში და სხვაგან ყიდდნენ, დამნაშავეებს ასამართლებდნენ, აჯარიმებდნენ, ფიზიკურად და სიკვდილითაც სჯიდნენ“⁵⁹.

ე. გაბლიანი აღნიშნავს, აგრეთვე, რომ დადიშქელიანები გლეხებს ჯარიმად ახდევინებდნენ: მკვლელობის ჩადენის გამო 300 მანეთს, ქურდობის — 200 მანეთს, დაჯრის გამო 100 მანეთს. მისივე ცნობით, დადიშქელიანი გლეხის თითოეულ კომლს წელიწადში 20 მანეთს ახდევინებდა, სამ წელიწადში — ძროხას, ყოველწლიურად — მოსავლის ნახევარს. ამასთან, სახლის აშენების შემთხვევაში გლეხს ეკისრებოდა კირის, ხე-ტყისა და ქვა-სილის ნებართვის მიღებისათ-

⁵⁸ ЦГВИА, ВУА, д. 19247, л. 13.

⁵⁹ ე. გაბლიანი. ძველი და ახალი სვანეთი. გვ. 69.

ვის — 25 მანეთის გადახდა. თუ ბატონს გლეხის ცხენი, ხარი, ძროხა ან სხვა პირუტყვი მოეწონებოდა, უფასოდ მიჰყავდა, ყოველგვარი ნებართვის გარეშე და სხვ.⁶⁰

„ბატონის ნებადაურთველად — წერს ე. გაბლიანი, — გლეხის ქალს არ შეეძლო გათხოვება, კაცს — ცოლის თხოვა. წინააღმდეგ შემთხვევაში დამნაშავე ისჯებოდა. ხოლო სასიძო ვალდებული იყო ბატონისათვის სასყიდელი მიეცა“⁶¹.

ბატონყმობას ეხება ივანე მარგიანიც, რომლის დაბასიათებით, სვანეთში ცხოვრობდნენ თავადები, აზნაურები და გლეხები. მისივე მტკიცებით, თავადებსა და აზნაურებს ვარგს უწოდებდნენ. თვითმხილველი ი. მარგიანისავე განსჯით, „თავად დადიშქელიანებს სვანეთში დიდი პატივისცემა აქვთ... მათ, როგორც მეფეს ისე უყურებენ მათნი გლეხნი და ეძახიან „ფუსდს“ (პატრონს)“⁶².

დადიშქელიანთა სამთავროში ბატონყმობის არსებობის ფაქტს აღიარებენ არა მხოლოდ მეფის თვითმპყრობელობა და მისი მოხელეები (რომელთაც ბატონყმური უფლებები სპეციალური სიგელებით, „სათხოვარი პუნქტებითა“ და ხელისუფლების ნიშნებით დაადასტურეს), არამედ სვანეთის საქმეში ჩახედული უცხო მოგზაურ-მკვლევრებიც, მათ შორის: ლობანოვ-როსტოვსკი, შახოვსკი, ბარტოლომე, უსლარი, გილევო, დობროვოლსკი, ა. ლაერენტიევი, ნ. დუბროვინი, ვ. ტეპცოვი, შ. კოვალევსკი, ე. კოვალევსკი, ი. ივანიუკოვი, ე. კალკეიტი, ფ. სობოლი, ს. ანისიმოვი და სხვა მრავალი.

სვანეთში და, კერძოდ, დადიშქელიანთა სამთავროში, ბატონყმობის არსებობა უდავო ფაქტად მიაჩნდათ ისეთ ცნობილ ისტორიკოსებს, როგორც იყვნენ დ. ბაქრაძე, ე. თაყაიშვილი, ა. ხახანაშვილი, ს. ავალიანი და სხვ.

როგორც თვითმხილველები, აგრეთვე ზერელე დამკვირვებლები შენიშნავენ, დადიშქელიანებისადმი ვალდებულება სხვადასხვა სოფლებში და თვით ერთი და იგივე სოფელშიც ერთიმეორისაგან განსხვავდებოდა

ბატონყმური ბეგარა-ვალდებულება ხშირად წინდაწინ არ იყო მტკიცედ განსაზღვრული, ამიტომ დადიშქელიანები (რომელთა ხელში იყო ძალაუფლება) გლეხებს ზოგჯერ უდებსაც უწესებდნენ. ნ. დუბროვინის გადმოცემით, შეუძლებელი იყო დადიშქელიანთა გლეხები ბედნიერი ყოფილიყვნენ. რადგან ყველა შემთხვევაში თავიანთი მებატონეებისადმი იყვნენ ვალდებული⁶³. ასევე წერს საქმის თვითმხილვე-

⁶⁰ ე. გაბლიანი. იქვე.

⁶¹ იქვე.

⁶² ეთნოგრაფიული წერილები სვანეთზე. თბ., 1973, გვ. 157.

⁶³ Дубровин Н. Ф. История войны и владычество русских на Кавказе, т. I, кн. II, СПб., 1871, с. 97.

ლი, თვითმპყრობელობის სამხედრო მოხელე ლობანოვ-როსტოვსკი; დადიშქელიანები გლეხებს უმოწყალოდ ძარცვავენ სხვადასხვა სახის გადასახადებითა და ჯარიმებით⁶⁴.

სხვადასხვა მოგზაურ-მკვლევართა ჩვენებით, გლეხთა ექსპლუატაციით მითვისებული ქონება დადიშქელიანთა არსებობის ძირითადი წყარო იყო.

დადიშქელიანთა ბატონყმურ უფლებებზე წერენ ცნობილი მკვლევრები — მ. კოვალევსკი და ი. ივანიუკოვი, მათი რწმუნებით, ხენა-თესვისა თუ თივის დამზადებისას სვანეთის მემამულეს უფლება ჰქონდა ყოველი კომლიდან იმდენი მუშა მოეთხოვა, რამდენიც მას დასჭირდებოდა და რამდენის გამოყვანაც კომლს შეეძლო. ამასთან, გლეხები სხვა ვალდებულებასაც ასრულებდნენ. სამ წელიწადში თითოეული კომლი ძროხას იხდიდა. ამას გარდა, გლეხი ზამთარში მებატონის ერთ რქოსან პირუტყვს კვებავდა, თუ ის მოკვდებოდა, გლეხს სამაგიერო უნდა მიეცა. იგი ვალდებული იყო სააბაღწლოდ მებატონისათვის 20 მანეთად ღირებული ძღვენი მიეცა, აღდგომას ზთელი ამალით დაეპატიებინა და ნადიმი მოეწყო. ამას გარდა, გლეხები ვალდებული იყვნენ მებატონისათვის ქორწილში ცხვარი მიეძღვნათ, სისხლის ფასის გადახდისას გვარიანი შესაწევარი მიეცათ. ამასთან, თუ გლეხს ვინმე შემოაკვდებოდა, ის ვალდებული იყო ბატონისათვის 300 მან. ჯარიმა მიეცა, თუ ქურდობა დაუდგინდებოდა — 200 მანეთი, თუ ვინმეს დაჭრიდა — 100 მანეთი და ა. შ.

არაერთი მკვლევრის აზრით, ყველაფერი ეს იმას ნიშნავდა, რომ სათავადო სვანეთში ყმა ორმაგად ისჯებოდა⁶⁵.

ზემოაღნიშნული გარემოება სადადიშქელიანო სვანეთის ყმათა მძიმე და მრავალფეროვან ვალდებულებაზე მეტყველებს. თუ ყმა გლეხობის პირდაპირ და არაპირდაპირ ვალდებულებასა და ჯარიმა-გადასახადებს დაეუმატებთ სალაშქრო ვალდებულებას, რაც ხშირად სიცოცხლის ფასად უჯდებოდათ, ადვილი წარმოსადგენია, თუ რა მძიმე და ძნელი ასატანი იყო მათი ყოფა-ცხოვრება.

მიუხედავად იმისა, რომ დადიშქელიანთა სამფლობელოში ბატონყმობა არსებითად ისეთივე ხასიათს ატარებდა, როგორსაც ბარის რეგიონებში, ის გარკვეული თავისებურებებითაც ხასიათდებოდა, რასაც ადგილობრივი პირობები, მისი კონკრეტული სპეციფიკურობა განაპირობებდა, მათ შორის ისიც, რომ დადიშქელიანები არავის კონ-

⁶⁴ Кавказ, 1852, № 16.

⁶⁵ В Сванетии. Из путешествия И. Иванюкова и М. Ковалевского. — Вестник Европы, 1886, т. 5, кн. 8-я, с. 607.

ტროლქვეშ არ იმყოფებოდნენ (მბედველობაშია რუსეთთან შეერთებად), ამის გამო ისინი უზენაესი კანონმდებლებიც და მმართველებიც იყვნენ.

საინტერესოა მ. კოვალევსკისა და ი. ივანიუკოვის დაკვირვება სადალიშქელიანო სვანეთის მიწისმფლობელობისა და საკუთრების წესებზეც. მათი აზრით, საბატონო სვანეთში, სადაც ბატონყმობა მონობაში არ გადაზრდილა, არათავისუფლება (ყმობა) არავის უკრძალავდა მიწის კერძო საკუთრების უფლებას. მათივე რწმუნებით, „ნადელი“ ანუ მიწის ნაკვეთი თაობიდან თაობაში მემკვიდრეობით გადადიოდა, მაგრამ თუ ოჯახი ამოწყდებოდა, მაშინ, მოგვარებთან შედარებით, უპირატესობა დადიშქელიანებს ენიჭებოდათ, ზუსტად ისე, როგორც დასავლეთში ფეოდალ-სენიორი ითვისებდა თავის „მაინ მორტაბლეს“ მიწას, როდესაც ის გარდაიცვლებოდა⁶⁶.

დასახელებული მკვლევრების ამ მოსაზრებაზე, აგრეთვე სვანეთის სამთავროს, საადგილმამულო ურთიერთობისადმი საკუთარი დაკვირვების საფუძველზე მკვლევარმა ა. ჩარკვიანმა დაასკვნა, რომ გლეხთა ვალდებულების საფუძველი ზოგჯერ მიწა კი არ იყო, არამედ პოლიტიკური მფარველობა⁶⁷.

სვანეთის ისტორიული პროცესებისადმი შიგნიდან თუ გარედან დამკვირვებელთა აზრით, სადალიშქელიანო სვანეთში ყველა გლეხს ერთნაირი ვალდებულება არ ეკისრა. ზოგი მეტ ლალას იხდიდა, ზოგიც მეტ შრომით ბეგარას, ზოგიერთი ორივეს ერთნაირად, ზოგიერთიც შრომით თუ ნატურით ვალდებულებისაგან თავისუფალი იყო და ა. შ.

მაგალითად, ბეჩოს თემში მცხოვრები კეციანების 30 ოჯახი, რომლებიც ჩვენი და ზოგიერთის აზრით, აზნაურები ან მსახურები იყვნენ, გაცილებით მეტი თავისუფლებით სარგებლობდნენ, ვიდრე ნებისმიერი გლეხი. ვფიქრობთ, ეს იმაზე მიგვანიშნებს, რომ ისინი დადიშქელიანთა მოლაშქრე-მსახურები ანუ დამსახურებული და პრივილეგირებულნი იყვნენ. დაახლოებით ასეთივე მდგომარეობაში იყვნენ ჩხვიმიანები, სვიფლიანები, მილდანები, დევნოზიანები, გოშუანები და სხვ.

„დადიშქელიანთა სამფლობელოში მიწაზე გლეხთა კერძო საკუთრების არსებობის შემთხვევები და ზოგიერთი ყმა-გლეხის შედარებით თავისუფლება ერთხელ კიდევ მიუთითებს იმაზე, რომ მებატონ-

⁶⁶ მ. კოვალევსკი, ი. ივანიუკოვი. მითითებული ნაშრომი. გვ. 606—607.

⁶⁷ ა. ჩარკვიანი. სვანეთი. თბ., 1967, გვ. 85.

ნისა და ყმის ურთიერთობას სხვადასხვაგვარი საფუძველი და ფორმა ახასიათებდა⁶⁸.

დადიშქელიანთა სამფლობელოში გლეხთა კატეგორიებს შორის (მკვიდრი ყმა — მებეგრე, შინაყმა, აზატი, ხიზანი) ყველაზე უკიდურეს პირობებში შინაყმები იყვნენ. ეს უკანასკნელნი ორ ჯგუფად იყოფოდნენ: ერთს შეადგენდნენ ნაყიდნი და ნატყვევარნი, ხოლო მეორეა — გლეხის კომლიდან დროებით წაყვანილნი (საბეგრო ვალდებულებით). როგორც ჩანს, ისეთი შინაყმები, რომელთაც საკუთარი მეურნეობა არ გააჩნდათ, დადიშქელიანებს საკმაოდ ბევრი ჰყავდათ, მაგალითად, ერთ-ერთი ცნობით, თათარყან (ნიკოლოზ) დადიშქელიანს 200-მდე შინაყმა ჰყავდა (ძირითადად ნაყიდი და ნატყვევარი)⁶⁹.

ასეთი კატეგორიის ყმები მებატონის ნება-სურვილზე იყვნენ ყოველმხრივ დამოკიდებული. ისინი ძირითადად შინასამუშაოს ასრულებდნენ, კერძოდ, სახლკარსა და პირუტყვს უვლიდნენ, ყანებსა და სათიბებს დარაჯობდნენ, პირუტყვს მწყემსავდნენ, წისქვილსა და სხვა ნაგებობებს უვლიდნენ და ა. შ.

დადიშქელიანები შინაყმებს (მოჯალაბეებს) ხშირად ისე ექცეოდნენ, ვითარცა მონას: მათ ყიდდნენ, საჩუქრად აძლევდნენ, მზითვში ატანდნენ და ა. შ.

სხვადასხვა ცნობებიდან ჩანს, რომ დადიშქელიანები (საქართველოს სხვა თავადაზნაურთა მსგავსად) ყმებითაც ვაჭრობდნენ. ჰაქტ-ჰაუზენის ცნობით, ისინი ბიჭს 400, ხოლო გოგონას 200 მანეთად ყიდდნენ⁷⁰.

დადიშქელიანების მიერ ადამიანებით (ტყვევებითა და შინაყმებით) ვაჭრობის ფაქტებზე მიუთითებს ლობანოვ-როსტოვსკიც; ის, როგორც თვითმხილველი, ამ ფაქტის შედარებით ფართო ხასიათზე მიუთითებს და იქვე დასძენს, რომ ამ გარემოებას აქ უფრო დიდი მასშტაბი ჰქონდა, ვინემ ქვემო სვანეთის ფეოდალურ სახლებში⁷¹.

ადამიანებით ვაჭრობას დადიშქელიანები მეზობელ მაჰმადიანურ მხარეებში — ყარაჩაიში, ყაბარდო-ჩერქეზეთსა და აფხაზეთში — ეწეოდნენ⁷², როგორც საარქივო, აგრეთვე ფოლკლორულ-ეთნოგრა-

68 გ. გასვიანი. დასავლეთ საქართველოს მთიანეთის ისტორიიდან. თბ., 1973, გვ. 266.

69 რ. კანდელაკი. სვანეთი XIX ს. პირველ ნახევარში, საქანდ. დისერტაცია, 1961 (ხელნაწერი, ინახება ივ. ჯავახიშვილის სახ. ისტორიის ინსტ. ბიბლიოთეკაში). გვ. 81—82.

70 Гактгаузен. Закавказский край. Спб., 1857, ч. I, с. 6—8.

71 Кавказ, 1852, № 16.

72 Авалиани С. Крестьянский вопрос в Закавказье. Т. I. Одесса, 1913, с. 10.

ფიული მასალები მოგვითხრობენ, რომ ტყვეთა სყიდვის მხრივ, XIX ს. მეორე მეოთხედში, განსაკუთრებით გამოუჩენია თავი თათარყან დადიშქელიანს, რომელიც, როგორც ჭაერთოდ, ასევე თანამოძმეებშიც დაუნდობელ და სუსხიან პიროვნებად ითვლებოდა. ჩანს, მის მუხანათურ მოქმედებას, ადამიანების დატყვევებასა და ტყვეებით ვაჭრობას, წინ აღუდგა ეკლესია და ბოლოს მეფის თვითმპყრობელობაც. მაგრამ თავსგასული ფეოდალი ამ საქმიანობას უკავშირებდა საარსებო პირობებს და ყოველივე ამის შეწყვეტისათვის დაჟინებით მოითხოვდა უზრუნველ ცხოვრებას, პენსიის დანიშვნას⁷³. აღსანიშნავია, რომ XIX ს. 40-იანი წლების ბოლოს დადიშქელიანებს ოფიციალურად აეკრძალათ ადამიანებით ვაჭრობა⁷⁴.

როგორც ვხედავთ, სევანეთის ფეოდალ-მემამულეები, აღნიშნულს მხრივაც, თანამოძმე ბარის მემამულეებს შეედრებოდნენ.

ბატონყმური ურთიერთობა საკმაოდ რელიეფურად და ფართოდ აისახა სევანურ ფოლკლორში და, საერთოდ ხალხურ თქმულება-გადმოცემებში. ის, ვინც რეალურად გაეცნო და შეისწავლა სევანური ფოლკლორი, დარწმუნდა, რომ სევანეთში ბატონყმური ურთიერთობა საკმაოდ ფეხმოკიდებული და დამკვიდრებული ყოფილა. მაგალითად, აკაკი შანიძე და ვარლამ თოფურია „სევანური პოეზიის“ პირველი ტომის შესავალში წერენ, რომ მათ მიერ გამოცემულ ტექსტებში „შესანიშნავად არის გაშუქებული ბატონყმური ურთიერთობა სევანეთში და ამ ნიადაგზე გაჩაღებული კლასობრივი ბრძოლა“⁷⁵. აღნიშნულის მაჩვენებლად მეცნიერები ასახელებენ სიმღერას „ცენას დათუნა“, რომელშიც დადიშქელიანებზე ნათქვამია:

„ეცერში ცერცვის მოსავალი ბლომად აქეთ;
ერთი წილი იმათია,
ცხრა წილი ბატონებს მიაქვთ.
საუკეთესო ხარები ბატონებს (ფუსდებს) ეკუთვნით,
კარგი ქალიშვილები მათ უწვანან,
კარგი ხორბალი იმათია,
საბრალო ეცერლებს ნაყარ-ნუყარი აქეთ“⁷⁶.

აქვე აღწერილია მებატონე დადიშქელიანების მიერ პირველი ღამის უფლების მცდელობის წინააღმდეგ ბრძოლა:

„ჩვენ ქუდები თავზე გვეხურება,
შუბლზე ჩვენ სინდისი გვაქვს,

73 AKAK, т. 8, с. 466—468.

74 ЦГИАЛ, ф. 1268, оп. 9, л. 64, л. 25.

75 სევანური პოეზია. I. თბ., 1939, წინასიტყვაობა.

76 იქვე. გვ. 231—232.

ცოლები ჩვენი ჩვენთვის გვიდა,
ჩვენ დავიხოცებით სირცხვილისათვის“⁷⁷.

უკანონობის წინააღმდეგ ამხედრებული გლეხები ბატონს კლა-
ვენ, მაგრამ თვითონაც ილუპებთან:

„სორთმანს სული ჰხდება,
ძმებს ციხე ენგრევათ;
სორთმანს სული ამოხდომია,
ძმებს ციხე დანგრევიათ“⁷⁸.

აღსანიშნავია, რომ სევანურ პოეზიასა და პროზაში კარგად აისა-
ხა არა მხოლოდ ფეოდალური წოდების ტერმინოლოგია და სახელ-
წოდება („ვარგი“, „ფუსტ-ფუსდი“, აგრეთვე „გლეხი“, „ფამლი“,
„ლელიანი“, „ქორსმერდე“, „ლაჯირი“, „ჯალჩი“) და ძხვა, არამედ
ზოგიერთი ძველი სახელწოდების ახალი შინაარსიც. მაგალითად, ფე-
ოდალურ-ბატონყმური ურთიერთობის დამკვიდრების შედეგად „ქორა
მახეში“ (ოჯახის უფროსი) ზოგ შემთხვევაში გაბატონებული პირის
ეპითეტად და სოციალური ვითარების ამსახველად გადაიქცა („სევანე-
თის მახეში“, „ხევის მახეში“, „სოფლის მახეში“ და ა. შ.)⁷⁹.

ბატონყმური ურთიერთობა კარგადაა ასახული სევანურ სიმღერა
„ვიციბილ-მაციბილშიც“. ამ სიმღერის ერთ-ერთ ვარიანტში ბეჩოელ-
თა სახელით ნათქვამია:

„ეცერ-ცხუმარი უხნავ-უთესად დაგვიტოვებია.
თავი მოჰზეზრებიათ ეცერ-ცხუმარს,
იმ ნაბიჭვრებს, უსინდისოებს,
რად სჭირდებათ ასე „მალულად“
ოთარშერების ლაქუცი?!
ისინი არ უკადრისობენ, ნეტავი მათ,
მეტად რბილი გულის პატრონს;
თავიანთი ცოლები იქით მიჰყავთ;
მათ არ ჰრცხვენიათ, ნეტავი მათ,
ბეგარა თავის ხელით იქით მიაქვთ;
მათ არ ჰრცხვენიათ ნეტავი მათ,

77 სევანური პოეზია. I, შესავალი.

78 იქვე. გვ. 83.

79 იქვე. გვ. გვ. 26, 27, 72, 116, 117; სევანური პროზაული ტექსტები, I, თბ.,
1939, გვ. 3, 113, 123, 371; სევანური ენის ქრესტომათია. თბ., 1978, გვ. 67, 76, 98.

თავიანთ საცემს ხელით აძლევენ;
მათ არ პრცხვენიათ, ნეტავი მათ
ოთარშერების შინაყმობა⁸⁰.

ყოველგვარი ტენდენციურობისა და წინაზრახვის გარეშე შეკრებილ და აღწერილ სვანური პოეზიის ნიმუშებში პირდაპირ და ნათლად ჩანს დადიშქელიანთა ურჩი, უხეში და ბატონკაცური დამოკიდებულება არა მხოლოდ თავიანთი გლეხებისადმი, არამედ სვანეთის აზნაურობისა და მეზობელი მხარეების რიგითი ხალხისა და მფლობელების წინააღმდეგ, ასევე ერთიმეორისადმი მტრული დაპირისპირება.

სადადიშქელიანო სვანეთში (სვანეთის სხვა ნაწილებშიც) ბატონყმური ურთიერთობა და მის წინააღმდეგ კლასობრივი ბრძოლა ასევე ფართოდაა ასახული სვანურ პროზაში, რომლის ნიმუშები სამ ტომად გამოიყა ე. თოფურიას, ა. შანიძის, მ. ქალდანის, ა. დავითიანისა და სხვათა მიერ.

აღნიშნულ ტექსტებში გადმოცემულია აგრეთვე დადიშქელიანთა შინაფეოდალური ბრძოლა პირველობისათვის. ამ მხრივ ნიშანდობლივია ბაბა ციოყისა და ოთარის დაპირისპირება: ბაბა ციოყი ფარში ცხოვრობდა, ხოლო ოთარი ფხოტრერში. ისინი ერთმანეთთან არ დადიოდნენ, რადგან ღალატის ეშინოდათ. მ. ქალდანის მიერ ჩაწერილ ერთ-ერთ გადმოცემაში ნათქვამია, რომ ბაბა ციოყმა ოთართან სტუმრობა გადაწყვიტა და წასვლის წინ თავის ვეზირებს უთხრა: წმ. გიორგი სვიფისა, ეს ოთარი ჩვენი კი არა, ღმერთებნი ჩამომავალიაო, თორემ მთლად ასეთი საიდან გამოვიდოდა, მას ისეთ რაიმეს მოუხერხებ, რომ მთელი ეცერი ჩვენ დაგვრჩებაო. ვეზირებს გაცინებიათ და უკითხავთ — მთლად ასეთს რას მოუხერხებო? — რას, ჩემს შვილს ცოლად მიეცემ, ძვალი გაუტყდება და ამოწყდებაო. აქვე ნათქვამია, რომ დიდი ყოყმანის შემდეგ ბაბა ციოყმა თავისას მიაღწია, თითქოს ნათესაობისა და გვარის გატეხვის გამო ოთარი ცხენით მგზავრობისას დაიღუპა, ხოლო შემდეგ ბაბა ციოყმა ოთარის ორ ვაჟიშვილსაც უღალატა და მათ ყმა-მამულსაც დაეპატრონა⁸¹.

ყოველივე ესეც იმაზე მეტყველებს, რომ პირველობისათვის დადიშქელიანები (მეზობელი სამეგრელოს, ლეჩხუმისა და სხვა), ფეოდალების მსგავსად, ერთიმეორესაც ებრძოდნენ და ხოცავდნენ, რაც,

⁸⁰ სვანური პოეზია. I, გვ. 80—81.

⁸¹ სვანური პროზაული ტექსტები. II, 1957, გვ. 125—128.

ზუნებრივია, არა მხოლოდ მათ ასუსტებდა, არამედ მთელ მათ სამფლობელოს და სევანეთს. ამასთან, ძალას მატებდა მტერს, რომელიც თავის სასარგებლოდ აქეზებდა და ახალისებდა ძმათამკვლელ ომს.

5. საგლეხო რეფორმა დადიანთა სამფლობელოში

როგორც უკვე აღვნიშნეთ, XIX ს. 50-იან წლებში დასავლეთ საქართველოს ცალკეული ფეოდალური ერთეულების ავტონომიები, მათ შორის დადიშქელიანთა სამთავროც, გაუქმდა. ამასთან, დადიშქელიანთა უფროსი შტოს წარმომადგენლებიც (კონსტანტინეს მიერ ქუთაისის გენერალ-გუბერნატორის მოკვლის გამო) რუსეთის შორეულ გუბერნიებში გადაასახლეს, ხოლო ჩუბუხევის ყმა-მამულის საზღაურად მათ საკმაოდ დიდი სახსრები მიიღეს (ეს ყმა-მამული ხაზინას გადაეცა)⁸².

რაც შეეხება დანარჩენ დადიშქელიანებს, რომლებიც ეცერ-ცხუშარ, ბეჩოს ფლობდნენ, ხსენებულ სამთავროს გაუქმების შემდეგ, მათ ჩვეულებრივი მემამულური უფლებები დარჩათ. ამასთან, მთელი ზემო სევანეთი (ე. წ. სადადიშქელიანო და ბალსზემო სევანეთი) ერთ საბოქაულოდ გადაკეთდა, რომლის ცენტრად ბეჩო იქნა შერჩეული. მალე მთელი სევანეთის გაერთიანების საკითხიც დაისვა, რაც 1869 წ. სისრულეში იქნა აგრეთვე მოყვანილი⁸³.

XIX ს. 60-იან წლებში, როგორც დასავლეთ საქართველოს სხვა კუთხეებში, სევანეთშიც საგლეხო რეფორმის პრაქტიკული განხორციელების საკითხი დაისვა. ამ მიზნით საჭირო გახდა სევანეთის თავდა-აზნაურთა მდგომარეობისა და მათი საადგილმამულო ურთიერთობის საბოლოო დადგენა. ამას მოყვა სპეციალური კომისიების შექმნა, მოსახლეობის აღწერა და სათანადო წესების შემუშავება.

1863 წ. სამეგრელოს მმართველს გ. ვლასტოვს დაევალა შეექმნა სამეგრელოს სარეფორმო კომისია, რომელშიც უნდა შეეყვანა სევანეთის თავდა-აზნაურთა ორი წარმომადგენელიც⁸⁴.

მართალია, მეფის მთავრობამ სევანეთში საგლეხო რეფორმის გატარება სამეგრელოს მმართველს გ. ვლასტოვს შიანდო, მაგრამ მას და მის მიერ შექმნილ კომისიას ოდნავი წარმოდგენაც კი არ ჰქონდა სევანეთის კონკრეტულ ვითარებაზე.

ზუგდიდში დაარსებულ სამეგრელო-სევანეთის სარეფორმო კომისიას მიეთითა, რომ, გარდა დადიანებისა და დადიშქელიანებისა

⁸² ЦГИАЛ, ф. 1268, оп. 9, д. 64, л. 95—99; АКАК, т. XII, с. 383.

⁸³ იქვე ფ. 416, оп. 3, д. 91, л. 1.

⁸⁴ საქ. სსრ ცსსა, ფ. 16, ს. 59, ფურც. 98—99.

(რომელთაც იმპერატორის ოფიციალური სიგელები ჰქონდათ), ყველა თავად-აზნაურისათვის მოეთხოვა ბატონყმური უფლებების დამადასტურებელი საბუთები, რომლებიც კომისიისათვის უნდა წარედგინათ (ამ საბუთში ზუსტად უნდა ყოფილიყო ასახული, თუ ვის რამდენი ყმა და მამული ეკუთვნოდა), მაგრამ როგორც დანარჩენ საქართველოში, ამ სამფლობელოებშიც ბატონყმობის რიგი წერილობით იშვიათად იყო აღნუსხული (ის ადათ-წესის ხასიათს ატარებდა). მთავრობის ეს მოთხოვნა, როგორც თავის დროზე ქართლ-კახეთში და იმერეთში, ასევე სამეგრელოსა და სვანეთშიც, ვერ შესრულდა, ამის გამო სამეგრელოსა და სვანეთშიც ყოველივე მეფის მთავრობის სპეციალურ კომისიებს უნდა გადაეწყვიტათ (საჭირო შემთხვევაში ძიებისა და მოწმეების მეშვეობით).

გ. ვლასტოვის მიერ შექმნილი საგლეხო რეფორმის კომისია 1865 წ. მუშაობას შეუდგა, მაგრამ, პირველ რიგში, მან დადიანის სამფლობელოს (სამეგრელოს, ლეჩხუმ-ჭყვემო სვანეთის) საქმე განიხილა.

წინდაწინ მოლაპარაკების შემდეგ, 1866 წ. იანვარში, სამეგრელოს მმართველმა წერილობით მიმართა დადიშქელიანთა უმცროსი შტოს წარმომადგენელს — თენგიზ დადიშქელიანს (რომელიც, მებატონის გარდა, ამ დროს სვანეთის ბოქაულის თანაშემწეც იყო), რათა რეფორმის მოსაშზადებლად საჭირო მასალები გაემზადებინა და წარედგინა.

1866 წ. 14 აპრილს თენგიზ დადიშქელიანი სამეგრელოს მმართველთან გამოცხადდა თავისი სამფლობელოს აღწერის მონაცკეებით. მალე სამეგრელოს მმართველმა ქუთაისის გენერალ-გუბერნატორ სეი-ატოპოლკ-მირსკის სთხოვა ნება დაერთო დადიშქელიანთა საკათხი განეხილა, მაგრამ სანამ გენერალ-გუბერნატორი თავის მითითებებს აცნობებდა და დავალებას მისცემდა, იქამდე, ყმა-მამულის კუთვნილებასთან დაკავშირებით, ეცერ-ცხუმარ-ბეჩოს მფლობელ დადიშქელიანთა შორის სასტიკი დავა გაჩაღდა. ამას დაემატა სამეგრელოს მფლობელთა მიერ დაჩემებული საძოვრების გამო აურზაურიც (ამ საძოვრებით სარგებლობისათვის იჭარის მიუტემლობის გამო დადიშქელიანები და მათი მოსაზღვრე სვანები თავს ესხმოდნენ სამეგრელოს მეჭოგეებს და ჭოგიანად იტაცებდნენ).

ასეთი გარემოების გამო, გ. ვლასტოვი თვლიდა, რომ სვანეთში ჭერ სამიმოსვლო საშუალება და ხელისუფლების საქმე უნდა მოგვარებულიყო და რეფორმა შემდეგ გატარებულიყო⁸⁵.

⁸⁵ Сельское хозяйство и аграрные отношения, т. II, сост. проф. П. В. Гугушвили. Тбилиси, 1950, с. 515—516.

გ. ვლასტოვის აზრით, ეცერ-ცხუმარ-ბეჩოში რეფორმის გასატარებლად აუცილებელი იყო ჯერ მუსლიმან დადიშქელიანების (რომლებიც ჩრდ. კავკასიაში ცხოვრობდნენ და ბეჩოში მამულებს ფლობდნენ) საქმის მოგვარება, მათთვის მამულების ჩამორთმევა. ამასთან ერთად, მისი მითითებით აუცილებელი იყო დადიშქელიანებისადმი კუთვნილი მიწა-წყლისა და ყმათა რაოდენობის ზუსტი აღრიცხვა, აგრეთვე დადიშქელიანებსა და ყმა-გლეხობას შორის არსებული საადგილმამულო ურთიერთობის დადგენა⁸⁶.

სამეგრელოს მმართველს, ქუთაისის გენერალ-გუბერნატორსა და მეფისნაცვლის კანცელარიას შორის ხანგრძლივი მიმოწერის მიუხედავად დადიშქელიანთა ყმა-გლეხების განთავისუფლება 1966 წელს ვერ გადაწყდა.

რეფორმის საქმის მოსაგვარებლად 1869 წ. ივლისში სვანეთში მიდის ქუთაისის გენერალ-გუბერნატორი ლევაშოვი, რომელიც თ. დადიშქელიანს შეუთანხმდა, რომ თითოეული გლეხის კომლისათვის ოთხ-ოთხი ქცევა სახნავ-სათიბი მიწა დაეტოვებინა, სამაგიეროდ აღუთქვა, რომ შუამდგომლობას აღძრავდა თითოეული ყმა-მამაკაცის განთავისუფლებისათვის 50 მანეთის მიცემაზე.

გუბერნატორთან მოლაპარაკების საფუძველზე, ეცერ-ცხუმარის მფლობელებს — თენგიზს (უფროსი), გელას, ბეჭირბისა და შოსოსტრს — კერძო საკუთრებაში უნდა დარჩენოდათ ტყეები, საძოვრები. ყოფილი სათავისთავო მამულები და გლეხთა ჩამონაჭრები⁸⁷.

ბოლოს და ბოლოს კავკასიის ადმინისტრაციამ 1871 წ. ეცერ-ცხუმარის გლეხობის განთავისუფლებაც გადაწყვიტა, იმ პირობით, როგორც ეს თ. დადიშქელიანთან იყო შეთანხმებული. 1871 წ. შემოდგომაზე კავკასიის საგლეხო კომიტეტმა დაადგინა, რომ სვანეთში თითოეულ განთავისუფლებულ გლეხის კომლს მიეღო 4 ქცევა სახნავ-სათიბი მიწა — ყოველგვარი დროებითი ვალდებულების გარეშე. ამასთან, ტყითა და საძოვრებით სარგებლობისათვის თითოეული გლეხის კომლისაგან დადიშქელიანებს შეეძლოთ ყოველწლიურად 5—5 მანეთი გადასახადი მიეღოთ. რაც მთავარია, თითოეული მამაკაცის განთავისუფლებაში დადიშქელიანებს მთავრობისაგან უნდა მიეღოთ 50—50 მანეთი (ჩვეულებრივთან შედარებით ორმაგი) საზღაური, რაც მალე დამტკიცდა უმაღლესად⁸⁸.

რეფორმის შედეგად ეცერ-ცხუმარის 130-მდე გლეხის კომლმა წინდაწინ ნავარაუდევზე ცოტა მეტი მიწა მიიღო, სულ 709 ქცევა, ანუ კომლზე დაახლოებით 5 ქცევამდე, ხოლო, როგორც პირად მფლობე-

⁸⁶ იქვე, გვ. 518.

⁸⁷ СХИАО, т. II, с. 523.

⁸⁸ იქვე, გვ. 537.

ლობაში არსებული მიწები, ასევე გლეხთა ჩამონაჭრები, აგრეთვე საბალახო-საძოვრები და ტყეები დადიშქელიანებს დარჩა. ამასთან, თითოეული მამაკაცის განთავისუფლებისათვის მათ 50 მანეთი ნაღდი ფული მიიღეს (სულ 30.700 მან.)⁸⁹.

როგორც ვხედავთ, დასაწყისში რეფორმა მხოლოდ ეცერ-ცხუმარის გლეხობას შეეხო და იგი ყოველგვარი დროებითი ვალდებულების გარეშე, მესაკუთრე გლეხთა კატეგორიაში იქნა გადაყვანილი.

სადადიშქელიანო სვანეთში დიდხანს გადაუჭრელი რჩებოდა ბეჩოს გლეხობის განთავისუფლების საკითხი, რადგან ვერ იქნა და ვერ გადაწყდა მათი კუთვნილების საკითხი⁹⁰. მართალია, ოთარ დადიშქელიანის მიერ მაჰმადიანობის მიღებისა და მისი ოჯახის ჩრდ. კავკასიაში ცხოვრების გამო, ბეჩოს მიწა-წყალი ხაზინის კუთვნილებად გამოცხადდა, მაგრამ ეს გადაწყვეტილება ოფიციალურად არ განხორციელდა. ამიტომ 1871 წ. 11 აგვისტოს ბეჩოს გლეხკაცობის საკითხიც დაისვა. ამასთან დაკავშირებით ქუთაისის გუბერნატორი წერდა. მე შეჩვენება, რომ ამჟამად ძნელია ბეჩოს მფლობელობაზე ბეჭირბი დადიშქელიანისადმი (ოთარის ძისადმი) უარის თქმა, იმ საბაბით, რომ ის ხაზინის კუთვნილებადაა გამოცხადებული. რადგან კონსტანტინეს მემკვიდრეებმა, ჩამორთმეული მამულის საზღაურად, მონარქიისაგან დიდი წყალობა (თანხა) მიიღეს. ამიტომ შესაძლებელია მისმა უდიდესებულებამ ბეჭირბისაც ასეთივე წყალობა მისცესო.

საქმე იმაშია, რომ ბეჭირბი (ოთარის ძე) ყაბაროდან ბეჩოში დაბრუნდა და იქ ცხოვრობდა, ამიტომ ყმა გლეხობის განთავისუფლებისათვის საზღაურს დაჟინებით მოითხოვდა.

ქუთაისის გუბერნატორი ლევაშოვი თვლიდა, რომ ბეჩოს მამულები გაცილებით მწირი იყო, ამიტომ მიაჩნდა, რომ იქაურ გლეხებს ეცერ-ცხუმარის გლეხებზე მეტი მიწა უნდა მიეღოთ, რომ უკმაყოფილობას არ ეჩინათ თავი. ამასთან, ლევაშოვი მოითხოვდა აგრეთვე, რომ ბეჩოს მიწის ნაწილი ხაზინასაც დარჩენოდა სვანეთში გამწესებული სამხედრო ოჯახებისათვის⁹¹.

საქმის საბოლოო გადაწყვეტისათვის ლევაშოვმა ოთარ დადიშქელიანის სამი მემკვიდრის (ბეჭირბის, ლევანისა და ციოყის), ასევე მათი უფროსი ძმის შვილის — ჯანსულის — მატერიალური უზრუნველყოფის საკითხიც დასვა, რადგან უამისოდ შეუძლებლად მიაჩნ-

⁸⁹ СХИАО, т. II, с. 530.

⁹⁰ როგორც წინა პარაგრაფშია ნაჩვენები, ჩუბუხევი (რომელშიაც ფარიც შედიოდა) უკვე ხაზინის გამგებლობაში იყო, ამიტომ მას რეფორმა არ შეეხო (იქაური მფლობელების გადასახლების შედეგად ბატონყმობა თავისთავად გაუქმდა).

⁹¹ СХИАО, т. II, с. 528—529.

და დადიშქელიანთა შორის დავა-მტრობისა და მთავრობის საწინააღმდეგო განწყობილების აღკვეთა.

რაკი სპედასხვა ინსტანციაში ჩივილის გამო ბეჩოს კუთვნილების საკითხი დიდხანს ვადაუჭრელი რჩებოდა, იქაურმა გლეხობამ, ეცერ-ცხუმარში გატარებული რეფორმის შემდეგ, საერთოდ უარი განაცხადა რაიმე ვალდებულების შესრულებაზე⁹².

1893 წლის მონაცემებით, ბეჩოში ცხოვრობდა 114 გლეხის კომლი (275 მამაკაცი). იქაური სავარგული 7397 დესეტინას უდრიდა, აქედან 328 დესეტინა სათიბ-საძოვარი მიწა სადავო იყო ბეჩოსა და ლატალს შორის, ხოლო 44 დესეტინა ეკლესიას ეკუთვნოდა. 1893 წელს ბეჩოში ცხოვრობდა დადიშქელიანთა (ბეჭირბის, ციოყის, ჯანსულისა და მათი უფროსი ძმის ჭერივის) ოთხი ოჯახი, რომელთა წლიური შემოსავალი 1640 მანეთს შეადგენდა⁹³.

ხანგრძლივი დავისა და საქმის საბოლოო შესწავლის შემდეგ კავკასიის ადმინისტრაციამ დაადგინა: 1) ბეჩოს თითოეულ განთავისუფლებულ კომლს 10 ქცევა სახნავ-სათიბი მიწა მიეღო; 2) ივანე დადიშქელიანს, რომელიც ბეჩოს მამულების მონაწილე მფლობელად ჩაითვალა, თითოეულ განთავისუფლებულ მამაკაცზე 100—100 მანეთი გამოყოფოდა (სულ 36000 მან.), 3) ივანე დადიშქელიანს ეს თანხა (36 ათასი მან.) ოთაროეებისათვის (ოთარის შთამომავლისათვის) მიეცა — უზრუნველსაყოფად, სამაგიეროდ მას 5 ათასი დესეტინა მიწა უნდა დარჩენოდა. ამასთან, ოთაროეების ოჯახებს მიკუთვნებოდათ 38 დესეტინა სახნავ-სათიბი მიწა, რომელსაც ისინი თავის დროზე ფლობდნენ უშუალოდ, ე. ი. სათავისთავო მეურნეობის სახით⁹⁴.

ასეთი გადაწყვეტილება 1898 წ. 19 მაისს უმაღლესად დამტკიცდა⁹⁵.

როგორც ვხედავთ, საგლეხო რეფორმა დადიშქელიანთა სამფლობელოში XIX ს. 50-იან წლებიდან საუკუნის ბოლომდე გაგრძელდა, სამაგიეროდ იქ გლეხთა დროებითი ვალდებულება არ იქნა შემოღებული, თუმცა მიწა-წყლის (საძოვარ-საბალახოს, სათიბისა და ტყეების) უქმარისობის გამო გლეხობა კვლავ დიდხანს დარჩა დადიშქელიანებზე დამოკიდებული.

⁹² СХИАО, т. II, с. 531—532.

⁹³ ა. ჩ ა რ კ ვ ი ა ნ ი, სეანეთი, გვ. 96—97.

⁹⁴ იქვე, გვ. 100.

⁹⁵ იქვე, გვ. 101.

დადიშქელიანთა ფეოდალური საგვარეულოდან არაერთი პირი დაწინაურდა რუსეთის თვითმპყრობელურ სახელმწიფო აპარატში და გამოჩენილი მოღვაწე გახდა.

მათ შორის აღსანიშნავია ალექსანდრე (სევანურად ბექირბი) დადიშქელიანი, რომელიც დაიბადა დაახლოებით 1826 წელს, სოფელ ფარში, ჩუბებევის მფლობელის სახლში.

ალექსანდრეს მამა ციოყ დადიშქელიანი (მიხაილად წოდებული) დაიღუპა კავკასიის ომში 1841 წ. შაფსულებთან და უბიხებთან ბრძოლის დროს (გენერალ ანრეპის ექსპედიციაში).

ა. დადიშქელიანს ჰყავდა ოთხი ძმა, მათ შორის ყველაზე უფროსი იყო კონსტანტინე ანუ იგივე მურზაყანი (სევანეთის უკანასკნელი მთავარი), ხოლო დანარჩენები იყვნენ: ისლამი, თენგიზი და ციოყი.

ა. დადიშქელიანმა კარგი შინაური აღზრდა მიიღო პატარაობიდანვე. მას წერა-კითხვა შეასწავლა ბებია დიგორხან გარდაფხაძემ (დადიშქელიანისა).

დაწყებითი განათლების მიღების შემდეგ ა. დადიშქელიანი ჩაირიცხა თავად-აზნაურთა სამხედრო სასწავლებელში (პეტროვრადის კადეტთა კორპუსში), რომელიც დაამთავრა 1843 წ. „პროპორშიკის“ ჩინით.

სასწავლებლის დამთავრებისთანავე ა. დადიშქელიანი ჩაირიცხა ნიჟეგოროდის დრაგუნთა პოლში, ჯერ „პროპორშიკის“, ხოლო 1848 წლიდან „პორუჩიკის“ ჩინით⁹⁶.

მამის დაღუპვის შემდეგ (1841 წ.) ჩუბებევის მართვა-გამგეობა ახალგაზრდა კონსტანტინეს დაეკისრა, რომელსაც, მართალია, ზემო დიგორხანი ეხმარებოდა, მაგრამ მალე ის თათარყან (იგივე ნიკოლოზ) დადიშქელიანის თაედასხმის მსხვერპლი შეიქმნა (1843 წ.), ამიტომ მეფესთან შეთანხმებით ა. დადიშქელიანს ნება მიეცა სევანეთში ყოფილიყო ხანგრძლივი შვებულებით (სამხედრო ხელფასის შენარჩუნებით), რათა უფროს ძმას დახმარებოდა სამფლობელოს მართვა-გამგეობაში.

იმის გამო, რომ 1855 წ. კონსტანტინესა და ალექსანდრეს უმცროსმა ძმებმა ისლამმა და თენგიზმა შურისძიების საფუძველზე მოკლეს გურიის სამხედრო რაზმში გამოძახებული (ყირიმის ომის გამო) ჯანსუღ დადიშქელიანი (თათარყანის ძე, რომელიც 1850 წ. გარდაიცვალა), ალექსანდრეს ებრძანა დაუყოვნებლივ გამოცხადებულიყო

⁹⁶ ЦГИАЛ, ф. 1268, оп. 9, д. 64.

წიგნების დრავნა მოქმედ პოლკში, მაგრამ საშინაო საქმეების აწიწვის გამო, ის სამხედრო ნაწილში წასვლას აყოვნებდა, მით უფრო, რომ მისი საბლის წინააღმდეგ ეკატერინე ჭავჭავაძე-დადიანმა თავის ნათესავ-ახლობლები და საქართველოში მყოფი სამხედრო მოხელეებში ერთად აამოძრავა.

ბრძანების დაუყოვნებლივ შეუსრულებლობის გამო მეფისნაცვალმა მურავიოვმა (რომელიც კავკასიის არმიის მთავარსარდალად ითვლებოდა) საკითხი დასვა ა. დადიშქელიანის სამხედრო სამსახურიდან გარიცხვაზე. საქმე გაართულა სვანეთის სამთავროს გაუქმების გადაწყვეტილებამ. ამასთან დაკავშირებით ქუთაისში გამოძახებულმა კონსტანტინემ, 1857 წ. ოქტომბერში, გუბერნიის რეზიდენციაში, დახოცა გენერალ-გუბერნატორი და მისი რამდენიმე თანამშრომელი. საქმის ამგვარი დასასრულის გამო მეფემ 1857 წ. დეკემბერში დაადასტურა კავკასიის ადმინისტრაციისა და სამხედრო სამინისტროს შუამდგომლობა ა. დადიშქელიანის სამხედრო სამსახურიდან გარიცხვაზე.

მეფის მთავრობამ ამასობაში კონსტანტინეს დახვეტა, ხოლო ჩუბუხევის ყველა დადიშქელიანს, მათ შორის ალექსანდრესაც, იმპერიის შორეულ მხარეში მუდმივი გადასახლება მიუსაჯა.

რაკი ა. დადიშქელიანს სისხლის სამართლის დანაშაული არ ჩაუდენია უშუალოდ, სამხედრო მინისტრისა და კავკასიის ადმინისტრაციის აზრით, შესაძლებელი იყო მისი აღდგენა სამხედრო სამსახურში. კავკასიის სამხედრო ხელმძღვანელობის დახასიათებით, ალექსანდრემ ახალგაზრდობის დროს სრულყოფილი რუსული აღზრდა მიიღო, შესანიშნავად ფლობდა რუსულ ენას, სამხედრო პოლკში ცამეტნახევარი წლის განმავლობაში ოფიცრად მსახურობის პერიოდში არც ერთი ჯარიმა და შენიშვნა არ მიუღია, რაც მთავარია, გამოიჩინოდა ბუნებრივი ნიჭით⁹⁷.

გათვალისწინებული იქნა რა ყოველივე ეს, მეფის დასტურით, ა. დადიშქელიანი აღდგენილ იქნა სამხედრო სამსახურში, ოღონდ იმ პირობით, რომ ის კავკასიაში არასოდეს დაბრუნდებოდა⁹⁸. ამასთან, ა. დადიშქელიანს მუდმივი მეთვალყურეობა დაუწესდა, მისი შვებულებაში წასვლა წინდაწინ უნდა შეთანხმებულიყო კავკასიის კორპუსის მთავარსარდალთან⁹⁹.

მალე ა. დადიშქელიანი გაიგზავნა ნოვოჩერკასკში, სათანდო სამხედრო სამსახურის მისაჩენად. რამდენიმე კვირის შემდეგ ის გაიგზავნა იმიერბაიკალის კაზაკთა ცხენოსანთა პოლკში, იმ მითითებით, რომ

⁹⁷ ЦГИАЛ, ф. 1268, оп. 9, д. 64, л. 10, 12, 23.

⁹⁸ იქვე, ფურ. 14—16.

⁹⁹ იქვე, ფურ. 23.

სამხედრო სამინისტროსთან შეთანხმების გარეშე არსად წასულიყო აღმოსავლეთ ციმბირიდან.

ა. დადიშქელიანმა, როგორც ყოველმხრივ მომზადებულმა ოფიცერმა, აღმოსავლეთ ციმბირის კაზაკთა პოლკში მუშაობის დაწყებისთანავე, მიიპყრო მეთაურთა ყურადღება. ის მალე მოხვდა გენერალ-გუბერნატორის ყურადღების ცენტრშიც. ჩანს, გენერალ-ადიუტანტი მურავიოვი ალექსანდრეს ჯერ კიდევ კავკასიაში მეფისნაცვლად მუშაობის დროს იცნობდა. სამსახურის დაწყებიდან ორი-სამი კვირის თავზე ალექსანდრე გენერალ-გუბერნატორის ადიუტანტად დაინიშნა (იასაულის ჩინით). რამდენიმე დღის შემდეგ ალექსანდრეს სპეციალური რაზმი მიეცა და ამურის მხარის დასაზვერად გაიგზავნა

აქედან იწყება ალექსანდრეს დაუცხრომელი შემოქმედებითი მუშაობა და მოგზაურობა უზარმაზარ სივრცეში გაშლილ, ჯერ შეუსწავლელ აღმოსავლეთ ციმბირის მიწა-წყალზე.

1858 წლის დასასრულს ა. დადიშქელიანის ექსპედიცია გაიგზავნა ამურის სათავე ტერიტორიების შესასწავლად.

ამასობაში შუბხევის დადიშქელიანთა საქმის გარჩევაც საბოლოოდ დასრულდა. ამ საქმეზე მურავიოვ-ამურსკიმ, 1859 წ. დეკემბერში, ირკუტსკში მიიღო კავკასიის მეფისნაცვლის ბარიატინსკის წერილი, რომელშიაც მურავიოვს თხოვდა თავის ადიუტანტის მეშვეობით ემოქმედა მის უმცროს ძმებზე: ისლამზე, თენგიზზე და ციოყზე, რათა ისინი ნებაყოფლობით დათანხმებულებიყვნენ სვანეთიდან სამუდამო გადასახლებასა და ყმა-მამულში საზღაურის მიღებაზე.

ამასთან დაკავშირებით, ჩვენს ყურადღებას იპყრობს მურავიოვ-ამურსკის მეორე საპასუხო წერილი, რომელიც 1859 წ. აპრილში გაუგზავნა კავკასიის აღმინისტრაციას. ამ წერილში მოცემულია ა. დადიშქელიანის მოღვაწეობის დახასიათება და შეფასება. გენერალ-გუბერნატორ მურავიოვ-ამურსკის დახასიათებით, ა. დადიშქელიანმა, ჯერ კიდევ 1859 წ. ზამთარში, სწრაფად და ბრწყინვალედ შეასრულა სახელმწიფო დავალება — შეესწავლა ირკუტსკსა და ამურის ნიკოლაევსკს შორის ტერიტორია და შეედგინა სათანადო ტოპოგრაფიული რუკა. ამ დავალების მაღალ დონეზე შესრულებისათვის ალექსანდრემ უმაღლესი შეფასება და წმ. ვლადიმირის ორდენიც დაიმსახურა¹⁰⁰.

კავკასიის აღმინისტრაციისათვის გაგზავნილ წერილში გენერალ-გუბერნატორი მურავიოვ-ამურსკი თავის ადიუტანტ ა. დადიშქელიანზე უშუალოდ წერდა: „კარგად გაცნობის შემდეგ მე დავრწმუნდი მისი აზრების სწორ მიმართულებასა და კეთილშობილებაში, რამაც ხასიათის ნატიფობასთან, გულდიაობასთან („ომბიტელნოსტ“), სულიერ

¹⁰⁰ ЦГИАЛ, ф. 1268, оп. 9, д. 64, л. 81.

სიკეთესთან და თანამედროვე დონეზე განვითარებულობასთან ერთად, მას აქ (ლაპარაკია ირკუტსკზე — გ. გ.) უმოკლეს დროში მოუპოვა საყოველთაო პატივისცემა და ბევრი მეგობარიც შესძინა. რაც შეეხება სამსახურს, თავადი დადიშქელიანი ყოველთვის ახერხებს, დაამტკიცოს თავისი გულმოდგინება, ერთგულება, მის მიერ მიცემული ფიცის გაუტეხლობა, საზოგადოებრივი კეთილდღეობისათვის თავდადებული ბრძოლა. ეს ადამიანური ღირსებები, რაც შეერთებულია შესანიშნავ ნიჭთან და გონებრივ განვითარებასთან, გულწრფელად მახარებს; მისი სახით მე შევიძინე ადიუტანტი, რომელსაც შემიძლია დავაკისრო ურთულესი და უმნიშვნელოვანესი დავალებები, იმის ღრმა რწმენით, რომ ეს დავალებები კეთილგონივრულად და პატიოსნად შესრულდება.

მე თავად დადიშქელიანს ყოველთვის უმნიშვნელოვანეს საქმეებს ვავალებ; და ახლაც, იაპონიასა და ჩინეთში გამგაზვრების წინ. მე ის ავირჩიე; ამ მოგზაურობის დროს სამხედრო საქმეში ჩემი ერთადერთი დასაყრდენი იქნება ჩემი ადიუტანტი, თავადი დადიშქელიანი¹⁰¹.

ამ დახასიათებასთან ერთად, დადიშქელიანის თანადროულ აზროვნებაზე მეტყველებს ისიც, რომ მას ბატონყმობა ქვეყნის შემდგომი განვითარების შემაფერხებელ, დრომოკმულ მოვლენად მიაჩნდა. ეს გარემოება ჩანს მის წერილში ძმებისადმი, რომელიც, მურავიოვ-ამურსკის შუამდგომლობასთან ერთად, კავკასიის მმართველობას გაეგზავნა. 1859 წ. 31 მარტს ალექსანდრე ისლამს, თენგიზსა და ციოყს წერდა: ძვირფასო ძმებო! აქაურმა გენერალ-გუბერნატორმა დაწერილებით შემატყობინა თქვენი ამბავი, გემუდარებით დამშვიდდით. რითაც თავიდან აიშორებთ ყოველგვარ საყვედურს. რაკი ჩვენ რუსეთის ქვეშევრდომობა მივიღეთ, ჩვენი ბედი მკიდროდ დავუკავშირეთ რუსეთის ბედს. მაღლობელი ვარ თქვენი, რადგან მთავრობის გადაწყვეტილებას დაემორჩილეთ.

შემდეგ წერდა: მინდა შეგატყობინო, რომ მთავრობას გადაწყვეტილი აქვს ბატონყმობა („ბატონობა და მონობა“) გააუქმოს არა მხოლოდ სვანეთში, არამედ საქართველოში („იმერეთში და საქართველოში“) და სხვაგან. თქვენ თვითონ დაინახავთ, რომ გლეხობა არა მხოლოდ ჩვენ ჩამოგვეერთმევა. არამედ ყველას, ვისაც ისინი ჰყავს... ამიტომ, ძვირფასო ძმებო, თავიდან უნდა მოიშოროთ ის აზრი, რომ გლეხობა კვლავ ჩვენს მონობაში დარჩება. გთხოვთ ხელი აიღოთ გლეხობაზე, სამაგიეროდ მთავრობა ყოველივეს საკადრისად აგვინაზღაურებს. თვითონ კი მზად იყო ხელი აედო თავის კუთვნილ გლე-

101 ЦГИАЛ, ф. 1268, оп. 9, д. 64, л. 41.

ხებზე თუნდაც საზღაური არ მიეღო. თუ თქვენ კარგად მოიქცევით და გულმოდგინედ მოეკიდებით რუსეთს, მაშინ არ დაეკარგავთ არც სახლკარს, არც მიწა-წყალს და არც სამშობლოს.

დაბოლოს წერდა: ძვირფასო ძმებო! თუ თქვენ გახსოვთ ჩვენი ძმობა, თუ თქვენ გიყვართ ჩვენი ოჯახები, და პატივს სცემთ ჩვენს მამა-პაპათა ხსოვნასა და საფლავებს, უმორჩილესად გთხოვთ რუსეთისა და მისი მთავრობის ერთგული იყავით¹⁰².

ცნობილია, რომ XIX ს. 60-იან—80-იან წლებში ა. დადიშქელიანმა შემოიარა და რამდენადმე შეისწავლა აღმოსავლეთ ციმბირი, კორეა, იაპონია, ჩინეთი და სხვა, შეადგინა რიგი მათგანის ტოპოგრაფიული რუკები. მაგალითად, მის კალამს ეკუთვნის ამუოის მხარის გეოგრაფიული გამოკვლევა, კორეის გეოგრაფიულ-პოლიტიკური მიმოხილვა და სხვ.¹⁰³

სხვათა შორის, ა. დადიშქელიანის მოღვაწეობასთან დაკავშირებით, 1888 წ. 28 მარტს ამურისპირეთის სამხედრო ოკრუგის უფროსი აღმოსავლეთ ციმბირის გენერალ-გუბერნატორს წერდა, რომ ა. დადიშქელიანის ექსპედიციამ აღწერა ამურის მხარის უდიდესი ნაწილი (მდ. ამურს, ამგუნსა და გურეის შორის ტერიტორიები, აგრეთვე იქ მობინადრე უცხო ხალხები), სადაც ჯერ არც ერთ ევროპელს არ შეუღწევიაო¹⁰⁴.

ა. დადიშქელიანმა (მიუხედავად სამშობლოდან გაძევებისა და მუღმივი თვალთვალისა) ციმბირში თავი გამოიჩინა როგორც მამაცმა სამხედრომ და მკვლევარმა. მან გენერალ-მაიორის ჩინი და გამოკვლევებისათვის მრავალი ჯილდო დაიმსახურა.

ა. დადიშქელიანი სიკვდილამდე ირკუტსკში, ახლად მიღებულ მამულში დარჩა (გარდაცვალების თარიღი და ოჯახური მდგომარეობა ჩვენთვის უცნობია). მისი მოღვაწეობა, სამწუხაროდ, მხოლოდ ნაწილობრივია ცნობილი.



დადიშქელიანთა საგვარეულოდან მეორე გამოჩენილი მოხელე იყო გიორგი თენგიზის ძე დადიშქელიანი, რომელიც დაიბადა 1858 წ. სვანეთის სოფ. ეცერში.

¹⁰² ЦГИАЛ, ф. 1268, оп. 9, д. 64, л. 49—50.

¹⁰³ გ. ზარდალიშვილი. გამოჩენილი ქართველი გეოგრაფები და მოგზაურები. თბ., 1966.

¹⁰⁴ ЦГВИА СССР, ВУА, ед. хр. 18548, л. 1—2.

გიორგის მამა — თენგიზ დადიშქელიანი, როგორც ოფიცერი, დაღბანს მუშაობდა თვითმპყრობელობის ბიუროკრატიულ აპარატში, სხვადასხვა პასუხსაგებ თანამდებობაზე ის გამოირჩეოდა გლეხებისადმი უღმობელი დამოკიდებულებით. მან, როგორც მეფის ერთგულმა მოხელემ, აქტიური მონაწილეობა მიიღო სვანეთში რუსიფიკატორული პოლიტიკის გატარებაში და საქართველოს გლეხთა არაერთი ამბოხების ჩაქრობაში. თენგიზმა განსაკუთრებით გამოიჩინა თავი კავკასიის ომში (რომელიც მიმართული იყო მთიელთა თავისუფლებისა და დამოუკიდებლობის წინააღმდეგ), აგრეთვე კავკასიაში ცარისტული რეჟიმის შემდგომ განმტკიცებაში.

გ. დადიშქელიანმა, როგორც მდიდარი და იმუამინდელ კვალობაზე განათლებული ოჯახის შვილმა, კარგი საშინაო აღზრდა და დაწყებითი განათლება მიიღო, ჯერ თბილისის კლასიკური გიმნაზია დაამთავრა, ხოლო შემდეგ იუნკერთა სამხედრო სასწავლებელი, სადაც თავი გამოიჩინა. როგორც ნიჭიერმა, ყოველმხივ მომზადებულმა და დისციპლინირებულმა ახალგაზრდამ, თეორიულ ცოდნასთან ერთად გიორგიმ დაბალი რანგის ოფიცრის ჩინიც მიიღო და ისე შეუდგა პრაქტიკულ საქმიანობას.

ვ. დადიშქელიანი ჯერ წვრილ მოხელედ მუშაობდა ქუთაისში, ხოლო 1893 წ. დაინიშნა ოზურგეთის მაზრის უფროსის თანამეძვედ. მან, როგორც მომზადებულმა და ერთგულმა მუშაკმა, მალე მოიპოვა მეფის მოხელეთა სიმბათია და მხარდაჭერა, რის გამოც თანდათანობით დაწინაურდა თვითმპყრობელურ-ბიუროკრატიული იერარქიის კიბეზე. მან ჩაბრა (1893—1899 წწ.) გაიარა ოზურგეთის, ზუგდიდის, რაქისა და ქუთაისის მაზრების უფროსობა და ისევე გუბერნიის აპარატს მიაშურა (ამასობაში სამხედრო ჩინიც ემატებოდა).

მრავალგზის გამოცდის შემდეგ, თავდადებისა და ერთგულების გამოჩენისათვის, მეფის მთავრობამ 1906 წ. გ. დადიშქელიანი დაინიშნა ქუთაისის გუბერნიის ვიცე-გუბერნატორად. მალე მან გენერლის ჩინიც მიიღო და ყარსის ოლქის გუბერნატორის თანამდებობაც.

1908 წ. გიორგი დაინიშნა დაღესტნის სამხედრო გენერალ-გუბერნატორის თანამეძვედ. სამხედრო სამსახურის შესრულებასთან ერთად, გ. დადიშქელიანი 1912—1915 წლებში იყო ბაქოს ოკრუგის სამოქალაქო საქმეების სპაციო მოსამართლეს, აგრეთვე — პირველი მსოფლიო ომის დროს სვანეთიდან კავკასიის ფრონტზე გაწვეულთა მეურვე და ზედამხედველიც (ამ ომის მონაწილე, სოფელ ხალდეს მკვიდრი, ალექსანდრე გასვიანი დღემდე იგონებს გ. დადიშქელიანის გულუხვ მატერიალურ მზრუნველობასა და რჩევა-დარიგებას ჯარისკაცებისადმი აზერბაიჯანის ფრონტზე).

განსაკუთრებული დამსახურების, წუნდაუღებელი სამსახურის, დიდი გამჭრიახობისა და თვითმპყრობელობისადმი მუდმივი ერთგულების გამო 1915 წ. ივნისში გ. დადიშქელიანს გენერალ-ლეიტენანტის ჩინი და დაღესტნის სამხედრო გენერალ-გუბერნატორის თანამდებობა ებოძა.

გ. დადიშქელიანი, როგორც რუსეთის თვითმპყრობელობის პოლიტიკის ერთგული გამტარებელი და მტკიცე დასაყრდენი კავკასიაში, ხშირად მონაწილეობდა დასაეღეთ საქართველოსა და დაღესტნის გლეხთა მღელვარებისა და აჯანყების ლიკვიდაციაში.

ყოველივე ამის გამო გ. დადიშქელიანმა მრავალჯერ დაიმსახურა მთავრობის ქება-დიდება, სხვადასხვა ორდენები და მედლები (1917 წლის თებერვლის რევოლუციის შემდეგ მისი კვალი საერთოდ არ ჩანს).

სვანეთის ეკლესიის ისტორიისათვის

(გორებისკოპოსი და საყდრისუძილავი)

ფეოდალიზმის ეპოქაში საქართველოს სხვადასხვა კუთხეს დამახასიათებელი თავისებურებანი და მათი შესაბამისი ინსტიტუტები გააჩნდა. ამ თვალსაზრისით გამოწაკლის არ წარმოადგენდა სვანეთიც, რომელსაც ერისთავ-მთავართან ერთად მეჭურჭლე და მელომეც ჰყავდა.

ფეოდალური ეპოქის სვანეთის სინამდვილეში არაერთხელ მოხსენიება ქორეპისკოპოსიც. ამ ინსტიტუტის შესწავლას ჩვენში არც თუ ხანმოკლე ისტორია აქვს.

ქორეპისკოპოსის სახელწოდებითა და შინაარსით დაინტერესდა გამოჩენილი ლეჰსიკოგრაფი სულხან-საბა ორბელიანი, რომლის განმარტებით „ქორეპისკოპოზი უსამწყსო ეპისკოპოზს ეწოდების ბერძნულად“. მან შენიშნა, რომ ამ ტერმინის მაგიერ ზოგჯერ ქორიკოზი მოიხსენიება. სულხან-საბას განსჯით, ქორეპისკოპოსი სასულიერო ტიტულია, ხოლო ქორიკოზი „მეფის მონაცვლეს ჰქვიან, რომელმან ვერ იკადროს მეფედ სახელისაღება, არამედ გამოითარგმნების მწყემსად“¹.

ვახუშტი ბატონიშვილის დაკვირვებით, კახეთისა და ჰერეთის მმართველთა ქორეპისკოპოზად სახელდება შეცდომაა. ამიტომ, როცა საქმე კახეთის მმართველს ეხება, ქორეპისკოპოზს ყველგან ქორიკოზად ასწორებს².

ქორეპისკოპოსს მხოლოდ სასულიერო ფუნქციის მქონედ მიიჩნევს დ. ბაქრაძე, რომელიც წერს: მერვე-მეთერთმეტე საუკუნეებში კახეთის საერო და სასულიერო საქმეების გამგებლებს ქორიკოზები

¹ სულხან-საბა ორბელიანი. სიტყვის კონა, ს. იორდანიშვილის გამოც. თბ., 1973, გვ. 129, 140, 557—560.

² ვახუშტი ბატონიშვილი. ქართლის ცხოვრება, IV. ს. ყაუხჩიშვილის გამოც., თბ., 1973, გვ. 129, 140, 557—560.

ერქვათ და არა ქორეპისკოპოზები. მეკლევარი დასძენს, რომ ქორეპისკოპოზი ვიკარი (დამოკიდებული) ეპისკოპოზი იყო. ამის მაგალითად ასახელებს წილენელს, რომელსაც ორი ქორეპისკოპოზი ექვემდებარებოდა (ერთი დარიალის კარამდე მოქმედებდა, მეორე კი ბოლორნაში, რომელიც XV საუკუნეშიც არსებობდა).

რაც შეეხება წანარებისა და კახეთის მმართველებს, მერვე-მეთერთმეტე საუკუნეებში, დ. ბაქრაძის განსჯით, ისინი სასულიერო და საერო საქმეებს განაგებდნენ, ამიტომ მათ ქორიკოზები ეწოდებოდათ¹.

გ. წერეთლის აზრით, ქორეპისკოპოზები დასავლეთ ევროპაში სასულიერო და საერო საქმეების გამგებლები იყვნენ, ისინი გრაფებად და დამოუკიდებელ მთავრებად იწოდებოდნენ. მისი მტკიცებით, ქორეპისკოპოზები თავის სამფლობელოში აჭრევენებდნენ ფულს, მართავენ ბაზრობებს, ახდევინებდნენ ბაჟს, აშენებდნენ ციხე-სიმაგრეებს, ასამართლებდნენ ქვეშევრდომებს და სხვ. ერთი სიტყვით, ეპისკოპოზები და ქორეპისკოპოზები ფაქტობრივად სამეფო რევალიებს ფლობდნენ².

გ. წერეთელი ერთიმეორესთან აიგივებს ქორეპისკოპოზსა და ქორიკოზს. მას მიაჩნია, რომ კახეთ-ჰერეთ-წანარების მთავრები ქორეპისკოპოზები ანუ ქორიკოზები იყვნენ. ამიტომ მას ორივე ეს სახელწოდება ერთი და იგივე შინაარსის მატარებლად მიაჩნია³.

ქორეპისკოპოზი ანუ ქორიკოზი, გ. წერეთლის აზრითაც, ბერძნული სიტყვაა და მოადგილეს ანუ მაგიერს ნიშნავს⁴.

გ. წერეთლის დაკვირვებით, ქორეპისკოპოზობა სათავეს იღებს მეოთხე საუკუნიდან, როცა ქრისტიანულ სამყაროში განდგომილი ცხოვრება ვაერცელდა. ასეთ ვითარებაში ზოგმა ეპისკოპოზმა საერო საქმეების მმართველად გაიჩინა მოადგილეები (მთავარი დიაკვნები ანუ არხიდიაკვნები), რომლებიც ქორეპისკოპოზად იწოდნენ. მისივე განცხადებით, ქორეპისკოპოზებს ზოგჯერ ეპისკოპოზის საქმეების შესრულება ევალებოდა.

გ. წერეთლის დაკვირვებით, ზოგიერთი ქორეპისკოპოზი, დროთა ვითარებაში, ისე გაძლიერდა და ამაღლდა, რომ მან, რიგ შემთხვე-

³ დ. ბაქრაძე, საქართველოს მეფე ბაგრატ მეოთხე. ტფ., 1880, გვ. 6.

⁴ Д. Бакрадзе. Бодорна, Записки общества любителей кавказской археологии, кн. I. Изд. А. Берже и Д. Бакрадзе. Тифлис, 1875, с. 41.

⁵ გ. წერეთელი. ისტორიულ-ფილოლოგიური გამოკვლევა. — კვალი, 1893, № 39, გვ. 10.

⁶ გ. წერეთელი. დასახელებული შრომა. — კვალი, № 39, გვ. 11; № 40, გვ. 9.

⁷ იქვე. გვ. 8.

ვაში, ეპისკოპოსსაც გადააქარბა, რაც არაერთხელ იქნა დაგმობილი.

ქორეპისკოპოსის რაობაზე ს. კაკაბაძემ სულხან-საბასა და ვახუშტის მოსაზრება გაიზიარა. მას ქორეპისკოპოზი სასულიერო ტიტულად, ხოლო ქორიკოზი სვანური სახლის უფროსის („ქორა-ხოშა“) სახეცვლილ ფორმად მიაჩნია⁸.

ქორეპისკოპოზის კახეთის მფლობელობა ივ. ჯავახიშვილმა სარწმუნოდ ჩათვალა. აქედან გამომდინარე, ის საერთო და სასულიერო ფუნქციების მქონედ მიიჩნია⁹.

ზოგიერთი წინამორბედი მკვლევრის მსგავსად, ქორეპისკოპოზი მხოლოდ სასულიერო საქმეების გამგებლად მიაჩნიათ ნ. ბერძენიშვილსა და გ. ჩუბინაშვილს, რომელთა აზრით, თავის დროზე კახეთის მმართველებს უთუოდ ქორიკოზი ერქვათ¹⁰.

ქორეპისკოპოზითა და ქორიკოზით დაინტერესდა ლ. მელიქსეთ-ბეგი, რომელმაც, სულხან-საბასა და ვახუშტიზე დაყრდნობით, ეს ტერმინები სხვადასხვა შინაარსის გამომხატველებად მიიჩნია, მისი მსჯელობით, ქორეპისკოპოზი სასულიერო ტიტულია (ვიკარის გაგებით), ხოლო ქორიკოზი საერო თანამდებობაა. ამიტომ კახეთის მმართველის ქორეპისკოპოზობა გაუგებრობად ჩათვალა¹¹.

კახეთის მმართველთა ქორეპისკოპოზობა სარწმუნოდ მიაჩნიათ ს. ჯანაშიას, ი. აბულაძეს და პ. ინგოროყვას, ასევე გ. მელიქიშვილს, მ. ლორთქიფანიძეს, დ. მუსხელიშვილს და შ. ბადრიძეს, აგრეთვე უცხოელ მკვლევრებს — მ. ბროსეს, ი. მარკვარტს, ვ. მინორსკისა და სხვ.

ქორეპისკოპოზი და ქორიკოზი, პ. ინგოროყვას რწმენით, ერთი და იგივე შინაარსის გამომხატველი ცნებებია. მისი განსჯით, VIII—XI საუკუნეებში კახეთის მმართველს ქორეპისკოპოზი ანუ ქორიკოზი ერქვა¹².

⁸ ს. კაკაბაძე. ქართული სახელმწიფოებრიობის გენეზისის საკითხები. — საისტ. მოამბე. წ. I, თბ., 1924, გვ. 106—107; მისივე. О племенн цар. — საისტ. კრებული. წ. III, ტფ., 1928, გვ. 109—111.

⁹ ივ. ჯავახიშვილი, ქართული სამართლის ისტორია. წ. II, ნ. I, ტფ., 1928, გვ. 201—202.

¹⁰ ნ. ბერძენიშვილი. აღმოსავლეთ კახეთის წარსულიდან, — საქართველოს ისტორიის საკითხები, III, თბ., 1966, გვ. 254; Г. Н. Чубинашвили. Архитектура Кахетии, Тбилиси, 1959, с. 22.

¹¹ ლ. მელიქსეთ-ბეგი. ჩრდილო მხარის სომეხთა მოძღვარნი და მათი ვინაობა, ტფ., 1928, გვ. 26; მისივე, კახეთ-ჰერეთ-სომხეთის ისტორიის ერთ-ერთი საკანონო საკითხის გარკვევისათვის („ქორეპისკოპოზი თუ ქორიკოზი“) — თსუ, საბუნელო სწავლის თეზისები, 1951, გვ. 100—101.

¹² პ. ინგოროყვა. თბ., კრებული, IV, თბ., 1976, გვ. 544.

მ. ლორთქიფანიძის აზრით, „ქორეპისკოპოზი არაა შებღალული ქორიკოზი, კახეთის მთავრებს ადრე ნამდვილად ქორეპისკოპოზები ეწოდებოდათ“¹³.

კახეთის მფლობელთა ქორეპისკოპოზობა შ. ბაღრიძემ ეპიგრაფიკული წარწერის მონაცემებითაც დაადასტურა. ამდენად, ეს საკითხი მას სადავოდ არ მიაჩნია¹⁴.

ქორეპისკოპოზის ინსტიტუტზე ბოლო დროს ყურადღება გაამახვილა თ. პაპუაშვილმა, რომელმაც პირველწყაროთა მონაცემებისა და სათანადო ლიტერატურის შესწავლის საფუძველზე დაადგინა, რომ ქორეპისკოპოზი და ქორიკოზი კახეთის სინამდვილეში ერთი და იგივე თანამდებობის (საერო და სასულიერო) შემცველი ცნებებია. მკვლევრის აზრით, სულხან-საბაო ქორიკოზი — ეითარცა „მეფის მონაცვლე“ ქორეპისკოპოზის ანალოგიით განმარტა¹⁵.

თ. პაპუაშვილიც იმ აზრისაა, რომ კახეთის მთავრები VII—XI საუკუნეებში ნამდვილად ქორეპისკოპოსის ტიტულს ატარებდნენ.

ანკვირიის მე-13, ნეოკესარიის მე-14, ანტიოქიის მე-8 და მე-10 და ლაოდიკიის 57-ე მსოფლიო საეკლესიო კრებების დადგენილებებიდან გამომდინარე, მკვლევარი დაასკვნის, რომ ეს ტიტული საერთოდ ქრისტიანობის შემოღებისთანავე იქნა დაწესებული და დიდხანს არსებობდა.

როგორც ძველ ქართულ არქიპიერატიკონშია აღნიშნული, როდესაც ერისკაცი სასულიერო ხაზით წავიდოდა, ის ჭერ წიგნისმკითხველად, შემდეგ დიაკვნად, მღვდელად, ქორეპისკოპოსად და ეპისკოპოზად ეკურთხებოდა¹⁶.

ჩანს, ქორეპისკოპოზის ტიტული ეკლესიის იერარქიის მაღალ საფეხურზე იდგა და დიდი პატივით სარგებლობდა: „პატივი უმეტესი მღვდელობისა ქორეპისკოპოსობა იყო“¹⁷. ამასთან, ქორეპისკოპოზი, პირველ რიგში, სოფლის ეკლესიათა გამგებელი იყო. მის მოვალეობას „ყოველთავე საქრისტიანოთა წესთაჲ“ დაცვა შეადგენდა.

¹³ მ. ლორთქიფანიძე, ფეოდალური საქართველოს პოლიტიკური გაერთიანების ისტორიიდან (კახეთის სამთავრო VIII—IX სს.). — მასალები საქართველონა და კავკასიის ისტორიისათვის, თბ., 1954, ნ. 31, გვ. 30.

¹⁴ შ. ბაღრიძე, მშარფელი ქორეპისკოპოზის ინსტიტუტის საკითხისათვის კახეთის სამთავროში. — მაცნე, № 5, 1964, გვ. 94—95.

¹⁵ თ. პაპუაშვილი, რანთა და კახთა სამეფო, თბ., 1982, გვ. 265.

¹⁶ Древнесгрузинский Архиепратикон, грузинский текст, изданный комитетом церковного музея под ред. и предисловием К. С. Кекелндзе. Тифлис, 1912.

¹⁷ იქვე.

ქორეპისკოპოსს, ჩვეულებრივ, სოფლის მღვდელ-დიაკვნები ემორჩილებოდნენ. მას ევალებოდა „ობოლ-გლახაკთა და მოლუაწე-ქორეითა მამობა“, აგრეთვე ეკლესიის ქონების გამგებლობა. ყოველივე ამის გამო, ქორეპისკოპოსად ხელდასმული „სჯულისა და საღმრთოთა წიგნთა მეცნიერი“ უნდა ყოფილიყო¹⁸.

მიუხედავად იმისა, რომ ქორეპისკოპოზი სოფლის ეკლესიის გამგებელი იყო. ზოგჯერ ის ქალაქის ეპისკოპოსსაც უტოლდებოდა, თუმცა. საეკლესიო კანონმდებლობით, ქორეპისკოპოსის უფლებებს, თითოეულ ცალკეულ შემთხვევაში, თავის ზემდგომი, ქალაქის ეპისკოპოსი განსაზღვრავდა.

როგორც ჩანს, ქორეპისკოპოზის მიერ უფლებების გადაჭარბება ეპისკოპოზის უკმაყოფილებასა და შუღლს იწვევდა.

ქორეპისკოპოზთა მიერ მეტისმეტი უფლებების მოხვეჭის გამო ანკვირიის 314 წ. საეკლესიო კრების მიერ მიღებულ კანონში ნათქვამია: „ხორეპისკოპოსსა არა კელეწიფების კელთ-დასხმად ხუცისა ანუ დიაკონისაჲ, არამედ არცა ხუცესთა ქალაქისათა, თუნიერ გარნა თუ წიგნითა უბრძანოს ეპისკოპოსმან სხუათა შინა სამრევლოთა“¹⁹.

ჩანს, არაერთი აკრძალვის მიუხედავად, ქორეპისკოპოზები ზოგჯერ ხუცესთა და დიაკონთა ხელდასხმასაც ეწეოდნენ, რაც თავის დროზე ჭერ ნიკეის პირველმა მსოფლიო კრებამ დაგმო (325 წ.), ხოლო შემდეგ ანტიოქიის 341 წლის კრებამაც. ამ დადგენილებებმა დაადასტურეს, რომ ქორეპისკოპოზს უფლება არ ჰქონდა ეპისკოპოსის ნებართვის გარეშე ემოქმედა. ანტიოქიის კრების მიერ შემუშავებულმა კანონმა ქორეპისკოპოზის უფლებები ასე განსაზღვრა: „დაბათა შინა ანუ სოფელთა ხორეპისკოპოსად სახელდებულთა მათ, დაღათუ კელთდასხმად ეპისკოპოსთაჲ მიუღებიეს, სთნდა მათთუს წმიდასა კრებასა, რადთა თუსი საზომი უწყოდინ და განაგებდნენ მათ და რწმუნებულთა ეკლესიითა და მათსა ხოლო კმა-იყოფდნენ ზრუნვასა და ზედამდგომელობასა. ხოლო დაადგინდნენ წიგნის-მკითხველთაცა და კერძო-დიაკონთა და მათუცებელთა და ამათი ხოლო კმა-ეყოფეოდის მათ მოყვანებაჲ. ხოლო ნუმცა ეკადრებიეს მათ კელთდასხმად ნუცა ხუცისა, ნუცა დიაკონისაჲ თუნიერ ქალაქისა მის ეპისკოპოსისა, რომელსა მიმდგომ არს იგიცა და ადგილნიცა მის სოფლებისანი. ხოლო უკეთუ ვინმე იკადროს გარდასვლად საზღვართად ამათ. ვანიკუეთენ იგი ხუედრებულისაგანცა მისდა პატივისა. ხოლო ხორეპისკოპოსი განიჩინებოდნენ ეპისკოპოსისაგან მის ქალაქისა, რო-

¹⁸ დიდი სჯულის კანონი, ე. გაბიაშვილი, ე. გიუნაშვილის, მ. დოლაჰიძისა და გ. ნუნუა გამოც., თბ., 1975, გვ. 239.

¹⁹ დიდი სჯულის კანონი, გვ. 249.

მელისა ქუეშე იყვნენ სოფელნი მისნი“²⁰. ეტყობა, ვერც ამ შეზღუდვამ და ვერც სხვა რომელიმე გადაწყვეტილებამ ვერ დააოკა ქორეპისკოპოზთა მისწრაფება მღვდელმთავრის უფლებების მისატაცებლად. რის გამოც ლაოდიკიის 57-ე საეკლესიო კრებამ მკაცრი განაჩენი გამოიტანა, რათა ამიერიდან საერთოდ არ კურთხეულიყო ქორეპისკოპოზი²¹.

ეს გადაწყვეტილება იმას ნიშნავდა, რომ ქორეპისკოპოზების გარდაცვალების შემდეგ ეს ტიტული უნდა გამჭრალიყო. მაგრამ საქმე არც ამით დამთავრდა. ქორეპისკოპოზები შემდგომაც განაგრძნობდნენ არსებობასა და თვითნებობას. ისინი ხშირად აკარბებდნენ თავის ფუნქციებს და უღირს მსახურთა კურთხევა-მიღებას განაგრძნობდნენ, რასაც ბასილ დიდის ეპისტოლეც გმობდა: „ყოვლითურთ მწუხარ ვარ მე, რამეთუ უგულუბელქმნილ არიან კანონნი მამათანი და ყოველი უცთომლობაჲ ეკლესიათა დაეიწყებულ არს“. კანონში ნათქვამია: „განწმინდეთ ეკლესიაჲ განქლითა უღირსთა მისთაჲრა და ამიერიდან გამოეძიებდით ღირსთა და შეიწყნარებდით“²².

ამის მიუხედავად, ქორეპისკოპოზის ტიტული აღმოსავლეთის ქრისტიანულ ეკლესიას დიდხანს შემორჩა, რასაც მოწმობს ნიკეის მეორე მსოფლიო კრების გადაწყვეტილებაც (787 წ.). კრებამ ფაქტად ცნო ქორეპისკოპოზთა არსებობა და მათ მიერ დადგენილი უფლებების ხშირი ხელყოფა. ამიტომ მან ერთბელ კიდევ ხაზი გაუსვა: „ხორეპისკოპოსთაგანცა ჳერარს კელთდასხმაჲ წიგნისმკითხველთაჲ ბრძანებითა ეპისკოპოსისაჲთა“²³.

დადგენილია, რომ უფლებამოსილების სისტემატური ვადაქარბებისა და მღვდელმთავრებთან შუღლის გამო ქორეპისკოპოზის ტიტული აღმოსავლეთის ქრისტიანულ ქვეყნებში XII საუკუნისათვის უკვე ლიკვიდირებულ იქნა.

ძნელი სათქმელია, საქართველოში როდიდან გაჩნდა ქორეპისკოპოზი. გ. წერეთლის აზრით, ეს ტიტული ჩვენში IV საუკუნიდან უნდა იყოს შემოღებული, მას შემდეგ, რაც საქართველოს ღვთისმსახურებაში ბერძნულის შესაბამისი ვანდგომილი ცხოვრება გავრცელდა, სხვა-ნაირად რომ ვთქვათ, ეს ტიტული ჩვენში შემოვიდა, როდესაც ეკლესიის მღვდელმთავრებმა საერთო საქმის გამგებელ-თანაშემწეები გაიჩინეს.

²⁰ დიდი სჯულის კანონი, გვ. 249.

²¹ იქვე, გვ. 259.

²² იქვე, გვ. 504.

²³ იქვე, გვ. 427.

გ. წერეთლის ვარაუდით, ეპისკოპოსის თანაშემწეები თავდაპირველად არქიდიაკონად და დეკანოზად იწოდებოდნენ, შემდეგ კი ქორეპისკოპოზად იქცნენ.

როგორც თ. პაპუაშვილი და ზოგიერთი სხვა მკვლევარი ვარაუდობს, ქორეპისკოპოსის ინსტიტუტი საქართველოში თავდაპირველად უქველად საბერძნეთიდან შემოვიდა, თუმცა ამის წერილობით დადასტურება ყველაზე ადრე VII—VIII სს. აბასთუმნის ეპიგრაფიკულ წარწერაში მოგვეპოვება. ამ ძეგლზე დაყრდნობით თ. პაპუაშვილი დასკვნის, რომ „ქორეპისკოპოზი სამხრეთ საქართველოში სასულიერო და საერო ხელისუფლებით იყო აღჭურვილი“²⁴.

VIII საუკუნის შემდეგ ქორეპისკოპოზი არაერთ ძეგლში მოიხსენიება. მათ შორის „მატიანე ქართლისაჲ“ — თხზულებაშიც. მაგრამ, როგორც თ. პაპუაშვილი შენიშნავს, არც ერთ მათგანში არ მოგვეპოვება ამ ინსტიტუტის მნიშვნელობისა და შინაარსის მაჩვენებელი ცნობები²⁵.

სამაგიეროდ, ქორეპისკოპოზის რაობა ნაწილობრივ მაინც გარკვეულია დავით აღმაშენებლის ისტორიაში: „ულირსთა და უწესოთა... დაეყრნეს უფროსნი საეპისკოპოზნი, ვითარცა ავაზაკთა, და მათნივე მსგავსნი ხუცესნი და ქორეპისკოპოზნი დაედგინეს...“²⁶.

ქორეპისკოპოზის ფუნქცია შედარებით კარგად ჩანს რუმის-ურბნისის საეკლესიო კრების ძეგლისწერის სათანადო განწესებაში, რომლის მიხედვით ხუცესის თუ დიაკვნისაგან კურთხეულ ქორეპისკოპოზს ევალება: „...უბიწოდ დაცვაჲ ყოველთავე საქრისტიანოთა წესთაჲ, რაითა არა რაჲ მათგანი გასცეს ქრთამისათჳს, არცა რაჲ განყიდოს ვერცხლად, ვითარცა იუდა უფალი, რაით არა შიშვილცა მისი დაიმკდროს“²⁷.

ქორეპისკოპოზის სასულიერო ტიტული სომხეთშიც ცნობილია. მხითარ გოშის სამართლის წიგნში (XII ს. მეორე ნახევარი), რომელიც ეპატანგ მეექვსემ თავის სამართლის წიგნში შეიტანა, ნათქვამია: „და ქორეპისკოპოზსა და სხვა იმის ქუეით ბერსა და უფროს მღვდლებსა, თუ მთავარეპისკოპოზმან უბრძანოს და ბრძანება მისცეს, შეუძლიათ მათაც მისი ბრძანებით“²⁸. აქ აღნიშნულია, რომ თუ საღვთო ცერემონიალს ქორეპისკოპოზი თვითნებურად შეასრულებ-

24 თ. პაპუაშვილი, დასახელებული შრომა, გვ. 277.

25 იქვე, გვ. 271—272.

26 ქართლის ცხოვრება. I, ს. ყუხჩიშვილის გამოც., თბ., 1955, გვ. 327.

27 ქართული სამართლის ძეგლები, III, ი. დოლიძის გამოც., თბ., 1979, გვ.

და, მისი გაუქმება შეეძლო მთავარეპისკოპოსს. როგორც ჩანს, ქორეპისკოპოზებიც განსხვავებული იყვნენ: „შესატყობია, ქორეპისკოპოზნი ორნი არიან: ერთი მიიღებს კურთხევასა და ერთი კი ვერა, ბერეტუტია“²⁹.

ამევე ძეგლში ნათქვამია: „...ქორეპისკოპოსნი არიან მგზავსობით და რივით სამოცდათორმეტა მეულღეთ (მღვდელთა) და მოსაქმეთა (ეპისკოპოზთა) მათ მორჩენისათჳს, რომელი სულიერს საქმეზედ გლახად კდებოდეს. ქვეყნის ნახვითა და დახედვით იქადაგოს და ითარგმნოს. ქორეპისკოპოსნი არიან მიმცემი მდაბალ-მდაბალ რიგისა უფროსთა მთავარეპისკოპოსთა მორჩილობითა.

და თუ ქნას მღვდლის რიგი, მტერია კანონისა და სამართლის წიგნისა. ეპისკოპოზისაგან და სხვის (არა იქნება) ერისკაცისგან ქორეპისკოპოზთა შექმნა, ანუ უცოდინარის მღვდლის, (ანუ) მგლეჯელა გლეხისაგან. — არ არის მნახველი, და ეპისკოპოზი მნახველად ითარგმნება და ისინი — მოსაქმენი“³⁰.

აღნიშნულთან ერთად, ქორეპისკოპოზის ინსტიტუტის არსებობა საქართველოში შემდგომაც არაერთ წერილობით ძეგლში დასტურდება³¹.

საეკლესიო ძეგლებიდან ირკვევა, რომ ქორეპისკოპოზი საკმაოდ მაღალი სამღვდლო ტიტული იყო და ჩვეულებრივ საქართველოსაც ახასიათებდა. „მცნებაჲ სასჯულოჲ“-ში (XV ს.) ნათქვამია: „აწ აჟალად ისინეთ ეპისკოპოზთა და ქორეპისკოპოზთა ვითარცა წმიდათა კრებათა განაჩინეს, ეგრეთ უთნეჲვარად დადებოთ. ნუ ვის ათნეჲ, სამწყსოჲ ჰენი სწავლით და მაგრად დაიჭირეთ, რათა მეორედ მოსლვათ თქუენგან არ ითხოოს სიტყჳს მიგება“³². აქვე ვკითხულობთ: „რომელი ხუცესი ცუდად ზღაპრობდეს, ანუ ცუდად მეტყუელებდეს, ანუ წესსა აკლებდეს სამწყსოთა სოფელთა და ქუეყანათა, და მისისა სამრეელოჲსა ცოდეა კათალიკოზსა და ქორეპისკოპოზსა არა გამოუცხადოს...“³³.

იგივე ძეგლში აღნიშნულია, რომ ეკლესიის დაბეჭდვა ეპისკოპოზის გარდა ქორეპისკოპოზსაც შეეძლო, ხოლო დანარჩენ ქვემდგომთაგან — არც ერთს³⁴.

29 ქართული სამართლის ძეგლები. I. გვ. 326.

30 იქვე, გვ. 333.

31 ქართული სამართლის ძეგლები, III, გვ. 116, 118, 163, 226, 228, 229, 231, 232, 359, 472.

32 იქვე, გვ. 228.

33 იქვე, გვ. 229.

34 იქვე, გვ. 226.

ჩაკი ამ ინსტიტუტის არსებობა სვანეთში სპეციალური დაკვირ-
ვების საგნად არ გამხდარა, ქვემოთ შევეცდებით მასზე ყურადღების
გამახვილებას, მით უფრო, რომ, როგორც ჩანს, ქორეპისკოპოზი
მთელ საქართველოში იყო გავრცელებული. სვანეთის ქორეპისკო-
პოზი პირველად XIII საუკუნეშია მოხსენიებული საეკლესიო კრე-
ბის მატიაწეში. სვანთაგან სამი ქორეპისკოპოზია (ქუმრე—ებისკოპო-
ზი, ქვერებისკოპოზი) დასახელებული, მათ შორის: იოანე (ხუცესი)
სტეფანიაწი, გიორგი სეტელიანი და ბაბიანი³⁵.

აღნიშნულთაგან განსაკუთრებულ ყურადღებას იპყრობს სეტიე-
ლი (სეტელიანი), რომელიც მესტიის უძველეს მკვიდრადაა მიჩნეუ-
ლი.

ჩანს, სეტიელი მესტიას — სეტს (მის მთავარმოწამის ეკლესიას)—
უკავშირდება (ცაიშელის, ჭყონდიდელის, ცაგარელისა და სხვათა
მსგავსად)

საინტერესოა ისიც, რომ სეტელიანი მესტიის მკვიდრ ფალიანის
გვარს შეეზარდა, მის განწობებად — სეტელშად — ვადაიქცა (ამაზე
ქვემოთ).

ექვს გარეშეა, რომ სვანეთში (შუა საუკუნეებში) ერთდროულად
რამდენიმე ქორეპისკოპოზი მოღვაწეობდა, მათ შორის ერთ-ერთი
მესტიაში (აღსანიშნავია, რომ მესტია წმ. სვეტ-სეტ — მე-სვეტ-იას-
გან წარმოიშვა).

მღვდლების — ქუთათელაძისა და ბაქრაძის³⁶, აგრეთვე მკვლევ-
რებს — დ. ბაქრაძისა და ე. თაყაიშვილის — რწმუნებით, ქორეპის-
კოპოზის მოღვაწეობის კვალმა სეტის მთავარმოწამის ეკლესიაში
XIX საუკუნემდე მოაღწია³⁷.

ე. თაყაიშვილი წერს: ზეპირი გადმოცემით ვიცით და სამწერობე-
ლიც მოწმობს, რომ მესტიაში ეპისკოპოზი იქდა, მაგრამ, როგორც
სინამდვილეში ჩანს, ის დამოუკიდებელი ქორეპისკოპოზი იყო და
არა ეპისკოპოზი³⁸.

35 სვანეთის საისტორიო ძეგლები, II, გვ. 121, 136, 155.

36 ბლალოჩინ ქუთათელაძე 1858 წელს გაიგზავნა სვანეთის ზოგიერთი ეკლე-
სიის აღსაწერად (კონსტანტინე დადიშქელაიანის მიერ გუბერნატორ გაგარინის მკვლე-
ლობასთან დაკავშირებით), ხოლო ბერი ბაქრაძე სვანეთის მღვდელი იყო XIX ს.
შუახანებში.

37 ს. ბერნოელის ცნობით, სეტის მთავარმოწამის ოსსართულიანი ეკლესია
ფრესკებით იყო დამშვენებული. მისი სიგრძე 25 მეტრს, სიგანე 9-ს აღ-
წედა. ა. სტოიანოვის განცხადებით, ეს ეკლესია სვანეთში ყველაზე ზაღალი იყო.
სეტის მთავარმოწამის ეკლესია (ორ კოშკთან ერთად) გალავანში ყოფილა მოქ-
ცეული (იხ. ე. თაყაიშვილი, არქეოლოგიური ექსპედიცია... გვ. 263).

38 ე. თაყაიშვილი, სვანურ სულთა მატიაწე ეტრატისა. კ. ყეკელიძის სახ.
ბელაწერთა ინსტიტუტი, ე. თაყაიშვილის ფონდი, ს. 166.

სავარაუდოა, რომ ქორეპისკოპოსის ტიტული სვანეთში საეკლესიო მშენებლობის გაშლისთანავე იქნა შემოღებული, ხოლო, როგორც ვნახეთ, XIII საუკუნიდან ეს წერილებითაა დადასტურებული.

საფიქრებელია, რომ სვანეთში ერთდროულად სამი საქორეპისკოპოზო მაინც არსებობდა. ამაზე მიგვანიშნებს არა მარტო საეკლესიო მატრიანეში სამი ქორეპისკოპოსის ჩამოთვლა, არამედ ისიც, რომ გარკვეულ დროს (XV საუკუნემდე მაინც), სვანეთის ეკლესიათა ნაწილი (ე. წ. „ბალსზემო“ და ქვემო სვანეთი) მთავარეპისკოპოზ ცაგარელს ემორჩილებოდა, ხოლო ნაწილი (ე. წ. ბალსქვემო) მთავარეპისკოპოზ ცაიშელს (როგორც ჩანს, ეს მთავარეპისკოპოზები დროდადრო სვანეთის ეკლესიებსა და ღვთისმსახურებსაც აკურთხებდნენ). ამიტომ უნდა ვივარაუდოთ, რომ ერთი ქორეპისკოპოზი ე. წ. ბალსქვემით იჯდა (საფიქრებელია, ფზოტურაში, მის უფრო მატრიანეში დასახლებული ორი ქორეპისკოპოზი იქაურია), ხოლო მეორე ქვემო სვანეთში — ლაშხეთის თემის ე. წ. „ქალაქოლში“ (ძღვლარეშში), რადგან იქ იყო სახელოსნო-სავაჭრო ცენტრი „ქალაქოლ“; რაც ჩვეულებრივ შედარებით მსხვილ და განვითარებულ ეკლესია-მონასტერს ახასიათებდა.

ერთ-ერთი საქორეპისკოპოზო მესტიის იყო. ამას, პირდაპირ ჩვენებასთან ერთად (ქორეპისკოპოსი სეტიელი და სამწერობელი), მოწმობს იქ ე. წ. „ქალაქის“ არსებობაც. წერილობით საბუთში ნათქვამია: „... ვინც სეტიასა სახლობს ყოველმან... ერთობილმან მოქალაქემან... მთავარ მოწამე ქალაქისა...“³⁹.

აღსანიშნავია, აგრეთვე, რომ მნიშვნელოვანი საეკლესიო ცენტრი არსებობდა სვანეთის ე. წ. „მთიულეთში“, რომელზეც ნათქვამია: „ზედქალაქსა კარგი საბატიო გუმბათიანი საყდარი ჭუარცმისა საეფესკოპოზო, მისით მოთუალმარგალიტულით ომფორითა შემკობილი, რაც ეფესკოფოსა და იმისთანას საყდარს ეკადრების, იმისთანას წიგნებით სრულად გათავებული, ასის კუამლით კაცითა“⁴⁰. მართალია, XV საუკუნის შემდეგ ეს საეპისკოპოსო არ ჩანს, მაგრამ ადრე მისი არსებობა არავითარ ეჭვს არ იწვევს, რადგან ე. წ. „მთიულეთში“ ამ საეპისკოპოსოს გვერდით არაერთი მდიდარი ეკლესია მოქმედებდა. მაგალითად: „ზერიას ერთი მოპსრო მონასტერი წმინდის გიორგისა თექუსმეტის ჭუარბატითა, ოთხთაუცითა, საწინასწარმეტყუელოითა, სამოციქულოითა, მარხუანიითა, ტიბიკონითა, სტოდიელითა... ხიდურას... ორი მონასტერი: ერთი დიდი გუმბათიანი მთავარანგელოზთ მონასტერი, ორით დიდით ოქროს ხატითა. ოცდათვრამეტითა სხუა დიდით ხატითა, თორმეტით ოქროისა და ვეცხლის კანდლითა, მისით სამო-

39 სვანეთის სისტორიო ძეგლები, II, გვ. 7, 28, 49 (ხაზგასმა ჩვენია — ვ. ხ.).

40 იქვე, გვ. 33 (ხაზგასმა ჩვენია — გ. ვ.).

ინსტრო წიგნებითა, — დიდით გულანითა, ოთხთავითა, სამოციქულო-
ითა. საწინასწარმეტყულოითა, მარხუანითა, მეტაფრასითა, დავითითა,
დავითის თარგმანითა, ოთხთავის თარგმანითა, ენქეროსნით წინამძღუ-
რითა, მეორე წმიდის გიორგის საჯანის დიდი სიონი მონასტერი, ოც-
დათორმეტით ჭუარ-ხატითა და რაც სამონასტრო წიგნი არის მით
სრულიად გათავებული... ერთი ეკლესია თხუთმეტით პატიოსანი ხა-
ტითა და მისით წიგნებითა სრულობით შემკობილი... შოდას წმიდის
გიორგის ეკლესია... ბუბას კარგი ეკლესია — ეკლესია კარგის ჭუარ-
ხატითა“. როგორც ვხედავთ, აღნიშნული ეკლესია-მონასტრები 128
კომლი გლეხის მფლობელები იყვნენ. აქედან ასი კომლი მარტო აე-
პისკოპოზოს ეკუთვნოდა⁴¹.

XIII საუკუნემდელ დროზე რომ არაფერი ვთქვათ, საფიქრეი-
ლია, რომ ქორეპისკოპოზის ინსტიტუტის არსებობა მესტიაში შვიდ
საუკუნეს (XIII—XIX სს.) მაინც მოიცავს. ამ მხრივ მეტად საინტე-
რესოა სეტიელის მაგალითი.

სეტიელი წერილობით ძეგლებში არაერთდროს და არაერთგან
მოიხსენიება. ირკვევა, რომ სეტიელები სეტელიანის გლეხური გვა-
რიდან მომდინარეობენ და სასულიერო სფეროში აღზევების შემდეგ
მესტიის მთავარმოწამის მემკვიდრეობით ღვთისმსახურები გახდნენ.
ჩანს, ხანგრძლივ დროში, მათი ნაწილი დეკანოზის, ხუცესის ან ქო-
რეპისკოპოზის ტიტულამდე ამაღლდა და დიდი ქონების მფლობელი
გახდა. მართალია, სეტიელები მთავარეპისკოპოზ ცაგარელს ექვემდებ-
არებოდნენ, მაგრამ ზოგიერთი მათგანი დიდ უფლებამოსილებას
იხვეჭდა და დამოუკიდებელ მღვდელმთავრად იქცეოდა (მით უფრო
მას შემდეგ, რაც სვანეთზე ცენტრალური ეკლესიის გავლენა დასუსტ-
და).

საეკლესიო მატრიანზე დაკვირვებამ ე. თაყაიშვილი დაარწმუნა,
რომ სვანეთის ქორეპისკოპოზები (მათ შორის სეტიელიც) ხუცესნი
და უძველესი ეპისკოპოსებივით ცოლიანები იყვნენ.

ეტყობა, სასულიერო სამსახურში დაწინაურებისათვის წოდებრი-
ობას ყველგან და ყოველთვის გადამწყვეტი მნიშვნელობა არ ჰქონდა.
მართალია, ჩვენთვის ცნობილი სამი ქორეპისკოპოზიდან ერთი (ბაბიან-
ი) უეჭველად აზნაურული ჩამომავლობის იყო, მაგრამ ასევე უეჭვე-
ლია სეტიელის გლეხური ჩამომავლობაც. როგორც ეტყობა, თავდა-
პირველი სეტიელი ღირსებისა და დამსახურების წყალობით აღზევდა.
შემდეგ მისმა მემკვიდრეებმა გზა გაიკაფეს წინაპრის დამსახურების
და საკუთარი ქონების მეშვეობით.

⁴¹ სვანეთის საისტორიო ძეგლები. II. გვ. 32—33.

საისტორიო წყაროებიდან კარგად ჩანს, რომ მოკლე დროის მანძილზე (XIV ს. მეორე ნახ. და XV ს. პირველ ნახევარში) სეტყელებმა დიდძალი სახნავ-სათიბი მიწა შეიძინეს მკვიდრად და სამამულოდ, კერძოდ, ჭაფარიძეების, ქურდიანის, ქარდანის, გუარამიანის, გავაშელის, ქოჩორიანისა და სხვებისაგან (მათ შორის, ლემოშხაშის, ლაკაილასა და ჯანგარაშის ყანები, აგრეთვე ქორულდაშისა და ქვაჩხანის სათიბები)⁴². ეს იმაზეც მეტყველებს, რომ ეკლესიის მღვდელმსახურები სხვადასხვა საშუალებით დიდ ქონებას იხვეჭდნენ, საეკლესიო ქონებასა და შეწირულობებსაც ითვისებდნენ, ასე ეთქვათ, სვანეთის მასშტაბის შესაბამისი ფეოდალები ხდებოდნენ (სხვანაირად ამდენი მიწა-წყალს მოკლე დროში შეძენა სვანეთის პირობებში შეუძლებელიც იქნებოდა). ბუნებრივია, ღვთისმსახურების დროს დაგროვილი ქონების ნაწილს სეტყელები ეკლესიასვე ანმარდნენ. ყველაფრიდან ჩანს, რომ სვანეთის ეკლესიებზეც ფეოდალურ-იერარქიულ ორგანიზაციას წარმოადგენდნენ.

საისტორიო ძეგლებიდან ჩანს, რომ სვანეთის ქორეპისკოპოზი მხოლოდ სასულიერო ფუნქციებს ასრულებდა, რის პირდაპირი დანიშნებელია ისიც, რომ სეტყელის გარდა სვანეთის ეკლესიებში არაერთი მამასახლისი, ხუცესი, დეკანოზი, ბერი და მონაზონია დასახელებული, ასევე ის, რომ სეტყელის (ე. ი. ქორეპისკოპოზის) პარალელურად ხელისუფალი — „ხევისთავი“, „მელომე“ ან „მეჭურჭლე“ — მოიხსენიება, კერძოდ, „ხევისთავი“ („თავი“) ჭაფარიძე, „მელომე“ ვახთანგიანი, „მეჭურჭლე“ კუჭაისძე და სხვ.⁴³ იგივე წყაროებიდან ვგებულობთ აგრეთვე, რომ სეტყელის (ქორეპისკოპოზი იყო ის, ხუცესი თუ დეკანოზი) შვილები (როგორც ერის კაცები) საერო ხელისუფალს უმებად ითვლებოდნენ და მათ ემსახურებოდნენ (რაზეც დაწვრილებით ქვემოთ გვექნება საუბარი).

სეტყელებს, როგორც მდიდარ მღვდელმსახურებს, არაერთი გვარეულობის გლეხი, აგრეთვე აზნაური უპირისპირდებოდა⁴⁴.

ეტყობა, ვითარების გამწვავებისა და მტრის დაპირისპირების გამო, სეტყელები ცდილობდნენ ძლიერი მოკავშირე-მფარველის გამოძებნას. ამისი მაგალითია მათ მიერ სეტის ხევისთავის პირნათელ ჭაფარიძის ოჯახთან „სამოკეთილო კავშირის“ დადება (რათა ერთმეორის მოყვარე და დამცველი ყოფილიყვნენ), რაშიც სეტყელმა ჭაფარიძის ოჯახს „ასისა თეთრისა სათიბი“ მისცა⁴⁵. ეს კი სეტყელის მიერ

42 სვანეთის საისტორიო ძეგლები, II. გვ. 6—7, 13, 38—39, 43.

43 იქვე. გვ. 7, 77.

44 იქვე. გვ. 81, 85, 86, 87, 88, 89, 91, 92.

45 იქვე. გვ. 13.

ხელისუფალ ჯაფარიძის უფროსად აღიარებას ნიშნავს (სეტიელმა კავშირი სხვასთანაც შეკრა)⁴⁶.

ჩანს, ეამთა სიკივის დროს, მღვდელმსახურმა სეტიელებმა არაერთი განსაცდელი გამოიარეს. მათ ტრაგიკულ თავგადასავალზე ზეპირ-სიტყვიერებამ არაერთი ლეგენდა-თქმულება შემოინახა, ე. გაბლიანის მიერ ჩაწერილი თქმულებით, „ერთ დროს მესტიის ხევში გაბატონდა ვიღაც სეტიელი მღვდელი ფუთუ ფალიანი, რომელიც თავის სახლიდან მთეარმოწამის ეკლესიამდე ფეხით წასვლასაც კი არ კადრულობდა“ (თავის სახლიდან ეკლესიამდე გვირაბი ჰქონდა გაყვანილი). ფუთუს აუტანელი ბატონობის გამო მესტიის გლეხაცობა აჯანყდა და მისი მოკვლა გადაწყვიტა, რაც პაიდანშერების პაიდანმა მოიყვანა სისრულეში. გადმოცემით, მან მღვდელმსახური სეტიელი ლავენიაშის ქვებთან დამბახით გამოასალმა სიცოცხლეს⁴⁷

სხვა გადმოცემით, სეტიელები დიდი ხნის მანძილზე ჩაგრავენენ მესტიის გლეხობას. ამ უკანასკნელებმა მოილაპარაკეს, რომ მოეკლათ სეტიელის ერთადერთი მემკვიდრე, რომელიც ფალიანებს ჰყავდათ გასაზრდელად. როდესაც გლეხები საქმის აღსასრულებლად ფალიანებს მიადგენენ, ძიძამ იფიქრა, რომ თუ სეტიელის მემკვიდრეს გილასცემდა, ისინი საბოლოოდ ამოწყდებოდნენ, ამიტომ იძულებული გახდა აჯანყებულებისათვის (მოტყუებით) თავისი შვილი გადაეცა (სეტიელი კი ლეჩხუმში დამალა). როდესაც სეტიელი დაეჯეკადა, ის ლეჩხუმის ჯარით წავიდა სვანეთში შურის საძიებლად. როდესაც ეს მისმა ძიძამ შეიტყო, წინ შეეგება ლეჩაქმობილი და მოუყვა: თუ რა მოხდა, როგორ ანაცვალა მას საკუთარი შვილი, ამასთან, შეეხეწა სისხლი არ დაეღვარა. სეტიელმა დაუჯერა მის გამო გაუბედურებულ ძიძას, ძალას არ მიმართა, თან ფალიანის გვარი მიიღო (სხვათა შორის, სეტიელთა შტო ამ გვარს დღემდე შემორჩა).

არ შეიძლება ეს გადმოცემები სინამდვილის ანარეკლი არ იყოს, რადგან სეტიელების მდიდრულ ცხოვრებას და მათდამი სხვების მტრულ დამოკიდებულებას, წერილობითი წყაროების მონაცემებთან ერთად, მატერიალური კულტურის ძეგლებიც ადასტურებს, მათ შორის 1918 წელს სეტის ეკლესიის გვერდით აღმოჩენილი აკლდამა და სპილენძის კუბო, რომელზეც, ე. გაბლიანის მოწმობით, შემდეგი წარწერა იყო: „ამას წინა დავიკრძალვი სეტიელი მღვდელი ოთბ ძეთა ჩემთა ფალი, იოვანე, ფოვთუ და ფალიანი“...⁴⁸. ნიშანდობლივი ფაქ-

⁴⁶ სვანეთის საისტორიო ძეგლები. II, გვ. 90.

⁴⁷ ე. გაბლიანი, თავისუფალი სვანეთი, ტფ., 1927, გვ. 24—25.

⁴⁸ იქვე. გვ. 25.

ტია ისიც, რომ აღნიშნული კუბოთი ფალიანებმა უკანასკნელი მღვდელი (ვიორგი) დამარხეს⁴⁹.

სვანეთის ეკლესია-მონასტერთა ფეოდალური ბუნების დასახასიათებლად არსებითად მის მიერ ყმა-მამულის მფლობელობა⁵⁰. ანგარიშგასაწეია ისიც, რომ ეკლესიებს ე. წ. „საყდრისშვილები“ ჰყავდათ.



ბარის სინამდვილეში „საყდრისშვილები“ ეკლესიის შემადგენლობაში შესული პრივილეგირებული წოდების წარმომადგენლებია. ივ. ჭავჭავაძის სიტყვებით რომ ვთქვათ, „საყდრისშვილები“ ეკლესიაში არსებული გავლენიანი დაწესებულება იყო⁵¹.

ს. ჭანაშიას განმარტებით, „საყდრისშვილებში“ ასევე საყდრის ანუ ტაძრის მოხელე-ხელისუფალთა პერსონალი იგულისხმება⁵².

„საყდრისშვილებს“ ნ. ბერძენიშვილიც ეკლესიის აზნაურ-მოხელეთა ჯგუფს მიაკუთვნებს⁵³.

ქ. შარაშიძის აზრით, „საყდრისშვილები“ ფეოდალურ იერარქიაში ჩართული, გავლენიან-პრივილეგირებული ჯგუფია. რომელიც ცალკეულ ეკლესიასთან ან საყდართან არიან დაკავშირებული⁵⁴.

ბ. ლომინაძის განსაზღვრით, „საყდრისშვილები“ აზნაურთა ისეთი ჯგუფია, რომელიც ეკლესიის კერძო საბატონო დამოკიდებულებაში კი არ არის მოქცეული, არამედ საეკლესიო ქონების კოლექტიური მფლობელი და მმართველია⁵⁵.

ერთი სიტყვით, აღიარებულა. რომ „საყდრისშვილები“ ეკლესიის ირგვლივ შემოკრებილ აზნაურთა გაერთიანებაა.

49 ე. გაბლიანი, გვ. 25.

50 გ. გასეიანი, დასახელებული შრომა, გვ. 60—75.

51 ივ. ჭავჭავაძის, ქართული საშროლის ისტორია. წ. II. ნ. 2, გვ. 10—11.

52 ს. ჭანაშია, შრომები, I, თბ., 1949, გვ. 165.

53 ნ. ბერძენიშვილი, საქართველოს ისტორიის საკითხები, II, 1965, გვ. 52—53.

54 ქ. შარაშიძე, საქართველოს ისტორიის მასალები (XV, XVIII სს.), — მასალები საქართველოსა და კავკასიის ისტორიისათვის. ნაკვ. 30, თბ., 1954, გვ. 249.

55 ბ. ლომინაძე. ცვლილებები საზოგადოებრივი კლასების მდგომარეობაში XIII—XV სს. — საქართველოს ისტორიის ნარკვევები, III, თბ., 1972, გვ. 779—780.

სვანეთში საეკლესიო აზნაურების ანუ „საყდრისშვილების“ არსებობა ადრე არაერთგან შევნიშნეთ და აღვნიშნეთ⁵⁶, თუმცა ეს ინსტიტუტი სპეციალურად არ გამოგვიკვლევია.

სვანეთის საისტორიო ძეგლებში არაერთგან ფიქსირებული საყდრისშვილების ინსტიტუტი აბლახან გამოიკვლია ე. ხოშტარიამ, რომელმაც ეს და აღმოსავლეთ საქართველოში დამოწმებული „საყდრისშვილები“ („მცხეთისშვილები“, „ქვათახევისშვილები“, „აწყურის საყდრისშვილები“, „ვარძიისშვილები“, „რუისის საყდრისშვილები“, „გერგეტის საყდრისშვილები“ და სხვ.) არსებითად ერთი და იგივე მნიშვნელობის ინსტიტუტად მიიჩნია⁵⁷.

ე. ხოშტარიამ ყურადღება გაამახვილა იმაზე, რომ „მცხეთისშვილები“, „გერგეტის საყდრისშვილები“, „რუისის საყდრისშვილები“, აგრეთვე, სვანეთის სინამდვილეში ფიქსირებული „მთავარმოწამის საყდრისშვილმან“, „სეტისა მთავარმოწამისა საყდრის შვილთა“, „მაცხოვრისა მულახისა საყდრისა შვილნი“, „მულახისა საყდრისა შვილები“, მეტ-ნაკლებად გაბატონებულ აზნაურთა ჯგუფს ან მის ცალკეულ წარმომადგენლებს გულისხმობენ⁵⁸.

დიფერენცირებული მიდგომის საფუძველზე ე. ხოშტარიამ დაასკვნა, რომ აღმოსავლეთ საქართველოს მთისა (ცხრაძმის ხეობისა და გერგეტის საყდრისშვილები) და სვანეთის საყდრისშვილები ადეკვატური ცნებებია და გულისხმობენ ცალკე გამოყოფილ პრივილეგირებულ ჯგუფს, სატაძრო კორპორაციას, რომლის მიმართ მეთემეებს გარკვეული ვალდებულება ეკისრათ⁵⁹.

უეჭველია, რომ სვანეთში საყდრისშვილები, იოსელიანები, რიჩვიანები, გელოვანები და სხვ. აზნაურები იყვნენ.

სვანეთის ერთ-ერთი უძველესი აზნაურული გვარეულობის წარმომადგენელმა რიჩვიანმა ლატალის თემის მოხერის მთავარანგელოზის ეკლესიას (XIII—XIV სს.) მისცა პირობა: „ქ. ესე ნიშანი დაგიწერე და მოგავსენე მე გიორგი როჩავიანმა და ჩემთა შვილთა თქუენ წმიდასა მთავარანგელოზსა მოხერისასა, მას ჟამსა ოდეს ჰავისა ჟამისა შემოსვლამა ქუეყანა დააშავა. მოგანდევ ჩემი თავი და შვილნი. ვითა გმსახურებდეთ, ჰავრეც გუწყალობდით“⁶⁰.

56 გ. გასვიანი, დასახელებული შრომა, გვ. 66, 85—86.

57 ე. ხოშტარია (ბროსე). ფეოდალური ხანის საქართველოს მთისა და ბარის ურთიერთობის საკითხები, თბ., 1984, გვ. 117, 118, 122.

58 იქვე.

59 იქვე, გვ. 113.

60 ქ. შარაშიძე, საქართველოს ისტ. მასალები (XV—XVIII სს.). — მასალები საქართველოსა და კავკასიის ისტორიისათვის, ნაკვ. 30, თბ., 1954, გვ. 246, 249, 271—273; ქ. გვასალია, არაგვის ხეობის ისტორიული გეოგრაფიის საკითხები, თბ., 1984, გვ. 6. გასვიანი

მართალია, აქ ტერმინი „საყდრისშვილი“ არ ფიგურირებს, მაგრამ საგულისხმოა, რომ რიჩვეიანი საყდრისშვილი გახდა. ჩანს, მას სწამდა, რომ ეკლესიის სახელით გაფორმების გამო, ღმერთი ავი სენისაგან იხსნიდა, რისთვისაც, ის ეკლესიის შემადგენლობაში შევიდა-მისი „შვილი“ გახდა.

იგივე ეკლესიის „შვილობილები“ (თავდათვლილი) გახდნენ გელოვანთა ორი ოჯახი (პატრონი მიქელაძის ნებით), რომელთაც, მფარველობის მიზნით, ეკლესიას ორი ადგილ-მამული შესწირეს⁶¹.

მულაბის მაცხოვრის „საყდრისშვილი“ გახდა იოსელიანი ამითი-რიზის ოჯახი⁶².

საყდრისშვილთა ინსტიტუტის არსებობა დასტურდება მესტიაში. „სეტის ხევის საერთპიროში ვკითხულობთ: „ქ-მთავარ მოწამისა სეტისა თავსდებობითა და შუვამდგომლობითა დაუწერეთ და დაუდევით დაწერილი ესე საერთი საერთპირო ჩვენ ოთხმან თემმან, თავად კეუისარმან ჯაფარიძემან და მისთა, იოსელიანმან და მისმან კაცმან, მთავარმოწამისა საყდრისა შვილმან ერთობ ყველამან, ერთმან ერთისა ნდომითა მოწმებთა. მერმე ერთმან ერთსა ესე პირი უძვედეთ: გვეყანა აიშალა; ვისაც დაგვეპიროს, მისით პირობით თაუდადებთ უშველოთ ერთმან ერთსა...“⁶³.

საბუთიდან ჩანს, რომ აზნაური ჯაფარიძეები და იოსელიანები (რომლებიც საყდრისშვილები იყვნენ) და ეკლესია (უქვეელი მღვდელმსახური სეტეელის მეთაურობით) ქვეყნის აშლილობის გამო დებენ ერთიანობისა და ურთიერთერთგულების ხელშეკრულებას (თითქოს თანასწორობის საფუძველზე); მიუხედავად ამისა, რომ ამ „ხელშეკრულების“ დადების დროს სეტის ხევის (იგულისხმება დღევანდელი მესტია და ლეხთაგ-ლანჩვალის სოფლები ანუ „ლევარგესა და ლეგლესს“ მოსახლეობა) უფალი ანუ ხევისთავი პირნათელ ჯაფარიძე იყო.

აღნიშნულ და სხვა საბუთებშიც (სათემო აქტებში) არაფერია ნათქვამი ერისთავ-მეფეებისადმი მოსახლეობის დამოკიდებულებაზე, მიუხედავად ამისა, ეს აზნაურები ყველა ნიშნის მიხედვით ერისთავ-მეფეთა დასაყრდენ ძალას წარმოადგენდნენ. თუმცა ამ საბუთიდან ისიც გამოსჰქვივის, რომ ქვეყნის აშლის გამო სვანეთის აზნაურებს

თხები, — საქართველოს ისტ. გეოგრაფ. კრებული, V, თბ., 1965; ე. ხოშტარია, დასაბუთებული შრომა, გვ. 51—58, 73—76, 109—129.

61 სვანეთის საისტ. ძეგლები II, გვ. 17.

62 საქართველოს მუზეუმის ქართული ხელნაწერთა აღწ. (H კოლექცია), IV, გვ. 252; სვანეთის საისტ. ძეგლები, II, გვ. 66—67.

63 სვანეთის საისტ. ძეგლები, II, გვ. 43—44 (ხაზგასმა ჩენია — გ. გ.).

ცენტრალური ხელისუფლების მხრივ მხარდაჭერა მოკლებიათ, ამიტომ კლასობრივი თანამომძეები ეკლესიის მეშვეობით გაერთიანებულან.

სვანეთის საყდრისშვილთა ინსტიტუტის გასარკვევად განსაკუთრებით საინტერესოა მესტიის სინამდვილის ამსახველი საბუთი: „...დაუწერეთ და დაუდევით დაწერილი ესე ერთობისა და გაუყრელობისა ჩვენ ერთობილმან ხეტისა მთავარმოწამისა, საყდრის შვილთა მტკიცე და უქცეველი... და გავეართეთ ჩვენი საქმე სამტროი და სამოყვაროი... მტერისა მტერი სწორად ვიყოთ და მოყვრისა მოყვარე... ესე დაწერილი ფიცითაც დაგვიმტკიცებია. ვინც შეშალოს. კრულმც არს კაცი იგი ღმრთისა... ორთავე ცხოვრებათა შინა. ვინც უკუდგეს... ასისა თეთრისა პატყი გარდავაჯღვევინოთ... ჩვენგან გავაყენოთ“⁶⁴.

აქ პირდაპირ ჩანს, რომ პრივილეგირებული წოდების წარმომადგენლებს — ვარგ ჭაფარიძეებსა და იოსელიანებს — არ აკმაყოფილებდათ ეკლესიის სახელით საყდრისშვილებად გაერთიანება; მათ ერთიმეორეს შეპფიცეს, რომ ერთმანეთის ერთგული და მოყვარე ყოფილიყვნენ. აქვე ჩანს ისიც, რომ ეკლესიის ირგვლივ გაერთიანებულ საყდრისშვილთა კორპორაცია არცთუ მცირერიცხოვანი იყო.

უკანასკნელ ორ საბუთში ასახული სვანეთის სინამდვილე ნათლად აღასტურებს მკვლევარ ბ. ლომინაძის მიერ აღმოსავლეთ საქართველოს ბარისა და მთის საყდრისშვილთა ინსტიტუტზე გამოთქმული აზრის სისწორეს, რომ „საყდრისშვილები“ მეფის ხელისუფლების დასაყრდენი პრივილეგირებული ჯგუფია, რომელიც, ეკლესიის მესვეურთან ერთად, საეკლესიო ქონების კოლეგიური მფლობელ-მმართველი და დანარჩენი აზნაურების კლასობრივი თანამომძეა.



საქართველოს სხვა კუთხეებისათვის დამახასიათებელ „საყდრისშვილის“ ინსტიტუტთან ერთად, სვანეთს თავისებურებაც ახასიათებდა. ამ მხრივ განსაკუთრებით საინტერესოა სვანეთის ხელისუფალთა — „მელომისა“ და „მეჭურჭლის“ — ურთიერთობა ეკლესიასთან.

ერთ წყაროში, რომელიც ბენდან ვახთანგიანის ზემო სვანეთის (ლალვერსა და უშგულს შორის) „მელომედ“ (დროშის უფროსად) არჩევას ეხება (XIV—XV სს.), ნათქვამია: „...მას უამსა ოდეს მთავარ-

მოწამე სეტისა და ერთობილი ჳევი გიშვილე. დაგათუალე ჩემი სახ-
ლი, მამულ ეკლესიანი... მერმე სამართალიც სეტიელსა ჳმართებდა...
ერთი სეტიელისა შვილი ჩემსა მომიყვანია. ვიდრე მე ვიყო მემსახუ-
რებოდეს, მერმე... მე ბენდანსა მისთან (ე. ი. მისი თავი — გ. გ.)
დამითულია მთავარმოწამისა მებეგრედ და თქუენ ჳევისა მოსამსახუ-
რედ⁶⁵.

როგორც ვხედავთ, ვახთანგიანი (რომელსაც მელომედ არჩევა
მეშვიდრეობით ჳკუთვნებია), ვითარცა ეკლესიისა და მამულის მფლო-
ბელი, სეტის მთავარმოწამისა და მთელი ჳემო სვანეთის მოსახლეო-
ბის „ვარგისა და გლეხის“ „მამობილად“ (პატრონად) გაფორმდა, ამას-
თან, მღვდელმსახური სეტიელის შვილი (საერო კაცი) პირად მსახუ-
რად მიიღო⁶⁶. აქ ცხადად ჩანს, „მელომე“-ხელისუფალ ვახთანგიანის
სიუზერენ-უზენაესობა ქორეპისკოპოს (წინამძღვარ) სეტიელისადმი.
ამასთან, სეტიელი, როგორც სულიერი მამა, მთავარეპისკოპოს ცა-
გერელის ვასალად ითვლებოდა.

დაახლოებით ასეთივე სენიორულ-ვასალური ანუ პატრონჳმური
სურათი ჩანს სხვა საბუთშიც (XV ს. ბოლო), რომელიც „მეჳურჳლედ“
წოდებულ ხელისუფალს ეხება: „...დაგიწერეთ და მოგაჳსენეთ დაწე-
რილი ესე მე, კუჳაისძემან მიჳელ და ჩემმან ძმის წულთა და ჩემმან
შვილმან ცოტნე და გიგიამან, შვილთა და მომავალთა ჩემთათა,
თჳვენ ჳევისა ბალსა ჳემოცა და ატჳერს ჳვემოთცა, მას ჳამსა, ოდეს
სეტისა მოვედი... და მოგაჳხენეთ და შვეწირეთ უფნაშის მონახტერი
სეტისა მთავარმოწამესა, მისითა შესავლითა ყოვლითა, მითითა, ბარი-
თა, გლეხითა, ველითა, სამართლიანითა შზღვრითა, მკვიდრად და სა-
მამულოდ... აწ რაგვარც თქუენგან შეწყალებულსა მართებდეს,
თქუენსა მეჳურჳლესა მართებდეს... არა გავნოთ, არა გიღალატოთ...
და თუ ესე დაწერილი საქმითა არა გავითავეთ-თჳვენი ჳელი და მე-
ჳურჳლეობა, — რაიცა მთავარმოწამისათვის შემომიწირავს თქუენ
ჳევისა დაგრჩომოდეს...⁶⁷.

როგორც ვხედავთ, საერო ხელისუფალი „მეჳურჳლე“ (რომელიც
საკუთარი მონასტრისა და ყმა-მამულის მფლობელი იყო) აგრეთვე
ეკლესიასთან ერთიანდება და მისი სახელით მოჳმედებს.

მიუხედავად ეკლესიის სახელით გაფორმებისა, საგულისხმოა,
რომ კუჳაისძე და ჳემოაღნიშნული ვახთანგიანი თავიანთი ყმა-მამუ-
ლისა და კერძო ეკლესიების ფაქტობრივ მფლობელებად რჩებიან.

65 სვანეთის საისტორიო ძეგლები, II, გვ. 6—7.

66 იჳვე, გვ. 45 (ხაზგასმა ჩვენია — გ. გ.).

66 იჳვე, გვ. 5—7.

67 იჳვე, გვ. 38 (ხაზგასმა ჩვენია).

აღსანიშნავია ისიც, რომ ჩვენს ხელთ არსებული წერილობითი წყაროები (პ. ინგოროყვას, ე. თაყაიშვილის და სხვათა გამოცემული) მხოლოდ სათემო აქტებია, ამიტომ ისინი არ ეხებიან ერისთავისა თუ მეფისადმი თემის მოსახლეობის დამოკიდებულებას, რაც ზოგჯერ ერთიორად ართულებს საქმის ვითარების გარკვევას.

წყაროებზე დაკვირვება გვიჩვენებს, რომ საქართველოს სახელმწიფოს დასუსტებისა და პოლიტიკური დაქუცმაცების შემდეგ სვანეთში ეკლესიის გავლენა ერთხანს ისევ ძლიერი ყოფილა. ამიტომ ცენტრალური ხელისუფლების მხარდაჭერის გარეშე დარჩენილი ადგილობრივი პრივილეგიებული წოდების წარმომადგენლები ეკლესიას ეტმასნებთან, მასთან გაერთიანდნენ („შეყრილობათა“ მსგავსად), რათა ქრისტიანული იდეოლოგიის ძალით ეცადათ საკუთარი ხელისუფლების სისუსტის კომპენსაცია და ძალაუფლება კვლავაც შეენარჩუნებინათ, თუმცა კლასობრივი ბრძოლის გამწვავების პირობებში ეკლესიაც და მასთან გაერთიანებული აზნაურებიც ხშირად მარცხს განიცდიდნენ.



სვანეთის ეკლესიის ფეოდალურობაზე არაერთი სხვა გარემოებაც მიგვანიშნებს, მათ შორის სწავლულ მღვდელ-მოძღვართა არაჩვეულებრივი სიმრავლე, ქვეყნის, ასევე უცხოეთის საეკლესიო ცენტრებთან მათი ინტენსიური კავშირურობა.

აღ. ხახანაშვილის, კ. კეკელიძის, ნ. მარის, ე. თაყაიშვილის, ა. შანიძისა და სხვათა მტკიცებით, სვანეთში უკანასკნელ დრომდე შემორჩენილ უამრავ საღვთო ნაწარმოებთა ნაწილი მაინც ადგილობრივ კოლფაწეთა მიერაა გადაწერილი, რასაც პირდაპირ ადასტურებს უახლესი გამოკვლევები.

ზ. სარჯველაძის აზრით, იერუსალიმის ბერძნული საკატრიარქო ბიბლიოთეკის ქართული ხელნაწერის (XI—XII სს. კრებული) გადამწერი არის გრიგოლ სვანი, რომლის ნაწერში ვკითხულობთ: „მე, ცოდვილმან გრიგოლ სუანმან, შემოვსწირე ყოვლად წმიდასა პორტისა ღმრთისმშობელსა“⁶⁸. მკვლევრის მტკიცებით, გრიგოლ სვანი არა მარტო ამ კრებულის ნაწილის გადამწერია, არამედ მთელი ხელნაწერის მომკვებიცაა⁶⁹. მეცნიერის ვარაუდით, აღნიშნულმა მოღვაწემ ალბათ სხვა არაერთი ხელნაწერიც შექმნა.

⁶⁸ ზ. სარჯველაძე, ქართული სალიტერატურო ენის შესავალი. თბ., 1984, გვ. 153.

⁶⁹ იქვე.

ჩვენამდე მოღწეულ ზოგიერთ სხვა ხელნაწერთა დამახასიათებელ თავისებურებაზე დაკვირვებამ ზ. სარჯველაძე დაარწმუნა, რომ სვან მწიგნობართა კალამს ეკუთვნის X—XI სს. შექმნილი ხელნაწერების — „საწელიწადო იადგარის“, „იერუსალიმის განჩინებისა და „საგალობლების“ — ნაწყვეტები⁷⁰.

სვანეთის ეკლესია-მონასტრების მოღვაწეებს მკიდრო ურთიერთობა ჰქონდათ უცხოეთის ქართულ კოლონიებთან, მათ შორის გრიგოლ იოანეს ძე ქანცხიანს, რომელიც იერუსალიმში მოღვაწეობდა XIII თუ XIV საუკუნეში. ჩვენამდე მოღწეულ სახარებაში კვითხულობთ (ტექსტისავე ხელწერით): „წ. სახელითა ღმრთისაათა აღდგომისა ეკლესიასა შინა, წინაშე საფლავისა ქრისტესსა, მე ცოდვილმან და უცბად მჩბრეკელმან იოანე ქსცხიანისა-შვილმან, ველ ნაკულმან, გრიგოლ კელ ვყავ აღწერად წმიდათა ამათ ოთხთავთა და შევსწირე სუანეთს წმიდასა მთავარანგელოზსა მუხერისა... კუამლისგან შეინახეთ. ღამე სანთელსა ნუ ვინ მიუშვებთ.

ფბტიურისა დეკანოზისა კელითა გამომიგზავნია, მასცა შეუნდვენ ღმერთმან. ტილოსა შინა შემიკერავს, ჩემო ძმაო მიქელ, შენდა სასუდრედ დამიჭირე“⁷¹.

აღნიშნულის გამო ე. თაყაიშვილი წერდა: „ეპქესგარეშეა, სახარების გადამწერი გრიგოლ სვანი ყოფილა, მუხერის სოფლიდან, სახარება მას გადაუწერია იერუსალიმში, ქრისტეს აღდგომის ეკლესიაში და გამოუგზავნა ფხოტრერის დეკანოზის ხელით, ცხადია, აგრეთვე სვანის. ყველა ეს იმის მაჩვენებელია, — დაასკვნის ე. თაყაიშვილი, — რომ სვანებსაც, როგორც სხვა ქართველებს, ხშირი მიმოსვლა და კავშირი ჰქონიათ იერუსალიმთან და სხვა წმიდა ადგილებთან“⁷².

უცხოეთის საეკლესიო ცენტრებთან (კერძოდ, იერუსალიმის ქართულ მონასტერთან) ახლო ურთიერთობას ადასტურებს სვანეთის სასულიერო და საერო საზოგადოების წარმომადგენელთა მნიშვნელოვანი შეწირულობები მათდამი, მაგალითად, ხელისუფალ ფარჯანიან-ვარდანიძე-მარუშიან-არიშიანთა წარმომადგენლებს, აგრეთვე დევდარიანის, მოზღოდიანის, ოღარიანის, ჭავესიანის, მახუჭგვიანის, ფაღოზისძეებისა და სხვათა მიერ⁷³.

70 ზ. სარჯველაძე, დასახელებული შრომა, იქვე.

71 ე. თაყაიშვილი, არქეოლოგიური ექსპედიცია... გვ. 367—368.

72 ე. თაყაიშვილი, დასახელებული შრომა, გვ. 368; გ. გასვიანი, დასახელებული შრომა, გვ. 68—70.

73 ე. მეტრეველი, მასალები იერუსალიმის ქართული კოლონიის ისტორიისათვის. თბ., 1962, გვ. 83, 90, 92, 96, 101, 108, 109, 117, 127, 126, 131, 134, 135, 136, 140, 141, 154, 155, 157, 161, 165, 178.

სვანეთის ეკლესია-მონასტერთა მწიგნობრები შემოქმედებით მუშაობას ეწეოდნენ ადგილზე და ქვეყნის ცენტრებში. ასეთთა შორის ე. თაყაიშვილი ასახელებს ილარიონ სოფრომისძეს, რომელიც ჯერ კლარჯეთის ოპიზის მონასტერში, შემდეგ ქედის ეკლესიაში მოღვაწეობდა. ჩანს, მეფე დავით ნარინს ამ სოფრომისძისათვის უჩუქენია სახარება, რომელიც ამ უკანასკნელს ლაბსყალდის ეკლესიისათვის უიღებია⁷⁴.

მღვდელმსახურ მწიგნობართაგანია ტიმოთე პაპა, რომელსაც 1321 წელს სვანეთში გადაუწერია სახარება და ლატალის თემის სოფელ ლაბუშტის მაცხოვრის ეკლესიისათვის უძღვნია: „მეცა ცოდვილი ტიმოთე ღირსყო აღწერებად წმიდისა ამისა საბარებისა. მაცხოვრისა ლაბუშტისა სამსახურებლად. შემოსითცა თუთ ჩემითა კელითა; აწ ვინცა ჩვენსა შიდ მწირველნი იყვნეთ, ღვთისა მცნებისათვის ლოცვა ყავთ ჩემთვის“⁷⁵.

ეს მაგალითი იმასაც ნიშნავს, რომ სვანეთში სხვა, არაერთი სალეთო წიგნიც გადაიწერა.

არაერთი საბუთი მოგვეპოვება იმისა, რომ სვანეთის წარმომადგენლები ხელნაწერებს ეძებდნენ ქვეყნის ფარგლებში თუ უცხოეთში. ამ მხრივ ყურადღებას იმსახურებენ ვახტანგ და ივანე ფარჯანიანები (სვანეთის ერისთავთა საგვარეულოს უძველესი წარმომადგენლები).

ზ. სარჯველაძის შეხედულებით, კეკელიძის სახ. ხელნაწერთა ინსტიტუტში დაცული უძველესი ნაწერები — „წიგნი წამებაჲ წმიდისა გიორგისი და წმიდისა თეოდორესი“⁷⁶ — 1031 წელს ვახტანგ ფარჯანიანმა შეუკვეთა „სვეტსა ზედა ჰყუნდიდისა“⁷⁷.

მკვლევარი აღნიშნავს, რომ ვახტანგ ფარჯანიანის საქმიანობა მისმა შვილმა ივანემ გააგრძელა. მას 1050 წელს ერთ-ერთი ოთხთავი მარტვილში გადაუწერიანებია.

სვანი ხეშდინიანის გადაწერილად თუ მოგებულად ითვლება ქურაშის (ეცერის თემი) სახარება, რომელშიც ვკითხულობთ: „ამის წმიდისა საბარებისა... ინაჲ ხეშტინისძემან იურვა და დაიწერა მისითა საურაგითა“⁷⁸.

შესაძლებელია ეს ის ხეშდინიანია, რომელმაც იოვანე დალიდიანთან ერთად, სვანეთის საეკლესიო მატრიანე განაახლებინა.

74 ე. თაყაიშვილი, დასახელებული შრომა, გვ. 398—404.

75 იქვე, გვ. 375.

76 ეს ხელნაწერები XIX ს. ბოლომდე ზეგანის ეკლესიაში ინახებოდა, შემდეგ თაყაიშვილმა თბილისში წამოიღო (იხ. მისი არქეოლოგიური ექსპედიცია... გვ. 303—304).

77 ზ. სარჯველაძე, დასახელებული შრომა, გვ. 154.

78 ე. თაყაიშვილი, დასახელებული შრომა, გვ. 407.

სვან მწიგნობართა შორის ჩვენთვის ცნობილია იოანე ხარიტონიანი, რომელმაც სვანეთის საეკლესიო კრებათა ძველი მატრიანე დაწერა: „ძუძლი მატრიანე იოანე ხარიტონიანისა დაწერილი იყო და იგი აჯოცა და დაეიწყებასა მიეცა დღეთა გრძელებით; სულსა იოანე ხარიტონიანისა შეუნდვე ღმერთმან სულსა მოძღუარისა ვეშდინიანისა დედასა მარიამსა...“⁷⁹.

ჩვენამდე მოღწეული მატრიანის ვრცელი ტექსტის ერთ-ერთი დამწერია დემეტრე ლოღელიანი: „სულსა ამა მატრიანის მწერალსა დემეტრე ლოღელიანისა შეუნდვე ღმერთმან“⁸⁰.

ჩვენამდე მოღწეული წერილობითი ძეგლებიდან ჩანს, რომ შუა საუკუნეების სვანეთში სხვა მრავალი მწიგნობარი მოღვაწეობდა, მათ შორის: ანტონ, ქერაბინ, მახარობელ და დემეტრე ხოჯელანები, გიორგი, ნინია, ფურთუხ, იოვანე და გიორგი იველდიანები, ტიმოთე, დემეტრე, ოქროპილ და გორსი დავითიანები, მიხეილ და მიქაელ დედარიანები, ფარსმან დობოჯგვიანი, თოდანი, გაჯანიანი, გაკეჩიანი, შოშარდიანი და სხვ.⁸¹. მეორე მხრივ, ყველაფერი ეს სვანეთის ეიწროთემობრივ ყოფაზე, კარჩაკეტილ და ჩამორჩენილ ცხოვრებაზე რაღაც მეტყველებს.

სვან მოღვაწეთა მიერ შექმნილ, გადაწერილ თუ მოგებულ საღვთო ხელნაწერთა მნიშვნელოვანმა ნაწილმა ჩვენამდე ვერ მოაღწია, რის გათვალისწინება კიდევ უფრო ზრდის სვან მწიგნობართა ნაღვაწის მნიშვნელობას.

სვანეთის საეკლესიო-სამონასტრო ცხოვრების მაღალ დონეზე მეტყველებს ამ ნაგებობათა მაღალმხატვრულობა (ფრესკები, ფერწერული ძეგლები, ჭვარ-ხატები...) ამ მხრივ სპეციალისტთა განსაკუთრებულ ყურადღებასა და ინტერესს იმსახურებს ლენჯერის (ნესაგუნის — X ს.), უშგულის (ლამარიას — X—XIII სს.), ლატალის (იფხის X ს. და მაცხვარიშის 1140 წ.), ჰადიშის (XI ს.), კალის (იფრალის 1096 წ. და კვირიკეს 111 წ.), ნაიფთარის (1130 წ.) და სხვა ეკლესიები, რომელთა მონუმენტური მხატვრობა, სპეციალისტთა შეფასებით მაღალი გემოვნებით და დახვეწილი სტილითაა შესრულებული.

სახელმძოვნილი მეცნიერები — გიორგი ჩუბინაშვილი, შალვა ამირანაშვილი, ვახტანგ ბერიძე და მათი მოწაფეები — აღიარებენ, რომ „სვანური მხატვრული სკოლა“ ორიგინალურია და პროფესიული ცოდნით გამორჩეული.

⁷⁹ სვანეთის საისტ. ძეგლები, II, გვ. 160.

⁸⁰ იქვე.

⁸¹ იქვე, გვ. 7, 13, 15, 17—19, 21, 27, 39, 44 და ა. შ.

სპეციალისტთა ასეთსავე მოწონებას იმსახურებს მაღალხელოვნებით შესრულებული სვანური ოქრომჭედლობა, ქვითა და ხით ხურობა, არქიტექტურა, სამეურნეო და საომარი იარაღის მჭედლობა და სხვ.

სვანეთის ეკლესია-მონასტერთა განვითარებასა და ზოგად ეროვნულ მნიშვნელობაზე მეტყველებს მათდამი საქართველოს სახელმწიფო ბელისუფალთა, სასულიერო და საერო მოღვაწეთა თითქმის განუწყვეტელი ზრუნვა, იქაური სასულიერო კერების ძვირფასეულობით შემკობა.

ჩანს, სვანეთისა და მისი ეკლესიებისადმი საერთო ზრუნვა და მეთაღყურეობა საქართველოს პოლიტიკური დაშლის შემდეგაც გრძელდებოდა. ამისი მაგალითია თუნდაც XVI ს. დასასრულსა და XVII ს. დასაწყისში კახეთის მეფეთა მიერ მულახის, მუჯალის, მესტიის, ჰადიშისა და ლატალის ეკლესიებისათვის რვა ზარის მიძღვნა (სათანადო წარწერებითა და სახელდებით)⁸². ამ თვალსაზრისით ნიშნდობლივია ისიც, რომ სვანეთის ეკლესიებში ღვთისმსახურებას ეწეოდნენ არა მარტო ადგილობრივი სასულიერო მოღვაწენი, არამედ საქართველოს სხვადასხვა კუთხის და, რაც მთავარია, სამეფო დინასტიის ზოგიერთი წარმომადგენელიც, მაგალითად, კვირიკესა და ივლიტას მონასტერში მონაზვნად შემდგარა მეფის ასული თეკლა, რომლის მიერ ამ მონასტრისადმი შეწირული ზარის ზუსტური წარწერა ასეთია: „წ. ღმერთო და წმიდაო კურიკე, შეეწიე ორსავე შინა ცხოვრებასა კელმწიფისა შვილსა მონაზონსა თეკლას, რომელმაც შემოგწირა ზარი ესე, ამინ“⁸³.

ყველაფერი ეს იმაზეც მეტყველებს, რომ სვანეთი იყო საქართველოს ორგანული და განუყოფელი მხარე, ქვეყნის სოციალურ-ეკონომიკური, პოლიტიკური და კულტურული ცხოვრების მუდმივი მოზიარე და თანამონაწილე. ამაზე ღაღადებს სვანეთის მატერიალური კულტურის მრავალფეროვნება, სვანეთში დღემდე 100-ზე მეტი ეკლესიის, სხვადასხვა არქიტექტორულ ნაგებობათა, დიდძალი უნიკალური განძეულობის, მრავალი ძველი ხელნაწერის შემონახვა და სხვ.⁸⁴ ამ ძეგლების შესწავლამ მეცნიერები იმ დასკვნამდე მიიყვანა, რომ

⁸² ე. თაყაიშვილი, დასახელებული შრომა, გვ. 234, 248, 250, 251, 261, 278, 333.

⁸³ იქვე, გვ. 234—235.

⁸⁴ Г. Н. Чубинашвили. О работе по учету и охране культурно-исторических памятников Сванетии; მისვე, О необходимости строительства здания краеведческого музея в Сванетии, — ძეგლის შეგობარი. № 31—32, გვ. 91—101.

მათი უმეტესობის შემოქმედი თვით სვანებია, რომ ეს ძეგლები სვანეთის ოდინდელი მაღალგანვითარებულობის მაჩვენებელია.

სვანეთში საეკლესიო ცხოვრების ფართო გავრცელებასა და ქრისტიანული იდეოლოგიის ყოვლისმომცველ ხასიათზე, ზემოაღნიშნულთან ერთად, მეტყველებს ჩვენამდე მოღწეული საეკლესიო კრებათა მატრიანეებიც და საერო ხასიათის სხვადასხვა ხელნაწერებიც (რომელთაც ქრისტიანული დოგმების ღრმა კვალი აზის)⁸⁵.

ერთა სიტყვით, სვანეთის სულიერი და მატერიალური კულტურის ნაშთები ცხადყოფენ, რომ სვანეთი ფეოდალური საქართველოს ქრისტიანული კუთხე იყო, ხოლო მისი ეკლესია-მონასტრები ფეოდალურიერარქიული ორგანიზაცია.

⁸⁵ ე. თ. ა. ყ ა ი შ ე ი ლ ი, დასახელებული შრომა, გვ. 435—436.

სვანეთის ისტორიის პრობლემები

1. სვანეთის სოციალური სტრუქტურა და მისი სვანური გააზრების
ფორმირთი რაციონი

საკარაულოა, რომ საქართველოს ერთ-ერთი უძველესი კუთხის სვანეთის საზოგადოების სოციალურ-ეკონომიკური დიფერენციაცია ანტიკურ ხანაში დაიწყო, კერძოდ მაშინ, როდესაც ის კოლხეთისა და ეგრისის სამეფოებში შედიოდა.

ბიზანტიელი მწერლების ცნობებით, ეგრისის შემადგენლობაში შემავალ სვანებს ჰყავდათ თავისი მთავარი, ანუ ბაზილევსი, რომელსაც ეგრისის მეფე ამტკიცებდა¹, რაც იმისი მაჩვენებელია, რომ საზოგადოება უკვე სხვადასხვა უფლებრივი და ქონებრივი ელემენტისაგან შედგებოდა, ე. ი. სოციალური დიფერენციაცია დიდი ხნის დაწყებული იყო.

უძველეს ხანაზე მეტი რომ არ ვთქვათ, ცნობილია, რომ აფხაზთა სამეფოში სვანეთი ცალკე საერისთავოს წარმოადგენდა. ცნობილია აგრეთვე, რომ სვანთა წარმომადგენლები, შავლიანები X ს. მეორე ნახევარში აფხაზთა მეფეები იყვნენ.

შემთხვევითი როდია სვანთა დიდი როლი საქართველოს გაერთიანებასა და მის საერთო წარმატებაში. ნ. ბერძენიშვილი წერს: „...ძველდროს, ფეოდალური ურთიერთობის ხანაში, საქართველოს შემადგენელ ტომთა შორის სვანეთს ოდნავადაც ნაკლები დამსახურება არ მიუძღვის ჩვენი ქვეყნის ისტორიის შემოქმედებით ასპარეზზე, რომ სვანეთი სხვა მოძმე ტომთა გვერდით ორგანული და ღირსეული მონაწილეა ფეოდალური საქართველოს სოციალური და პოლიტიკური განვითარებისა“².

¹ გორგჯია, ბიზანტიელი მწერლების ცნობები საქართველოს შესახებ, ტ. 2, ს. ყაუხჩიშვილის გამოც., თბ., 1963, გვ. 126; მისივე, ტ. III, გვ. 224—225.

² ნ. ბერძენიშვილი. საქართველოს ისტორიის საკითხები, V, თბ., 1971, გვ. 68.

6. ბერძენიშვილის აზრით, განსაკუთრებით დიდია სევანთა დამსახურება ფეოდალურ-ბატონყმური საქართველოს პოლიტიკურ წარმატებაში: „ირაკვევა, რომ სევანებს „თამარ დედოფალი“ დაუმსახურებლად კი არ მიუთვისებიათ, არამედ შესაფერისი საქვეყნო დამსახურების შედეგად შექმნილან ისინი ღირსეული მონაწილენი საერთო სამშობლოს აყვავება-ძლიერებისა“³.

ბუნებრივია, ყველაფერი ეს მხოლოდ სამხედრო (სალაშქრო) ძლიერებით არ განისაზღვრებოდა. როგორც წერილობითი, აგრეთვე მატერიალური და სულიერი კულტურის მრავალრიცხოვანი ძეგლები გვიჩვენებენ, რომ X—XI საუკუნეებში სევანეთი თავისი განვითარებით მაღალ დონეზე იმყოფებოდა.

ამ თვალსაზრისით განსაკუთრებით საინტერესოა ეპიგრაფიკული ძეგლები, რომელთა ქტიტორული წარწერები პირდაპირ უჩვენებენ, რომ სევანეთის საზოგადოება დიფერენცირებული და სხვადასხვა წოდებად გამიჯნული იყო.

მაგალითად, კალის თემის სოფელ იფრალის მთავარანგელოზის ეკლესიის 1096 წ. ისტორიულ წარწერაში ვკითხულობთ:

1. „ქ. სახელითა ღმრთისაჲთა მოიხატა და შეიმკო წმიდაჲ ესე ეკლესიაჲ სალოცველად აზნაურთა ამის ჯევისა, ყოველთა დიდთა და მცირეთა, შვილთა და მომავალთა მათთა და სულისა მიცვალებულთა მათისა“⁴.

მსგავსია ამავე თემის კვირიკეს (ლაგურკას) ანუ შალიანის (შავლიანის) ეკლესიის 1112 წ. წარწერა. „1. ქ. სახელითა ღმრთისაჲთა მოიხატა და შეიმკო წმიდაჲ ესე ეკლესიაჲ... სადიდებლად და სალოცავად.“

2. ამის ჯევისა აზნაურთა... და ყოველთა, რომელნი აშენებდნენ... წმიდაო კვირიკე, აღიდენ და შეიწყალენ...“⁵.

ანალოგიურია აგრეთვე ნაკიფარის თემის წმინდა გიორგის 1130 წლის წარწერა: „ქ. სახელითა ღმრთისაჲთა მოიხატა და შეიმკო საყლარი ესე წმიდისა გიორგისი სადიდებლად და სალოცველად სულისა აზნაურთა ამისა ჯევისათა ყოველთა“⁶.

³ ბ. ბერძენიშვილი, საქართველოს ისტორიის საკითხები, V, თბ., 1971, გვ. 69.

⁴ Н. А. Аладашвили, Г. В. Алябегашвили, А. И. Вольская. Живописная школа Сванети. Тбилиси 1983, გვ. 30 (ბაზჯანა ყველგან ჩვენია — ბ. ბ.)

⁵ იქვე, გვ. 31.

⁶ იქვე, გვ. 32.

ამავე ეპოქის ლაშხეთის თემის სოფელ ჩუკულის ეკლესიის ხატის წარწერაში ნათქვამია: „წმიდაო ღმრთისმშობელო, შეიწყალე ესე სოფელი, აზნაურნი დიდი და მცირე“⁷.

მსგავსია იგივე თემის სოფ. ჩიხარეშის ეკლესიის ხატის წარწერა: „წმიდაო ღმრთისმშობელო, შეიწყალე ესე ქვეა და ქვეისა აზნაურნი“⁸.

მსგავსია აგრეთვე სოფ. ჯახუნდერის (ჯაფუნდლის) ეკლესიის ერთ-ერთი ხატის წარწერა: „წმიდაო ღმრთისმშობელო, აღიდე აზნაურნი, შეიწყალე სოფელი“⁹.

ანალოგიური შინაარსისაა აგრეთვე ჩოლურის თემის (აშარის ანუ არნეს ხევის) სოფ. საყდრის ეკლესიის ჯვარის წარწერაც: „წმიდაო გიორგი, შეიწყალე, არ შეე ქვეისა აზნაურნი, ყოველნი შემწმარველნი“¹⁰.

აღსანიშნავია, რომ ჩამოთვლილი ძეგლების წარწერები¹¹ (X—XII სს.) ძველი სვანეთის (ე. წ. ზემო და ქვემო სვანეთის) ყველაზე მთამალაი სოფლების მოსახლეობის სხვადასხვა წოდებად — აზნაურად და გლეხად — დაყოფას ეხება, რაც თავდაყირა აყენებს ზოგიერთის შეხედულებას, თითქოს „საქართველოს მთამალაი სოფლებში (შუა საუკუნეებში) წოდებრივი დაყოფა არ არსებობდა“ (ამაზე ქვემოთ).

მოცემული ძეგლების შინაარსიდან ნათლად ჩანს, აგრეთვე, რომ X—XII საუკუნეების სვანეთში საზოგადოების სოციალური დაყოფა დასაწყის სტადიაში კი არ იმყოფებოდა, არამედ შორს იყო წასული, რასაც მოწმობს წარწერებში ფიქსირებული „დიდი და მცირე“ აზნაურების არსებობა (დავაკვირდეთ იფრალისა და ჩუკულის წარწერებს!).

ხსენებული წერილობითი ძეგლებიდან კარგად ჩანს ისიც, რომ ფეოდალურ წოდებას — აზნაურებს, რომლებიც ცენტრალური და ადგილობრივი ხელისუფლების დასაყრდენ ძალას წარმოადგენდნენ, წამყვანი ადგილი ეკავათ ქრისტიანული (იგივე ფეოდალური) იდეო-

7 მ. ახალაშვილი, X—XV სს. წარწერები სვანეთის კედური სელოვნების ძეგლებზე, თბ., 1987, გვ. 9.

8 იქვე, გვ. 10.

9 იქვე, გვ. 11.

10 იქვე, გვ. 12 (ხაზგასმა ყველგან ჩვენია — გ. გ.).

11 მოცემული ძეგლები და მათი წარწერები მრავალმა მეცნიერმა შეისწავლა და დაათარღლა (მეტ-ნაკლები სხვაობით), მათ შორის ექ. თაყაიშვილმა, კ. უვაროვამ, გ. ჩუბინაშვილმა, შ. ამირანაშვილმა და სხვ. ეს ძეგლები არაერთხელ შეისწავლა აგრეთვე საქართველოს ხელოვნების ისტორიის ინსტიტუტის არაერთმა ექსპედიციამ და ცალკეულმა მუშაკმა.

ლოგის ცენტრების ეკლესია-მონასტრების მშენებლობასა და შემკობაში, რაც, თავისთავად, მეტყველებს იმაზე, რომ აზნაურები პოლიტიკურად და ეკონომიკურად იყვნენ დაწინაურებული და პრივილეგირებულ წოდებას წარმოადგენდნენ.

სვანეთის მოსახლეობის სოციალური დაყოფის მაუწყებელი ცნობები მარტო წარმოდგენილი წერილობით წყაროებით არ ამოიწურება. ამ თვალსაზრისით, ასევე განსაკუთრებული მნიშვნელობა აქვს საერთო ქართულ საისტორიო ძეგლებს, მათ შორის თამარ მეფის ისტორიკოსის თხზულების მონაცემებს, რომელიც ეხება თამარ მეფესა და გიორგი (იური) რუსს შორის კონფლიქტისადმი სვანთა დამოკიდებულებას: „ვინაც გარდამოვიდეს ს უ ა ნ ნ ი დ ი დ ე ბ უ ლ ნ ი და მეჭევენი და გარდამოიტანეს რუსი, მეფე-ყოფილი“¹².

რასაკვირველია, აზნაურთა წოდება სვანეთში არაერთ დიდებულს შოიციავდა, მათ შორის, ბუნებრივია, ერისთავ ფარჯანიან-ვარდანისძეთა დინასტიის წარმომადგენლებს, რომელთაგან ზოგიერთი სამეფო კარზეც იყო დაწინაურებული და საქართველოს სხვა რეგიონშიც. ამ მხრივ ნიშანდობლივია იგივე ისტორიკოსის ის ცნობაც, რომელიც აგვიწერს თამარ მეფის წინააღმდეგ სამეფო კარის მოხელე დიდებულთა გაფიცვას, რომლის მონაწილე იგივე ვარდანისძეებიც იყვნენ. ჩანს, შელახული უფლებების წინააღმდეგ გაფიცულებმა მეფეს ასეთი ულტიმატუმი წარუდგინეს: „ადარ ვეგებით ძეულთა კელისუფალთა და გამგებელთა საქმისათა ფარმანსა ქუეშე მყოფნი, ვინამთგან დაძარცვილნი და უნათოდ გაძევებულნი ვართ, და გუარიანნი და მსახურეულნი უპატიოდ და უსახელოდ გასრულ ვართ უგუაროთა და უქმართაგან“¹³.

როგორც ვხედავთ, ცენტრალურ ხელისუფლებასთან დაპირისპირებულ-პატივყრილ გაფიცულთა შორის იყვნენ სვანეთის ერისთავ ვარდანისძეთა წარმომადგენლებიც, რომლებიც სხვებთან ერთად, დიდგვაროვან და მსახურეულ წრეს ეკუთვნოდნენ, მაგრამ, რაღაც საშუალებით, მათ ადგილზე უგვარო და უღირსი პირები აღზევებულან.

თამარ მეფე იძულებული გახდა პატივი მიეგო გაფიცულთა წოდებრივი ღირსებისა და დამსახურებისათვის: „...და კუალად უბოძა მეჭურჭლეთუხუცესობა დიდსა და გუარიანსა კაცსა კახაბერ ვარდანისძესა.... ჩუხჩერახობამ მარუშიანსა, ძესა ჩუხჩარეხისასა...“¹⁴.

12 ქართლის ცხოვრება, II, ს. ყაუხჩიშვილის გამოც., თბ., 1959, გვ. 54.

13 ისტორიანი და აზმანი შარავანდედთანი. კ. კეკელიძის გამოც., თბ., 1941, .

გვ. 76.

14 იქვე, გვ. 79.

ცხადია, თუ არა ფეოდალურ-წოდებრივი ღირსება (თავისთავად დასახურება), სვანთა ერისთავების წარმომადგენლებს მეჭურჭლეთ-უნუცესის, მსახურთუხუცესის, ჩუხჩარების პატივი შემთხვევით არ შეიძლება რგებოდათ. შემთხვევითი არ შეიძლება იყოს აგრეთვე სვანეთის ერისთავთა დინასტიის წარმომადგენლების ცხოველი მონაწილეობა თამარის მეფედ კურთხევის ცერემონიაში და მეფის სამხედრო ხელისუფლებით შემოსვაში: „და სრულყვეს მოკვლეთა სვანთა და დიდებულთა ვარდანის-ძეთა, საღირის-ძეთა და ამანელის-ძეთა მოღება და დადება ჳრმლისა“¹⁵.

ყოველივე აღნიშნულის შემდეგ, რა შეიძლება ეწოდოს ზოგიერთი მკვლევრის თუ ავტორის მცდელობას შუა საუკუნეების სვანეთი წარმოდგინოს გვაროვნულ, ადრეკლასობრივ, პროტოფეოდალურ და მსგავს საფეხურზე მდგომად, საუკუნეებით ჩამორჩენილ საზოგადოებრივი ურთიერთობის მქონე, სოციალურად გაუდიფერენცირებულ კუთხედ.

ცხადია, ეს მოგონილი ზეპირი „თეორიები“ წერილობითი წყაროების მონაცემებს ეწინააღმდეგება და სინამდვილეს არაფრით შეესაბამება.

უსეა რომ არაფერი გაგვაჩნდეს, მარტო მოტანილი საისტორიო-დოკუმენტური წერილობითი წყაროებიც საკმარისია იმის ნათელსაყოფად, რომ საფუძველმოკლებულად მივიჩნიოთ ე. წ. „გვაროვნული“ ანდა „მთური ფეოდალიზმის“ ყბადაღებული თეორია, რომლის მიხედვით „საქართველოს მთიანეთის (საერთოდ, მთიანეთის) მოსახლეობა თავისი ქვეყნის მწირი, სუსხიანი და მთური მდებარეობის გამო შუა საუკუნეებში სოციალურად ერთგვაროვანი და ერთფეროვანი (დაუნაწევრებელი) იყო“. თითქოს „მთიანეთში ზედმეტი პროდუქტის მოპოვება შეუძლებელი (ან თითქმის შეუძლებელი) იყო, რაც გამორიცხავდა ფეოდალურ ექსპლუატაციას“. თითქოს „მთური და მწირი მდგომარეობის გამო მთის მოსახლეობა მუდამ ერთ წერტილზე იყო გაყინული“.

საკითხავია, თუ მთაში ზედმეტი პროდუქტი არ იქმნებოდა, ადამიანის ექსპლუატაცია შეუძლებელი იყო და საზოგადოება მუდამ ერთ წერტილზე იყო გაყინული, მაშინ საიდან შეიქმნა თუნდაც სვანეთში მატერიალური კულტურის ამდენი ძეგლი: სამეურნეო ნაგებობები, ციხე-სიმაგრეები, ეკლესია-მონასტრები და სხვა მრავალი?!

¹⁵ ქართლის ცხოვრება, II, გვ. 27; ივ. ჯავახიშვილი, ქართული ერის ისტორია, II, თბ., 1965, გვ. 246.

ზემოაღნიშნული ნაირფერი შეხედულებით, მართალია, შუა საუკუნეების სვანეთის შედარებით დაბლობ ადგილებში, ასე თუ ისე, იგრძნობოდა ფეოდალურ-დაწინაურებული ურთიერთობის ჩასახვა, მაგრამ მის მთამაღალ სოფლებში (ე. წ. ბალსზემო ხევეებში) გვაროვნული წყობილება ან მისი მრავალრიცხოვანი და მნიშვნელოვანი ინსტიტუტები ბატონობდა, კერძოდ: „სამხედრო დემოკრატია“, „სახალხო მმართველობა“, „თავისუფალ მეთემეთა გაერთიანება“, „საოჯახო, ტერატორიულ-სამეზობლო თემი“, „პატრონიმიული გაერთიანება“, „წარმართული და გვაროვნული ერთიანობა“, „ყოველმხრივ თანასწორუფლებიანი და დემოკრატიული საზოგადოება“ და ა. შ.

რომ არაფერი ვთქვათ ცარიზმის მოხელეთა და ოფიციალური ისტორიოგრაფიის წარმომადგენელთა ნაწერებზე, რომელიც კოლონიზატორულ მიზანს ემსახურებოდა და კულტურტრეგერულ მისიას იჩემებდა, არანაკლებ ოდიოზური და ყალბია ზოგიერთი თანამემამულე მკვლევრის (უპირატესად ეთნოგრაფის) მოსაზრებები, რომელთა მიხედვით, სვანეთის საზოგადოებრივი განვითარება ყოველგვარი სოციალური ბერისა და ქარტახილის გარეშე მიმდინარეობდა უძველეს ხანიდან ჩვენს დრომდე, თითქოს, სოციალური განვითარების მხრივ ის უძველესი საზოგადოების ღონეზე გაიყინა. თითქოს სვანეთის ზოგიერთ თემში (ე. წ. ბალსზემო სვანეთში) პირველყოფილი გვაროვნული წყობილების მრავალრიცხოვანი და მნიშვნელოვანი გადმონაშთი ბატონობდა საზოგადოებრივი ურთიერთობის ყველა სფეროში, თითქოს იქაურ საზოგადოებაში გვაროვნულ-თემური ურთიერთობიდან ფეოდალურ საზოგადოებაში გარდამავალი პროცესის ცალკეული ნიშნებიღა შეინიშნებოდა.

პირველყოფილი ტომებისა და საზოგადოებების ყოფა-ცხოვრების სქემების აღდგენით გატაცებული ზოგიერთი თანამემამულე ეთნოგრაფის რწმუნებით, „სვანეთში უკანასკნელ დრომდე შემორჩა პირველყოფილი თემურ-გვაროვნული წყობილების პირველი საფეხურის მატრიარქატის ნიშნებიც“, მათ შორის „შეგროვებითი მეურნეობა“, „ტომობრივი წარმართული ერთიანობა“; თითქოს „უახლოეს დრომდე სვანეთში თითოეულ გვარს თუ ოჯახს თავისი ღმერთი ჰყავდა მეზირის (გველის, ხელიკის, ბაყაყის, ქათმის, ხბოსა და სხვათა სახით)“. ამ გამონაგონთა მიხედვით სვანეთში ჩვენს დრომდე შემორჩა წინა-გვაროვნული ხანის „ქვის კულტი“ (ე. წ. ჩხუდანის სახით), „რიტუალური ტატუირება“, „ჯგუფობრივი ნათესაობისა და ცოლქმრობის ნიშნები“ და სხვ.

ზოგიერთი ეთნოგრაფი ყოველგვარ საფუძველსა და რეალობას მოკლებული, გამოგონილი მაგალითებით, შეგნებულად ეწეოდა უძვე-

ლესი განვითარებული კულტურის მქონე საქართველოს ერთ-ერთი კუთხის, სვანეთის სოციალურ-კულტურული განვითარების ხელოვნურ გამუქებას, მისი წარსულისა და აწმყოს დამახინჩებას.

ხსენებულ, ყალბ დებულებებს არავითარი კავშირი არა აქვს შუა საუკუნეების სვანეთის ყოფა-ცხოვრებასთან, მის მატერიალურ და სულიერ კულტურასთან. მათ არავითარი კავშირი არა აქვთ, აგრეთვე. სვანეთის წერილობითი ძეგლების მონაცემებთან, ისინი მხოლოდ ლეგენდა-ჰიპოთეზებს, ზღაპრებსა და ცრურწმენებს ემყარებიან.

როგორც წერილობითი ძეგლები გვიჩვენებენ, X—XII საუკუნეების სვანეთის სხვადასხვა ხეობებში მკვიდრობდნენ აზნაურები, რომლებიც სხვადასხვა ფენად იყოფოდნენ. სვანეთის მაღალმთიან სოფლებში აზნაურთა არსებობა იმდენად მკაფიოდ და გასაგებად არის წერილობით ძეგლებში ფიქსირებული, რომ ეს გარემოება საეჭვოდ არ მიუჩნევიათ ამ ძეგლებზე მომუშავე ისეთ გამოჩენილ სპეციალისტებს, როგორცაა: მ. ბროსე, ი. ბარტოლომე, დ. ბაქრაძე, ი. ჯავახიშვილი, ა. ხახანაშვილი, პ. უვაროვა, ე. თაყაიშვილი, პ. ინგორო-ყვა, ა. შანიძე, ვ. თოფურია, გ. ჩუბინაშვილი, შ. ამირანაშვილი, ტ. ვირსალაძე, რ. შპერლინგი, ტ. შევიაკოვა, ნ. ალადაშვილი, გ. ალიბეგაშვილი, ა. ვოლსკაია და სხვ.

მიუხედავად ამისა, გვაროვნული თუ მთური ფეოდალიზმის „თეორიის“ ავტორები ხელაღებით უარყოფენ სვანეთის სინამდვილეში არამცთუ წერილობითი ძეგლების მონაცემებს, კერძოდ X—XII საუკუნეებში საზოგადოების მკვეთრად გამიჯნვას აზნაურებად და გლეხებად. არამედ გვიან საშუალო საუკუნეებშიც. კიდევ მეტი, ისინი ირწმუნებიან. რომ სვანეთში XX საუკუნემდე შემორჩა არა მხოლოდ გვაროვნული, არამედ წინაგვაროვნული ყოფის არაერთი გადმონაშთიც.

აქვე უნდა ითქვას ისიც, რომ ახლა, როდესაც უაპლოესმა მონოგრაფიებმა წერილობითი და დოკუმენტური მონაცემებით გააქარწყლა საქართველოს მთიანეთის, კერძოდ სვანეთის საუკუნო ჩამორჩენილობისა და პირველყოფილურობის ყბადაღებული „თეორია“, მისი ზოგიერთი ავტორი უხმოდ გაეცალა თავის მოძველებულ შეხედულებებს და ცდილობს ყველაფერი სხვას გადააბრალოს (ერთი ეთნოგრაფის საჯარო თქმით — „სხვას აკიდოს დამხრჩეალი კატა“), ან ეპოქის მეტოდოლოგიის თავისებურებით ახსნას ყოველივე და თვითონ უცოდველ მეცნიერად წარმოგვიდგეს.

ამგვარი შეხედულების ზოგიერთი ავტორი (რომელიც ახალი მიმდინარეობის მედროშეობას ჩემულობს) ზოგჯერ მაინც იძულებულია შენიღბულად, მოპოვებული მდგომარეობის (ზეგაულების) მეოხებით დაიცვას ყოვლად მოძველებული და გაცვეთილი შეხედულებები.

სამართლიანობა და მეცნიერული ინტერესი მოითხოვს კვლავ გავიხსენოთ ჩვენი ქვეყნის მთიანეთის ისტორიის კვლევა-ძიებებს ზოგიერთი მომენტი, სააშკარაოზე გამოვიტანოთ მისი შენიღბული მოქმედების რეაქციული არსი.

რომ არაფერი ვთქვათ, ზოგიერთი ეთნოგრაფის აღრინდელ ნაშრომებზე, რომლებიც ველური ტომების სოციალური ყოფის მუხამზარეულ სქემებზეა აგებული და საქართველოს მთიანეთის მაგალითზე ე. წ. პირველყოფიურობის (ქვის ხანის, ჭგუფური ქორწინების, დედის გვარის, წარმართულ-პრიმიტიული რწმენა-წარმოდგენების და სხვ.) ხელოვნურად შეკოწიწებული და გამოგონილი მონაცემებითაა გაჯერებული¹⁶, რ. ხარაძე და ა. რობაქიძე საერთო ნაშრომში „სევანეთის სოფელი ძველად“, ეხებიან ე. წ. „თავისუფალი სევანეთის“ სოციალურ სტრუქტურას და მის ჩამორჩენილობაზე (მთელი საზოგადოების გაუდიფერენცირებულობაზე) მიუთითებენ. ამ მხრივ ისინი იმოწმებენ ე. წ. „ჯაფარიძის სასისხლო სიგელს“ (XV—XVI სს. მიჯნა), რომელშიც არაფერია ნათქვამი იმერეთის მეფისადმი დაპირისპირებული სევანეთის საზოგადოების წოდებრივ დაყოფაზე. საკითხავია, განა ყველა წერილობით ძეგლში ჩანს ამა თუ იმ კუთხის სოციალური სტრუქტურა? ანდა, თუ საქმისადმი ტენდენციური მიდგომა არა, რაღა მაინცდამაინც ამ ძეგლით (რომელშიაც სოციალური დაყოფა არ ჩანს) უნდა ვიმსჯელოთ სევანეთის სოციალურ სტრუქტურაზე და არა ზემოსენებული 4—5 საუკუნით აღრე დაწერილი ძეგლებით, რომლებშიც ყველაფერი ნათლად ჩანს!

ამასთან, თუკი მაინცდამაინც მოცემული ძეგლით უნდა ვიმსჯელოთ სევანეთზე, მაშინ იოლი დასანახია, რომ იმერეთის მეფე აღუქსანდრეს მიერ თავად ჯაფარიძეთა საურავში სევანეთისადმი ჩამოჭრილ მიწა-წყალზე მოსახლე 400 კომლი სხვადასხვა წოდებისაგან წაეღებოდა. მთავარი ის არის, რომ სევანეთისადმი წართმეულ „მთიულეთში“ (და არა ბარში) გლეხიც ჩანს და აზნაურიც: „... სრულად მთიულეთში“ ოთხასი კუამლი აზნაურშვილიანად, გლეხიანად¹⁷. აქვეა ნათქვამი, რომ ზედ ქალაქში არსებობდა საეპისკოპოსო, რომელსაც „ასი კუამლი გლეხი“ ეკუთვნოდა. ასევე, იგივე „მთიულეთის“ დების მცხოვრებ აზნაურთა ორი კომლი „სამოცდათორმეტ გლეხის კუამლს“ ფლობდა და ა. შ.

¹⁶ ნ. ჩიმაკაძე, თავისუფალი სევანეთი, — ძველი საქართველო. II, ტფ., 1913; საქართველოს მუზეუმის მოამბე, ტ. VII, ტფ., 1933 (გვ. 345—346); რ. ხარაძე, დიდი ოჯახის გადმონაშობები სევანეთში. ტფ., 1939; მისივე, ტერიტორიულ-მეზობლური გავრთიანებანი სევანეთში. — მასალები საქართველოს ეთნოგრაფიისათვის. XIII—XIII, 1963; მ. ჩართოლიანი, ქართველი ხალხის მატერიალური კულტურის ისტორიიდან. თბ., 1961 და სხვ.

¹⁷ სევანეთის საისტორიო ძეგლები. II, გვ. 31—34.

ყველაფერი ეს, ერთი მხრივ, იმაზე მეტყველებს, რომ საქმეს მხოლოდ მთური და ბარული მდებარეობა არ განსაზღვრავდა; მეორე მხრივ, ასეთი დაყოფა სვანეთისათვის არ შეიძლება ყოფილიყო უცხო, მაგრამ ხსენებულ სიგელში არავითარ საჭიროებას არ წარმოადგენდა მთელი სვანეთის წოდებრივი დაყოფისა და პრაქტიკულების აღრიცხვა, მით უფრო, ის სამეფო კარის მიერაა შედგენილი დაპირისპირებული სვანეთის წინააღმდეგ.

როგორც აღნიშნეთ, ხსენებულ ძეგლში არ ჩანს სვანეთის წოდებრივი დაყოფა, მაგრამ ეს სრულებითაც არ ნიშნავს იმას, რომ სვანეთის საზოგადოება ერთფეროვანი ანუ გეაროვნული იყო, მაგრამ დასაბუღებულ მკვლევარებს მის მიხედვით მსჯელობა იმისთვის დასჭირდა, რომ უარეყოთ ე. წ. ბასლზემო სვანეთის მოსახლეობის სოციალური დიფერენციაცია.

ამაზე მეტყველებს მათი მსჯელობა ალ. ხაბაშვილისა და პ. ინგოროყვას მიერ გამოქვეყნებულ სვანეთის საისტორიო ძეგლებზე-მიუხედავად იმისა, რომ ამ ძეგლებში არაერთგანაა ფიქსირებული საზოგადოების დაყოფა „ვარგად“ და „გლეხად“, „უხედაესად და უქვედაესად“, „უფროსად“ და „უმცროსად“, მათეს წოდებრივი დაყოფა მხოლოდ ე. წ. ბალსქვემო სვანეთს მიაწერეს. თითქოს სოციალური დიფერენციაციის გამოშხატველი ნომენკლატურა ფორმალურად ეხება მთელ სვანეთს და არავითარ შემთხვევაში ე. წ. ბასლზემო სვანეთის საზოგადოებას.

რ ხარაძე და ა. რობაქიძე, როცა თავიანთ მოსაზრებას აკონკრეტებენ, პირდაპირ წერენ, რომ ხსენებული „დოკუმენტების შედგენის დროს ბალსზემო და ბალსქვემო სვანეთი განსხვავებულ ვითარებაში იმყოფებოდა“. მათი აზრით, ბალსზემოს „თავისუფალი მეთემე“ არსებობდა, ხოლო ბალსქვემოს „ვარგისი და გლეხი“, რომლებიც საერთო სახეოდ საქმეებში თითქოს „თანაბარ მოვალეობას იღებდნენ“¹⁸.

როგორც ვხედავთ, რ. ხარაძესა და ა. რობაქიძეს მიაჩნიათ, რომ ბალსქვემო მოსახლეობა ვარგად და გლეხად იყოფოდა, ხოლო ბალსზემოს მხოლოდ თავისუფალი მეთემე არსებობდა. შემდეგ წერენ, რომ „ამ საბუთების შემდგენი იმ ტერმინოლოგიას მიმართავდა, რომელიც პირველყოვლისა ბალსქვემო სვანეთს შეეხებოდა, თუმცა არც ბალსზემოსათვის იყო უცნობი“. დასაბუღებული მკვლევარები კვლავ აღნიშნავენ, რომ „ამ რიგის დოკუმენტები (რომელშიც ვარგად და გლეხად დაყოფაა ფიქსირებული) საერთოდ ბალსქვემო ურთი დო-

¹⁸ რ. ხარაძე, ალ. რობაქიძე, სვანეთის სოფელი ქველად, იბ., 1965, გვ. 101, 103—104 (ხაზგასპა ჩვენია — გ. გ.).

კუმენტების კვალობაზე იქმნებოდა, რომელიც თავის მხრივ საქართველოში საყოველთაოდ ცნობილ ფორმულებს მისდევდა¹⁹. მათივე აზრით: „ბასლზემო სევანეთის მეთემეთა გაერთიანება იმდენად ძლიერია, რომ ფაქტიურად წარმოადგენს სევანეთს ამ ნაწილის წამყვან პოლიტიკურ ძალას“... ამასთან განაგრძობენ, თითქოს თავისუფალი სევანეთი იყო „თემური პრინციპებით განმტკიცებული საზოგადოება“²⁰.

მოტანილ მსჯელობაში ყურადღებას იპყრობს არა მხოლოდ ის, რომ სოციალური ურთიერთობის განვითარების შეფასებისას წერილობითი მონაცემების ხელოვნურ დაპირისპირებას აქვს ადგილი, არამედ სახელწოდებათა ხელოვნურ შერქმევასაც. საქმე იმაშია, რომ ძველ დროში სევანეთი არ იყოფოდა არც „ბასლქვემო“ და არც „ბასლზემო“. არც „სადადიშქელიანო“ და არც „თავისუფალ“. არც „საბატონო“ და არც „უბატონო“. არც „სადადიანო“, არც „ქვემო“ და „ზემო“ სევანეთად. ასეთი დაყოფა საისტორიო ლიტერატურაში მხოლოდ XIX საუკუნეში გაჩნდა. ან ასეთი დაყოფა საიდან შეიძლება არსებულებოდა XIV—XVI საუკუნეებში (მითუმეტეს ადრე). როდესაც მთელ სევანეთში ერთნაირი სოციალური სურათი და ვითარება სუფევდა, როდესაც არც დადიშქელიანთა სამთავრო არსებობდა და არც დადიანებს ემორჩილებოდა ქვემო სევანეთი (ამ მხარეს დადიანები მხოლოდ XVIII საუკუნეში დაეუფლნენ, მას შემდეგ, რაც ლეჩხუმი ჩაიგდეს ხელთ), მით უფრო არ არსებობდა არც „თავისუფალი“ ანუ „უბატონო“ და არც „საბატონო სევანეთი“. სხვათა შორის, ამ სახელწოდებათა ხელოვნურობა იქიდანაც ჩანს, რომ ისინი ან მათი შესატყვისი სახელწოდებები სევანურად არ არსებობენ. იყო ცდები ე. წ. ბასლზემო სევანეთს „უფუსლო შვან“ შერქმეოდა, მაგრამ ის ვერ დამკვიდრდა.

ამასთან. სად წერია, ან ჩანაირად შეიძლება იმისი წარმოდგენაც კი, რომ სევანეთში აზნაური, გლეხი და ე. წ. „თავისუფალი მეთემე“— ყველა ერთნაირ მოვალეობას იღებდნენ და ასრულებდნენ სახელო თუ საქვეყნო საქმეებში. ნუთუ სოფლის, თემის, კუთხის თუ ქვეყნის საერთო ინტერესების დაცვის ვალდებულება ყველა მცხოვრებისადმი — იმას ნიშნავს, რომ გლეხი, აზნაური, თავადი და სხვა (ერი თუ ბერი) — ყველა თანაბარ ვალდებულებას იღებდა და თანაბარ როლს ასრულებდა?! ეს ხომ ისეც წარმოუდგენელი რამაა.

აი, სადამდე მიიყვანა ცნობილი მკვლევარები მათ მიერ ამოჩემბულმა სოციალური გათანაბრება-გათანასწორების ანუ (არქაიზაციის) იდეამ.

19 რ. ხარაძე, აღ. რობაქიძე, იქვე, გვ. 104.

20 რ. ხარაძე, აღ. რობაქიძე, იქვე, გვ. 106—111 (ბაზგასმა ყველგან

მართალია, ხსენებული მკვლევრები ე. წ. ბალსზემო სვანეთში სოციალური დიფერენციაციის დაწყების პროცესს XIV—XV სს.-ზე (საისტორიო ძეგლების დაწერამდე) დიდი ხნით ადრე ვარაუდობენ, მაგრამ, მათივე აზრით, ეს პროცესი შუა საუკუნეებში, ე. წ. ბალსზემო სვანეთში ვერ გასცდა თავისუფალი მეთემის ცალკეული გაგლეხების ფაქტს. ისინი არც ერთ შემთხვევაში არ უშვებენ იქ აზნაურის, როგორც სოციალური წოდების, გაჩენისა და დაფუძნების ფაქტს (მათი მტკიცებით, „უარგი, ჯერ კიდევ აზნაური არ არის“ — დაწვრილებით ქვემოთ)²¹.

ამაზე მეტყველებს, აგრეთვე, იგივე მკვლევართა შემდეგი აზრიც: „ცალკეული დოკუმენტები, რომლებიც ბალსზემო სვანეთს შეეხება, ასევე მოიხსენიებენ „ვარგთა“ და „გლებთა“, „დიდთა“ და „მცირეთა“ ბალსქვემოური დოკუმენტებისათვის დამახასიათებელი ფორმულების შესაბამისად და ჩანს, მათი გავლენით“²².

ალსანიშნავია, რომ აქ ყველაფერი თავდაყირაა დაყენებული: როგორც ზემოთ ვნახეთ, უძველესი წერილობითი ძეგლები ე. წ. ბალსზემო სვანეთის მოსახლეობის აზნაურად და გლებად დაყოფას ასახავს. ამიტომ რა შუაშია ე. წ. ბალსქვემოური დოკუმენტების კვალი და გავლენა?! მით უფრო, რომ ე. წ. ბალსქვემოური მოსახლეობის სოციალურ დაყოფაზე წერილობითი დოკუმენტები გაცილებით გვიანდელია. ამით ჩვენ როდი უარყოფთ ე. წ. ბალსქვემო ხევების მოსახლეობის ანალოგიურ დაყოფას, რადგან ცნობილია, რომ წერილობითი საბუთის არარსებობა ასეთი დაყოფის არარსებობას არ ნიშნავს (წერილობითი საბუთის არარსებობა რომ სოციალური დაყოფის არარსებობას ნიშნავდეს, მაშინ, ამ თვალსაზრისით, რა შეიძლება გვეთქვა ბარის ზოგიერთი რეგიონის სოციალურ ვითარებაზე, სადაც კონკრეტულად აღრინდელი საუკუნეების წერილობითი ძეგლები საერთოდ იწვიათია ან არ შემოგვრჩა?!).

როგორც აღვნიშნეთ, რ. ხარაძე და ა. რობაქიძე სვანეთის სინამდვილეში „ვარგს“ აზნაურად არ თვლიან²³. მათი განსჯით, „უარგი“ იყო საერთო-სათემო ინტერესებისათვის ბრძოლაში სახელმძღვანელო პირი (ბევსურეთის „კაი ყმის“ მსგავსად), რომელიც მეთემეთა შორის პატივს იმსახურებს, რათა ზრუნვა დაიწყოს პირადი უპირატესობის სამემკვიდრეოდ გადაქცევისათვის. მათივე აზრით: „ამგვარად, ბალსზემო სვანეთმა, ჯერ კიდევ სოფლის თემის გადმონაშთების არსებობის

21 რ. ხარაძე, აღ. რობაქიძე. სვანეთის სოფელი ძველად, გვ. 104, 106.

22 იქვე, გვ. 105 (ხაჭასმა ჩვენია — გ. გ.).

23 იქვე, გვ. 106.

პირობებში შემოინახა კარგი ყმის შემდგომი განვითარებით მიღებული სოციალური ფენა ვარგი. ეს იყო ერთ-ერთი გზა თავისუფალ მეთემეებს შორის სოციალური უთანასწორობის გაჩენისა²⁴.

საერთო ნაშრომის შემდეგ ა. რობაქიძე კვლავ უბრუნდება „ვარგის“ საკითხის გაშუქებას სპეციალურ წერილში („К вопросу о значении термина Варг в сванском“), რომელშიც ასევე უარყოფს „ვარგის“ შინაარსს აზნაურის გაგებით²⁵.

მრავალი გამოჩენილი მეცნიერისაგან განსხვავებით, ა. რობაქიძე უარყოფს არა მხოლოდ „ვარგისა“ და „აზნაურის“ იგივეობას, არამედ საექვოდ თელის ზემოაღნიშნულ ეპიგრაფიკულ ძეგლებში აზნაურის მოხსენიებას, თითქოს ამ ძეგლებში ფსიქსირებულია „აზნართა“ და არა აზნაური. ამასთან, მისი აზრით, „ვარგისა“ და „აზნაურის“ — ორი სოციალური ტერმინის — არსებობა ერთი და იგივე ისტორიულ რეგიონში საექვოდ ხდის მათი სრული გაიგივების შესაძლებლობას, როგორც ეს ზოგიერთ თანამედროვე ნაშრომშია მოცემული²⁶.

ჭერ ერთი, როგორც ზემოთ აღვნიშნეთ, ხსენებულ ძეგლებში აზნაურები მოხსენიებული არიან როგორც ადგილობრივი მკვიდრი მოსახლეები („ამა ჳევის აზნაურნი“); მეორეც, ეს ტერმინები ერთი და იგივე ძეგლში არსად ერთდროულად არ გვხვდებიან; მესამეც, ერთი და იგივე რეგიონში, ერთი და იმავე ენაში და ერთ დროში, მაგალითად რუსეთში, არაერთხელ და არაერთგან გვხვდება ერთი და იგივე წოდების გამოხატვა სხვადასხვა ტერმინით, კერძოდ. „პოპეშჩიკი“ და „დვორიანინი“, რომლებიც აზნაურს შეესაბამებიან, მეოთხე, რაკი სვანეთი საქართველოს სამეფოს ორგანული ნაწილი იყო, გამორიცხულია იქ დანარჩენი საქართველოსაგან განსხვავებული პრივილეგიებული წოდება შექმნილიყო, რადგან ამ წოდებას მეფე ან შესაბამისი სუვერენული მოხელე აწესებდა და ანიჭებდა (სათანალო დამსახურებისათვის), მიუხედავად ე. წ. „მთური“, თუ „ბარული“ მდებარეობისა. სხვანაირად რომ ვთქვათ, „აზნაური“ ქართულში დამკვიდრებული სპარსული ტერმინია, რომელიც თავისუფალს, დაწინაურებულს, წარჩინებულს, ანუ ფეოდალურ წოდებას ნიშნავს, ხოლო „ვარგი“ სვანურში დამკვიდრებული და შემორჩენილი ძველი ქართული სახელ-

24 რ. ხარაძე, აღ. რობაქიძე. იქვე, გვ. 110—113 (ზაზაშა ჩენია — გ. გ.).

25 იხ. კრებელი — ძიებანი საქართველოსა და კავკასიის ისტორიიდან, თბ., 1976, გვ. 378—389.

26 იხ. ძიებანი საქართველოსა და კავკასიის ისტორიიდან, თბ., 1976, გვ. 386.

წოდება, რაც ვარგისს, კარგს, დაწინაურებულს, წარჩინებულს, ანუ ფეოდალურ წოდებას ნიშნავს.

ამასთან, აღსანიშნავია, რომ გამოჩენილი ისტორიკოსები და ენათმეცნიერები — დ. ბაქრაძე, ე. თაყაიშვილი, ი. ჭავჭავაძე, პ. ინგოროყვა, ს. ჭანაშია, ა. შანიძე, ვ. თოფურია, მ. ქალღანი და სხვები, რ. ხარაძისა და ა. რობაქიძისაგან განსხვავებით, „ვარგს“ აზნაურის წოდებად მოიხსენიებენ²⁷. მაგალითად, ივ. ჭავჭავაძე წერს: „აზნაურობა საქართველოს სახელმწიფო წოდებრივი წყობილების საერთო მოვლენა იყო და აზნაურნი საქართველოს ყოველ თემსა და კუთხეში იყვნენ“²⁸.

ასლა იმაზე, თუ ვის ეხება „ვარგად“ და „გლეხად“ დაყოფა, რატომ იცის ჩისტვის გაჩნდა ეს ტერმინები ე. წ. ბალსზემო სვანეთის წერილობით ძეგლებში.

მოუხედავად იმისა, რომ ეს საკითხი უკვე კარგი ხანია განხილულია და გარკვეულია სამეცნიერო ლიტერატურაში²⁹, უკანასკნელ დროს მაინც გამოჩნდნენ ისეთი ავტორები, რომელთაც, მართალია, ვარგის ანუ იგივე აზნაურის არსებობა ვერ უარყვეს ე. წ. ბალსზემო სვანეთში. მაგრამ ის ფიქტიურ არსებად მოიხსნიეს. თითქოს ეს აზნაური ანუ ვარგი ფაქტობრივად არაფრით (არც ქონებრივად და არც უფლებრივად) განიჭებოდა გლეხისაგან, თითქოს ის გლეხზე დაბლაც კი იდგა.

ცნობილია, რომ საისტორიო ძეგლები, რომლებშიც საზოგადოების სხვადასხვა წოდებად დაყოფაზეა ლაპარაკი, ზოგადად „სვანეთის ერთობალ ხევს“ (უშგულსა და ლალევას შორის მოსახლეობას) შეეხება, მაგრამ ფაქტი ის არის, რომ ასეთი ძეგლების უმრავლესობა კონკრეტულად ე. წ. ბალსზემო ხევს მოსახლეობის სხვადასხვა წოდებად დაყოფას ასახავს. მაგალითად, ავილოთ სეტი (მესტია), რომლის საზოგადოებაზე ერთ-ერთ ძეგლში ნათქვამია: „ქ — მთავარ მოწამისა სეტისა საყდართა და ეკლესიათა თაუსდებობითა და შუეამდგომლობითა დაწვერეთ და დაედევით დაწერილ ესე, მტკიცე და უქცეველი... ჩუენ ქუეშან ერთობლილმან შესეტისამან, ერთობლითა დიდთა და მცირეთა, ვარგთა და გლეხთა ყოველთა, ერთმანეთისა ნდომითა დამოწმებთა. მას უამსა, ოდეს ჯიღსა ზედა ეკლესია ავაშენეთ. იგი ეკ-

27 იხ. სვანური პოეზია. წ. I, თბ., 1939; სვანური პროზაული ტექსტები, ტ. I, თბ., 1939; ტ. II, თბ., 1957; ტ. III, თბ., 1967; სვანური ენის ქრესტომათია, თბ., 1978 და სხვ.

28 ივ. ჭავჭავაძე, ქართული სამართლის ისტორია, წ. II ნაწ. I, თბ., 1928, გვ. 34.

29 იხ. ვ. ვასელიანი, დასავლეთ საქართველოს მთიანეთის ისტორიიდან, თბ., 1973; მისივე, დასავლეთ საქართველოს ისტორიიდან, თბ., 1979; მისივე, Социально-экономическая структура Сванетии в XI—XVIII вв. და სხვ.

ლესიისა და კიდისადა მთასა ვინცა რაცა შესცოდოს, ანუ სეტისა შესავალსა შიგა ვინცა რაცა ვინ შესცოდოს, ერთისა ჭაფარიძისა და ანუ იუსელიანისა სისხლი მისითა სანაჯშიროთა ედვას მათა და სისხლად ვერჩოდეთ³⁰.

როგორც ვხედავთ, საეკეო და სადავო არაფერია. XIV საუკუნის ამ ძეგლში საქმე ეხება მესტიის მოსახლეობის „ვარგად“ და „გლეხად“, „დიდად და „მცირედ“ დაყოფას (და არა ბალსქვემო ხეუბნის). საკანონმდებლო ხასიათის ამ ძეგლში მესტიის საზოგადოების (72 პიოის ხელმოწერით) „ვარგისა“ და „გლეხის“ განსხვავებული სახელწოდებები და მათი ოფიციალური აღიარება იმაზე მიუთითებს, რომ ეს სოციალური წოდებები თავიანთი ადგილით, უფლებით, ინტერესითა და ყოფით ერთიმეორისაგან განსხვავდებოდნენ, სხვანაირად ისინი ცალ-ცალკე არ იქნებოდნენ გამოყოფილი და ფიქსირებული.

ამასთან, ამ ძეგლში კონკრეტულად დასახელებულია ადგილობრივი ვარგები ანუ აზნაურები — ჭაფარიძეები და იოსელიანები. ე. წ. ბალსქვემო სვანეთის მოსახლეობის კონკრეტულ გამიჯვნას ეხება აგრეთვე XIV—XV საუკუნეებით დათარიღებული სხვა ძეგლებში³¹, რომლებშიც ასევე ლაპარაკია საზოგადოების სხვადასხვა წოდებასა თუ კატეგორიებზე, ერთ-ერთში, რომელიც, აგრეთვე მესტიას ეხება, აღნიშნულია: „... ვინ და ვარგი კაცი იყოს, ყველას ეკადრებოდეს“³².

ცხადია, აქ იმაზეა ლაპარაკი, რომ „ვარგი“ განსხვავებული იყო და საზოგადოების ყველა წოდების წარმომადგენელს ყველაფერი ერთნაირად არ ეკადრებოდა.

XIV საუკუნის სხვა მსგავს ძეგლში, რომელიც ლატალის სოფელ ლაპილის მოსახლეობას ეხება, ნათქვამია: „...ჩვენ ერთობილთა ლაპილელთა, დიდმან და მცირემან... თავადი თუ ერთობილსა საუსამართლოდ წამოგუეკადოს... ვინ გინდა ლაპილელი კაცი იყოს—სააოდ და სამაჯნოდ არ გაუსკეთ იგი კაცი...“³³. ამავე სოფლის საზოგადოებაზე სხვა ძეგლში აღნიშნულია: „ჩვენ ერთობილთა დიდთა და მცირეთა, უფროსთა და უმცროსთა...“³⁴.

ლატალის თემის ერთ-ერთი სოფლის მცხოვრებთა სოციალურ დაყოფას ეხება, აგრეთვე, XIII—XIV საუკუნეებით დათარიღებული სხვა ძეგლი („დაწერილი“)³⁵.

30 ავანეთის საისტორიო ძეგლები, II, გვ. 53—54.

31 იქვე, გვ. 43, 59, 60.

32 იქვე, გვ. 54.

33 იქვე, გვ. 26.

34 იქვე, გვ. 59.

35 იქვე, გვ. 60.

36 იქვე, გვ. 113.

ჩვენამდე მოაღწია XIII ს-ის სიგელმა, რომელიც ასახავს მესტიის ერთ-ერთი მკვიდრისადმი აზნაურის წოდების მინიჭებისა და განახლების ფაქტს (სხვათა შორის, ეს ჩვენამდე მოღწეული ერთადერთი უძველესი სიგელია, რომელიც სვანეთის მკვიდრისადმი ამ წოდების კონკრეტულ მიცემას ეხება), მასში ვკითხულობთ: „ქ. ჩუენ მეფეთ-მეფესა კოსტანტინეს გუიბოძებია თქუენთუის გოშქოთელიანისათუის თქუენივე ნაქონები ხორხომელისძე, ჰაგრევე ნასისხლად გქონდეს, ვითა პირველ გქონდაყ“³⁶.

ასევე, ე. წ. ბალსზემო სვანეთის საზოგადოების სხვადასხვა წოდებად დაყოფის ფაქტზე მიგვითითებს XIV ს-ის „დაწერილი“, რომელშიაც აღნიშნულია სოფელ ხალდეს მცხოვრებთა მიერ წვირმის ხატის მოტაცება. და ამასთან დაკავშირებით პირობის დადება: „აჟ... ჩუენ ლორთქიფანიძეთა და ჩუენ ჯალდეშელთა არც ვისი ხატი ჩამოვასვენოთ, არც ვისად სავედროთ გავჯადოთ ჯალდეში. თუ ესე პირი გაგიტეხოთ, ოთხისა ვარგისა³⁷ კალელისა სისხლი მიზეჯ გავდებლად დავიუროთ“³⁸.

როგორც ზემოთხანულ წერილობით ძეგლებში (ეპიგრაფიკულ წარწერებში) ვნახეთ, კალის ბევის მოსახლეობა აზნაურებად და გლეხებად იყოფოდა. აქ წარმოდგენილ წერილობით ძეგლს იმ მხრივაც აქვს დიდი მნიშვნელობა, რომ ის უდავოდ ადასტურებს იგივე კალის ეკლესიათა X—XII საუკუნეების წარწერებს, იქაური საზოგადოების სხვადასხვა წოდებად დაყოფაზე და, აგრეთვე, იმ მხრივაც, რომ ის ვეიჩენებს იქაური საზოგადოების უწყვეტ წოდებრივ დაყოფას ხე-

37 მოცემულ ადგილზე პ. ინგოროვას მიერ გამოცემულ კრებულში („სვანეთის საისტორიო ძეგლები“) — „ვარჯი კალელი“ წერია: ჟერ კალე, 1973 წ. გამოცემულ მონოგრაფიაში (დასავლეთ საქართველოს მთიანეთის ისტორიიდან, გვ. 161) გადაქრით აღნიშნეთ, რომ მოცემულ ადგილზე უეპველად კალის აზნაურება (გელოვანი, გომელიანი, დედაჩიანი) ლაპარაკი. ამით იმისი ჩანებასა გესურს, რომ ე. სილოგავამ, სვანეთის საისტორიო ძეგლების ხელახალმა გამოცემამ, პ. ინგოროვას პუბლიკაციაში დაშვებული შექანაქური შეცდომის — „ვარჯის“ — „ვარჯად“ — ჩასწორება აღმოჩენად ჩათვალა; ამასთან, შექანიური შეცდომის (ასოვის ადგილზე კს) განწეორება მ. ბერძნშვილს დიდი ცოდვად ჩათვალა (იხ. სვანეთის წერილობითი ძეგლები, I. თბ., 1986, გვ. 1986, გვ. 31, 219), ხოლო ჩუენს შემჩნევაზე საერთოდ კრიტიკ არ დაძრა (დუმბილი ამჟომინა — ვითომც არაფერი შეამჩნია, სამაგეროდ, თუ სადმე რაიმე ლაფსუსი შეგვაპჩნია — ვაი უშველებელი ყვირილი ატესა).

ე. სილოგავამ უნდა იცოდეს, რომ „ვარჯი“, როგორც სოციალური წოდება კარგს, ვარჯის ნიშნავს (იხ. ჩუენივე მონოგრაფია: 1. დასავლეთ საქართველოს მთიანეთის ისტორიიდან, გვ. 23--26; 2. დასავლეთ საქართველოს მთიანეთის ისტორიის საკითხები. თბ., 1980, გვ. 186—225).

38 სვანეთის საისტორიო ძეგლები. ნაწ. 2, გვ. 70.

ნებულ საუკუნეშიც, რაც, უთუოდ, იმისი მაჩვენებელიცაა, რომ საქმეს მხოლოდ „მთური“ ან „ბარული“ მდებარეობა როდი წყვეტდა.

სხენებული მკვლევრების მიერ „დემოკრატიულ“, „თანასწორუფლებიან“ „პატრიარქალურ“ და სხვა ამგვარ დაუნაწევრებელ, გვარონულ საზოგადოებად დახატულ ე. წ. ბალსზემო სვანეთის მოსახლეობის სხედასხვა წოდებად გათიშვაზე მხოლოდ ზოგადი ძეგლები კა არ მოგვეპოვება, არამედ ისეთებიც, რომლებშიაც ამ წოდებათა ურთიერთდაქვემდებარება და ვალდებულებაა აღწერილი. მაგალითად, ერთ „დაწერილში“, რომელიც XV საუკუნისაა და სეტის (მესტიის) სინამდევლებს ეხება, სეტის სახელით იოსელიანისადმი ნათქვამია: „ოდეს მოგინდა ჩუენთა ჭელთა გლეხად ყოფაი...“. თავის მხრივ, იოსელიანი აღუთქვამს: „არაი დაგაკლოთ, ვითა ჩუენსა გლეხსა ეგრე დაგადგეთ, თქუენი თავი საუსამართლოდ და სამჯნოდ არაი ვის მივანებოთ“...³⁹.

XV საუკუნის სხვა „დაწერილში“, რომელიც იონა წინასწარმეტყველის ეკლესიისადმი აბლანის სახლის გლეხად (ე. ი. ყმად) დადგომას ეხება, ვკითხულობთ: „დაგათვალეთ ჩუენი თავი, რასაც ჩუენი ქყაა, ყოველი მკვიდრად სამამულოთა ერთად გლეხად დაგუითვლია...“⁴⁰.

ანალოგიური „დაწერილიდან“ ჩანს, აგრეთვე, რომ ასევე გლეხები ჰყოლია უფნაშის (სოფ. აცეს) მონასტერს, რომელიც კუქაისძეთა კუთვნილებას შეადგენდა⁴¹.

აქ მოტანილი საეკლესიო საბუთებიდან ჩანს, რომ სვანეთის რიგ ეკლესიებს (საქართველოს სხვა კუთხეების მსგავსად) გლეხები ჰყავდათ, რაც იმაზე მეტყველებს, რომ მიუხედავად ერთგვარი სივიწროვისა, ისინიც ფეოდალურ ორგანიზაციას წარმოადგენდნენ. ბოლო საბუთი იმასაც გვაძნობს, რომ კუქაისძე, რომელიც სეტის მთავარმოწამის მექუტრულე და ბაღის ქედს ზემო ხეუების (ე. წ. ბალსზემო სვანეთის) ხელისუფალი გახდა, მიწა-წყლის, საკუთარი ეკლესიისა და გლეხების მფლობელი იყო.

ე. წ. ბალსზემო სვანეთის საზოგადოების სოციალური დიფერენციაციის პირდაპირი მაჩვენებელია, აგრეთვე, სხვა არაერთ საისტორიო ძეგლში ფიქსირებული სხედასხვა ტერმინი და ცნება, მაგალითად, პატრონი. ერთ საბუთში ლაპარაკია მიქელაისძის პატრონობაზე გელოვანისადმი. ჩანს, ორივე ფეოდალთა წოდებას განეკუთვნებოდნენ. მკვრამ მათი ურთიერთობა პატრონყმობის იერარქიულ პრინცი-

³⁹ სვანეთის საისტორიო ძეგლები, 11, გვ. 14 (ხაზგასმა ჩუენია -- გ. გ.).

⁴⁰ იქვე. გვ. 19.

⁴¹ იქვე. გვ. 38.

შე იყო აგებული; მეორე საბუთში მოხსენიებულია „პატრონი ანუ ბატონი“ ჯაფარიძე, „პატრონი ჩვენნი პირნათელ და ჩარგას ჯაფარიძენი“; მესამეში ნათქვამია „პატრონი ჩემი არღონ იოსელიანი“ და სხვ. ასევე — „თავადი“ — „თავადი ზურაბ ჩარკვიანი“, „თავადი თუ ერთობილსა სავისამართლოდ წამოგუეკიდოს და სხვ.⁴²

ე. წ. ბალსზემო სვანეთის საზოგადოების სოციალური დიფერენციაციისა და სიჭრელის მაჩვენებელია, აგრეთვე, საეკლესიო სფეროში „საყდრის შეილებსა“ და „გლეხების“ გაჩენა: „მთავარმოწამისა საყდრისა შეილმან“, „მთავარმოწამისა საყდრისა შეილთა“, „მულახისა საყდრისა შეილნი“ (აღსანიშნავია, რომ საქმე ეხებათ იოსელიანებს, ჯაფარიძეებსა და სხვა აზნაურებს)⁴³.

სვანეთის საისტორიო ძეგლებში ასევე არაერთი საბუთია ისეთი, რომელიც კონკრეტულად ავეიწერს ე. წ. ბალსზემო სვანეთის გლეხების პირად სამამულო ვალდებულებას ადგილობრივი აზნაურებისადმი. აი. ზოგიერთი მათგანი. XV საუკუნის ერთ წიგნში ვკითხულობთ: „ღმრთისა დედისა თავსდებობითა და შუემდგომლობითა დავიწერეთ ესე წიგნი ჩუენ მჯაფრიაანმა ქელდიშს მუტვილიანსა და მის შეილებსა ამა პირსა ზედა, რომე ერთი ცხუარი ბეგარა, ერთი მგნავრობამ საჯამავიროს იყოს, ერთი ხამი, სამი ნადობა, — უკუნისამდე“⁴⁴.

აღნიშნული „წიგნი“ ჯერ კიდევ პ. ინგოროყვამ მიიჩნია ფეოდალური (საყმომ) გამოსაღების უცილობელ საბუთად. რაკი საქმე ე. წ. ბალსზემო სვანეთს ეხება, წინასწარ აკვიატებული „გვაროვნული“ თუ „მთური ფეოდალიზმის“ მიმდევრებმა ამ საბუთს გვერდი აუარეს (ანგარიში არ ჩაადგეს). ფაქტი ის არის, რომ ამ ძეგლში ასახულია ტიპური ფეოდალური დამოკიდებულება: ქელდიშ მუტვილიანის ოჯახს ვარგი ჯაფარიძისადმი საუკუნო ვალდებულება ეკისრა — წელიწადში ერთი ცხვრის, ერთი ხამის (გარკვეული ტილოს), საჯამავიროდ წასვლის და სამი ნადობის სახით.

როგორც ვხედავთ, აქ სახეზეა გლეხის, შედარებით მსუბუქი, ფეოდალური ვალდებულება. პირადი სამსახურის, ღალისა და შრომითი ბეგარის სახით.

⁴² როგორც საერთო ქართული საისტორიო ძეგლებიდან ჩანს. შუა საუკუნეების საქართველოს სინამდვილეში, სოციალური ცნებები — „პატრონი“ და „ბატონი“ — ერთი და იგივე მნიშვნელობისაა. ამ შემთხვევაში „თავადი“, ჯერ კიდევ სოციალურ წოდებას არ ნიშნავს, იგი თავს. მეთურა, უფროსს ეწოდება (აზნაურის წოდების შიგნით). აღსანიშნავია, რომ ე. წ. ბალსზემო სვანეთში ვერც ერთი აზნაურ ვერ გააუვალდა, ვერ გადაიქცა თავადის წოდებად.

⁴³ სვანეთის საისტორიო ძეგლები. ნაწ. 2. გვ. 15, 17, 26, 43, 45, 66, 67, 105; ექ. თაყაიშვილი, არქეოლოგიური ექსპედიცია... გვ. 280.

⁴⁴ სვანეთის საისტორიო ძეგლები, ნაწ. 2. გვ. 16 (ხაზგასმა ჩვენია — გ. გ.).

დახლოებით ასეთივე სურათია ასახული ამავე ხანის სხვა „დაწერილში“, რომელიც ჭაფარიძეებისადმი ხერგიანების ვალდებულებას შეეხება. გლეხი ხერგიანები ჭაფარიძეებს ყოველწლიურად ორ საკლავს უხდიდნენ, როგორც ეს იოსელიანების გლეხებს ეკისრათ სათანადო წერილობითი გარიგების საფუძველზე⁴⁵. XV საუკუნის ასეთივე შინაარსის სხვა ძეგლში, რომელიც პ. ინგოროყვას მიერ „პატრონი ჭაფარიძეთა ფიცის“ სახელწოდებითაა დასათურებული, კვლავ ნათქვამია, რომ იგივე გლეხებს ჭაფარიძეებისათვის წელიწადში არაუმეტეს ორი საკლავი უნდა ეძლიათ. ამასთან, საბუთში ისე ჩანს, თითქოს იგივე გლეხების ვალდებულება — თავიანთ აზნაურებს ხლებოდნენ მგზავრობისას — ნებაყოფლობაზე იყო დაფუძნებული. სამაგიეროდ, აზნაურები პირობას იძლეოდნენ გლეხებისადმი ერთგულება გავიჩინათ⁴⁶.

სხვათა შორის, იგივე გვარები მესტიის სინამდვილეში XVII—XVIII საუკუნეებშიც კვლავ ძველებურად ფიგურირებენ. ოლონდ უკვე ერთიმეორისადმი არიან დაპირისპირებული. ამაზე მეტყველებს „წიგნი“, რომელშიაც ვკითხულობთ: „...თუ აზნაური ვინი გასცილდეს, თუ გლეხს უღალატოს...“⁴⁷. აქვე ნათქვამია: „თუ ხერგიანის გუარის კაცს აზნაური კაცი თუ შემოაკვდეს...“⁴⁸.

სვანეთის სხვა საისტორიო ძეგლებიდან ჩანს აგრეთვე, რომ ჭაფარიძეებს სხვა გლეხებიც ჰყოლიათ, მაგალითად, გოროლანები (გორულიანები)⁴⁹.

სეტის ანუ იგივე მესტიის საზოგადოების სხვადასხვა წოდებად დაყოფა აისახა ზეპირსიტყვიერებაშიც „ლეურგესა“ და „ლეგლეხეს“ სახელწოდებებით. თემის იმ ტერიტორიას, სადაც ჭაფარიძეები ცხოვრობდნენ. „ლეურგე“ ეწოდება, თვითონ ჭაფარიძეებს „ვარგალ“, ხოლო იმ ადგილს, სადაც გლეხები ცხოვრობდნენ — „ლეგლეხე“.

ჩამოთვლილის გარდა, არაერთი წერილობითი ძეგლიდან ჩანს ე. წ. ბალსზემო სვანეთის გლეხთა ვალდებულება. ამაზე მეტყველებს, აგრეთვე, წერილობით ძეგლებში ფიქსირებული სიტყვები: „რაც იოსელიანსა და მათ ყმათა სიგელი უდევს“, „რომ ჭაფარიძე ყმიანად დაიკოცოს“ და სხვ.

ყველაფერი ეს იმაზე მეტყველებს, რომ ე. წ. ბალსზემო სვანეთის მოსახლეობაც სხვადასხვა წოდებად იყოფოდა და თითოეულ მათგანს თავისი ადგილი და როლი ეკავა საზოგადოებრივ ურთიერთობაში.

45 იქვე, გვ. 15.

46 იქვე, გვ. 16.

47 იქვე, გვ. 110.

48 იქვე.

49 იქვე, გვ. 96.

სწავთა შორის, მიუხედავად იმისა, რომ ბოლო წლებში გამოცემულმა მეცნიერულმა გამოკვლევებმა სვანეთის სოციალური სტრუქტურისა და საზოგადოებრივი ურთიერთობის რიგი საკითხების გაშუქებაში სათანადო სინათლე შეიტანა, ძველი ყაიდის მკვლევართა აბსოლუტურმა უმრავლესობამ ზურგი შეაქცია თავის მოძველებულ შეხედულებას, მიუხედავად ამისა, კვლავ გამოჩნდა ისეთი ავტორი, რომელიც სვანეთის ძეგლებში ფიქსირებულ „ყმას“ („ყმათა სიგელი“, „ყმიანად დაივოცოს“ და სხვ.) შვილის მნიშვნელობით განმარტავს (დაწერილებით ქვემოთ).

ასეთი უკუღმართი აზროვნება და მსოფლმხედველობა არა მარტო იმიტომაა საკვირველი, რომ ძველი გაუგებრობა და გაურკვეველობა უკვე განვლილი ეტაპია, არამედ იმიტომაც, რომ იმ ძეგლებში, რომლებშიც „ყმაზეა“ ლაპარაკი, ჩამოთვლილია გადასახადების გადამბდელი, გადასახადების რაოდენობა და მათი მიმღებიც.

ეფიქრობთ, დაკვირვებული და გათვითცნობიერებული მკითხველი იოლად ამჩნევს, რომ სვანეთის საისტორიო ძეგლებში ფიქსირებული სოციალური ტერმინები და ცნებები პირდაპირი მნიშვნელობით ასახვენ სვანეთის სოციალურ ყოფასა და ცხოვრებას, მათ შორის „უარგი“ და „გლეხი“, აგრეთვე „ყმა“ და სხვ. „ყმას“, ძველ ქართულში, დაქვემდებარებული მიწის მუშის, გლეხის მნიშვნელობა აქვს; ამასთან, როცა „ყმა“ შვილს აღნიშნავს, ამ შემთხვევაში, მას უთუოდ მსაზღვრელიც ახლავს, მაგალითად: „ყმა შვილი“, „ყრმა შვილი“, „ყმა წული“ და სხვ.

როგორც აღვნიშნეთ, შუა საუკუნეების სვანეთში მიწის მუშა, მატერიალური დოვლათის მწარმოებელი მასის უდიდესი ნაწილი „გლეხის“ ტერმინითაა ასახული. თვითონ გლეხის შინაარსში სხვისადმი დაქვემდებარებული მიწის მუშაკი ანუ „ყმა“ იგულისხმება. ამ თვალსაზრისით ხსენებულ საისტორიო ძეგლებში თვით ტერმინი „ყმის“ ხსენებაც რომ არ იყოს, სვანეთის სინამდვილეში მისი არსებობის დასადგენად საკმარისი იქნებოდა თვით ვალდებულების მქონე გლეხების დადასტურება.

თუ ზემოაღნიშნულს აგრეთვე სხვა უძველესი წერილობითი ძეგლების მონაცემებს შევაჯამებთ. ნათლად დავინახავთ, რომ საზოგადოება იყოფოდა „უარგაზნაურად“, და „გლეხად“, „დიდად და მცირედ“, „პატრონად და ბატონად“, „თავადად“, „ყმად და მებებერედ“, „საყდრიშვილად“ და სხვ. ამიტომ რა თავსატეხი წეიძლება იყოს იმისი გაგება, რომ ყმათა ინსტიტუტი სვანეთშიც დავინახოთ.

ახლა, როდესაც ჩვენს თვალსაწიერში დიდძალი საისტორიო წყაროების, ფოლკლორულ-ეთნოგრაფიული და მატერიალურ-სულიერი

კულტურის მონაცემებმა მოიყარეს თავი, როდესაც ჩვენი ქვეყნის წარსულის შესწავლას ხელი მოკიდა სათანადო მეთოდოლოგიას დაუფლებულმა არაერთმა მკვლევარმა, როცა თვალნათლივ გამოიკვეთა ზოგიერთი ნაკვლეის სქემატურობა და უსუსურობა, როდესაც მკვლევართა აბსოლუტურმა უმრავლესობამ მოურიდებლად შეაქცია ზურგი მოძველებულ შეზღუდვებს, საქმეში გაურკვეველმა და ისტორიის საფუძველში გაუთვითცნობიერებელმა ორიოდვე ავტორმა პუბლიცისტურ-რიტორიული საშუალებით და თავისებური იაფფასიანი მანერით სცადა ყავლგასულ შეზღუდვებთან გაცოცხლება ასეთი ყიდის მოპაექრემ ყოველგვარ ბერხსა და საშუალებას მოუხმო, რათა საეკვო გაეხადა ამ ქარისათვის გაეტანებინა უძველესი წერილობითი ძეგლები, რომელთა ნაცვლად შუა საუკუნეების ისტორიის კვლევა-ძიების საფუძველთა საფუძველად და უტყუარ წყაროდ „ეთნოგრაფიული“ შეპირისტყვიერება გამოაცხადა. ეს მაშინ, როდესაც ასეთი „ეთნოგრაფიული საბუთები“ წინაზრახულად, რაღაც გზითაა შეგროვებული. როდესაც მათი უმრავლესობა ცრუმორწმუნეთა ჩვენებებს და ფანტასტიკურ ზღაპრებს ემყარება.

ასეთი მრწამსის ავტორის თვალსაზრისით, წერილობითი ძეგლების ნაცვლად წარსულის აღდგენის უტყუარ ფენომენად მხოლოდ ე. წ. „ეთნოგრაფიული საბუთები გამოდგება. თითქოს მასში „ისტორიული ყოფის უძველესი და ყოვლისმომცველი შრეებია უტყუარად წარმოდგენილი“. თითქოს „თქმულება-გადმოცემები და პირადი დაცვირვებები ბევრად უფრო საიმედო და სარწმუნო საბუთია შორეული წყვიდადის გამოსაცნობად“. თითქოს „ხალხის მეხსიერებაში შემორჩენილი პრეისტორიული რწმენები უძველესი ცივილიზაციის ყველაზე სარწმუნო ფენომენად უნდა იქნეს მიჩნეული“.

აქ არ ღირს მსჯელობის გაგრძელება იმაზე, თუ რამდენადაა შესაძლებელი „ხალხის მახსოვრობით“ პრეისტორიული სინამდვილეს აღდგენა თუ აღდგენა (ასეთ შემთხვევაში რა დანიშნულება აქვს ნეტა არქეოლოგიას?!). არამედ იმის მტკიცებაზეც კი, რომ ამ მეხსიერებით რამდენადაა შესაძლებელი თუნდაც შუა საუკუნეების სენანეთის სინამდვილის აღდგენა. მეხსიერების ფენომენისადმი დაყრდნობა თუ რამდენად სანდოა ყოველთვის, ამის მაგალითია სენანეთში თამარ მეფის საფლავის არსებობაზე სხვადასხვა გადმოცემები, უშუალოდ ამ საფლავის აღმოჩენაზე 1988 წელს გავრცელებული და ესოდენ გახმაურებული სენსაციური ხმები (ლამის იაპონიიდანაც კი მოიწვიეს სპეციალისტ-არქეოლოგები). ჩვენი ქვეყნის გამოჩენილი მეფის საფლავის არსებობას. გადმოცემით, არაერთი კუთხე იჩემებს, მაგრამ ეს იმას როდი ნიშნავს, რომ თამარ მეფე ყველა მათგანშია მართლაც დასაფლავებული.

აქ არ გავაგრძელებთ მსჯელობას, აგრეთვე, იმაზე, თუ ამდაგვარი „ეთნოგრაფიული საბუთები“ როგორი საფუძველთა საფუძველი და საიმედო წყარო შეიძლება იყოს უტყუარი ისტორიის შესაქმნელად.

რა თქმა უნდა, დაკვირვებულმა მკვლევარმა სათანადო უნდა მიუზღოს ზეპირსიტყვიერ-ეთნოგრაფიულ მონაცემებს, ლეგენდა-თქმულებებს, ფოლკლორულ მასალებს, განსაკუთრებით, როდესაც წერილობითი წყაროები არ მოგვეპოვება, როდესაც საქმე გვაქვს დამწერლობამდელ, ან უდამწერლობო ხალხის ისტორიის კვლევასთან (ამ შემთხვევაში უდიდესი მნიშვნელობა ენიჭება, აგრეთვე არქეოლოგიურ-მატერიალურ და ფოლკლორულ მონაცემებს), მაგრამ საყოველთაოდ ცნობილი ჭეშმარიტებაა, რომ დამწერლობითი ხანის ისტორიისათვის წერილობითი ძეგლები „ისტორიული კვლევა-ძიების ფუნდამენტი“ (აკად. მ. ნ. ტიხომიროვი), რომ „ისტორიულ მეცნიერებაში ყველაზე მნიშვნელოვანია წერილობითი წყაროები“ (აკად. ვ. ვ. კოსოლაპოვი).

სვანეთის საისტორიო ძეგლების სოციალური მონაცემებისადმი უდიერი დანოკიდებულება, ამ მონაცემების გადასხვაფერება-გაყალბების მცდელობა დღემდე გრძელდება. ამის არაერთ რეციდივს ვხვდებით ვ. სილოგავას მიერ ახლახან გამოქვეყნებულ კრებულშიც — „სვანეთის საისტორიო ძეგლები“, რომელთა უდიდესი ნაწილი არაერთი მკვლევრის მიერ იყო რამდენიმეჯერ გაშიფრული და გამოქვეყნებული⁵⁰.

ამ მხრივ განსაკუთრებულ ყურადღებას იპყრობს ვ. სილოგავას დანოკიდებულება შუა საუკუნეების სვანეთის სოციალური ურთიერთობისადმი.

საკანგებო გამოკვლევა-კომენტარებსა და ძეგლების დასათაურებაში ვ. სილოგავა არაფერს ერიდება იმისათვის, რომ უარყოს სვანეთში წოდებრივ-ფეოდალური ურთიერთობა. ამისათვის მან სწორი სათაურები შეუცვალა პ. ინგოროყვას მიერ, თავის დროზე, დადგენულ და დასათაურებულ ძეგლებს.

ვ. სილოგავას, სოციალური ურთიერთობის საფუძვლისა და მისი გამომხატველი სპეციფიკური ტერმინოლოგიის ცოდნის გარეშე, უზომო პრეტენზია აქვს ყველასაგან განსხვავებულად დახატოს სვანეთის საისტორიო ძეგლების რაობა და ჩვენ გვიკიჟინებს, რომ ამ ძეგლებში ფიქსირებულ „ყმას“ სოციალური მნიშვნელობის ტერმინად მივიჩნევთ. ის კატეგორიულად წერს: „ყმა“ სოციალური მნიშვნელობით სვანეთში არასოდეს არ გამოიყე-

⁵⁰ ამასთან დაკავშირებით იხ. გ. ვასიანის წერილი — „სხვისი ნუ განდა რა, შენი იკარე“. — ლიტერატურული საქართველო, 30 სექტემბერი, 1983 წ.

ნებოდა, უბრალოდ იმ მიზეზის გამო, რომ „ყმათა“ ინსტიტუტი, ბატონყმობისათვის დამახასიათებელი ფორმით, იქ საერთოდ არ არსებობდა“⁵¹.

ვ. სილოგავასათვის მნიშვნელობა არაფერსა აქვს, ოღონდ რაიმე თქვას თავის მიერ ამოჩემებულ საგანზე. ეს რომ ასე არ იყოს, მაშინ მისთვის ასე უცხო საკითხების ინტერპრეტაციაზე და ამასთან დაკავშირებით სხვის კრიტიკაზე კი არ გაამახვილებდა ყურადღებას, არამედ მისთვის ესოდენ აუცილებელი ძეგლების დახვეწილ გამოცემაზე. ანდა მას რომ ობიექტური კვლევა-ძიება აინტერესებდეს (და არა, თავისი თანამოაზრეების საამებლად, ჩვენი კრიტიკა). მაშინ ეს შენიშვნა, უპირველეს ყოვლისა, პავლე ინგოროყვასადმი უნდა მიეცა, რადგან ვ. სილოგავამდე, ეს ძეგლები პ. ინგოროყვამ გამოიკვლია და დაასათაურა. როგორც ჩანს, რაკი პ. ინგოროყვას მიერ გამოცემული ძეგლები თვითონ გადაიღო და დამსახურებაც მიიწერა (თითქოს თავის კრებულში თავმოყრილი ძეგლების „მნიშვნელოვანი და დიდი ნაწილი თვითონ გამოაქვეყნა პირველად“)⁵², ამიტომ ჩანს, ერთგვარი უხერხულობა მაინც იგრძნო.

ალბათ, მკითხველი იკითხავს — რა შუაშია პ. ინგოროყვა?! აი, რა შუაშია: პ. ინგოროყვამ ერთად მოუყარა თავი ადრე ცნობილ და თავის მიერ მიკვლეულ სვანეთის საისტორიო ძეგლებს, რომლებიც თემატურ-ქრონოლოგიური პრინციპით დაყო, ამ ძეგლებში ცალკე გამოყო სოციალური ურთიერთობის ამსახველი „აქტები პატრონყმობისა“, რომლებიც ასე დაასათაურა:

„... 7. დაწერილი სამოკეთოი ((პატრონყმობისა) იოსელიანთა და დემეტრე სეტციელის სახლთა შორის...

8. დაწერილი საყმო გამოსაღებისა ჭაფარიანთა და ხერგიანთა შორის.

9. ხერგიანთა მოთხოვნა და პატრონთა ჭაფარიძეთა ფიცი...

10. დაწერილი საყმო გამოსაღებისა ჭაფარიანსა და მუტცილიანთა შორის...

11. დაწერილი საყმო გამოსაღებისა (ანონიმური)...

13. დაწერილი ყმად თავის დათვლისა ლაპილის ეკლესიისა და უცნობი პირისა...

14. დაწერილი ყმად თავის დათვლისა ლაპილის ეკლესიისა და როჩავიანთა სახლისა...

51 ვ. სილოგავა, სვანეთის წერილობითი ძეგლები. ტ. I, თბ., 1986, გვ. 259 (ხაზგასმა ჩვენია — გ. გ.).

52 ვ. სილოგავა, დასახელებული კრებულის ანოტაცია, გვ. 6.

16. დაწერილი ყმად თავის დათვლისა იონაშის ეკლესიისა და...

17. დაწერილი შვილობისა (ყმად თავის დათვლისა) ლახამლეულთა...⁵³.

როგორც ვხედავთ, გამოჩენილმა პალეოგრაფმა, ჯერ კიდევ, ჩვენი საუკუნის 30-იან წლებში გააცნობიერა სვანეთის წერილობითი ძეგლები და თითოეულ მათგანს თავისი სახელი დაარქვა. ამასთან, ვ. სილოგავას ვერაინ უსაყვედურებს პ. ინგოროყვას მიერ გამოცემული კრებულის უცოდინარობას, რადგან მასში მოცემული ყველა ძეგლი (ერთ-ერთი უძველესი, უდიდესი და უძვირფასესი ძეგლის — მატინეს — გარდა) ვ. სილოგავამ უკლებლივ გადაიღო და უმნიშვნელო სასარგებლო ტექსტოლოგიური ცვლილებებით გამოსცა, ოღონდ სიხლის მოსაჩვენებლად სათაურები და თარიღები უსაფუძვლოდ შეუცვალა.

მაშ, ვ. სილოგავამ რაღა მაინცდამაინც ჩვენ ამოგვიღო მიზანში, მით უფრო, რომ ხსენებული ძეგლების ტექსტოლოგიური დადგენა ჩვენს მიზანს არ შეადგენდა, ჩვენ ისინი მხოლოდ სოციალური ურთიერთობის ისტორიის გამოსაკვლევად გამოვიყენეთ. ამასთან, ვ. სილოგავამ რაღა მაინცდამაინც ნაკლოვანებალა შეამჩნია ჩვენს მონოგრაფიებში და დადებითი ვერაფერი დაინახა? აქედან გამომდინარე, მკითხველისთვის მიგვიჩვენია თვითონ შეაფასოს ვ. სილოგავას მიერ ჩვენდამი გამოთქმული კრიტიკის მეცნიერულ-ობიექტური ღირებულება.

ახლა კონკრეტულად იმაზე, ვინაა მართალი ტერმინი „ყმის“ მნიშვნელობისა და შინაარსის განმარტებაში — ჩვენ, თუ ჩვენი ოპონენტი?

საინტერესოა „ყმა“ სოციალური შინაარსისაა თუ მხოლოდ „შვილის“ მნიშვნელობას გამოხატავს სვანეთში?!

ვფიქრობთ, სვანეთის წერილობითი ძეგლების ზემომოტენილი ამონაწერებიდან ნათელია, რომ „ყმას“ (მიუხედავად შედარებით ნაკლები მასშტაბისა) სვანეთშიც იგივე სოციალური მნიშვნელობა აქვს, რაც დანარჩენ საქართველოში. როგორც აღვნიშნეთ, „ყმას“ რომ სოციალური მნიშვნელობა აქვს და გლუხს აღნიშნავს, ეს გარემოება ზემოთაც ვუჩვენეთ, ამიტომ, განმეორება რომ არ გამოგვივიდეს, აქ მხოლოდ იმ ორიოდ ძეგლის შინაარსს შევვხებით, რომლებზეც ოპონენტმა უცერემონიოდ მიგვითითა და გაგვაკრიტიკა.

⁵³ იხ. პ. ინგოროყვა. სვანეთის საისტ. ძეგლები, ნაკვეთი 2, შინაარსი (ძეგლების დასათაურება).

ერთ-ერთ ძეგლში („დაწერილში“), რომელიც XV საუკუნისაა და ჯაფარიძეთა და ხერგიანთა ურთიერთობას ასახავს, ვკითხულობთ: „წმიდის გიორგის სეტისა და მაცხოვრისა მულახისა თავსდებობითა და შუგამდგომლობითა დაგიწერეთ და გიბოძეთ ჩუენ მჯაფარიანმან თქუენ ხერგიანთა მტკიცე და უქცეველი: თუ ხერგიანი ასი მოსახლე იყოს, ამ ორი საკლავის მეტი არა ჰმართებდეს; რაც იოსელიანსა და მათ ყმათა სიგელი უდს, ამა პირზედა იყოს, რაც მათ პაპუვას(?) ერთისა ჰმართებდა.“

ვინ ესე გაუტეხოს, ან ჯაფარიანმან, ან ხერგიანმან, იგიმცა კაცო კრული არის ჭუართა ქრისტესითა, სახლი და საყოფელი მისი, სასუმელი და საკმელი მისი. ამენ“⁵⁷.

მეორე ძეგლში, რომელიც აგრეთვე იგივე გვარების ურთიერთობას ეხება, ნათქვამია: „...ღმრთისა თავსდებობითა, მას ეამსა, ოდეს ბატონმან („ბატონმან“, ბატონმან) გვილაატეს ხერგიანთა. არა ვუმართებდა და აწ ეს მოვიგონეთ... თუ ამ გულზე შეიქენით, ჩუენ მოგახსენებთ რომე, ჯაფარიძის გვარი იყოს, ეს ფიცი არ გაგიტეხოთ თუ ასი მოსახლე შეიქმნას, ამ ორ საკლავს იქეთ არა ემატოს; თუ განაყოფი ამოუწყდეს, ქრთამი არ მოუნდეს; თქუენით კარკაცობითა თუ სამგზაუროს წამოგუყვებით, თუ არა არა გკადროთ (?) სადაცა გუახლეთ, თქუენ არა ვისი ვარჩიოთ, რომე, ჯაფარიძე ყმიონად დაივოცოს — მაშინცა არა ვესარჩლო...“

ამისი თავსდები პირველად წ-ა გიორგი სეტისა, რომელმან ესე... შეშალოს კრული იყოს კაცი იგი ვითარცა სადუმი და გომორი, წყეულიმც არს ჭვართა ქრისტესითა, იუდას მუნაწილე იყოს“⁵⁸.

რა არის ამ შესანიშნავად გაფორმებულ ძეგლებში უცხო და გაურკვეველი?! აქი აქ ჩამოთვლილია მოპირდაპირე მხარეები, გადასახადის გადამხდელი და მიმღები, გადასახადის ოდენობაც და მფარველის პირობაც (ყველაფერი ეს, ჩვეულებისამებრ, ქრისტეს ფიცითაა განმტკიცებული). მითითებულია, აგრეთვე, ანალოგიური დამოკიდებულების მაგალითიც, რომლის ნიმუშად იოსელიანების ყმათა სიგელია მითითებული. სწორედ მის მსგავსად და კვალობაზე განისაზღვრა ზემოაღნიშნული გვარების დამოკიდებულება. ყველაფერი ეს საქართველოში დადგენილი წესით და რიგითაა გაფორმებული.

როგორც ზემოთაც ვთქვით, აღნიშნული საბუთები პ. ინგორო-ყვამ თავის დროზე „საყმო გამოსალებად“ დაასათაურა, ხოლო ვ. სილოგაევამ, ახლა, როდესაც მკვლევართა შიერ ყოველივე გარკვეულია.

54 პ. ინგოროყვა, სვანეთის საისტორიო ძეგლები. ნაწ. 2, გვ. 15.

55 იქვე, გვ. 16.

ყველაფერი ერთიმეორეში აურია და თავდაყირა დააყენა: პირველ საბუთს („დაწერილს“) — „დაწერილი მჭაფრიანთა ხერგიანებისა და იოსელიანებისადმი“ დაარქვა, ხოლო მეორეს — „დაწერილი სეტის ჯევისა ხერგიანებისადმი“⁵⁶. ამასთან, „ყმაც“ შეილად მონათლა.

როგორც ვხედავთ, ვ. სილოგავამ პირველ შემთხვევაში ერთიმეორეში აურია აზნაურები და გლეხები. რა შუაში არიან იოსელიანები, თუ არა ჭაფარიძეთა მიერ გლეხებისაგან მისაღები გადასახადების განსაზღვრა იოსელიანების ყმათა სიგელის შესაბამისად. ვ. სილოგავას გამოყავს, რომ იოსელიანებიც, როგორც „გლეხები“, ჭაფარიძეებისადმი არიან ვალდებული, როდესაც ამ და სხვა (არაერთ) ძეგლიდანაც ჩანს, რომ იოსელიანები აზნაურები იყვნენ და თავისი გლეხები ჰყავდათ. იმისათვის, რომ ვ. სილოგავამ როგორმე გააქარწყლოს „ყმის“ მნიშვნელობა, ტექსტის ხსენებულ ადგილს — „რაც იოსელიანსა და მათ ყმათა სიგელი უდს (უღევს — გ. გ.) ამა პირზედა იყოს, რაც მათ პაპუევას ერთისა ჰმართებდა“ — ასე ცვლის. „რაც იოსელიანს და მათ შვილებს სიგელი აქვთ ამა პირზედ იყოს, როგორც მათ პაპუევას ერთი (საკლავი) ჰმართებდა“⁵⁷. როგორც იტყვიან, საიდან სადაო, წმინდა საბაო?! ეს რა ეკვილიბრისტიკა და ფილოსოფიაა — თურმე იოსელიანს და მათ შვილებს სიგელები ჰქონიათ თავიანთი პაპუას გადასახდელი საკლავის დავლიანებაზე?!

ჭერ ერთი, სად და ვის გაუგია ყველა იოსელიანს (მამებსაც და შვილებსაც განურჩევლად) სიგელი ჰქონოდათ — რაზეც არ უნდა ყოფილიყო; მეორეც, მით უფრო რანაირად შეიძლება იოსელიანის ყველა შვილს სიგელი ჰქონოდა შეილობის მოწმობად (სიგელოსანი შეილები?!), ან თავიანთი პაპუის მიერ საკლავის გადაუხდელობაზე (ნეტა იმ პაპუევას მაინც ვისი ემართა საკლავი?!).

ხედავთ „ყმის“ მნიშვნელობის სახეშეცვლის მცდელობაში ვ. სილოგავას ფანტაზია სადამდე მიდის. ჩვენ კი გვიკვირებს, თითქოს სადმე ვამტკიცებდით, რომ ყმობის შესახებ სიგელი ყმებს ჰქონდათ ხელში ჩაბლუჭული. ვ. სილოგავამ უნდა იცოდეს, რომ აზნაურსა და გლეხს შორის ურთიერთვალდებულება, საერთოდ, ადათით და წესით იყო განსაზღვრული, და ის წერილობით იშვიათად ფორმდებოდა. მიუხედავად ამისა, ეს ვალდებულება არც ერთი მხარისათვის საიდუმლო არ იყო.

⁵⁶ ვ. სილოგავა, დასახელებული კრებული, გვ. 199, 202—203 (ხაზგასმა ჩვენია — გ. გ.).

⁵⁷ იქვე, გვ. 259 (ხაზგასმა ჩვენია — გ. გ.).

ჩანს, ვ. სილოგავა საერთოდ არ დააკვირდა, ანდა ჭიუტად არ ცნობს სევანეთის წერილობითი ძეგლების სოციალურ შინაარსს, რაც კარგად ჩანს ზემოაღნიშნული მეორე ძეგლის მისეული განსჯიდანაც. მას რომ საქმის ობიექტური სურათი აინტერესებდეს, მაშინ ამ ძეგლში ფიქსირებულ „ყმას“ სოციალურ შინაარსს არ ჩამოაყალიბდა. როგორც ვნახეთ, ტექსტის დასაწყისში პირდაპირ წერია: „...ოდეს ბატონმან გვილატეს ხერგიანთა, არა გუმართებდა“... ნუთუ აქ და ძეგლის ბოლოშიც არ ჩანს, რომ ხერგიანებს ბატონმა (პატრონმა) ჯაფარიძეებმა ულატეს. ნუთუ ცნობილი არ არის, რომ „ბატონი“ თუ „პატრონი“ თავისთავად საპირისპირო „ყმას“ გულისხმობს, სხვანაირად ცარიელ-ტარიელი ბატონი რანაირად შეიძლება წარმოიდგინო?! ძეგლში რომ მართო სადავო ტერმინი ეწეროს, მაშინაც ძნელი მისახვედრი როდია, რომ ჯაფარიძეებს ყმები ჰყავდათ. მით უფრო ეს გარემოება არა მხოლოდ ამ ძეგლის იმ ნაწილში ჩანს, რომელშიც ჯაფარიძის ყმიანად დახოცვაზეა ლაპარაკი, არამედ ზემოაღნიშნულ სხვა არაერთ ძეგლშიც, რომლებშიც ჯაფარიძეთა გლებების გვარ-სახელეობია ფიქსირებული. აქედან გამომდინარეც, რანაირად შეიძლება იმისი წარმოდგენა, რომ მოცემულ ადგილზე „ჯაფარიძის შვილიანად“ დახოცვაზეა ლაპარაკი?!

ვ. სილოგავა რომ „ყმის“ მნიშვნელობას ასხვაფერებს, ვითომ „შვილს ნიშნავდეს“ — ეს იოლი გასაგებია სხვა მხრივაც. სევანეთის წერილობით ძეგლებს რომ თვალი გადავავლოთ, დაეინახავთ, რომ „შვილი“ ყველგან თავისი ტერმინითაა გამოხატული, მაგალითად: „შენ ჯაფარიძეთა პირნათელსა და შენთა შვილთა“, „ჯაფარიძემან პირნათელ, ჩემთ შვილთა დოდოლ და ივანე, ჩემთა შვილთა და მომავალთა“...; „იოსელიანისა სახლისა შვილი ქურსიკი“; „მოგანდევ ჩემი თავი და შვილნი“; „ჩუენთა შვილთა და მომავალთა ყოველთა“... „მი შვილთა“... „მისთა შვილთა დულუ და ერგუშ და ულლათი და აშხა და მისთა შვილთა თეიმურაზ“... „შენთა შვილთა და მომავალთა“, „ნუცა მამაი შუვილსა...“, „ჩუეენთა შუვილთა და მომავალთა ყუველთა... ჩუეენთ შუვილთ“ და ა. შ.⁵⁸

თავი რომ დავანებოთ უამრავი მაგალითის დასახელებას, ჩვენი ოპონენტი სევანეთის საისტორიო ძეგლებში ვერსად იპოვის იმის მაგალითს, რომ „ყმა“, მსაზღვრელის (შვილის) თან დაურთველად, „შვილს“ ნიშნავდეს, მაგალითად, „ოდეს ვახთანგიანსა ყმაი შვილი არაი დარჩა...“ პირიქით, საქართველოს სხვა რეგიონს საისტორიო ძეგლების მსგავსად, სევანეთის წერილობით ძეგლებში „შვილი“ სო-

თავი რომ დავანებოთ უამრავი მაგალითის დასახელებას, ჩვენი ოპონენტი სევანეთის საისტორიო ძეგლებში ვერსად იპოვის იმის მაგალითს, რომ „ყმა“, მსაზღვრელის (შვილის) თან დაურთველად, „შვილს“ ნიშნავდეს, მაგალითად, „ოდეს ვახთანგიანსა ყმაი შვილი არაი დარჩა...“ პირიქით, საქართველოს სხვა რეგიონს საისტორიო ძეგლების მსგავსად, სევანეთის წერილობით ძეგლებში „შვილი“ სო-

⁵⁸ სევანეთის საისტორიო ძეგლები, ნაწ. 2, გვ. 13, 18, 19, 25, 49, 50, 51, 65, 66, 78, 81, 83, 84, 85 და ა. შ. (ხაზგასმა ყველგან ჩვენია — გ. გ.).

ციალური მნიშვნელობითაცაა ნახმარი. ამ შემთხვევაში მრავალთაგან მხოლოდ ორიოდეს დავსახელებთ, როგორც ზემოთ აღვნიშნეთ, აზნაური იოსელიანები და ჭაფარიძეები „საყდრის შვილებადაც“ ითვლებოდნენ⁵⁹. ცხადია, ამ შემთხვევაში „საყდრის შვილი“ საყდრისადმი დაქვემდებარებულს, მის ყმას ნიშნავს. ამასთან დაკავშირებით საინტერესოა, აგრეთვე, ბენდე ვახთანგიანის მაგალითიც. ის „სევანეთის ერთობილი ხევის“ მელომე ვახდა, ხევი კი მისი „შვილობილი“. მაღალი მდგომარეობის გამო ვახთანგიანმა სეტიელის შვილი პირად მსახურად აიყვანა — „ვირე მე ვიყო, მემსახურებოდეს; მერმე... მე ბენდანსა მისი თავი დამითულია მთავარ მოწამისა მებეგრედ და თქუნე ჳევისა მოსამსახურედ“⁶⁰.

აქაც ვხედავთ, რომ „შვილი“ თუ „შვილობილი“, თავისი შინაარსით, მსახურს ან მებეგრესაც ნიშნავს.

„შვილი“ რომ ზოგჯერ არაპირდაპირ სოციალურ მნიშვნელობას იძენს, ეს კარგად ჩანს ბარის სინამდვილიდანაც, მაგალითად, იოსებ კათალიკოსის მიერ ბიჰეინტის ღვთისმშობლისადმი შეწირულობაში ნათქვამია, რომ დიაკონი მკედლიძე გიორგი უშვილო იყო და მისთვის გრიგოლ კათალიკოსს ოთხი ძმა უწყალობებია: „ეხლა რათგან ეს უშვილო იყო, ჩვენი დასტურით და ბრძანებით ეს სხვისი შვილები თავის შვილებათ მიიჩნია, სანამდის ცოცხალი იქნება, საკუთრად ყმად და შვილად ემსახურონ... და ამის სიკვდილის უკან შენ ბიჰეიტისა ღთისმშობლისადა შემოგვიწირავს“⁶¹.

ყველაფრიდან ჩანს, რომ ვ. სილოგავას მსჯელობა „ყმის“ მნიშვნელობაზე წერილობითი ძეგლების მონაცემებს არ ექვემდებარება, რადგან ყმას თავისი მნიშვნელობა აქვს და შვილს — თავისი. „ყმა“ ქართული ენის განმარტებით ლექსიკონშიც (ისტორიული მნიშვნელობით) განმარტებულია როგორც უმიწო გლეხი, პატრონის ქვეშევრდომი, ხელქვეითი. ამასთან, „ყმა“, თუ „ყრმა“, როცა მსაზღვრელი ახლავს, მაგალითად, „ყმაშვილი“, „ყრმაშვილი“, „ყრმაწული“, ვაჟი-შვილს ნიშნავს. იგივე ლექსიკონში განმარტებულია აგრეთვე „ყმობა“, რაც ყმის მდგომარეობას, ყმად ყოფნას ნიშნავს. ასევე „ყმური“ — ყმის შესაფერს, ყმისთვის დამახასიათებელს, ასევე ყმიანი — ყმის მყოლს და ა. შ.

ასეთია ყმის განმარტება და საზოგადო შინაარსი, ხოლო ვ. სილოგავა მას, სევანეთის საისტორიო ძეგლებში, ყველასაგან განსხვავებით, მხოლოდ შვილის მნიშვნელობით განმარტავს.

⁵⁹ სევანეთის საისტორიო ძეგლები, ნაწ. 2. გვ. 43, 45, 66, 67, 78.

⁶⁰ იქვე, გვ. 6—7 (ხაზგასმა ჩვენია — გ. გ.).

⁶¹ ს. კ ა ბ ა ძ ე, დასავლეთ საქართველოს საეკლესიო საბუთები, წ. II, ტფ., 1921, გვ. 47.

სვანეთის (ე. წ. ბალსზემო სვანეთის) გვიანდელ სინამდვილეზეც არაერთი წერილობითი ძეგლი მოგვეპოვება, როდესაც აზნაურები და გლეხები ურთიერთისადმი არიან დაპირისპირებული, მათ შორის წოდებრივ-კლასობრივი ბრძოლაა გაჩაღებული. მაგალითად, XVII—XVIII საუკუნეებით დათარიღებულ ძეგლში ვკითხულობთ: ...თუ აზნაური ვინი გასცილდეს, თუ გლეხს უღალატოს... ბერგიანის გუარის კაცს აზნაური კაცი თუ შეაკუდეს, სისხლი ყიშან გარდახდეს. თუ ბერგიანები იმას შეეაკვდეთ... თუ სისხლი ვინამე გუადირსოს⁶²...

საკითხავია, ნუთუ X—XI საუკუნეებიდან XIX საუკუნემდე სვანეთის აზნაურებმა ვერაერთარი პრივილეგია და სიკეთე ვერ მოიპოვეს, ვერც ერთი მიწის მუშავერ დაიქვემდებარეს (გლეხად ვერ გაიხადეს). ნუთუ ზემოაღნიშნული ძეგლები იმისი პირდაპირი მაჩვენებელი არ არის, რომ იოსელიანებსა, ჯაფარიძეებსა და სხვებს არაერთი გლეხი ექვემდებარებოდა, ყმები ჰყავდათ? ნუთუ ამ გარემოებაზე მრავალგან არ არის მსჯელობა ჩვენს მონოგრაფიებში⁶³.

რა ლოგიკით და ეთიკით გვიკვირებს ვ. სილოგავა, თითქოს, ჩვენ ვერსად ვერ ვასახელებთ თუ ვინ არიან იოსელიანებისა და ჯაფარიძეების ყმები, თითქოს, ხსენებული გვარები, „არათუ მრავალ შემთხვევაში არ იხსენიებიან ყმათა მფლობელებად, არამედ სულ ორი შემთხვევაა სვანურ (sic! გ. გ.) საბუთებში „ყმის“ დასახელებისა...“ ამ ორ შემთხვევაშიც ეს ტერმინი სოციალური მნიშვნელობისა არც არის⁶⁴.

აქ არ ღირს იმაზე საუბარი, რომ ჩვენი ოპონენტის თანამოაზრენი შეშფოთებული გვიკვირებენ — „როგორ თუ სვანეთში ყმათა არმია გავამრავლეთ“. ცხადია, ამ ბრალდებას საბუთის მნიშვნელობას არ ვანიჭებთ, მაგრამ მაინც საინტერესოა — რომელ მათგანს დაეჭვრება?!

ვ. სილოგავას ეს უცნაური მსჯელობა სვანეთის სოციალურ სტრუქტურაზე არა მხოლოდ იმ მხრივია საკვირველი, რომ ამის ვანსჯა მის სპეციალობას, პროფესიასა და მსოფლმხედველობის სფეროს (მაშასადამე მიზანს) არ ეხება, არამედ იმიტომაც, რომ „ყმათა“ არარსებობის მტკიცებას და მისი სოციალური შინაარსის უარყოფას ის

⁶² სვანეთის საისტორიო ძეგლები, ნაწ. 2, გვ. 110 (ხაზგასმა ჩვენია — გ. გ.).

⁶³ იხ. გ. გასვიანი, დასახელებული ნაშრომები.

⁶⁴ ვ. სილოგავა, დასახელებული კრებულო, გვ. 259 (ხაზგასმა ჩვენია — გ. გ.).

იმ მატრიანის გარჩევას უკავშირებს, რომელიც დადიშქელიანთა ხანას მსახავს და მათ სამთავროს ეხება.

როგორც ვხედავთ, ვ. სილოგავა არა მხოლოდ ზოგიერთი ეთნოგრაფის მიერ ამოჩვენებულ ე. წ. ბალსზემო სვანეთში, არამედ, საერთოდ, მთელ სვანეთში (სადადიშქელიანო და ქვემო სვანეთშიც) უარყოფს ყმათა ინსტიტუტისა და ბატონყმობის არსებობას.

რაკი ე. წ. ბალსზემო სვანეთის სინამდვილეზე უკვე ვიმსჯელებთ, ამიტომ მას უკვე არ დაუვბრუნდებით. აქ მხოლოდ იმას დავძენთ, რომ არსად და არასოდეს ვამტკიცებთ სვანეთში კლასიკური ბატონყმობის არსებობას. როგორც ცნობილია, ბატონყმობა (თუ პატრონყმობა) ხანგრძლივი პროცესია, მას დასაწყისი და ბოლოც აქვს. ის ერთდროულად და ერთბაშად არ დამყარებულა და არც გამქრალა. ამასთან, სვანეთის ფეოდალური თუ ბატონყმური ურთიერთობის განვითარების ცალკე, ფორმაციული გამოყოფა და დადგენა შეუძლებელია მთელი საქართველოს განვითარების ერთიანი შეჯამების გარეშე, რადგან ხსენებული კუთხე ამ ერთიანი სახელმწიფოს ერთი მტკიცე ნაწილი იყო. საქართველოს ცალკეულ კუთხეთა (მით უფრო არცთუ ისე მრავალმოსახლიანი სვანეთის ცალკეული ხეობის თუ სოფლის განცალკევებული განვითარების) ცალ-ცალკე, დანაწევრებული, ფორმაციული შეფასება საერთოდ უხერხულია, უაზრობა და გაუგებრობაა. ამდენად, უსაფუძვლოდ მიგვაჩნია, აგრეთვე, XI—XIX საუკუნეების სვანეთის განვითარების შეფასება — „ადრეფეოდალური ურთიერთობის კლასიკურ ნიმუშად“, სხვა რომ არაფერი იყოს, ასეთი კლასიფიკაციის დადგენა მხოლოდ სვანეთის მაგალითზე შეუძლებელია.

რაც შეეხება დადიშქელიანთა სამთავროში და ქვემო სვანეთში ბატონყმობის არსებობას, მას იშვიათად თუ ვინმე უარყოფს.

თუ როგორ აისახა სოციალურ-ეკონომიკური და პოლიტიკური სურათის მოტივები ჩვენთვის საინტერესო მატრიანეში და თუ რა შეფასება მისცა ვ. სილოგავამ იქ არსებულ ვითარებას, ამაზე შეიძლება თქვას შემდეგი: ჭერ ერთი, გაუგებარია რას გულისხმობს ის ბატონყმობასა და მისთვის დამახასიათებელ ინსტიტუტებში; მეორეც, ამ პრობლემაზე მას საერთოდ არ უმუშავია, ამიტომ, ასე ერთბაშად, კალმის ერთი მოსმით ყველაფერის გადაჭრა შეუძლებელია, მით უფრო, ვფიქრობთ, ურიგო და უცნაურია ამ პრობლემისადმი მიძღვნილი არაერთი სპეციალური ნაშრომისადმი ანგარიშგაუწევლობა.

თავი რომ დავანებოთ დადიშქელიანთა სამთავროზე შექმნილ ოფიციალურ საბუთებსა და ისტორიულ ლიტერატურას, იქ ბატონყმური ინსტიტუტების კატეგორიული უარყოფა ვ. სილოგავას მიერ

იმიტომაცაა საკვირველი, რომ მის მიერ განხილულ ე. წ. მეორე მატრიანეში (რომელიც ბალსქვემო ხეებს, ანუ სვანეთის სამთავროს ეხება) სრული უეჭველობითაა ასახული ბატონყმობისათვის დამახასიათებელი (მის მიერ ასე ხელალებით უარყოფილი) ყმათა და მებატონეთა ინსტიტუტები⁶⁵.

აი, ზოგიერთი მათგანი (ვ. სილოგავას ნუმერაციით): № 9 მოსახსენებელში ვკითხულობთ: „...სომაილს ჩხვიმიანის, ბატონის საყვარელს მეთოფეს... დიდებულს ალმაიზი დადიჩქელიანს... დიდებულს ალაგიუყეს დადიშქელიანს“...; № 11-ში: „აშენე, აკურთხე სახლი და საყოფელი ბატონის ციოყის დადიჩქელიანის ოცდაათი ათასი შესწირა სულისა სავსრად... მეუღლეს მის დიდებულსა იუსილანს (იოსელიანს—გ. გ.)“; № 12-ში: „...დიდებულს გელაბსან დადიშქელიანსა... ჭაზდან წმთიანისა ბატონის საყვარელს...“; № 13-ში: „უფალო ღმერთო, ალაშენე სახლი და საყოფელი... დიდებულის ბატონის გელაბსანის... მისი ფამელიას ყოველთა...“; № 14-ში: „ბატონს გელაბსანს... მის მეთოფეს, ალმაიზ ცინდელიანს... თათარყანის, კაი მეთოფეს... მის მეთოფეს კახაბერ სუთეანს... მურზაყანის მეთოფეს მირზას დედარაიანს... ახლავის მელიქიფხეს... ფამელას ყოველსა...“; № 16-ში: „დიდებულს ქეყანს დადიჩქელიანს... დიდებულს მის მეუღლეს ქალინა ჩარკვიანს... მის მოახლეს... დიდებულს თეთარუს დაჩქელიანს... დიდებულს თეთრუაის ყიმიანს (ე. ი. ყმიანს — გ. გ.) — მის მოახლეს... თათარყანს დიდებულს დაჩქელიანს... ჭიალმირზას, დიდებულს დაჩქელიანს... ისლამს დიდებულს გელავანს (გელოვანს — გ. გ.)... დიდებულს მარინეს დაჩქელიანს... ნელარს, დიდებულს, ყმიანს... მის მსახურებს...“; № 20-ში: „ბატონს დიდებულსა პირნათელისა... დიდებულსა მეუღლესა მისსა ნესტარჯანს ბაბანისა (ბაბიანისა—გ. გ.)“; № 31-ში: „დიდებულს ბაძუს რუჩაგიანს (რიჩგვიანს — გ. გ.)... დიდს რუჩაგიანს...“; № 32-ში: „ახლავ რუჩეგიანისა მის მეთოფეს მირზას... მის მელიქიფხეს... ფამელას ყოველთა“... № 40-ში: „გაუს შგერაიანს ბატონის საყვარელს...“; № 42-ში: „ბატონს მირზა ჩარკვიანს... დიდებულს რუჩაგიანს...“; № 43-ში: „ჯანყვით ჩარკვიანს დიდებულს... მირაგუს დიდებულს დაჩქელიანს... ციოყ ჩარკვიანს დიდებულს“ და ა. შ.⁶⁶

⁶⁵ იხ. ვ. ვასკიანი, სვანეთის საეკლესიო კრებათა მეორე მატრიანე, — მაცნე, ისტორიის... სერია, 1972 № 2.

⁶⁶ ვ. სილოგავა, დისახელბული კრებული, გვ. 279—304.

ნუთუ ყველაფერი ეს ბატონყმური ინსტიტუტებისა და ურთიერთობის ამსახველი არ არის და მხოლოდ თავაზიანი მიმართვის ფორმებია, როგორც ეს ვ. სილოგავასა და მის ორ თანამოაზრეს ჰგონია და ეჩვენება. ნუთუ ამ ძეგლების გამომცემი ვერ უნდა მიმხედარიყო, რომ მათში მრავალჯერ ფიქსირებული დიდებული, ბატონი, ფამელია (ფამელი), მოახლე, მსახური, მეთოფე, მელიქიფხე და სხვა ცარიელი ტერმინების თამაში არ არის, თორემ მაშინ რატომ ასეთივე „დიდებულის“ ან „ბატონის“ ეპითეტებით არ მოიხსენიებიან რიგითი გვარეულობების (გლეხების) წარმომადგენლები?!

ვ. სილოგავა, რომელიც სვანეთში ბატონყმური ურთიერთობის შესაბამისი ინსტიტუტების კატეგორიული უარყოფის იდეამ გაიტაცა, არ დაუკვირდა, რომ ხსენებულ ძეგლებში ყმათა ინსტიტუტი მრავალჯერაა მოხსენიებული, როგორც ადგილობრივი ტერმინებით — „ფამელა“ (ფამელი-ყმა), „მელიქიფხე“ ასევე, საერთო ქართულით — „მოახლე“, „მეთოფე“, „მსახური“ და სხვ. ამასთან, აქ პირდაპირ „ყმა“ ფიგურირებს, მაგალითად, ჭეყან დადირქელიანის სახლის მოსახსენიებელში (№ 16-ში) ვკითხულობთ: „ღმერთო აშენე, აკურთხე სახლი და საყოფელი ჭეყან დაჩქელიანისა; ოცდაათი ათასი შესწირეს ღმერთსა სულისა მისისათჳს... ორი მარტიანი⁶⁷ მოასვენა... შვილებისა სადიდებლად.. დიდებულს თეთრუაის, ყმიანს (ვ. სილოგავას ამოკითხვით „ყმიანს“, რაც სრული უაზრობაა)... მის მოაბლეს... ნელარს, დიდებულს, ყმიანს... მის მსახურებს...“⁶⁸

ნუთუ „ყმიანი“ აქაც შვილიანს ნიშნავს? ვ. სილოგავას საყურადღებოდ ამ შემთხვევაშიც ქართული ენის განმარტებით ლექსიკონში ჩაიხედოთ: ყმიანი — ყმის მყოს, ყმის პატრონს ნიშნავს. „ვეფხისტყაოსანში“ ვკითხულობთ: „იყო არაბეთს როსტევან, მეფე ღმრთისაგან სვიანი, მალალი, უხვი, მდაბალი, ლაშქარმრავალი ყმიანი“.

როგორც ვხედავთ, აქ მრავალშვილიან მეფეზე კი არა, არამედ მრავალყმიან მეფეზეა ლაპარაკი.

მიუხედავად იმისა, რომ ხსენებული მატიანის ტექსტის ერთ ადგილზე ვ. სილოგავამ საგანგებოდ დახუჭა თვალი („ყმიანის“ ნაცვლად უაზრო „ყმიანს“ დაწერა), მეორე ადგილას მაინც იძულებული გახდა „ყმიანი“ დაეფიქსირებინა, ოღონდ მის განმარტებაზე კრიტიკა არ დაძრა, ამასთან, ხსენებული მატიანის ვრცელი ამონაწერი იმისათვის დაგვეჭირდა, რომ მკითხველმა თვითონ დაინახოს „შვილის“

67 მარტიანი ყველა შემთხვევაში მატიანეს ნიშნავს.

68 ვ. სილოგავა, დასახელებული კრებული, გვ. 285—286.

და „ყმიანის“ მნიშვნელობა, რომლებიც ვ. სილოგავამ საგანგებოდ აურია ერთმანეთში.

ვინც მთელ მატრიანეში ჩაიხედავს, ის პროფესიული ცოდნის გარეშეც ადვილად დაინახავს, რომ ნათესაობა-ჩამომავლობის გამომხატველი ტერმინი — „შვილი“ — მასში ყველგან თავისი სახელით — შვილი — ფიგურირებს, ხოლო სოციალური მდგომარეობის გამომხატველი „ყმა“ — თავისი. ყოველივე ამასთან, მატრიანის ერთი და იმავე მოსახსენებელში, ერთი და იგივე დროს, სხვადასხვა ტერმინის — „შვილისა“ და „ყმის“ — ერთი და იგივე მნიშვნელობით მოხსენიება თავისთავადაც გამორიცხებულია.

ამასთან, აქაც საგანგებოდ უნდა აღინიშნოს, რომ ვ. სილოგავას შიერ სვანეთის სოციალური ურთიერთობისადმი ტენდენციური მიდგომა კარგად ჩანს მის მიერ შედგენილ საძიებელშიც, რომელშიც ტერმინი „ყმიანი“ სულ არაა შეტანილი, რა თქმა უნდა, განგებ გამოტოვა, როდესაც აქ სვანეთის საისტორიო ძეგლები ფაქტობრივად მთლიანად გაიმეორა, ყოველგვარი საჭიროების გარეშე (საერთოდ ეს რა ჯამბაზური საძიებელია?!).

ერთი წუთით დავეშვათ, რომ სოციალურ ურთიერთობაზე და მის გამომხატველ ტერმინოლოგიაზე წერილობითი ძეგლები საერთოდ არ მოგვეპოვება (რაც არცთუ იშვიათია ჩვენი ქვეყნის ამა თუ იმ კუთხეში); ასეთ შემთხვევაში რა ვუყოთ ზეპირსიტყვიერებაში შემონახულ და სვანეთის სინამდვილეში დამკვიდრებულ სოციალური შინაარსის მატარებელ ტერმინებს: „ფუსდ-ფუსტ-ფუსთედუ“ (უფალი, შეუფე, ბატონი, თავადი, უფროსი), „ვარგ-აზნაური“, „გლები“, „ფამლი“, „ქორსმერდე“, „ლუდიანე“, „ლავიირ“, „ჯალჩი“, „ხასა“, „მოახლე“, „მეთოფე“, „მელიქიფხე“ და სხვ. ნუთუ ყველა მათგანი ვისიმე კერძო გამონაგონია, სინამდვილისაგან მოწყვეტილი, ცარიელი სიტყვებია. საქმეში გაუთვითცნობიერებელი ზოგიერთი ავტორის აკვიატებული მსჯელობით სვანეთის სოციალური ურთიერთობის კვლევა-ძიებას და შეფასებას თავიდანვე დასჩემდა უკიდურესი პოზიცია, შრუდე სარკით ყურება, რომლის მიხედვით სვანეთის სინამდვილეში შრავალგზის დადასტურებული ბაზილევსი — „ნამდვილი ბაზილევსი არ არის“, ერისთავი — „ჩვეულებრივი ერისთავი არ არის“ (ასევე მთავარი), ვარგ-აზნაური — „ჩვეულებრივი აზნაური არ არის, („ვარგი კმა ან შსგავსი რაღაცაა“), ფუსდ-თავადი — „თავადი არ არის“, გლები — „ჩვეულებრივი გლები არ არის“ („თავისუფალი მეთემე ან სხვა რაღაცაა“), ყმა — „სოციალური მნიშვნელობის ყმა არაა, არამედ შვილია“, ბეგარა — „ფეოდალური მნიშვნელობის ბეგარა არ არის“, სიგელი —

„ჩვეულებრივი მნიშვნელობის სიგელი არ არის“, ფამლი, ქორსმერდე, ლედიანე, ლავიორ, ჯალჩი — „გლეხის ჩვეულებრივი სოციალური კატეგორიების გამომხატველი ტერმინები არ არის“, სვანეთის ეკლესია — „ქრისტიანულ-ფეოდალური ორგანიზაცია არ არის“, მახვში — „ოჯახის (სახლის) ჩვეულებრივი უფროსი არ არის, გვაროვნული პე-ლაღია“ და ა. შ.

არა გვერდია სვანეთის საისტორიო ძეგლებზე მომუშავე სპეციალისტს არ მოეთხოვებოდეს სოციალური შინაარსის გამომხატველი სვანური სპეციფიკური ტერმინების ცოდნა, აგრეთვე, ხსენებული ძეგლებისათვის დამახასიათებელი სვანისებების გარჩევა, მით უფრო, როცა არაერთხელ გამოცემული ძეგლების ხელახლა გამომცემს ისეთი პრეტენზიაც და მიზანიც გააჩნია, რომ კალმის ერთი მოსმით სურს გააქარწყლოს სვანეთის სოციალურ და პოლიტიკურ ისტორიაზე დაწერილი არაერთი ნაშრომის შინაარსი და იდეა.

ვფიქრობთ, ვ. სილოგავას მიერ სვანეთის სინამდვილეში „ყმის“ და მისთანა ინსტიტუტების შეგნებულ გაყალბებაზე შუა საუკუნეების ძეგლებიდან მეტი დეტალების მოტანა საჭირო არაა. მკითხველისათვის, ალბათ, ისედაც ყველაფერი გასაგებია.

საერთოდ კი დაუჭერებელია, რომ ხსენებული ძეგლების გამომცემელს ვერც ერთ შემთხვევაში ვერ გაეგო, რომ ფეოდალურ-ბატონჯმურ ურთიერთობას (კუთხის მასშტაბის შესაბამისად) სვანეთშიც ჰქონდა ადგილი, რომ „ყმა“ უეჭველად სოციალურ შინაარსს გამოხატავს (თავისი შინაარსით გლეხს ნიშნავს). ამის უგულვებელყოფა არა მხოლოდ სვანეთის სოციალური ყოფისა და ურთიერთობის გაუგებრობაა, არამედ იმ წერილობითი ძეგლების წყაროთმცოდნეობითი მნიშვნელობის უპატივცემლობაც, რომელთა ხელახალ გამოცემას ესოდენი ჯაფა და ენერჯია შეეღია.

ჩანს, ვ. სილოგავამ შემთხვევით როდი აუარა გვერდი სვანური ფოლკლორისადმი (ენის, პოეზიისა და პროზისადმი) მიძღვნილ კრებულებს (რომლებიც საერთოდ არსად მოიხსენია, უეჭველია, სვანურის უცოდინარობის გამო). გადაკრით შეიძლება ითქვას, რომ იგი არაფრით დაემსგავსა სვანური ფოლკლორული ნიმუშების გამშუქებელ ენათმეცნიერ-მკვლევარებს, მათ შორის აკაკი შანიძეს, ეარლამ თოფურიას, მაქსიმე ქალდანს, აკაკი დავითიანს, ზურაბ ჭუმბურიძეს და სხვებს.

ჯერ კიდევ 1939 წელს, როდესაც სვანეთის წერილობითი ძეგლების მნიშვნელოვანი ნაწილი გამოვლენილი და მეცნიერულ ბრუნვაში არ იყო მოქცეული, სვანური ფოლკლორის ნიმუშების შესწავლის საფუძველზე ა. შანიძემ და ვ. თოფურიამ უყოყმანოდ და პირდაპირ დაასკვნეს, რომ ამ ფოლკლორში „შესანიშნავად არის გაშუქებული

ბატონყმური ურთიერთობა სვანეთში და ამ
ნიადაგზე გაჩაღებული კლასობრივი ბრძოლა⁶⁹.

გამოჩენილ მეცნიერთა მიერ, ყოველგვარი სქემებისა და წინა-
ზრახული მიყვარების გარეშე, შეკრებილ და გამოცემულ სვანური
ზეპირსიტყვიერების ნიმუშებში ბატონყმური ურთიერთობის მომენ-
ტები ასახულია არა მხოლოდ დადიშქელიანების, რიჩვეიანების, გარ-
დაფხაძეებისა და გელოვანების სამფლობელოებში, არამედ ე. წ. „თა-
ვისუფალ სვანეთად“ წოდებულ ხევეებსა და სოფლებშიც (აგრეთვე
ლენტეხის თემშიც, რომელიც XVIII საუკუნიდან XIX ს. რეფორმამ-
დე დადიანთა მფლობელობაში იყო), სადაც ჩვენთვის ცნობილ პრივი-
ლეგირებულ გვარებს წარმოადგენდნენ: გელოვანები, ყიფიანები, ჩარ-
კვიანები, ჭაფარიძეები, იოსელიანები, ქურდიანები, დევდარიანები,
გოშთელიანები, ჟორჯოლიანები და სხვ.⁷⁰

რაკი ზოგიერთი ოპონენტი წარსული ისტორიის კვლევა-ძიებაში
წერილობით ძეგლებთან შედარებით კოლოსალურ მნიშვნელობას
ანიჭებს ზეპირსიტყვიერებას და ამით ცდილობს წერილობით წყარო-
თა მონაცემების გაბათილებას, უადგილო არ იქნება ვიკითხოთ —
მაინც რამდენ ხანს შეუძლია მოვლენათა შეუცდომლად დახსომება
ზეპირსიტყვიერებას, რამდენ საუკუნეს შეიძლება გასწვდეს ის და
რამდენ ხანს შეიძლება გასტანოს ამ ფენომენმა წარსული სინამდვი-
ლის შეუცდომელ დამახასოერებაში?

ვფიქრობთ, ურიგო არ იქნება, ამ თვალსაზრისით გადავხედოთ
სვანეთის სოციალურ ურთიერთობათა ისტორიას და ჩვენდამი დაპი-
რისპირებულ ოპონენტთა პოზიციას.

საკვიროდ ვთვლი, აგრეთვე, ჩვენდამი დაპირისპირებულ ვ. სილო-
გავასა და მის წინამორბედ ზოგიერთ ავტორს შევახსენოთ ის გადმო-
ცემები სვანეთის კლასობრივ-წოდებრივ ურთიერთობაზე, რომელთაც
ჩვენი ოპონენტები და „გვაროვნული თეორიის“ ავტორები ასე გულ-
დაგულ მალავენ და ჩქმალავენ.

საქმისადმი სუბიექტური მიდგომა რომ არაეინ დაგვწამოს, ამ
შემთხვევაშიც, დავისა და ტენდენციური წინაზრახვისაგან შორს
მდგომ, ზემოხსენებულ ენათმეცნიერთა მიერ ათეული წლების წინ
გამოქვეყნებულ სვანური ფოლკლორის მონაცემებს გადავხედოთ.

⁶⁹ სვანური პოეზია, I, თბ., 1939, წინასიტყვაობა (ხაზგასმა ჩვენია — გ. გ.).

⁷⁰ სვანური პოეზია, I, გვ. 13, 26, 27, 42, 72, 79, 80, 81, 85, 94, 95,
100, 101, 105, 117, 119, 156, 157, 231, 232, 260, 261, 263 სვანური პროზაუ-
ლო ტექსტები, I, გვ. 21, 22, 24, 29; ტ. II, გვ. 81, 107, 122—128, 197—199; ტ.
III, გვ. 4, 5, 89, 90, 91, 96, 97, 98, 106, 107, 115; სვანური ენის კრესტო-
მათია გვ. 60, 61, 62, 73, 76, 87, 89, 92, 95, 97, 98, 99, 102, 148, 184,
185, 192, 200, 223 და ა. შ.

მკითხველმა უკვე იცის, თუ შუა საუკუნეების სვანეთის სოციალურ-წოდებრივ ურთიერთობაზე ა. შანიძემ და ვ. თოფურიაშვილმა რა დასკვნა გამოიტანეს.

ენათმეცნიერ მ. ქალდანის მიერ მესტიაში ჩაწერილ ერთ-ერთ გადმოცემაში ლაპარაკია, ერთი მხრივ, მესტიელ ვარგ-აზნაურ ჯაფარიძეებსა და მათ გლეხებზე, მეორე მხრივ წვირმელ ვარგ-აზნაურ ყიფიანებსა და მათ გლეხებზე. გადმოცემა ამბობს, რომ ყიფიანის გლეხს ჯაფარიძის გლეხი შემოაყვდა. სისხლის საურავის (წორის) მიღებასთან ერთად, ჯაფარიძემ დამნაშავე გლეხი მძიმედ დაბეგრა. ყიფიანს გაჰირვებული გლეხი ეცოდებოდა და რამდენიმე ხნის შემდეგ მას ჯაფარიძის მიერ დაკისრებული ბეგარა არ შეასრულებინა. გადმოცემა გვამცნობს, რომ ამ გარემოებამ მოდავე მხარეებს შორის შეიარაღებული კონფლიქტი გამოიწვია.

მეორე გადმოცემა ამბობს, რომ ერთ-ერთი ვარგი ანუ ფუსდ ყიფიანი სოფელ აცში ცხოვრობდა, ამასთან, მან შორს მდებარე ზურულდის სათიბების დაპატრონებაც გადაწყვიტა. ამ მიზნით პირი შეკრა ვარგ ჯაფარიძეებთან (ერთობის განმტკიცებისათვის მათთან დამოყვრება განიზრახა), მაგრამ გარკვეული დროის შემდეგ მათ შორის ქიშპი ჩამოვარდა, რაც მტრობასა და ომში გადაიზარდა. გადმოცემა გვაუწყებს, რომ ერთ მხარეზე ყიფიანები და მათი გლეხები იყვნენ, ხოლო მეორე მხარეზე — ჯაფარიძეები მთელი მესტია-ლენჯერის მოსახლეობით⁷¹.

მესამე გადმოცემა ლატალელი ვარგ ჩარკვიანებისა და ლენჯერლების მტრობას ეხება. ჩარკვიანებს განუზრახავთ სოფელი ხეშვილი ჩაეგდოთ ხელში, მაგრამ ლენჯერლებმა შეუშალეს ხელი; ამასობაში მულახელმა ვარგმა ქურდიანებმა ხეშვილი მაინც დააქციეს. ამის გამო ჩარკვიანები ძალიან გამწარდნენ, მათ მოილაპარაკეს, რომ ლენჯერსაც ლატალივით დავეუფლებით და მისი ფუსდი (უფალი, ბატონი) შევიქმნებით, ყველა ჟინს ერთად ვიყრითო. ჩარკვიანები, ლატალელი თავკაცების მეშვეობით, მშვიდობიან მოლაპარაკებას შეუდგნენ, მათ ლენჯერის მოსახლეობას შეუთვალეს, რომ „თუ ჩვენს თავს აირჩევთ ბატონად (ფუსდად), ჩვენი მხრიდან ყველაფერი კარგი მოგელით — რომელ სოფელშიც არ უნდა წახვიდეთ, ჩვენი შიშით ვერავინ ხელს ვერ გახლებთ, ბეგარასაც ცოტას გადაგახდევინებთ, თქვენი ქალიშვილებისაგან პირველი ღამის უფლებასაც არ მოვითხოვთ“⁷².

ლატალელი ჩარკვიანები ასეთ კარგ რამეებს პირდებოდნენ თურმე; „თუ არა, მაშინ მესტიელი ვარგები დაგეუფლებათო“ („ეჭფუ-

71 სვანური ენის ქრესტომათია. გვ. 61—62.

72 იქვე. გვ. 68 (ხაზგასმა ჩვენია — გ. გ.).

სენიხ⁷³). ამასთან აშინებდნენ, რომ „ქურდიანები თქვენზე ისედაც გობრაზებულნი არიან და როდისმე ლაშქრით მოგადგებიან მულახიდან, მათ მესტიელი ვარგებიც დაეხმარებიან და დასავლეთიდან ჩვენც დავებმარებით, მაშინ კი ყველაფერი ცუდი მოგივითო“⁷³.

თქმულება გვეუბნება, რომ ლენჯერის უფროსები ფიქრს მიეცნენ, ჩარკვიანების დანაბარები აწონ-დაწონეს, ბოლოს მოციქულებს უპასუხეს: „ჩვენ ვიბიანები იმიტომ ამოვწყვიტეთ, რომ ფუსლი (ბატონი-უფალი) არ გვინდოდა, არც დღეს გვინდა ფუსლი, ამიტომ შეგვეშვითო“⁷⁴.

მოციქულებმა ყოველივე ეს გადასცეს ჩარკვიანებს, რომლებიც კიდევაც შეესიენ ლენჯერს, მაგრამ ვერაფერს გახდნენ.

მეოთხე გადმოცემაში მოთხრობილია ლენჯერლების მიერ თავიანთი ბატონი (ფუსლი) ვიბიანების ამოწყვეტა: „ვიბიანები ცხოვრობდნენ ლენჯერის თემის სოფელ ნესგუნში, სადაც მათი სახლ-კარი ახლაც დგას. ისინი იმდენად მდიდარი მოსახლე იყვნენ, რომ ერთ სვადიდან შრატს ღვრიდნენ და მეორიდან — სველს. ეს ვიბიანები ლენჯერის ბატონები (ფუსლდარ) იყვნენ და მთელი სოფელი დაბეგრული ჰყავდათ. ისინი ხან რას მოითხოვდნენ ბეგარად და ხან რას. ისეთი ძლიერი იყვნენ, რომ თავიანთ უკითხავად გზაზეც არავის ატარებდნენ, ამიტომ ძალიან შეწუხებული ჰყავდათ სოფელი და სხვაც“⁷⁵.

გადმოცემა ამბობს, რომ „ერთხელ ვიბიანების უკითხავად მათ გზაზე ჯორით გაიარა ერთ-ერთმა ვარგმა ჯაფარიძემ. როცა ეს ვიბიანთა უფროსმა შეიტყო, ლატალისკენ მიმავალ ჯაფარიძეს დაეწია, ტყვია დაახალა და ჯორიდან გადმოაგდო“⁷⁶.

„ასეთი უდიერი იყვნენ ვიბიანები და ლენჯერსაც ძალიან მობეზრდა მათი ბატონობა. რომელიმე მოსახლეში რაც კარგი გამოჩნდებოდა, ყველაფერი მათ მიჰქონდათ. კარგი ქალიშვილი და ქალიც პირველად მათ უნდოდათ. ყველაფერი ეს ლენჯერლებს მოსწყინდათ და ვიბიანების ღალატი მოილაპარაკეს“⁷⁷.

გადმოცემა გვეუბნება, აგრეთვე, რომ „ლენჯერლებმა ერთ ღამეს შეთქმულება მოაწყვეს და ყველა ვიბიანი ამოწყვიტეს, გარდა მათი ერთი რძლისა, რომელიც იოსელიანთა ასული იყო, თანაც ფეხმძიმე. მაგრამ გზაზე მიმავალ (გაქცეულ) იოსელიანის ამ ქალს ქადილი და-

73 სვანური ენის ქრესტომათია. გვ. 68.

74 იქვე.

75 იქვე, გვ. 69 (ხაზგასმა ყველგან ჩვენია — გ. გ.).

76 იქვე.

77 იქვე.

უწყია, ამიტომ ლენჯერლებმა მოილაპარაკეს, რომ მას ვიბიანი ჰყავს მუცელში და ნუ გაუშვებთ, თორემ მოვინანთო. ამასობაში მასაც უკან დაედევნენ და მუცელი გამოუფატრეს⁷⁸.

აღსანიშნავია, რომ იგივე ვიბიანების ბატონობაზე ლენჯერშთ სხვა მრავალი გადმოცემაც მოგვითხრობს (ისინი ყველგან ვარგისა და ფუსდის სახით მოიხსენიებიან)⁷⁹, თუმცა ამ გვარეულობათაგან XIX საუკუნეში არაფერი ჩანს, ამასთან, ამ საუკუნეში ლენჯერში არც სხვა პრივილეგირებული გვარი შემოგვჩა. ამ მხრივ ის ერთ-ერთი „დემოკრატიული“ თემია ე. წ. მთელს ბალსზემო სვანეთში.

საგულისხმოა ისიც, რომ ვიბიანების გადაშენება თუ ამოწყვეტა, ლეგენდების მიხედვით, ცეცხლმსროლელ იარაღთანაა (თოფთანაა) დაკავშირებული, ე. ი. გვიან დროსთან (არაუადრეს XVII—XVIII სს.), რაც ადასტურებს, აგრეთვე, ჩვენს მიერ აღრე გამოთქმულ ვარაუდს. სვანეთში წოდებრივ-კლასობრივი ბრძოლის გამწვავებასა და სოციალური ურთიერთობის გარდატეხაზე XVII—XVIII საუკუნეებში⁸⁰:

მსგავსი გადმოცემა არსებობს, აგრეთვე, მულახ-მუჯალის სოფელ ჟაბეშის ვარგზე (გვარი არაა დასახელებული), რომელიც მუჯალ-მულახის ფუსდი (ბატონი) იყო. გადმოცემით, ის მდიდარი და მედიდური კაცი იყო, ყველა დაბეგრული ჰყავდა. თუ მას რომელიმე ჭალიშვილი მოეწონებოდა, უარის თქმას ვერავინ უბედავდა, თუ ვინმეს ხარი ან ძროხა მოეწონებოდა, უფასოდ მიჰყავდა ან ცუდ პირუტყვში უცვლიდა. ამ ვარგმა, უდიერი ქცევით, ისე მოაბეზრა თავი ყველას, რომ ბოლოს, ჟორჯოლიანების მეშვეობით, დალატით მოკლეს⁸¹.

სვანეთის სხვადასხვა კუთხის, მათ შორის ე. წ. ბალსზემო სვანეთის, ხეებისა და სოფლების პრივილეგირებულ გვარეულობათა მდგომარეობასა და უპირატესობაზე არაერთი ფაქტი და გადმოცემა აქვთ აღწერილი უცხო მკვლევარებსა და ეგზოტიკის მოყვარულ მოგზაურებს, მათ შორის: ლობანოვ-როსტოვსკის, ბარტოლომეს, მ. კოვალევსკის, ი. ივანიუკოვს და სხვა მრავალს.

მიუხედავად იმისა, რომ ცნობილი სოციოლოგ-მკვლევარები მ. კოვალევსკი და ი. ივანიუკოვი ე. წ. „გვაროვნული შეხედულების“ ტიპიური წარმომადგენლები იყვნენ (ყოველმხრივ ამუქებდნენ კავკასიის მთიელთა ყოფა-ცხოვრებას), არც ერთ შემთხვევაში არ უარყოფდნენ არამცთუ დადიშქელიანთა ბატონობას, არამედ ე. წ. ბალსზემო სვა-

78 სვანური ენის ქრესტომათია. გვ. 69.

79 იქვე, გვ. 72. 5.

80 იბ. გ. ვასკვიანი. დასავლეთ საქართველოს მთიანეთის ისტორიიდან. გვ. 201—241.

81 სვანური ენის ქრესტომათია, გვ. 95—96.

ნეთის აზნაურთა მემკვიდრეობით და ფაქტობრივ პრივილეგიებს. მათი რწმუნებით, ხსენებულ აზნაურებს არა მხოლოდ შინაყმები (რომელთა ნაწილი ძვირად იყო სხვაგან ნაყიდი) ჰყავდათ, არამედ არაერთი გლეხიც ემორჩილებოდათ. მკვლევრებს ამის მაგალითად მიაჩნიათ მესტიაში ჩაწერილი ერთ-ერთი გადმოცემა, რომლის მიხედვით მესტიის გლეხები ჯაფარიძეებს ღალას უხდიდნენ და შრომით ბეგარას უსრულებდნენ, ამასთან, მგზავრობისას დაყვებოდნენ.

ცნობილი მკვლევრების მიერ გამოქვეყნებული გადმოცემა გვაუწყებს: ერთ დღეს ჯაფარიძემ შენიშნა, რომ მისი გლეხი არ გამოცხადდა სამუშაოდ, ამიტომ ცემა დაუწყო მას. მოთმინებადაკარგულმა გლეხმა, ამის საპასუხოდ, ხმაური ატეხა და თავისი აზნაური მოკლა. მალე მთელი მესტიის გლეხობა შეიყარა და შეტაკების შედეგად მრავალი ჯაფარიძე დახოცა⁸².

აქვე უნდა აღინიშნოს, ისიც, რომ ჩვენი ოპონენტების მსგავსად, არც ერთ უცხო მკვლევარს თუ მოგზაურ-დილეტანტსაც კი არ უარუყვია სვანეთში აზნაურების არსებობა (თუნდაც ე.წ. ბალსზემო სვანეთში), არ უარუყვია აგრეთვე მათი იურიდიული და ფაქტობრივი პრივილეგიები, თუმცა რეფორმის დროს ეს უფლებები უკვე ბევრად იყო შეღაბული და შეკვეცილი.

უნდა ითქვას, აგრეთვე, რომ გაკვირვებას იწვევს არა მხოლოდ ისტორიის სფეროში გაუცნობიერებელი ზოგიერთი დილეტანტის პრეტენზიულ-ამბიციური აზროვნება სვანეთის სოციალური ყოფის განვითარების შეფასებაში, არამედ კვლევის ის მეთოდი, რომლითაც ზოგიერთმა ასე გამოიჩინა თავი სვანეთში (აგრეთვე საქართველოს მთის სხვა რეგიონში) „პირველყოფილური“, „თავისუფალი და თანასწორუფლებიანი“ ცხოვრებისა და ურთიერთობის „მრავალრიცხოვანი და მნიშვნელოვანი გადმონაშთების აღმოჩენაში“, როდესაც, თითქოს „დაუცხრომელი“ სავლე ძიების მიუხედავად, იქ ფეოდალური წყობილებისათვის დამახასიათებელ წოდებრივი ურთიერთობის ინსტიტუტებს „ვერსად წააწყდა“. და, ეს მაშინ, როდესაც სვანური ფოლკლორის კვლევისას, ხსენებულმა ენათმეცნიერებმა კლასობრივ-წოდებრივ ურთიერთობაზე, შემთხვევით, ასეთი უბვი მასალა მოიპოვეს.

შესაძლებელია, ზოგიერთის მიერ კლასობრივი ინსტიტუტების მოუძიებლობა სვანეთში, ნაწილობრივ მაინც, სვანური ენის უცოდინარობით აიხსნას, მაგრამ რალა მაინცდამაინც ყველაფერი ცალმხრივად ინახა — თუ ასეთი ძიება წინდაწინ არ იყო გამიზნული.

⁸² В Сванети, из путешествия И. Иванюкова и М. Ковалевского. — Вестник Европы, т. 4, кн. 8-я, 1886.

აი, ის საკითხები, რომლებიც საფუძვლიანი ექვის ქვეშ აყენებს ზოგიერთი მკვლევარისა და მაძიებლის შემოქმედების ობიექტურობას.

როგორც ზემოთ აღვნიშნეთ, ზოგიერთის თვალსაწიერით, სვანეთში (და არა მხოლოდ იქ, არამედ საერთოდ საქართველოსა და კავკასიის მთიანეთში) ფეოდალურ-ბატონყმური ურთიერთობა არ შეიძლება დამკვიდრებულ იყოს იმიტომ, რომ „ის მთიანი და მწირი მხარეა“ და თითქოს ამის გამო „იქ ზედმეტი პროდუქტი არ იწარმოებოდა“. რა თქმა უნდა, გეოგრაფიული მდებარეობა, ბუნებრივი პირობები, უთუოდ მოქმედებს საზოგადოების სოციალურ-ეკონომიკურ განვითარებაზე, მაგრამ მიუხედავად იმისა, რომ მთიან-მწირი პირობების გამო სვანეთი ჩამორჩებოდა საერთო ქვეყნის ბარის რიგ რეგიონებს, წერილობით, აგრეთვე მატერიალური კულტურის ძეგლებიდან (აგრეთვე სულიერი კულტურიდან) ჩანს, რომ საქმე არც ისე ყოფილა, როგორც ამას ზოგიერთი წარმოგვიდგენს. თუ არა ზედმეტი პროდუქტი და გაბატონებული სოციალურ-ეკონომიკური მდგომარეობა, საიდან შეიძლებოდა ქვემოთ ჩამოთვლილ სახლებს ეკლესიისათვის ესოდენ დიდი ქონება შეეწირათ, მაგალითად, ბურნაყ ბაბიანის სახლმა — სამი ათასი თეთრი; ყორმიშხუ გოშუანის — ოცდაათი ათასი; დადიშქელიანის (სახელი არ ჩანს) — ოცდათხუთმეტი ხარი; ციოყ დადიშქელიანის — ოცდაათი ათასი; ქეყან დადიშქელიანის — ოცდაათი ათასი თეთრი; ბიჭუ ვილვანის (sic) — ორმოცდაათი საკლავი; ბაბაში კვიციანის — ორმოცდახუთი ხარი; მილდანთა სახლმა — ორმოცი საკლავი; ლომინ პაკელიანის — ოცდაათი ათასი თეთრი; აზარეთ შგერიანის — ორმოცდაათი საკლავი; მირზა ჩარკვიანის — ოცდაათი ათასი თეთრი; ჭანყვათ ჩარკვიანის — ოცდაათი ათასი თეთრი და ა. შ.⁸³.

საკითხავია — ნუთუ ყველაფერი ეს, რაც მატთანეშია ჩამოთვლილი, ზღაპარია. ან საიდან შეიძლებოდა ამდენი ქონების დაგროვება და გასხვისება, თუ არა ექსპლუატაციით მიღებული ზედმეტი პროდუქტი?¹

როგორც ვხედავთ, არც ისე ყოფილა საქმე, როგორც ამას ზოგიერთი ჭრის და კერავს.

გასათვალისწინებელია ისიც, რომ ისეთი ძნელბედობის დროს როდესაც საქართველო და თვით სვანეთიც დაშლილ-დაქუცმაცებული იყო მრავალ ნაწილად, როდესაც ქვეყანა მოძალადე მტრების მუდმივი თავდასხმებისაგან (აგრეთვე ძმათამკვლელი შინა ომებისაგან) იყო დასუსტებული, სვანეთის შეძლებულ მოსახლეობას რამდენი ქონება მოუხვეჭია.

⁸³ ვ. სილოგავა, დასახელებული კრებული, გვ. 273—304.

არა გვგონია ყველაფერი ეს იმ გამოგონილი მსოფლმხედველობის უსაფუძვლობაზე არ მეტყველებდეს, რომლის მიხედვით „მთური, მწირი და სუსხიანი პირობების გამო სვანეთში ზედმეტი პროდუქტის წარმოება და მითვისება შეუძლებელი (ან თითქმის შეუძლებელი) იყო“.

კვლავ საკითხავია — თუ არა ზედმეტი პროდუქტი, საიდან შეიძლებოდა სვანეთში გაჩენილიყო ამდენი ეკლესია (XIX ს. ბოლოს მარტო სვანეთში 200-მდე ეკლესია აღირიცხა), მათი ესოდენ მდიდრული და უხვი შექულობა, უამრავი ციხე-კოშკი, საცხოვრებელი და სამეურნეო ნაგებობანი და სხვ.

როგორც არაერთხელ ვნახეთ, ტენდენციურად მოაზროვნე, ზოგიერთი ეთნოგრაფის მიმდევარი ვ. სილოგავას საგანგებო კომენტარები სვანეთის წერილობით ძეგლებზე, რომლებიც სოციალურ სტრუქტურას, საზოგადოების წოდებრივ დაყოფას ეხება, ყოველგვარ საფუძველს ნიკლებულაა.

ეს კიდევ უფრო ნათლად ჩანს სვანეთის საგლებო რეფორმის მასალებიდან. მიუხედავად თავისი ფისკალური (ფინანსური) ინტერესებისა, მეფის მთავრობამ ყოველგვარი ყოყმანის გარეშე ცნო დადიშქელიანების, გელოვანებისა და გარდაფხაძეების ბატონყმური უფლებები (რომ არაფერი ვთქვათ დადიანებზე, რომელთაც XVIII საუკუნეიდან უშუალოდ დაიქვემდებარეს ლენტეხის თემი); ამასთან, რუსეთის იმპერატორმა ნიკოლოზ პირველმა, ჭერ კიდევ 1832—1833 წლებში, აღიარა დადიშქელიანების მებატონური უფლებები („ვლადეტელნი კნიაზებად“ ცნო), რისთვისაც სათანადო სიგელები („ბრწყინვალეების“ ეპიტეტი) და ხელისუფლების ნიშნები უბოძა.

ჩანს, ამბიციებით შეპყრობილი ვ. სილოგავა არამცთუ წერილობითი ძეგლების დოკუმენტურ მონაცემებს და ჩვენ არ გვიჩერებს, არამედ არ ცნობს რუსეთის იმპერიის მესვეურთა მიერ სვანეთის თავადებისადმი მიცემულ ოფიციალურ სიგელებს — ბატონყმური მართვა-გამგეობის უფლებების შესახებ. არანაკლებ საკვირველი და სამწუხაროა ის, რომ ყოველივე აღნიშნული ვ. სილოგავას სხვისი ზეგავლენითაც მოსდის. ამის კვალი კარგად ჩანს, თუნდაც მის მიერ გამოყენებული ლიტერატურის სიიდან, რომელშიც იშვიათად ან სულ არ ჩანს სვანეთის (და არა სვანურ) წერილობით ძეგლებზე დაფუძნებული საისტორიო გამოკვლევების დასახელება, როცა კრებულის სათანადო სიაში (გვ. 8—17) ისეთებია ჩამოთვლილი, რომელთაც არავითარი კავშირი არა აქვთ საქმესთან.

ეტყობა, ვ. სილოგავას არაფერი გაუგია არა მხოლოდ იმაზე, რომ თვითმპყრობელობამ ჩუბუჩაყვის დადიშქელიანებს (კონსტანტინეს სახ-

ლიკაცებსა და ცოლ-შვილს), ჯერ კიდევ საგლეხო რეფორმის გატარებამდე (მიუხედავად კონსტანტინეს მიერ 1857 წელს ქუთაისის გენერალ-გუბერნატორისა და მისი თანამშრომლების დახოცვისა), ყმა-მამულის საფასურად 150 ათასი მანეთი (ვერცხლით) მისცა⁸⁴, არამედ იმაზეც, რომ საგლეხო რეფორმის დროს გარდაფხაძეებს (გალფხანებს) 127 კომლი ყმა-გლეხის (520 მამრ., 361 მდედრ. სული), ხოლო გელოვანებს 288 კომლი ყმა-გლეხის (842 მამრ., 580 მდედრ. სული) განთავისუფლებისათვის სოლიდური თანხა მიეცათ⁸⁵.

ვ. სილოგავასათვის სრულიად გაუგებარი დარჩა, აგრეთვე, არა მხოლოდ მის მიერ (ზოგიერთი დამატებით) გამოცემული ე. წ. სვანეთის „მეორე მატჩანის“ სოციალური შინაარსი, არამედ ისიც, რომ დადიშქელიანთა უმცროსი შტოს წარმომადგენლებმა რეფორმის შედეგად ეკერ, ცხუმარ, ბეჩოს ყმა-მამულში დიდი თანხაც მიიღეს და ამასთან ერთად, რამდენიმე ათასი დესეტინა მიწაც დაიტოვეს⁸⁶.

როგორც უკვე აღვნიშნეთ, XVII საუკუნიდან თავისებური ვითარება შეიქმნა ე. წ. ბალსზემო სვანეთში (რის გამო მას XIX საუკუნეში „თავისუფალი სვანეთი“ ეწოდა), სადაც ვერც ერთი აზნაური ვერ დაეუფლა მთელ მხარეს, პირველობა ვერ მოიპოვა და ვერ გათავადდა; ამასთან, ცენტრალური ხელისუფლების მხრივ მხარდაჭერის გარეშე სვანეთის სხვადასხვა ხევის წვრილმა აზნაურებმა თანდათან დაკარგეს ძალაუფლება და პრივილეგიების ნაწილი. რის გამოც XIX საუკუნეში ბატონყმურ ურთიერთობას იქ უფრო სიმბოლური ხასიათი ჰქონდა. ამას მოწმობს მეფის მოხელეთა ოფიციალური მონაცემები, რომელთა მიხედვით, იქაური 31 კომლი აზნაური 151 შინაყმას ფლობდა (ვ. სილოგავას ინტერპრეტაციით, წვრილობით ძეგლებში ფიქსირებული „ყმები“ შვილებს ნიშნავს, აქ დასახელებული და ზემოჩამოთვლილი ყმები—ვისი შვილები იყვნენ ნეტავი?!). დამოკიდებული თითოეული გლეხის კომლი თავის აზნაურს წელიწადში 20 კაპიკიდან 5 მანეთამდე ღირებულების გადასახადს უხდიდა, აგრეთვე წელიწადში ერთხელ უმასპინძლდებოდა. აზნაურებს შერჩათ აგრეთვე პრივილეგია სისხლის საურავეში (ორმაგი სისხლი) გადამწყვეტი ხმის უფლებაში და სხვ.⁸⁷

⁸⁴ იხ. გ. გასვიანი, დასავლეთ საქართველოს მთიანეთის ისტორიიდან, გვ. 317.

⁸⁵ Документы по истории Грузии (1862—1917 гг.), т. I, ч. I, под ред. Ш. К. Чхетия, Тбилиси, 1954, с. 422 (доп. № 1).

⁸⁶ Сельское хозяйство и аграрные отношения, т. II, составл. проф. П. В. Гугушвили, Тбилиси 1950, с. 527—537; ა. ჩარკვიანი, სვანეთ. თბ., 1967, გვ. 96—101; გ. გასვიანი, დასახელებული შრომა, გვ. 340—344.

⁸⁷ Сельское хозяйство и аграрные отношения, т. II, сост. П. В. Гугушвили, Тбилиси, 1950, с. 517—523; С. А. Авакиანი. Крестьянский воп-

ეს გარემოება თვთმპყრობელობამ საკმარისად არ მიიჩნია სვანეთის აზნაურთა ბატონყმური უფლებების ცნობისათვის. მით უფრო, რომ ამ უფლებების ცნობა ფულადი გასამრჯელოს გაღებას ითვალისწინებდა და ხელისუფლების ფისკალურ ინტერესებს ეწინააღმდეგებოდა.

ამასთან, სვანეთის აზნაურებს თითქმის არაერთი დამსახურება არ მიუძღოდათ მეფის მთავრობის წინაშე, პირქით, ხშირად ეწინააღმდეგებოდნენ მის რეჟიმსა და ღონისძიებებს. ყოველივე ამანაც უარყოფითი როლი შეასრულა მათი პრივილეგიებისა და უფლებების ცნობაში. ასეთ ვითარებაში სვანეთის აზნაურებს ებრძანათ თანდათან აეღოთ ხელი შინაყმებზე.

აღსანიშნავია, რომ ამ მხრივ სვანეთის აზნაურები გამონაკლისს არ წარმოადგენდნენ. ცნობილია, რომ მეფის თვითმპყრობელობამ საქართველოს თავად-აზნაურთა უფლებები რუსეთის მიერ საქართველოს შეერთებისთანავე არ ცნო, ამ საქმის განხილვა 40 წელიწადზე დიდხანს ვაგრძელდა. ამასობაში, მიუხედავად თავდაზნაურული ჩამომავლობისა, ბევრს (სხვადასხვა საბაბით) უარი ეთქვა წოდებრივ ღირსებაში დამტკიცებაზე, მათ შორის სვანეთის აზნაურებსაც. ამ საქმეში გარკვეული როლი ითამაშა იმანაც, რომ სვანეთის ის მხარე, სადაც აღნიშნული აზნაურები ცხოვრობდნენ, რუსეთმა ფაქტობრივად მხოლოდ XIX საუკუნის 50-იან წლებში შეიერთა. ამიტომ იქაური აზნაურების წოდებაში დამტკიცების საკითხი ფაქტობრივად არც კი განხილულა რეფორმამდე.

ყოველივე ესეც იმაზე მეტყველებს, რომ ვ. სილოგავა ზერელე-დაც კი არ იცნობს შუა საუკუნეების სვანეთის სოციალური ურთიერთობის შინაარსს, სათანდო მომზადებისა და ცოდნის გარეშე ჯიქური ამბიციებით იჭრება მისთვის უცხო სფეროში.

2. მთიანეთის ისტორიის პრობლემა კრავალში.—„საქართველოს მთიანეთის სოციალურ-ეკონომიკური განვითარების თავისებურებანი ფეოდალურშია ხანაში“⁸⁸

კრებულის მიზანია ფეოდალური საქართველოს მთიანეთის განვითარების სპეციფიკის წარმოჩენა და გაშუქება, მისი ღონის შეფასებისას სადავოდ გამხდარი საკითხების გადაჭრა და ერთიანი აზრის შემუშავება.

როს в Закавказье, т. II. Одесса, 1913, с. 50; გ. გასკვიანი. დასახელებული შრომა. გვ. 259—348.

⁸⁸ გამომცემლობა „მეცნიერება“, თბ., 1983.

კრებულში გამოქვეყნებულ გამოკვლევებში არაერთი მნიშვნელოვანი საკითხია წამოყენებული და მართებულად გაშუქებული, მათ შორის ზოგიერთი სიახლითაც გამოირჩევა.

ჩვენი აზრით, მოსაწონია ა. კაცაძის სოციოლოგიური გამოკვლევა მთის მოსახლეობის მიგრაციაზე. ავტორი შეგვახსენებს, რომ მიგრაცია სასიცოცხლო მოთხოვნილებითაა ნაკარნახევი—უკეთესი საარსებო პირობების მიღწევის სურვილით არის განპირობებული. მისი განსჯით, მიგრაციული პროცესები სხვადასხვა ეპოქაში სხვადასხვაგვარი საშუალებითა და გზით ხორციელდებოდა. ნაშრომში გათვალისწინებულია, რომ პირველყოფილ-თემურ საზოგადოებაში (განსაკუთრებით შეგროვებითი მეურნეობის დროს) უკეთესი პირობების ძებნა სტიქიურად, ერთი ტომის მიერ მეორის შევიწროება-განდევნის გზით ხდებოდა. კლასობრივ საზოგადოებაში საწარმოო ძალების უთანაბრო განვითარებამ და მოსახლეობის არაპროპორციულმა მატებამ მიგრაციის იძულებითი და ძალდატანებითი ფორმები წარმოშვა. ამასთან, მანქანური შრომის პირობებში მიგრაციის კანონზომიერი წარმართვა და რეგულირებაც შესაძლებელი გახდა.

გასაზიარებელია ა. კაცაძის შეხედულება საქართველოში მიგრაციული პროცესების მიზეზებზე, კერძოდ, ივ. ჯავახიშვილზე დაყრდნობით ის დაასკვნის, რომ ჩვენში მიგრაციული პროცესები არსებითად მთისა და ბარის სამეურნეო-კულტურულ ურთიერთობაზე დაიყვანება: მთას ბარი სჭირდებოდა, როგორც დაწინაურებული მეურნეობისა და კულტურის მხარე, ხოლო ბარს — მთა, როგორც ქარბი მწარმოებლური კლასისა და მესაქონლეობის მხარე (ზოგჯერაც როგორც მცველი და თავშესაფარი), რაც ქართველი ხალხის ერთიანობისა და არსებობის საფუძველიც იყო⁸⁹.

მისაღებია აგრეთვე რ. თოფჩიშვილის მსჯელობა აღმოსავლეთ საქართველოს მიგრაციული პროცესების მიმდინარეობასა და კანონზომიერებაზე. მისი აზრით, ქარბი მოსახლეობის მიგრაცია მთიდან ბარში ერთბაშად არ ხდებოდა, რადგან მთის ბუნებრივ პირობებს შეზრდილ ადამიანს არ შეეძლო მეურნეობრივად და კლიმატურად განსხვავებული ბარისადმი ერთბაშად შეგუება, ამიტომ თავდაპირველად ის გარდამავალ ზოლში (ზეგანზე) სახლდებოდა (მაგალითად, ერწო-თიანეთში და ივრის ხეობაში). ახალ გარემოსთან ფიზიოლოგიური და მეურნეობრივი შეგუების შემდეგ მთიელი ზეგნიდან ბარში მიეშურებოდა. ასეთი პროცესის შედეგად ივსებოდა და შენდებოდა მტრისაგან ან სხვა მიზეზით დაცლილ-გაპარტახებული ზეგანი და ბარი.

⁸⁹ საქართველოს მთიანეთის სოციალურ-ეკონომიკური განვითარების თავისებურებანი ფეოდალიზმის ხანაში, გვ. 3—5.

რადღუნ მაცოცხლებელი მნიშვნელობა ჰქონდა ბარისათვის მთ-
დან მიგრაციას, ამის საილუსტრაციოდ რ. თოფჩიშვილი ასახელებს
შაპ-აბასის მიერ გავერანებული ბარისა და ზეგანის აღდგენას XVIII
საუკუნეში მთიელთა მიერ⁹⁰.

ავტორის განსჯით, გვიან შუა საუკუნეებში აღმოსავლეთ საქარ-
თველოს ბარი მთიელებით ივსებოდა (ასევე ხდებოდა დასავლეთ საქარ-
თველოშიც). რ. თოფჩიშვილი ხაზს უსვამს საქართველოს, რო-
გორც ტერიტორიულად და მოსახლეობით პატარა ქვეყნის, მთისა და
ბარის ერთიანობასა და განუყოფლობას.

„აფხაზთა საქეთოში“ მთური ელემენტის პრობლემას ეხება
შ. ბადრიძე. რომლის აზრით, მთა და მისი მოსახლეობა მნიშვნელოვან
როლს ასრულებდა ქართული ფეოდალური სახელმწიფოს სოციალურ-
ეკონომიკურა და პოლიტიკური წყობილების ფორმირებასა და ტრან-
სფორმირებაში. საქართველოს სახელმწიფოში ბარული და მთური
კომპონენტები ერთიმეორეში იყვნენ შეზრდილი და ერთ მთელს კმნი-
დნენ⁹¹. ავტორი ძირითადად სწორად განსაზღვრავს მთისა და ბარის
განსხვავებული ყოფისა და სტრუქტურის მიზეზებს, რომ მთასთან
შედარებით ბარი მეტ სოციალურ-ეკონომიკურ ცვლილებებს განი-
ცდიდა, უფრო სწრაფად და მასშტაბურად წინაურდებოდა და სხვ.
ამასთან, ჩვენი აზრით, შ. ბადრიძე ზოგჯერ აზვიადებს გეოგრაფიუ-
ლი გარემოს როლს საზოგადოების განვითარებაში, ნაკლებ ანგარიშს
უწევს სახელმწიფოებრივად ერთიანი ქვეყნის მთა-ბარის სიახლოვეს
და მათ ერთიანობას. ამის შედეგია მის მიერ მთის ეკონომიკისა და
საზოგადოებრივი განვითარების „პრიმიტიულ დონეზე“ წარმოდგენა,
იმისი მტკიცებაც, რომ თითქოს მთა მორწყვით სისტემას არ იცნობ-
და და იქ მხოლოდ მესაქონლეობა არსებობდა. დამაჯერებლობას მო-
კლებულია მსჯელობა ქართველ მთიელთა კოლექტიურ აბრაგობასა
და მეკობრეობაზე. აღნიშნული ნარკვევისათვის ნიშანდობლივია საქარ-
თველოს მთა-ბარის განვითარების პოლარული დაპირისპირება. ავტო-
რი წერს: „... საქართველოს ისტორიის ხანგრძლივ პერიოდში მთამ ვერ
წარმოშვა მაგალითად ქალაქი, რომელიც საკმაოდ ძლიერ ფაქტორს
წარმოადგენდა წინაფეოდალური და ფეოდალური ხანის ბარში“⁹².

ავტორი, ჯერ ერთი, ჩანს, ანგარიშს არ უწევს არა მარტო იმას,
რომ საქართველოს ამა თუ იმ ქალაქის წარმოშობა-განვითარებაში
მთის მოსახლეობაც მონაწილეობდა, არამედ მთის მასშტაბსაც. ქალა-
ქის წარმოშობა-განვითარებისათვის, სხვა გარემოებებთან ერთად, აუ-
ცილებელი იყო კომპაქტური მოსახლეობის გარკვეული მინიმუმი

⁹⁰ დასახელებული კრებული, გვ. 12.

⁹¹ იქვე, გვ. 18.

⁹² იქვე, გვ. 19.

მანც. მთის მცირერიცხოვანი მოსახლეობა გადაჭიმული იყო კავკასიის ქედის სამხრეთ კალთების ვიწრო ხეობებში, გეოგრაფიულად ერთიმეორისაგან მოშორებით, რის გამოც ისინი ერთიმეორესთან უფრო სუსტად იყვნენ დაკავშირებული, ვიდრე ბართან. ამასთან, ქალაქისათვის აუცილებელი იყო ვრცელი ტერიტორია, კომუნიკაციები და სხვ. უამპრობოდ შეუძლებელი იყო ქალაქის წარმოშობა და განვითარება. მიუხედავად ამისა, დასავლეთ საქართველოს მთის ზონაში ზოგან მანც წარმოიშვა შესაბამისი მასშტაბის ე. წ. „ქალაქური სახელოსნო“ — სვაკრო ცენტრები და ბაზრობები, მაგალითად: ანში (მთა რაქაწი). ცაგერში, ლაშხეთში („ქალაქოლ“), სეტში, ლაილაში და სხვ.

არამცთუ წინაფეოდალურ, არამედ გვიან საშუალო საუკუნეებშიც კი ბარის საქართველოც მაინცდამაინც არ გამოირჩევა ქალაქების სიმრავლით და განვითარებული საქალაქო ცხოვრებით. მით უფრო დასავლეთ საქართველო. სადაც ქუთაისის გარდა (რომელიც არცთუ დიდი მასშტაბისა იყო), ფაქტობრივად, არც ერთი განვითარებული ქალაქი არ არსებობდა. მსგავსი სურათი იყო სამხრეთ საქართველოშიც, რომელიც, ავტორის რწმუნებით, განვითარებული ფეოდალური მხარე იყო, მაგრამ მწინველოვანი ქალაქი ვერ წარმოშვა. ყოველივე ამის გამო მთისადმი მიდგომისას მასშტაბის შესაბამისი ზომიერების დაცვა საჭირო (ამგვარი საკითხი საერთოდ არ უნდა დასმულიყო). მთავარი კი ისაა, რომ მთასა და ბარზე მსჯელობა ისტორიული სინამდვილის ფრთხილ ანალიზს უნდა ემყარებოდეს და არა ზოგად დაუსაბუთებელ საუბარს.

დასავლეთ საქართველოს მთიანეთის (სვანეთის, რაჭისა და ლეჩხუმის მაგალითზე) სოციალურ-ეკონომიკური განვითარების დახასიათებას თ. ბერაძე არსებითად სწორად წარმოგვიდგენს. იგი იზიარებს იმ აზრს, რომ შუა საუკუნეებში სვანეთის საზოგადოება ფეოდალურ წოდებებად იყოფოდა, რომ გვიან საშუალო საუკუნეებში სვანეთში რამდენიმე სათავადო სახლი ჩამოყალიბდა. ავტორი მხარს უჭერს, აგრეთვე, იმ მოსაზრებას, რომ სამეფო ხელისუფლების მხარდაჭერის გარეშე დარჩენამ უარყოფითად იმოქმედა სვანეთის განვითარებაზე, იქაურ აზნაურთა სოციალურ და პოლიტიკურ სტატუსზე, რომ XVIII საუკუნეში სვანეთში ფეოდალური ურთიერთობის რეგრესი მოხდა, შესუსტდა აზნაურთა ძალაუფლება გლეხობაზე და ზემო სვანეთის აღმოსავლეთ ნაწილი „უბატონო“ თემების კრებულად გადაიქცა“⁹³.

თ. ბერაძის განსჯით, ფეოდალურ-დამოკიდებულებით ურთიერთობის ნაწილობრივ ლიკვიდაციის პროცესი მოხდა მთა რაქაში (ე. წ. ბასლზემო სვანეთის მსგავსად), სადაც მოსახლეობის მეხსიერებაში დღემდე არ წაშლილა მებატონე არეშიძეების ამოწყვეტა⁹⁴. ავტორი ასევე საშართლიანად შენიშნავს სასოფლო თემის არსებობასა და მოქმედებას ლეჩხუმში და ბარის სხვა რეგიონებში⁹⁵.

ამასთან, ზოგი რამ თ. ბერაძის გამოკვლევანაც სადავო ან დასაზუსტებელია; კერძოდ, ავტორის აზრით, ლეჩხუმი XIII—XIV საუკუნეებში თავისი სოციალური განვითარებით არ ჩამორჩებოდა იმერეთის მოწინავე მხარეებს, შემდეგ თითქოს იქ ფეოდალური განვითარების უკუპროცესი მოხდა, ფეოდალური სახლები გაქრენ, ლეჩხუმი აზნაურთა ქვეყნად გადაიქცა და სამეფო დომენი ვაზდა, ხოლო XVII საუკუნიდან კვლავ დაწინაურდა, რადგან იქ სათავადოები ჩამოყალიბდა⁹⁶.

მიგვაჩნია, რომ თავისი სოციალური განვითარებით ლეჩხუმი იმერეთისა და რაქის ანალოგიური მხარე იყო და იმის გამო, რომ იქ ფეოდალური სახლები ყალიბდებოდა თუ ისპობოდა, ლეჩხუმის სოციალური განვითარების პროგრესზე თუ ჩამორჩენილობაზე ლაპარაკი შეუძლებელია. XIII—XIX საუკუნეების ლეჩხუმის ფეოდალური იერარქიულობა სადავო არ არის (მიუხედავად მისი მთური მდებარეობისა!), ხოლო ფეოდალური სახლების არსებობა და დაწლა-გაქრობა კერძო მნიშვნელობისაა, იგი სამეფო ხელისუფლებასა და თავადებს შორის დამოკიდებულებას უფრო გამოხატავს, ვინეც ფეოდალური ურთიერთობის პროგრესსა თუ რეგრესს.

არასწორია ისიც, რომ თითქოს 1361 წელს სვანთა გამოსვლაში ბაგრატ მეფის (მეხუთის) წინააღმდეგ ერისთავ ვარდანისძეთა (ფარჯანიან-მარუშიანთა) საგვარეულოს მონაწილეობა არ მიეღოს, თითქოს იმის გამო, რომ სამეფო ხელისუფლებამ სვან წარჩინებულებს ფულადი სუბსიდიების მიცემა შეუწყვიტა (?). სვანებმა გადააყენეს უკანასკნელი ერისთავი ვარდანისძე და სამეფო ხელისუფლების წინააღმდეგ გამოვიდნენ, თითქოს გელოვანები, ფაქტობრივად, მხოლოდ ქვემო სვანეთის ერისთავებს წარმოადგენდნენ და ს.წ.⁹⁷.

⁹⁴ დასახ. კრებული, იქვე, გვ. 31—32.

⁹⁵ დასახელებული კრებული, გვ. 32; თ ბ ე რ ა ძ ე. სასოფლო თემი იმერეთის სამეფოში. — საქართველოს მეცნიერებათა აკადემიის მოამბე. № 1, 1976, გვ. 225—228.

⁹⁶ დასახელებული კრებული, გვ. 32.

⁹⁷ იქვე, გვ. 29.

უნდა ითქვას, რომ აქ ჩამოთვლილი არც ერთი დებულება რაიმე საბუთებსა და წყაროებს არ ემყარება. ის კი ცნობილია (ქართლის ცხოვრებისა და სხვათა საფუძველზე), რომ ვარდანისძეთა ერისთავობის ლიკვიდაცია ცენტრალური ხელისუფლების წინააღმდეგ სევანთა 1361 წლის აჯანყების მიზეზით მოხდა. ამის შემდეგ სევანეთის ერისთავებად გელოვანები დაინიშნენ⁹⁸. თუ არა ვარდანისძეთა მონაწილეობა აჯანყებაში, სხვანაირად მათი გადაყენებისა და ჩამომცრობის მიზეზი აუხსნელი დარჩებოდა.

ცნობილია, რომ თავადთა წოდება მხოლოდ XIV—XV საუკუნეებიდან ჩამოყალიბდა, იქამდე კი გაბატონებულ წოდებას აზნაურობა წარმოადგენდა. ამასთან, თავდაპირველად (თავადთა წოდების თავდაპირველი ჩამოყალიბებისას) აზნაურობა გაცილებით მეტი თავისუფლებით სარგებლობდა, ვიდრე გვიან საშუალო საუკუნეებში, როდესაც აზნაურობა, როგორც დამოუკიდებელი მეურნე. თითქმის გაქრა. ამასთან, გვიან საშუალო საუკუნეების აზნაურთა მეტ-ნაკლები თავისუფლება თუ დამოკიდებულება არ გამოდგება ლეჩხუმის არც თავისებურებების და არც ჩამორჩენილობის მაჩვენებლად. თუნდაც იმიტომ, რომ ფეოდალური ურთიერთობის აყვავების დროს აზნაურობა გაცილებით მეტი თავისუფლებით სარგებლობდა, ვიდრე გვიან საშუალო საუკუნეებში, თან ლეჩხუმის აზნაურობას (როგორც სამეფო მოლაშქრეებს) მეფის ხელისუფლება იცავდა.

ისტორიული წყაროებისა და ლიტერატურის ანალიზის საფუძველზე ლ. ტუხაშვილი ახასიათებს ქიზიყის სოციალურ-ეკონომიკურ სტრუქტურას და საფუძველმოკლებულად მიიჩნევს იმის მტკიცებას, „თითქოს ქართული ფეოდალიზმის საერთო ოქიანეში ქიზიყის სახით რაღაც „დემოკრატიულ“ („კაზაკურ“) საზოგადოებასთან გვექონდა საქმე“. მისი აზრით, ქიზიყის სოციალური სტრუქტურა. სხვა რეგიონების მსგავსად, ფეოდალურ საქართველოს საერთო ჩარჩოში თავსდება⁹⁹. მისივე განსჯით, ქიზიყის მოსახლეობა წარმოადგენდა სამეფოსახასო და საეკლესიო ყმა-გლეხობას¹⁰⁰.

ავტორის დაკვირვებით, უსაფუძვლოა აგრეთვე მტკიცება, თითქოს ქიზიყეში რაღაც თვითმმართველი თემი არსებობდა. მისი აზრით, ასეთ მოსაზრებას საფუძვლად დაედო გვიან საშუალო საუკუნეების სპეციფიკური ვითარება, კერძოდ ის, რომ ამ პერიოდისათვის ქიზიყეში ფეოდალური არისტოკრატია (კოლონკელიძეები, მახატლიძეები და

⁹⁸ ქართლის ცხოვრება, IV, თბ., 1973, ს. ყუხჩიშვილის გამოც., გვ. 261.

⁹⁹ დასახელებული კრებული, გვ. 35.

¹⁰⁰ იქვე.

სხვ.) გადაშენდა, ხოლო დანარჩენი საზოგადოება სამეფო დომენში მოექცა¹⁰¹.

სწორი არ უნდა იყოს იმისი მტკიცება, რომ გვიან საშუალო საუკუნეებში ქიზიყს თავისებურება არ ახასიათებდა, ეს თავისებურება სახნავ-სათიბი მიწის სასოფლო-თემურ (ე. წ. დატაცებით მიწითაარ-გებლობა) მიწისმფლობელობაში და მის პერიოდულ გადანაწილებაში გამოიხატებოდა.

ამ გარემოებას ლ. ტუხაშვილი არ უარყოფს, მას იმით ხსნის, რომ მეფის ხელისუფლება იყო მისი შენარჩუნებით დაინტერესებული.

აღსანიშნავია, რომ მიწის საერთო-სასოფლო მფლობელობა საძოვარზე და ტყეზე საქართველოს სხვა რეგიონებშიც შემორჩა მეტ-ნაკლებად, მაგრამ ამ მხრივ ყველაზე მეტად გამოირჩეოდა ქიზიყი, სადაც, საძოვარსა და ტყეზე საერთო მფლობელობასთან ერთად, სახნავ-სათიბი მიწის (ე. წ. საბლის მიწის) დატაცება XIX საუკუნემდე ხდებოდა. ეს გარემოება თავდაყირა აყენებს ზოგიერთი მკვლევარის მოსაზრებას, თითქოს საერთო-კოლექტიური მფლობელობა მხოლოდ მთისთვის იყო დამახასიათებელი. ეს ფაქტი იმას ამტკიცებს, რომ მიწისმფლობელობის ასეთი ფორმა XIX ს. პირველყოფილი გვაროვნული წყობილების გადმონაწი და ჩამორჩენილობის მაჩვენებელი არ იყო. ამიტომ ეს გარემოება საქართველოს მთა-ბარის სოციალურ-ეკონომიკური წყობილების პოლარული დაპირისპირების მაჩვენებლად არ გამოდგება, როგორც ამას ზოგიერთი მკვლევარი ქადაგებს.

მართალია, საერთო-კოლექტიური მფლობელობა და პერიოდული გადანაწილება გვაროვნული წყობილების დამახასიათებელი იყო, მაგრამ ქიზიყის მიწისმფლობელობა მისგან ძირფესვიანად განსხვავდებოდა; ჯერ ერთი, ქიზიყში მიწა ნაწილდებოდა არა თანაბარად, არამედ ვინ რამდენს ჩაიგდებდა; მეორეც, ამ მიწა-წყალს ქონებრივად შეძლებული გლეხები მეტი რაოდენობით იგდებდნენ ხელში და ექსპლოატაციის საშუალებადაც იყენებდნენ (მიწის ნაწილი დაქირავებული ძალით მუშავდებოდა, ასევე საძოვარსა და ტყესაც თითოეული კომლი შეძლების მიხედვით იყენებდა და ზედმეტ პროდუქტს ბაზარზე ყიდდა). ყველაფერი ეს იმაზე მეტყველებს, რომ ქიზიყის მიწისმფლობელობაც უთანასწორობაზე იყო დაფუძნებული. ამდენად, გარდა ფორმალური მსგავსებისა, მას საერთო არაფერი ჰქონდა გვაროვნულ-კოლექტიურ კომუნასთან.

მიწისმფლობელობის საერთო-კოლექტიური წესის არსებობა ქიზიყში, როგორც ლ. ტუხაშვილი აღნიშნავს, ერთ მხრივ მიწის ფართობის სიდიდით, მეორე მხრივ, სამეფო ხელისუფლების ინტერესებით

¹⁰¹ დისახელებული კრებული, გვ. 35.

და საკიროებით ახსნება (მეფე ერთგული სამსახურ-სათვის მიწას დროებით სარგებლობაში აძლევდა მსახურ-მოლაშქარს).

სწორი და დამაჯერებელია ლ. ტუხაშვილის მსჯელობა ქიზიყის ე. წ. თავისუფალ გლეხობაზე. უდავოა, რომ თავისუფალ გლეხთა ფენა, პირველ რიგში, საბასო სოფლებში შეინიშნება და ეს თავისუფლება გლეხობამ ერთგული სალაშქრო სამსახურით მოიპოვა (ეს ითქმის არა მარტო ქიზიყზე, არამედ მთიულეებზეც). ეს გარემოება კარგად შეუნიშნავს ვახუშტი ბატონიშვილს, რომელიც წერს: „ხოლო შემდგომად განყოფილებისა და განხეთქილებისა სამეფოსათა... არდაცა იყვნენ როჭით სპანი მეფისანი, არამედ სახასონი აზნაურნი და მსახურნი გლეხნი კუობათაგან იყვნენ მცველნი მეფისანი და უმეტეს მოკვეყნ-მთიულნი, ვიდრე დაიპყრობდნენ მას საერისთოდ, ხოლო იმერთა-რაქა და სრულიად ლეჩხუმი, ხოლო კახთა-ქისიყი“¹⁰². ეჭვი არ არის, რომ ქიზიყის თავისებურება (მიწისმფლობელობის კოლექტიური ფორმა, მოსახლეობის სოციალური ერთგვაროვნება და შედარებით თავისუფლება) გვაროვნულმა მემკვიდრეობამ და ჩამორჩენილობამ კი არ განაპირობა, არამედ სამეფო ხელისუფლების პოლიტიკამ. ამიტომ, სოციალური სიჭრელის თუ ბეგარა-ვალდებულების არარსებობის გამო, ქიზიყი არ შეიძლება განხილულ იქნეს, როგორც ფეოდალურ-ბატონყმური საქართველოსათვის რაღაც „უცხო კუნძული“, „თავისუფალ მეთემეთა დემოკრატიული გაერთიანება ან ადრეკლასობრივი საზოგადოება“. მით უფრო, რომ იქაური საზოგადოება წარმოადგენდა სამეფო მსახურ-მოლაშქარს, რომელიც ხელისუფლების მიერ იყო ექსპლოატირებული (ლაშქარ-ნადირობა იყო მათი ზედმეტი შრომის მითვისების საშუალება), ამდენად, ქიზიყის მოსახლეობა ფეოდალურ-ბატონყმურ საქართველოს მოსახლეობის ორგანული და განუყრელი ნაწილი იყო.

ყოველივე ამასთან, დამაჯერებლად არ გამოიყურება ლ. ტუხაშვილის მიერ ქიზიყის თავისებურების ახსნის ზოგიერთი არგუმენტი, კერძოდ, სხვა გარემოებასთან ერთად, ეს თავისებურება თითქოს გეოგრაფიულმა მდებარეობამ და მთიდან მიგრაციამაც განაპირობა, თითქოს ქიზიყის დემოკრატიულობისა და კოლექტიური მიწისმფლობელობის ერთ-ერთი მიზეზი მასობრივად ჩამოწოლილი მთური ელემენტი იყო¹⁰³.

საკითხის ამგვარი ახსნა ძალზე შორს დგას სინამდვილისაგან. გეოგრაფიული მდებარეობით რანაირად შეიძლებოდა ქიზიყი ასე განსხვავებული ყოფილიყო დანარჩენი კახეთისაგან? მით უფრო სახსნავ-

¹⁰² ქართლის ცხოვრება, IV, გვ. 31.

¹⁰³ დასახელებული კრებული, გვ. 45.

სათიბი მიწის საერთო-კოლექტიური მფლობელობის მასშტაბით აღმოსავლეთ საქართველოს მთა ქიზიყს ბევრად ჩამორჩებოდა, ხოლო დასავლეთ საქართველოს მთაში სახნავ-სათიბი მიწა ყველგან კერძო საკუთრებას წარმოადგენდა. ამასთან, აღმოსავლეთ საქართველოს სხვა რეგიონში, სადაც მთის მოსახლეობა უფრო მეტი მასშტაბით იყო ჩამოსახლებული (მაგ., ერწო-თიანეთში და სხვ.), იქ ქიზიყის მასშტაბის საერთო-კოლექტიური მიწისმფლობელობა არ არსებობდა. ისმის კითხვა — რანაირად შეეძლოთ მთიელებს ბარში (სამეფო ქიზიყში) ისეთი მიწისმფლობელობის მოწყობა, როგორც მთაში ჰქონდათ, ან ვინ მისცემდა მათ უცხო მიწისმფლობელობის დანერგვის უფლებას სამეფო მამულში (ასეთი სურვილიც რომ ჰქონოდათ). ცხადია, მთიდან ქიზიყში მიგრაციას ცხოვრების უკეთესი მოწყობა განაპირობებდა (თავისუფალი მიწა-წყალი, რბილი კლიმატი, უხვმოსავლიანობა, ხელისუფლების მიერ დაწესებული პრივილეგიები და სხვ.).

ქიზიყის მაგალითი ერთხელ კიდევ ცხადყოფს, რომ ყველაფერს მთური თუ ბარული მდებარეობა კი არ განსაზღვრავს (ის მბოლოდ გარკვეულ გავლენას ახდენს), არამედ სხვა ფაქტორებიც, გეოგრაფიულ გარემოს რომ გადაამწყვეტი მნიშვნელობა ჰქონდეს საზოგადოების განვითარებაში, მაშინ ერთი და იგივე გარემოში მცხოვრები ყველა საზოგადოება განვითარების თანაბარ დონეს მიაღწევდა.

საქართველოს თავდაცვის საქმეში მთის როლს ეხება ჯ. სტეფნაძის ნარკვევი, რომელშიც დახასიათებულია მთა-ბარის ურთიერთობა და მთის მნიშვნელოვანი როლი საქართველოს მოსახლეობის გადარჩენის საქმეში. ამასთანავე, არც ეს ნარკვევია დაზღვეული დაუსაბუთებელი ზოგადთეორიული დასკვნებისაგან, კერძოდ, თითქოს მთური მდებარეობა ხელს უწყობდა მიწაზე საზოგადოებრივი (საერთო-კოლექტიური) მფლობელობის შენარჩუნებას და თემის სიცოცხლის გახანგრძლივებას¹⁰⁴.

ეს დებულება არ გამოდგება მთიანეთის საერთოდ დასახასიათებლად, მაგალითად, რაქა-ლეჩხუმსა და სვანეთში სახნავ-სათიბი მიწა ყველგან კერძო საკუთრებაში იყო, ხოლო ბარ ქიზიყში საერთო-კოლექტიური. ამასთან, ძნელი დასაჯერებელია თითქოს მთიანეთში თავისუფლების მასულდგმულებელი თემის სიყვარული, ვაჟკაცური სული, იარაღისადმი სიყვარული და წარმართული სარწმუნოების დიდი გავლენა (ქრისტიანობის — მოთმინებისა და შორჩილების — რელიგიის გაუერცებლობა!?) იყო¹⁰⁵. ასეთ შემთხვევაში რა ვუყოთ-

¹⁰⁴ დასახელებული კრებული, გვ. 51.

¹⁰⁵ იქვე.

წარდლო კავკასიის წითანეთს, სადაც მაჰმადიანობა გავრცელდა, განა ეს უკანასკნელი ნაკლებ მოთმინებისა და მორჩილების რელიგია იყო?!

საქართველოს მთის მოსახლეობის შედარებით თავისუფლებას თვით მთის ცხოვრების პირობები განსაზღვრავდა, კერძოდ ის, რომ მთის მკაცრი და მძიმე პირობები ადამიანებს აიძულებდა უფრო ურჩი და ვაუტუბელი ყოფილიყვნენ. მთის მოსახლეობა იძულებული იყო ზედგარის სამკვდრო-სასიცოცხლო ბრძოლა ეწარმოებინა ექსპლოატაციის წინააღმდეგ, რადგან მძიმე პირობების გამო მთაში ზედმეტი პროდუქტის წარმოება უფრო ძნელი იყო და გარკვეულ ზღვარზე ფიზიკური არსებობის საკითხი დგებოდა. ამასთან, თავისი გეოგრაფიული მდებარეობის წყალობით მთა უფრო დაცული იყო მტრას ხელყოფისაგან. ანტიომაც შედარებით მეტი თავისუფლება, რომელიც მთაში დამკვიდრდა, თაობიდან თაობას გადაეცემოდა.

ბუნებრივია, ყოველივე ამას ითვალისწინებდა ცენტრალური ხელისუფლება და სხვა ექსპლოატატორი, რომელიც მთის პირობებში ექსპლოატაციის ისეთ ფორმას აწესებდა, რომლის ატანა შესაძლებელი იყო. ამასთან, ქრისტიანობის გავრცელება-გაუვრცელებლობა არაფერ შუაშია ქვეყნის მთიან თუ არამთიან, მაღალ თუ დაბალ გეოგრაფიულ მდებარეობასთან, მკაცრ თუ რბილ კლიმატურ პირობებთან, რადგან ესა თუ ის სარწმუნოება დედამიწის რელიეფსა და კლიმატზე როდი იყო დამოკიდებული. ეს რომ ასე არ ყოფილიყო, მაშინ ბარში წარმართული სარწმუნოება საერთოდ არ წარმოიშობოდა, ბოლო მთიან ადგილებში ქრისტიანობა არსად გავრცელდებოდა.

კრებულში ფართო ადგილი უკავია დ. გოგოლაძის ნარკვევს — საქართველოს მთიანეთის საზოგადოებრივი განვითარების დონის შეფასებასა და თემის სტატუსის განსაზღვრას. ავტორი სწორად შენიშნავს, რომ სოციალურ-ეკონომიკური განვითარების დონით მთა ჩამორჩებოდა ბარს, რომ განვითარების მხრივ ერთიმეორისაგან განსხვავდებოდა არა მარტო მთა და ბარი, არამედ ბარისა და მთის ცალკეული რეგიონებიც, რაც ფ. ენგელსის სიტყვებით რომ ვთქვათ, სხვადასხვა პირობებითა და გარემოება-ვითარებით იყო განსაზღვრული¹⁰⁶.

გ. მელიქიშვილის მოსაზრებაზე დაყრდნობით დ. გოგოლაძე დასძენს, რომ სოციალურ-კულტურული განვითარებით კავკასიის მთიელთა საზოგადოებებმა სხვადასხვა დონეს მიაღწიეს, რაც, ერთი მხრივ, შინაგანი პირობების კანონზომიერი შედეგით, მეორე მხრივ, გარეგანი ზეგავლენით იყო განპირობებული¹⁰⁷.

106 კ. მარქსი, ფ. ენგელსი, რჩ. ნაწ. ტ. II, თბ., 1964, გვ. 41.

107 დასაბელებული კრებული, გვ. 54.

დ. გოგოლაძე განსაკუთრებულ ყურადღებას ამახვილებს სვანეთზე და იზიარებს თანამედროვე ქართულ ისტორიოგრაფიაში მეტ-ნაკლებად დამკვიდრებულ თვალსაზრისს, რომლის მიხედვით XI—XIX საუკუნეებში სვანეთის საზოგადოება გვაროვნულ-პატრიარქალური კი არა, არამედ კლასობრივ-ფეოდალური იყო. მკვლევრის განსჯით, შუა საუკუნეების სვანეთის კლასობრივი დიფერენციაციის უდავო მაჩვენებელია: ერთი მხრივ, მწარმოებელი საზოგადოების არსებობა, მეორე მხრივ, ერისთავთა, დიდებულთა, ვარგ-აზნაურთა წარმოშობა და სხვ.¹⁰⁸

დ. გოგოლაძის რწმენით, ფეოდალურ-კლასობრივი დიფერენციაცია და ურთიერთობა სვანეთში შინაგანი განვითარების შედეგი იყო, რომ „დიდი და მცირე“ ფეოდალ-აზნაურთა, აგრეთვე ქრისტიანულ ეკლესიათა წარმოშობა ქონებრივ-სოციალურ ბაზაზე და პოლიტიკურ წარმატებებზე იყო დამყარებული.

მკვლევარი ასევე ვრცლად ეხება თემის სტატუსს და ხაზს უსვამს, რომ X—XV საუკუნეების სვანეთში არქაული თემი — კომუნა, როგორც კოლექტიურ-გვაროვნული (თანასწორუფლებიანი) წარმოება-განაწილების წესი და სისტემა დიდი ხნის გამქრალია და მეთემე-მდაბიორი, ძირითადად, საწარმოო საშუალების კერძო მესაკუთრე-ინდივიდუალური მწარმოებელია, მას მიაჩნია, რომ სვანეთში მიღებულია მეორადი კლასობრივ-ფეოდალური ფორმაცია. მისი დასტურით „ვარგი“ იგივე აზნაურია, რომ სვანებს (ვახთანგიანებს, რიჩგვიანებს, ლაშხიანებს, კუჭაიძეებს, გელოვანებს, ყიფიანებს, ჩარკვიანებს, დადიშქელიანებს, იოსელიანებს, ჯათარიძეებს, გოშთელიანებს, დევდარიანებს, ქურდიანებსა და სხვ.) ეს წოდება ცენტრალურმა და ადგილობრივმა ხელისუფლებამ მიანიჭა და სხვ.¹⁰⁹

ზოგიერთი წინამორბედი მკვლევრისაგან განსხვავებით, დ. გოგოლაძეს XI—XIII საუკუნეების სვანეთი საქართველოს კულტურულად დაწინაურებულ მხარედ მიაჩნია. მკვლევარი ამის დამადასტურებლად მიიჩნევს ათეულობით ქრისტიანული ეკლესიის, მათი მდიდარი მოკაზმულობის, მრავალი საბარება-ოთხთავის, აგრეთვე მწიგნობრობის არსებობას და სხვ.¹⁰¹

ავტორის განსჯით, XI—XV საუკუნეებში სვანეთის ფეოდალურობას, მისი საზოგადოების (საერო და სასულიერო) გრადაციას, იქ ყმათა მფლობელობისა და შრომითი და პროდუქტადი რენტის არსებობას არაერთი ადგილობრივი წერილობითი დოკუმენტი, მატერია-

¹⁰⁸ დასახელებული კრებული, გვ. 55.

¹⁰⁹ იქვე.

¹¹⁰ იქვე. გვ. 56.

ლური კულტურა, ეთნოგრაფიულ-ფოლკლორული მასალა, აგრეთვე საერთო ქართული წყაროები („ქართლის ცხოვრება“ და სხვ.) მოწმობს.

ყოველივე ამის შემდეგ ავტორი ცდილობს სვანეთის ფორმაციულ შეფასებას და დასძენს, რომ ის ადრეფეოდალური ურთიერთობის საფეხურზე იმყოფებოდა¹¹¹. მისი მტკიცებით, „ამისი მოწმობაა იქ ყმობაში შესვლის და ყმად ყოფნის, ყმა-მეთემეთა გადასახადები, უფლებრივი დამოკიდებულებისა და საკუთრების ფორმები“¹¹².

ავტორს სვანეთის ადრეფეოდალური ურთიერთობის საბუთად მიაჩნია ის, რომ ვარგ-აზნაურის ყმობაში შესულ მეთემე-მდაბიორებს იქამდე (ერთი გამონაკლისის გარდა) თითქოს პატრონი (ფეოდალი) არ ჰყოლიათ. ამის სანიშნურო მაგალითად ის ასახელებს ივანე და ხუერგო გელოვანების ოჯახებს, რომელთაც თავისი შვილნი და ადგილმამული მოხერხის ეკლესიას „დაუთვალეს“ (შესწირეს). აგრეთვე, მეორე ოჯახს, რომლის გვარი საბუთში საბელდებით არ ჩანს¹¹³.

თავიდანვე უნდა დავძინოთ, რომ აღნიშნული ორი მაგალითით მეთემე-მდაბიორის (ყმობაში შესელამდე) ნიმუშად აღება აშკარა შეცდომაა. ჯერ ერთი, საბუთებიდან ის კი არ ჩანს, რომ ეს ოჯახები უწინ თავისუფალი მეთემე-მდაბიორები იყვნენ, არამედ პირიქით, ეკლესიისადმი თავის შესწირვამდე ორივე ოჯახს პატრონი ჰყავდა (როგლის ნებართვითაც შევიდნენ ეკლესიის გამგებლობაში); მეორეც, ორივე მათგანი მამულის მოზიარე მესაკუთრე იყო; მესამეც, საბუთებიდან ჩანს, რომ ეკლესიის გამგებლობაში შესული გელოვანები პირობას დებენ, რომ ძველი პატრონისადმი ვალდებულებასაც შეასრულებენ¹¹⁴.

თავი დავანებოთ იმას, რომ ორივე საბუთი გელოვანების ოჯახებს ეხება, რომ გელოვანები აზნაურები იყვნენ, საკითხაგია — თავისუფალ მეთემე-მდაბიორს საიდან შეიძლებოდა ჰქონოდა საკუთარი ადგილ-მამული, ან საიდან შეიძლებოდა ჰყოლოდა პატრონი, რომლისადმი ვალდებულება ახალი პატრონის ხელშიც უნდა შეესრულებინა? საქმე პირიქით იყო, ვიდრე ამის დამტკიცებას დ. გოგოლაძე ცდილობს. ეკლესიის ყმობაში შესული ოჯახები თავისუფალი მეთემე-მდაბიორები კი არ იყვნენ, არამედ პატრონი მიქელაისძისადმი დაქვემდებარებული, ყმა-მამულის მფლობელი აზნაურები, რომლებიც, ძველთან ერთად, ახალი პატრონის — ეკლესიისადმი — ვალდებულებასაც კისრულობენ. არასწორია იმისი განცხადებაც, თითქოს ამ

¹¹¹ დასახელებული კრებული, გვ. 56—58.

¹¹² იქვე.

¹¹³ იქვე.

¹¹⁴ სვანეთის საისტორიო ძეგლები, II, გვ. 18, 38.

ოჯახებს ერთდროულად ორი პატრონი არ შეიძლებოდა ჰყოლოდათ, რადგან თითქოს ამას ვერ იყისრებდნენ. ჩანს, დ. გოგოლაძე ანგარიშს არ უწევს საბუთს და იქიდან ამოდის. რომ სვანეთი მთიანი ქვეყანა იყო და თითქოს აპიტომ იქ ორი პატრონისადმი ვალდებულების შესრულება შეუძლებელი იყო. უნდა ითქვას, რომ შუა საუკუნეების საქართველოში უამრავი მაგალითი მოგვეპოვება იმისა, როცა ამა თუ იმ ოჯახს ორი პატრონი თუ ბატონის ვალდებულება ეკისრა (შემთხვევით როდი შეიქმნა ფიგურალური გამოთქმა „ორი ბატონის მსახური“). ამასთან, მნიშვნელობა არა აქვს, თუ ეს ოჯახი როგორ (მსუბუქ თუ მძიმე) ვალდებულებას ასრულებდა.

აღსანიშნავია, რომ სვანეთის საისტორიო საბუთებში ხშირად არ ჩანს, ყმობაში ვისულ ოჯახს უწინ პატრონი ჰყავდა თუ არა. მაგრამ ბარის საქართველოშიც არაიშვიათია შემთხვევა, როცა ყმობაში შესული ოჯახის წარსულზე საბუთში არაფერია ნათქვამი, მაგრამ ეს იმას როდი ნიშნავს, რომ ამის გამო ეს საბუთები ადრეფეოდალურ ურთიერთობას ასახავენ. ნუთუ ფეოდალური ურთიერთობის დაწყების დროს ისე იყო საქმე დაყენებული, რომ ყმობაში შესვლის ყველა შემთხვევა აღირიცხებოდა?! როგორც ვიცით, არამცთუ საწყის ეტაპზე, არამედ განვითარებულ და გვიან საშუალო საუკუნეებშიც პატრონყმობა-ბატონყმობაზე იშვიათად იქმნებოდა წერილობითი საბუთები (ის ადათწესის ხასიათს ატარებდა). მკვლევარმა კარგად იცის ისიც, რომ ჩვენ არამცთუ ადრეფეოდალურ ურთიერთობაზე, არამედ განვითარებული ფეოდალიზმის ხანაზეც არ ვართ განებივრებული საბუთების სიმრავლით, მით უფრო დასავლეთ საქართველოში, სადაც ბარის სოციალურ ურთიერთობაზეც კი XV საუკუნემდე სათანადო საბუთები იშვიათად მოგვეპოვება. ამდენად, ჩვენამდე მოღწეული სვანეთის საისტორიო ძეგლები დამოკიდებულებით ურთიერთობის საწყის საფეხურს კი არ ასახავენ (ვინ იცის მაშინ საბუთები საერთოდ ფორმდებოდა თუ არა), არამედ უკვე ჩამოყალიბებულ და ტრადიციულ ფეოდალურ ურთიერთობას, სწორედ ამაზე მეტყველებს ამ ურთიერთობის წერილობითი გაფორმება.

ასეთ ურთიერთობას ასახავს ჩვენი მკვლევარის მიერ ადრეკლასობრივი ურთიერთობის ნიმუშად აღებული საბუთები, რომლებიც თავისუფალ მეთემე-მდაბიორთა და ყმობაში ახლადშესულ გლეხთა მდგომარეობას კი არ ასახავენ, არამედ ტრადიციულ პატრონ-ყმურ, ფეოდალურ-იერარქიულ ურთიერთობას. აღნიშნული საბუთებიდან ჩანს, რომ ერთსა და იმავე მიწაზე საკუთრების უფლებას ახორციელებდა მიქელაისძეც, გელოვანიც და ეკლესიაც, ჩანს, რენტაც ამის შესაბამისად ნაწილდებოდა.

ამასთან, სადავო არ არის, რომ ჩვენამდე მოღწეული სევანეთის საისტორიო საბუთები შედარებით მსუბუქ და მარტივ ფეოდალურ ურთიერთობას ასახავენ, თუმცა ამ მაგალითების ილუსტრაციის დროსაც დ. გოგოლაძე ზოგჯერ უზუსტობას იჩენს; მაგალითად, თითქოს საბუთში წერია, რომ ხერგიანები ას სულ მოსახლეზე მხოლოდ ორ საკლავ „საბეგარო“ გამოსაღებს უხდიდნენ ვარგ ჯაფარიძეებს¹¹⁵. სინამდვილეში საბუთში სიმბოლურად წერია — „თუ ასი მოსახლე შეეჭმნახ, ამ ორ საკლავს იქით არა ემატოს“¹¹⁶. ამავე საკითხზე მოგვეპოვება მეორე საბუთიც, რომელშიც აგრეთვე ზოგადადაა ნათქვამი, რომ თუ ხერგიანები ოდესმე ასი მოსახლე გახდებოდნენ, მაშინაც ორ საკლავს გადაიხდიდნენ (სინამდვილეში ხერგიანები მხოლოდ რამდენიმე ოჯახს შეადგენდნენ, რადგან ას ოჯახს თვით მესტიის მთელი თემიც კი ვერასოდეს აღწევდა). ამასთან, განვითარებული თუ განუვითარებელი ფეოდალური ურთიერთობის საზოგადო განსაზღვრა მხოლოდ ვალდებულების სიმძიმით თუ სიმსუბუქით შეუძლებელია. რადგან ერთი და იგივე საფეხურზე, ერთი და იგივე გარემოსა და სხვა პირობებში, ერთი და იგივე კატეგორიის გლეხებიც კი სხვადასხვაგვარად (მეტ-ნაკლებად) იყვნენ ვალდებული, ამასთან, ვალდებულებას ხასიათი მართო ბუნებრივ პირობებზე კი არ იყო დამოკიდებული, არამედ გარიგებაზე, შეძლებაზე, ტრადიციაზე და სხვ. ამიტომ იყო, რომ აზატ-თარხანი ზოგჯერ მსუბუქ ვალდებულებას ასრულებდა, ზოგჯერაც, მეტეგრე გლეხის მსგავსად — მძიმეს და ა. შ.

ამიტომ ვალდებულების ზომა-წონით ფეოდალური ურთიერთობის საფეხურის, მით უმეტეს მისი ტიპიური თუ კლასიკური ნიმუშის, განსაზღვრა სევანეთის მაგალითით მხოლოდ ზერელე ვარაუდი შეიძლება იყოს. ჩვენამდე მოღწეული საბუთებით არამცთუ სევანეთის ადრეფეოდალური ურთიერთობის კლასიკური ხასიათის, არამედ დასავლეთ საქართველოს ბარის განვითარებული ფეოდალური ურთიერთობის სურათის ზუსტი დადგენაც დიდ სირთულესთანაა დაკავშირებული.

უდავოა, რომ ფეოდალურ-დამოკიდებულებით ურთიერთობა მთაში უფრო მსუბუქი იყო. სხვანაირად რომ ვთქვათ, ბარის მასშტაბის ექსპლოატაცია მთაში შეუძლებელი იყო, მაგრამ მიუხედავად ამისა, ერთხელ ფეხმოკიდებული ფეოდალური ურთიერთობა სევანეთშიც სამუდამოდ (მრავალი საუკუნის მანძილზე) ადრეფეოდალურ საფეხურზე არ შეიძლებოდა გაყინულიყო, მით უფრო, რომ ის იყო განვითარ-

115 დასახელებული კრებული, გვ. 59.

116 სევანეთის საისტორიო ძეგლები, II, გვ. 15— 16.

რებული საქართველოს სახელმწიფოს განუყრელი ნაწილი და ამიტომ შინაგან განვითარებას გარეგანი ზეგავლენაც ერთვოდა.

ზოგიერთი მკვლევარი ცდილობს მთის, კერძოდ სევანეთის, განვითარების დონე თემის მეშვეობით განსაზღვროს. ზოგიერთს დაუჩემებია. თითქოს ფეოდალური ურთიერთობის დროს თემი მხოლოდ მთისთვის იყო დამახასიათებელი, ამიტომ მას მთის გვაროვნულობის მაჩვენებლად წარმოგვიდგენს.

ამგვარი შეხედულება იქიდან მომდინარეობს, რომ ასეთი მკვლევარი განვითარებული ფეოდალური ურთიერთობისას თემის არსებობას ბარში ვერსად ამჩნევს. ზემოთ უკვე ვიმსჯელებთ ქიზიყის მაგალითზე, როდესაც განვითარებული ფეოდალური ურთიერთობის დროს კახეთის შუაგულში სასოფლო თემი არსებობდა (საერთო მიწისმფლობელობით და მისი პერიოდული გადანაწილებით). როგორც ვნახეთ, მისი შესადარი თემი, ფაქტობრივად, არც აღმოსავლეთ და მით უმეტეს არც დასავლეთ საქართველოს მთაში არსებობდა, მაგრამ მიუხედავად ამისა, სასოფლო თემი მთელი საქართველოსათვის იყო დამახასიათებელი, როგორც განვითარებულ, აგრეთვე გვიან საუკუნეებშიც.

ჩვენამდე მოღწეული საბუთიდან ჩანს, რომ XVI საუკუნის იმერეთის სოფლებში — ხორითში, ნატბეურში, აქარაში, ზესტაფონში, ქორეთში, თურინში, მლაშეში და სხვაგან — სასოფლო თემი არსებობდა, ამაზე მეტყველებს ის, რომ ეკლესიისადმი კუთვნილი გადასახადების ნაწილი, საეკლესიო პირებთან ერთად, თემის მოსახლეობასაც ხმარდებოდა¹¹⁷. XVIII ს. მეორე ნახევრის საეკლესიო საბუთში ნათქვამია, რომ გიორგი წულუკიძის სულის საოხ აღაპზე გლეხის მიერ მისატანი სასმელ-საჭმელი სწორად უნდა გაენაწილებინათ თემის წარმომადგენლებზე¹¹⁸. კყონდიდელ-ცაგერელის წყალობის წიგნში ნათქვამია: „...კურთხეულმან კყონდიდელ ცაგერელმან ბატონმან გაბრიელ გიბოძეთ თქვენ ერთობით ცაგეროვანის ხატის ყმას, მერმე ოყურეშის ერთობით აზნაურიშვილს, მსახურსა და გლეხს, მდიდარსა და მცირეს...“¹¹⁹. იმავე ეპისკოპოსის სახელით, ტყვის გამყიდველ იესელა დიდიას მიმართ საეკლესიო განჩინებაში ნათქვამია, რომ მან „თემისა და ქვეყნის ფიცი და პირი გატეხა...“¹²⁰. 1733 წლის საბუთიდან ჩანს, რომ მეფე ალექსანდრე მეხუთეს იმერეთში „სათემო გადასახადი (გამოსაღები)“ ჰქონდა დაწესებული¹²¹. გელათისადმი სოლო-

117 დასავლეთ საქართველოს საეკლესიო საბუთები. წ. I, თბ., 1920, ს. კაკაბაძის გამოც., გვ. 26.

118 იქვე, გვ. 53.

119 იქვე, გვ. 110.

120 იქვე, გვ. 112.

121 იქვე, გვ. 130.

მონ მეორის შეწირულობის წიგნში ლაპარაკია სოხასტრის ეკლესიისადმი კუთვნილი ოკრიბელი და არგვეთელი ყმებისადმი საურის ამოკვეთაზე, სამაგიეროდ „...ყოველს წელიწადს ღვთისმშობლის დღეს ერთობით ღვდელს გვიწირვინებდნენ... და წირვას უკან თემობით დაგლოცევდნენ“¹²².

მკვლევარი დ. გოგოლაძე ფიქრობს, რომ რაკი სვანეთის ამა თუ იმ სოფლის (თემის) აზნაური და გლეხი „ერთობილი“ ტერმინითაა საბუთებში მოხსენიებული და რაკი ისინი საერთო გადაწყვეტილებას იღებდნენ, ეს სვანეთის თავისებურების, მისი საზოგადოების უფლებრივ-პოლიტიკური თანასწორობის (გაუდიფერენცირებულობის), თემის, როგორც წინა კლასობრივი საზოგადოებრივი ორგანიზაციის, იურიდიული ბატონობის მაჩვენებელია¹²³. ეს რომ ცდუნება და მოჩვენებაა, მთაში თუ ბარში თემს რომ თავისი საჰირბოროტო საქმეები აწუხებდა და თემის მთელი მოსახლეობა (აზნაური თუ გლეხი) რომ ამის ერთობლივი მოგვარებისათვის ზრუნავდა, ამისი მაგალითია იოანე მთაფარეპისკოპოსისადმი 1782 წელს ხონის თემის მიერ მიცემული პირობა: „ქ. ესე წიგნი და პირობა მოგართვით თქვენ ჩვენს სჯულის თავს... მათხონჯელმა თემის კაცმა, ერთობით დეკანოზმა, ხელოსანმა და სრულად ზალხმა, ასე რომე ძველათაჲ შენის ეკლესიის სამწყსო ყოფილიყო ჩვენი ქვეყანა და ახლა ბატონმა მეფე სოლომონ დავითით ისევ თქვენს ეკლესიას მიართვა სამწყსოთ... შემოგვხევეთ ერთობით თემი და წყალობის თვალთ მოგვხედეთ და შეგვიხევეწით...“¹²⁴.

იგივე ზონის თემის სახელით ეკლესიისადმი მიცემულ წიგნში ნათქვამია: „...ამისი მოწმე და გამრიგე დეკანოზი მიქელ, მღვდელი ქუთათელაძე პასარიონ... და ერთობით ხონის შემავალი აზნაური და გლეხი და ჩვენი აზნაურიშვილები...“¹²⁵.

თემის საერთო საჰირბოროტო საკითხების მოსაგვარებლად აზნაურთა და გლეხთა ერთობლივი ზრუნვა რომ მათ უფლებრივ გათანასწორებას და გაუდიფერენცირებულობას არ ნიშნავს, ამას მოწმობს არა მარტო იმერეთის, რაჭისა და ლეჩხუმის, არამედ სამხრეთ და აღმოსავლეთ საქართველოს მაგალითებიც. მ. კეკელიას დაკვირვებით, სვანეთის თემის საერთო კრებათა ანალოგიური გადაწყვეტილებების გამოტანა ტრადიციული იყო საშუალო საუკუნეების ტაო-კლარჯეთი-

122 დასავლეთ საქ. საეკლ. საბუთები, წ. 11, ს. კაკაბაძის გამოც., 1920., გვ. 153.

123 იქვე.

124 იქვე, გვ. 64.

126 იქვე, გვ. 97.

სათვისაც, რომელიც საქართველოს ერთ-ერთ განვითარებულ და დაწინაურებულ ფეოდალურ კუთხეს წარმოადგენდა¹²⁶.

საქართველოში თემი დამახასიათებელი იყო ბარის ისეთი მოწინავე კუთხისათვისაც, როგორც ქართლი იყო. ამას, სხვათა შორის, მოწმობს გერვასი სამთავნელი ეპისკოპოსის და სამთავისის აზნაური-შვილების ფიცის წიგნი (1796 წ.), როგორც ჩანს, ამილახვარი ოთარი და მისი სახლიკაცები თავიანთ მამა-პაპათა მიერ დაწესებულ წესს არ ჭერდებოდნენ, სამთავისის გლეხობისაგან უღებს მოითხოვდნენ, როცა ამას ნებაყოფლობით ვერ ახერხებდნენ, გლეხობას ერთიანად არბევდნენ და იკლებდნენ. რადგან ასეთი უსამართლობის წინააღმდეგ მღვდელმთავარმა ვერაფერი გააწყო, მთელი თემის მოსახლეობამ (აზნაურებმა და გლეხებმა) ფიცით შეკრა პირი:

„1. ვიყენეთ ერთი მეორის კაის მდომნი და რომელიც უფლისწულებისაგან უსამართლოთ ცემა-ჭრილობა, აკლება და შვილების შიახლეთ წართმევა გვეკირებია, ამაებს ნულარ ეიყაბულებთ.

2. თუ რომელიც ჩვენში ან გაილახოს ან დაიჭრას ან დაირბეს, ერთიანათ ერთმანეთთან დავიშართნეთ, ბატონთანაც საჩივარი ერთი იყოს და ჩვენს ბატონს ამილახორთანაც და ლაპარაკიც ერთი იყოს.

3. და სადაც აზნაურიშვილი სოფელში იდგეს და უფლისწულმა იქ უსამართლო მოინდომოს, აზნაურიშვილმან გლეხს უქმამაგოს და გლეხმა აზნაურიშვილსა და ერთიმეორებედ ვინც შორს იდგეს, კიდეც ერთი მეორეს მივეშველნეთ.

4. ამ ჩვენის ფიცის წერილზე კელი მოგვიწეროს, რომ ჩვენთან იქნება. და რომელმაც კელი არ მოგვიწეროს, ერთიანათ მიუხდეთ, დავსწვათ და ავიკლოთ და ცარიელი კაცი ამილახორს მივართვათ...“¹²⁷.

როგორც ვიცით და როგორც ვხედავთ, ქართლში ხელისუფლებაც არის, ბატონყმობაც, ეკლესიაც და სოციალურად ჰრელი საზოგადოებაც, ამავე დროს, ის მოწინავე ბარიცაა, მიუხედავად ამისა, ძალადობისა და განუკითხაობის წინააღმდეგ მთელი თემი (აზნაურიც და გლეხიც, ასევე ეკლესიაც) ერთად გამოდის თავადის წინააღმდეგ, ერთობილად იცავს თავის საერთო ინტერესებს, მაგრამ ეს არც თემის უაღრეს სიძლიერეს ნიშნავს, არც აზნაურთა და გლეხთა უფლებრივ გათანაბრებას, არც თემის იურიდიულ ბატონობას და არც ადრეფეოდალურ ურთიერთობას.

¹²⁶ მ. კეკელიძე, სასამართლო ორგანიზაცია და პროცესი საქართველოში /რუსეთთან შეერთების წინ, წ. 2, 1981, გვ. 101.

¹²⁷ ქართული სამართლის ძეგლები, III, პროფ. ი. დოლიძის გამოც., თბ., 1970, გვ. 1031.

ქართლში თემისა და სათემო ვადასახადის არსებობას ადასტურებს შაჰნავაზ მეფის მიერ 1682 წელს ერთობილი დიდებულებისადმი მიცემული სააღაპო წიგნი¹²⁸.

აღსანიშნავია, რომ თემმა მეტ-ნაკლები სისრულით XIX საუკუნემდე მოაღწია არა მარტო საქართველოში, არამედ რუსეთსა და დასავლეთ ევროპის ფეოდალურ სახელმწიფოებში. კიდევ მეტი, მიუხედავად ბატონყმობის გაუქმებისა, ცარიზმმა XIX ს. 60-იან წლებში სათემო მმართველობა შემოიღო რუსეთში, სადაც მიუხედავად ცენტრალური სამეფო, საგუბერნიო და სამაზრო ხელისუფლების არსებობისა, საჭირობორტო საკითხებზე თემის წარმომადგენლები მსჯელობდნენ და თემის ყრილობაზე თავისებურ გადაწყვეტილებებს იღებდნენ, მაგრამ ეს იმას როდი ნიშნავს, რომ რუსეთს ამ დროს თემური ან ადრეფეოდალური წესწყობილება ჰქონდა, ან ამ თემში გაერთიანებული საზოგადოება გაუდიფერენცირებელი და უფლებრივად გათანაბრებული იყო.

საბუთების ჩამოთვლა და მსჯელობა რომ არ გავვიგრძელებდეს, ვფიქრობთ, უნდა ითქვას: ნათელია, რომ კლასობრივ საზოგადოებაში საჭირობორტო საკითხებზე მთელი თემის მოსახლეობის ერთობლივ მსჯელობასა და გადაწყვეტილების მიღებას არავითარი საერთო არა აქვს მთელი საზოგადოების (მათ შორის აზნაურისა და გლეხის) უფლებრივ გათანასწორებასთან, კლასობრივ-წოდებრივი ზღვარისა და პრივილეგიების წაშლასთან.

როგორც არაერთგან და არაერთხელ აღვნიშნეთ, შუა საუკუნეების სევანეთის საზოგადოებრივი ურთიერთობის ხასიათის გაგებაში ყველაზე მნიშვნელოვანია მიწის საკუთრებისა და მფლობელობის წესისა და ხასიათის გარკვევა. დადგენილია, რომ სევანეთში X—XIX საუკუნეებში მიწის საკუთრების სამი ფორმა არსებობდა: ფეოდალური, ალოდიალური და საერთო-სასოფლო¹²⁹.

დ. გოგოლაძეს მიაჩნია, რომ ყმა-მდაბიორთა მიწის ნაკვეთები (საკომლოები) იურიდიულად სევან ფეოდალთა საკუთრებას არ წარმოადგენდა¹³⁰. საკითხისადმი ამგვარი მიდგომა და განსჯა შეუძლებელია, რადგან გაუგებარია თუნდაც ის, თუ ყმა-მდაბიორში მკვლევარი ვის გულისხმობს. საქმე იმაშია, რომ სევანეთში გლეხთა ნაწილი აზნაურებსა და ეკლესიას ექვემდებარებოდა, ნაწილი კი — სამეფო ხელისუფლებასა და ერისთავს. ბუნებრივია, იმ გლეხების მიწა, რო-

128 დოკუმენტები საქართველოს სოციალური ისტორიიდან, ნ. ბერძენიშვილის რედაქციით, თბ., 1940, გვ. 72—73.

129 გ. გასკვიანი, დასავლეთ საქართველოს შთიანეთის ისტორიიდან, გვ. 76—111.

130 დასახელებული კრებული, გვ. 59.

მელსაც ისინი ალოდის უფლებით ფლობდნენ, აზნაურთა საკუთრებას არ წარმოადგენდა, მათ საკუთრებაში არ იყო ასევე სამეფო მოლაშქრეთა გლეხების მიწა, რაც შეეხება ის მიწა, რომელსაც მათდამი დაქვემდებარებული გლეხები ფლობდნენ, რა თქმა უნდა, აზნაურთა იურიდიულ საკუთრებას წარმოადგენდა (მიუხედავად იმისა, ამას გლეხები აღიარებდნენ თუ არა), რადგან ისინი გლეხის ზედმეტ პროდუქტს (რენტას) და აუნაზღაურებელ შრომას ითვისებდნენ. სხეანაირად რომ ვთქვათ, აზნაური გლეხს ნატურით გადასახადს და აუნაზღაურებელ შრომას ვერ გადაახდევინებდა, მის მიწაზე და პიროვნებაზე რომ მას იურიდიული უფლება არ ჰქონოდა¹³¹.

ჩვენამდე მოღწეული საისტორიო წყაროებიდან კარგად ჩანს, რომ შუა საუკუნეების სევანეთში მიწა ვაჭრობის, წყალობის, გამზითვებისა და შეწირვის საგანს წარმოადგენდა.

როგორც ცნობილია, გვაროვნული წყობილების რღვევისა და ადრეკლასობრივი ურთიერთობის ჩასახვის დროს, როცა მეთემეთა პირადი მეურნეობა ყალიბდებოდა, კერძო საკუთრება ჯერ მოძრავ ქონებაზე გაჩნდა, შემდეგ საკარმიდამო მიწაზე, ხოლო შემდეგ სახნავ-სათიბ მიწასა და ტყეზეც.

სევანეთში საკუთრების საყოველთაო და განვითარებულ ხასიათზე მიუთითებს მიწის ნასყიდობათა წერილობითი აქტები. იურისტ-მკვლევართა განსჯით, მიწით ვაჭრობა საკუთრების წარმოშობა-განვითარების პირობაცაა და შედეგიც¹³². მ. კეკელიას სპეციალური დაკვირვებით, შუა საუკუნეებში სევანეთში საკუთრების სფერო ყოველის-მომკველი იყო და მტკიცეც¹³³.

ყველაფერი ეს თვალნათლივ მეტყველებს სევანეთში კერძო საკუთრების ბატონობაზე, მეორე მხრივ, უარყოფს იმას, თითქოს X—XV საუკუნეებში სევანეთი ადრეკლასობრივი ურთიერთობის ნიმუში იყო. საკითხავია, ადრეკლასობრივი ურთიერთობის დროის საქართველოს რომელ კუთხეზე მოგვეპოვება თუნდაც მიწით ვაჭრობის წერილობითი დოკუმენტები, რომელიც საშუალებას მოგვცემდა ადრეკლასობრივი ურთიერთობის კლასიკური ნიმუშები დაგვედგინა? ცხადია, X—XV საუკუნეების სევანეთის ამგვარ ნიმუშად ჩათვისის საფუძველი მხოლოდ სუბიექტური აზრი შეიძლება იყოს.

არაზუსტია დ. გოგოლაძის განცხადება, თითქოს ბარის სინამდვილეში მიწის ნასყიდობის საბუთებში პატრონის (თუ ბატონის) ნე-

131 ვ. ი. ლენინი, თხზ., ტ. 3, გვ. 208.

132 ს. ქობინაძე, სახელმწიფო სოციალისტური საკუთრების წარმოშობა სსრ კავშირში, თბ., 1963, გვ. 40.

133 მ. კეკელია, სასამართლო ორგანიზაცია და პროცესი საქართველოში, გვ. 104.

ბართვა ჩანდეს ყოველთვის¹³⁴. არათერს ვამბობთ იმაზე, რომ ბარზე ზოგადი და საყოველთაო მსჯელობა გაუმართლებელია (ვერაფრის მთქმელია), რომ საქართველოს ბარის ზოგიერთ რეგიონზე არამცთუ აღრეკლასობრივ, არამედ განვითარებულ ფეოდალურ ხანაზეც მიწის ნასყიდობის საბუთები არ მოგვეპოვება (ზედმეტია ნებართვაზე ლაპარაკი). კიდევ მეტი, ბარის სინამდვილეზე არსებულ XVIII—XIX საუკუნეების საბუთებშიც იშვიათად ჩანს არა მარტო ბატონის სანქცია, არამედ ჰქონდა თუ არა მის მებატონეს უფლება გლეხის ნასყიდ მიწაზე. ჩვენთვის ცნობილია, რომ რეფორმის დროს ქუთაისის გუბერნიის მომრიგებელ მოსამართლეებს განსახილველად წარედგინათ გლეხთა მიერ მიწის ნასყიდობის 63 ათასზე მეტი საბუთი (ძირითადად XIX საუკუნის), რომელთა აბსოლუტურ უმრავლესობაში არაფერია ნათქვამი არა მარტო მებატონის რაიმე სანქციაზე, არამედ საერთოდ ჰქონდა თუ არა მებატონეს ხელი ამ მიწაზე¹³⁵. რაც იმაზე მითითებებს, რომ სვანეთის გლეხთა ნასყიდობის აქტები გამონაკლისი არ იყო, რომ საბუთებში ყოველთვის არ ჩანს ყველაფერი.

ამასთან, სინამდვილეს არ შეესაბამება იმისი განცხადებაც, თითქოს ალოდიალური მფლობელობა მხოლოდ აღრეფეოდალიზმს ახასიათებდა, თითქოს განვითარებულმა ფეოდალიზმმა მისი ანუღირება და გაქრობა გამოიწვია¹³⁶.

საყოველთაოდ ცნობილია, რომ არამცთუ ალოდიალური, არამედ ფეოდალურმა წყობილებამ უფრო ძველი, საერთო-კოლექტიური მფლობელობის სრული გაუქმებაც ვერ მოახდინა; მაგალითად, გერმანიისა და მეზობელი ქვეყნების საადგილმამულო ურთიერთობის შესწავლამ ფ. ენგელსი იმ დასკვნამდე მიიყვანა, რომ ევროპაში გვიან საშუალო საუკუნეებშიც კი ერთიმეორის გვერდით არსებობდა საკუთრებისა და მფლობელობის სხვადასხვა ფორმა, რომ ბავარიის რაინში ფეოდალიზმის ბატონობისას მიწათმოწყობის უძველესმა წესმა, მარკის ფორმით (სახნავ-სათიბი მიწის კოლექტიური მფლობელობისა და პერიოდული გადანაწილების სისტემამ), XIX საუკუნის დასაწყისამდე გაძლო, ხოლო ტყე და საძოვარ-საბალახო ადგილები შემდეგაც საერთო-კოლექტიურ მფლობელობაში დარჩა¹³⁷.

დ. გოგოლაძე იზიარებს იმ მოსაზრებას, რომ, თავის დროზე, სვანეთში აზნაურები ქონებრივად განირჩეოდნენ, მაგრამ ამ მხრივ თითქოს იქ დიდი სხვაობა არ არსებობდა და მატერიალური დოვლა-

¹³⁴ დასახელებული კრებული, გვ. 60.

¹³⁵ ЦГИАЛ, Ф. 1268, оп. 21, д. 201

¹³⁶ დასახელებული კრებული, გვ. 60.

¹³⁷ ფ. ენგელსი, გლეხთა იმი გერმანიაში, თბ., 1932, გვ. 164—166.

თის მწარმოებელი საზოგადოების სიმრავლე სვანეთის ჩამორჩენილობის (აღრეფეოდალური ურთიერთობის) მაჩვენებელი იყო¹³⁸.

ისტორიული პროცესის ამგვარ ინტერპრეტაციასთან ერთად განსაკუთრებით გვაკვირებს ის, რომ X—XV საუკუნეების სვანეთის სოციალურ-ეკონომიკურ ვითარებას ჩვენი ავტორი XIX საუკუნის მონაცემებით განიხილავს¹³⁹.

ცნობილია, რომ მატერიალური დოვლათის მწარმოებელი მოსახლეობა განვითარებული ფეოდალიზმის პირობებშიც ყველაზე მრავალრიცხოვანი იყო. სხვანაირად რომ ვთქვათ, ამ საზოგადოების სიმრავლე ფეოდალიზმში თავისთავად ჩამორჩენილობა არ შეიძლება იყოს, პირიქით—ფეოდალური წოდების სიმრავლეა ჩამორჩენილობის (წვრილმეურნეობრიობის) მაჩვენებელი. ამის მაგალითი უნდა იყოს დასავლეთ საქართველო, სადაც (მსხვილი ფეოდალური მეურნეობის ნაცვლად) წვრილანაურული მეურნეობა გაბატონდა. სვანეთში კი ამისი მაგალითია ე. წ. ბალსზემო თემები, სადაც დაახლოებით 700 მოსახლიდან 31-ამდე აზნაურული ოჯახი აღირიცხებოდა.

ამასთან, შეუძლებელია XIX საუკუნის რეფორმისდროინდელი მონაცემებით X—XV საუკუნეების სვანეთის აზნაურთა ქონებრივი მდგომარეობის განსაზღვრა და შეფასება, ასევე შეუძლებელია იგივე აზნაურთა სოციალური მდგომარეობისა და ექსპლოატირებული გლეხების რაოდენობის განსაზღვრა მარტო ჩვენამდე მოღწეული წერილობითი წყაროების მეოხებით. აღნიშნული სურათის განსაზღვრისას გარკვეული ანგარიში უნდა გაეწიოს ობიექტურ ეთნოგრაფიულ და ფოლკლორულ მონაცემებსაც, რომელთა მიხედვით სვანეთის აზნაურები — გელოვანები, რიჩგვიანები, ჩარკვიანები, ყიფიანები, იოსელიანები და სხვები — აღრე გაცილებით მრავალრიცხოვანი გლეხების მფლობელები იყვნენ. ანგარიშგასაწევი ისიც, რომ ჩვენამდე მოღწეულ საისტორიო ძეგლებში სვანეთის აზნაურთა გლეხები ხშირად ზოგადად (გვარსახელის გარეშე) არიან მოხსენიებული. X—XV საუკუნეების დასავლეთ საქართველოს ბარის — იმერეთის, სამეგრელოსა და გურიის — აზნაურთა შესახებ რომ დ. გოგოლაძის მსგავსად ვიმსჯელოთ, მაშინ მათ სოციალურ-ეკონომიკურ და გაბატონებულ მდგომარეობაზე X—XV საუკუნეებში თითქმის ვერაფერს ვიტყვოდით, მაგრამ სათანადო წერილობითი წყაროების მოუღწევლობა და უქონლობა იმას როდი ნიშნავს, რომ დასახელებულ საუკუნეებში ისინი გაბატონებულ ძალას არ წარმოადგენენ.

¹³⁸ დასახელებული კრებული, გვ. 61.

¹³⁹ იქვე, გვ. 65.

ამიტომაც სვანეთის აზნაურთა მდგომარეობის შეფასება და განსჯა საქართველოს საერთო ვითარების გაუთვალისწინებლად შეუძლებელი და არასწორია. მით უფრო მიუტყვევებელია XIX ს. მეორე ნახევრის მონაცემებით აზნაურთა უძველესი მდგომარეობის განსაზღვრა. თვითონ მკვლევარმა დ. გოგოლაძემ კარგად იცის, რომ რეფორმის დროს აზნაურთა მნიშვნელოვანი ნაწილი დაკნინებულ-გალარბებულთა, რომ მათი ნაწილი ქონებრივად შეძლებული გლეხის დონეზე და უფრო დაბლა იდგა, მაგრამ ეს ვერაფერს შემთხვევაში ვერ გამოდგება იმის საბუთად, რომ ისინი X—XV საუკუნეებშიც ასეთი იყვნენ და ამიტომ ადრეფეოდალური ურთიერთობის საფეხურზე იმყოფებოდნენ.

უმართებულოა, აგრეთვე, მთელ სვანეთზე მართო ე. წ. თავისუფალი სვანეთის მაგალითით მსჯელობა (როგორც ქიზიყის მაგალითით მთელ კახეთზე). თუკი მართო წერილობითი წყაროებით ვიმსჯელებთ და დ. გოგოლაძის მსგავსად განვსჯით, მაშინ ქვემო სვანეთისა და ბალსქვემო სვანეთის (სადაც უფრო გვიან სამთავრო ჩამოყალიბდა) მოსახლეობა XVII—XVIII საუკუნეებამდე მთლიანად თავისუფალ მეთემეებად უნდა ჩავთვალოთ, რადგან იქაურ აზნაურთა ადრინდელ მდგომარეობაზე მხოლოდ მცირეოდენი წყაროები შემოგვცენახა (ჩვენთვის ცნობილი საისტორიო წყაროების აბსოლუტური უმრავლესობა ე. წ. ბალსზემო სვანეთს ეხება). სინამდვილეში, ადრე იქაც ფეოდალური ურთიერთობა სუფევდა, ხოლო გვიან საუკუნეებში ბალსქვემო და ქვემო სვანეთში დადიშქელიანთა, გელოვანთა და გარდაფხაძეთა ფეოდალური (თავადური) სახლები ჩამოყალიბდა, ლენტეხის მოსახლეობა კი დადიანმა დაიქვემდებარა. ამდენად, საბუთების არარსებობა ყოველთვის არაა სოციალური თავისუფლების მაჩვენებელი, ე. წ. თავისუფალი სვანეთის გვიანდელი მაგალითით მთელ ადრინდელ სვანეთზე მსჯელობა კი არაფრითაა გამართლებული.

ნაწილობრივ ვეთანხმებით დ. გოგოლაძის ზოგადთეორიულ მოსაზრებას სასოფლო თემის არსის განსაზღვრაში, კერძოდ იმაში, რომ სასოფლო თემი, მთასა თუ ბარში, არქაული კომუნის სახეშეცვლილი და დარღვეული ფორმაა საადგილმამულო ურთიერთობაში, რომ ის მეორადი სასოფლო თემია კლასობრივ საზოგადოებაში¹⁴⁰.

რაც შეეხება მკვლევრის კონკრეტულ მსჯელობას XIII—XV საუკუნეების სვანეთის საზოგადოებაზე, იქაური თემის სინამდვილე მეტრისმეტად გაზვიადებული და გაიდეალებულია, ავტორის დაუსაბუთებელი განცხადებით იქაური სასოფლო თემი „უაღრესად ძლიერია“¹⁴¹.

140 დასაბუთებული კრებული, გვ. 62.

141 იქვე.

მკვლევარი თავიდანვე ეწინააღმდეგება თავის თავს; ერთ მხრივ, აღნიშნავს, რომ სვანეთში სასოფლო თემი არქაული კომუნის „ძლიერ დარღვეული ფორმა“ და მეორადი თემია, მეორე მხრივ, იგი „უაღრესად ძლიერია“. საკითხავია, თუ პირველადი თემი ძლიერ დარღვეულია, კლასობრივ თემადაა გადაქცეული, მაშინ საიდან შეიძლება იყოს ის „უაღრესად ძლიერი“? აქ საქმე ეხება არა მარტო ალოგიკურ მსჯელობას, არამედ მკვლევრის მოცემულ კონცეფციას, მისივე სიტყვებით, „თემის საშინაო და საგარეო სტატუსის განსაზღვრას“. საერთოდ, გაურკვეველია რას თელის მკვლევარი სასოფლო თემად: ცალკეულ სოფელს, რამდენიმე სოფლის ერთობას, ამა თუ იმ ხეობას თუ მთელ სვანეთს? აღსანიშნავია ისიც, რომ დ. გოგოლაძე სვანეთის შოსახლეობის წოდებრივ-კლასობრივ დაყოფას და მიწის კერძო საკუთრებას აღიარებს. საკითხავია, როდესაც თემის არსებობის საფუძველი — მიწის კოლექტიური მფლობელობა — არსებითად გამქრალია, როდესაც ფეოდალური იდეოლოგია საყოველთაოდაა გავრცელებული, რანაირად შეიძლება თემის უაღრეს სიძლიერეზე ლაპარაკი.

მართალია, ხელისუფლების სისუსტის პირობებში ცალკეული სოფლის, რამდენიმე სოფლის თუ ხეობის (ლალევრსა და უშგულს შუა) შოსახლეობა საერთო საზოგადო საპირობებისას ერთად გამოდიოდა, აზნაური და გლეხი „ერთობილად“ წარმოგვიდგება და საერთო „საკანონმდებლო“ დადგენილებას იღებს, მაგრამ ეს იმას როდი ნიშნავს, რომ საზოგადოებრივ და სოციალურ ურთიერთობის სფეროში აზნაური და გლეხი იურიდიულად თანაბრდებოდნენ, რომ „ვარგ-აზნაური და მეთემე ყმა-მდაბიური უფლებრივად გაუდიფერენცირებელი იყო“, როგორც ამას ჩვენი მკვლევარი აცხადებს¹⁴².

ჯერ ერთი, როგორც არ უნდა ცდილიყო თემი, რაც არ უნდა დაედგინა მას, რანაირად შეიძლებოდა უფლებრივად გათანაბრებულობით მთელი საზოგადოება, აზნაური და გლეხი, ექსპლოატატორი და ექსპლოატირებული? განა მთელი საზოგადოების სურვილის გამო — „რაიცა სახეოსა საქმესა უკეთ მოუხდებოდეს, ყველაი იმას ეიკირვოდეთო“, ან უღირსი და უწესო საქმე არავის ჩაედინა (კაცი არავის შოეკლა, არ შეეპყრო, არავის ექჷრდა და სხვ.), აგრეთვე ქვეყნისა და სოფლის დაცვაზე ყველას ეზრუნა და მის კეთილდღეობაში ყველას თავისი წვლილი შეეტანა — ყოველივე ეს ასე სრულდებოდა და საზოგადოების ყველა წოდების წარმომადგენელი მართლაც თანასწორუფლებიანი იყო?! საკმარისია თემის გადაწყვეტილებებს ჩაუუკვირდეთ, რათა აღვიღად მივხედეთ, რომ ასეთი დადგენილებების გამოტანის მიზეზი სწორედ სოციალური უთანასწორობა, ურთიერთჩაგვრა,

¹⁴² დასახელებული კრებული, გვ. 64.

უღების მოთხოვნა, ქვეყნის აშლა და ძალმომრეობის გამეფება იყო. როგორც სხვა კუთხეებში, საზოგადოება სვანეთშიც ცდილობდა წესრიგი ყოფილიყო, მაგრამ საჭირობოროტო საქმის მოგვარებაში მთელი მოსახლეობის მონაწილეობის მცდელობა სრულებითაც არ შეტყვევლებს იმაზე, რომ ისინი ფეოდალური საზოგადოებისათვის უცხო რაღაცას აღგენდნენ, რომ ამ დადგენილების გამო აზნაური და გლეხი თანაბარი უფლებით იყვნენ აღჭურვილი. პირიქით, როგორც მესტიის თემის ერთ გადაწყვეტილებაშია ნათქვამი: „რაიც საქმე საფიცრად გარდაქდეს, თქვენი ფიცი, ვინ და ვარგი კაცი იყოს, ყველას ეკადრებოდეს“¹⁴³. აქ პირდაპირ ჩანს გლეხთა მოწინებთი დამოკიდებულება აზნაურებისადმი, აქ კარგად ჩანს ისიც, რომ რაც დანარჩენ საზოგადოებას ეკადრებოდა, ის ვარგ-აზნაურებს არ ეკადრებოდა, მაგრამ გლეხების სურვილი იყო, რომ სისხლისა და გერშის (ავრეთვე სხვა დანაშაულის) საზღაურის გადახდა (ასევე საერთო ნორმების დაცვა) აზნაურებსაც დაეისებოდა. ეს კი იმაზე მიუთითებს, რომ ეს წოდებები სხვადასხვა უფლებამოსილებით იყვნენ აღჭურვილი და აზნაურები ხშირად საზოგადოებრივ თანასწორობას არ იცავდნენ.

საქმე მართო იმაში კი არ არის, რომ სვანეთში პირველად თემი დიდი ხნის გამქრალი იყო, რომ თემს საერთო სახანა-სათიბი მიწა არ გააჩნდა, რომ თემი სოციალურად ჰრელი და უთანასწორო იყო, არამედ იმაშიც, რომ ეს თემი ქრისტიანული წეს-ჩვეულებით, საერთო ქართული ადათით და სამართლით მოქმედებდა (სვანეთის წერილობით წყაროებში თითქმის ვერ იპოვი თემის ისეთ გადაწყვეტილებას, რომელშიც ეკლესია არ იყოს დამოწმებული და რომელით გვაროვნული ყოფა-ცხოვრების აღდგენის მაუწყებელი იყოს). ესეც იმაზე შეტყვევლებს, რომ სვანეთის სასოფლო თემი თავისებური ფეოდალურ-სასოფლო თემი იყო. ამიტომ სოციალურად ერთფეროვან საზოგადოებად მისი წარმოდგენა აშკარა შეცდომაა.

დ. გოგოლაძე ეხება სვანეთის ჩვეულებით ურთიერთობასა და ნორმებს, იგი წერს: „სახელმწიფოს წარმოქმნამდე სვანეთსა და ბარის საქართველოს კუთხეებს არსებითად ერთნაირი ჩვეულებითი საადათო სამართალი გააჩნდა“¹⁴⁴. შემდეგ აღნიშნავს, რომ ბარის საქართველოში ფეოდალური სამართალი გაჩნდა და მოქმედებდა, ამასთან, იურიდიულ პირად სახელმწიფო და საჯარო ხელისუფლება გამოდიოდა, „სვანეთში კი, მიუხედავად კლასობრივი საზოგადოებისა,

¹⁴³ სვანეთის საისტორიო ძეგლები, II, გვ. 54.

¹⁴⁴ დასახელებული კრებული, გვ. 65.

ადათობრივი სამართლის (დაწერილს თუ დაუწერელის) რეალიზაციაში იურიდიულ პირად სასოფლო თემი, სასოფლო ერთობა გამოდის¹⁴⁵.

როგორც ვხედავთ, მკვლევარი უაღრესად დიდ გამბედაობასა და შორსმკვერტელობას იჩენს, როცა სახელმწიფოს წარმოშობამდელ სვანეთისა და ბარის ჩვეულების იგივეობაზე წერს. საინტერესოა რა წყარო არსებობს ასეთ შორეულ წარსულზე ამგვარი დასკვნის გამოსატანად. არამცთუ ასე ადრინდელ, არამედ კოლხეთის, ეგრისისა (ლაზიკის) და აფხაზთა სამეფოების (რომელთა შემადგენლობაში სვანეთიც შედიოდა) ხანაშიც უაღრესად ძნელია მთისა თუ ბარის იურიდიულ ინსტიტუტებსა და ნორმებზე ლაპარაკი. შემდგომ პერიოდში, როდესაც ერთიანი ქართული ფეოდალური მონარქია ჩამოყალიბდა, რომლის ორგანული ნაწილი იყო სვანეთიც, იგულისხმება, რომ ამ სახელმწიფოს სამართალი, ბართან ერთად, მთასაც ეხებოდა (სხვა საქმეა თუ თითოეულ მათგანში ის როგორ ხორციელდებოდა და მოქმედებდა). შემთხვევით როდი წერს იურისტი-მკვლევარი მ. კეკელია: „XIII—XVI საუკუნეების ზემო სვანეთი ფეოდალიზმის ხანაშია... იგი კიდევ უფრო ადრე ეზიარა ცენტრალიზებული საქართველოს მაღალ იურიდიულ აზროვნებას და შეისისხლხორცა იგი. უფრო მეტიც, ზოგიერთი მათგანი (ე. ი. სამართლებრივი ინსტიტუტები — გ. გ.), მხარის სპეციფიკურობიდან გამომდინარე, თავისებურებადაც კი განვითარდა“¹⁴⁶. იმავე მკვლევრის აზრით, სამართალწარმოების ზოგიერთი წესის მხრივ სვანეთი ზოგჯერ ბარის ზოგიერთ რეგიონზეც კი უფრო მაღლა იდგა... ამის მაგალითია ორდალიები, რომელიც საკმაოდ პრიმიტიული წესი ჩანს და ბარის სამართალწარმოებაში გამოიყენებოდა, ხოლო სვანეთის სინამდვილეში უცნობია¹⁴⁷. ამასთან, რაკი სვანეთში ამა თუ იმ თემის საზოგადოება კერძო გადაწყვეტილებებს იღებდა, ეს იმას როდი ნიშნავს, რომ მას სახელმწიფო სამართალი არ ეხებოდა, პირიქით, სვანეთში საერთო სახელმწიფო სამართლის მოქმედების არაერთი მაგალითი მოგვეპოვება, მაგრამ ადგილობრივ საჭირობორტო საკითხებზე თემი იღებს თავის გადაწყვეტილებას (ამაზე ქვემოთ). სვანეთში რომ ფეოდალური სამართალი და საჯარო ხელისუფლება მოქმედებდა, სხვათა შორის, ამას მოწმობს დანაშაულის საჯარო პასუხისმგებლობა, მეჭურჭლის, ხევისთავის, მპარავთმძებნელისა და სხვა ინსტიტუტის არსებობა¹⁴⁸.

145 დასახელებული კრებული, გვ. 65.

146 მ. კეკელია, სასამართლო ორგანიზაცია და პროცესი საქართველოში, გვ. 106.

147 იქვე, გვ. 53—56.

148 სვანეთის საისტორიო ძეგლები, II, გვ. 38, 39, 59, 60.

სვანეთში რომ საერთო ქართული სამართალი მოქმედებდა, მისი ზღვრები იყო თემის გადაწყვეტილებები: ქურდ-მპარავის, ეკლესიის მკრეხელის, წყევლა-შეჩვენების, ფიცისა და გაბრკობის, დანაშაულის, დაურევების, სისხლის გაცულებისა და სხვა (ამ მხრივ საისტორიო ძეგლებში ბარისგან არსებით განსხვავებას სვანეთში ვერ ვხვდებით).

იმის საჩვენებლად, რომ სვანეთის საზოგადოებრივ ურთიერთობაში, ძველთან ერთად, ახალი, წერილობით გაფორმებული წესები მოქმედებდნენ, საკმარისია დავაკვირდეთ ლატალის ერთი სოფლის (ლაპილის) საზოგადოების XIV საუკუნეში დაწერილ „სამაგრობელს“. ამ სოფლის სხვადასხვა წოდების წარმომადგენლები იღებენ ერთობლივ წერილობით გადაწყვეტილებას (რომელსაც „ძუელნი წესნი“ ეწოდება), რომ ვინც ქვეყნის მაჰვი და მავანი დაფაროს და დამტკიცებული დაწერილი შეშალოს, ის „შემცაიცილების სჯულისაგან ქრისტეანობისა. რაიც ქრისტეს შობითგან მადლი ქმნილა, ეკლესია კურთხეულა, მას შიგა... ებისკოპოსი და მღვდელი კურთხეულა და ეპიწირულა, ამა ყუელათა მადლითა და ჭუართა კრულმც არს ცათა შინა და ქუეყანასა ზედა თავი და სისხლი მისი...¹⁴⁹. ამ გადაწყვეტილებას მოსდევს ასევე წერილობით გაფორმებული „ახალნი წესნი“, რომელშიაც ნათქვამია, რომ სოფელს „ჰავთა კაცთა ჰავად ქნაი მოგუეწყინა“, შემდეგ ქურდის ხუთმაგი და ასოცმაგი ფასის (საურავის) გადახედვინებით დასჯაზეა ლაპარაკი, ამასთან: „ვინც ლაპილელსა კაცსა, — გინდა შინაური, გინდა გარეგანი კაცი მაჰვი და მპარვი შეეყაროს, — გინდა მოკლას, გინდა დაკოდოს, რაი გინდა ჰავი უყოს... სისხლი მისი არაი იყოს, ვითა ქრისტეს გამსუიდეღისა იუდასი“¹⁵⁰.

ვფიქრობთ, საზოგადოებრივი ურთიერთობის ასეთი ნორმების აღიარებაში (მით უფრო სისხლის გაცულებას რომელი გვაროვნული და განუვითარებელი ჩვეულება აღიარებს?!), არავითარი ჩამორჩენილობა არ არის, პირიქით, მათ არაფერი საერთო არა აქვთ გვაროვნულ ჩვეულებასთან, ის თავისი დროის მაღალი იურიდიული აზროვნების მაჩვენებელია. ამიტომ უსაფუძვლოა სვანეთის საზოგადოებრივი (სამართლებრივი და სხვ.) ნორმების გამოთიშვა ქართული ფეოდალური სახელმწიფოებრივი ნორმებისაგან.

დ. გოგოლაძის გამოკვლევაში თავისებურადაა განმარტებული მესისხლეობისა და საურავის სისტემა. განსაკუთრებით დამაფიქრებელია იმის განცხადება, თითქოს სვანეთში X—XV საუკუნეებში აზნაურის სისხლი, გლეხთან შედარებით, მხოლოდ ორჯერ მეტი ღირდა (გლეხის 100 ძროხა, ხოლო აზნაურის — 200)¹⁵¹.

149 სვანეთის საისტორიო ძეგლები, 2, გვ. 59.

150 იქვე, გვ. 59—60.

151 დასახელებული კრებული, გვ. 65.

ავტორს უნდა შევახსენოთ კვლევისათვის სათანადო წერილობითი ძეგლების მონაცემების სულ სხვა ეპოქისადმი მისადაგების შეუსაბამობა — თუკი მას აზნაურის სისხლის საურავის ჩვენება უნდოდა, რაღა მაინცდამაინც XIX საუკუნის მეორე ნახევრის ბალსზემო სვანეთის დეგრადირებული აზნაურის სინამდვილე აიღო და მექანიკურად X—XV საუკუნეებს მიაწერა, როდესაც ჩვენს განკარგულებაშია არაერთი წერილობითი წყარო, რომელიც, სწორედ, აღრინდელ პერიოდს ებება და ჩვენს გარდა არაერთ მკვლევარს აქვს განხილული.

ცნობილია და დადგენილია, რომ სვანეთში აზნაურისა და გლების სისხლი (მით უფრო თავადის) მკვეთრად განსხვავდებოდა ერთიმეორისაგან, რომ მიუხედავად გარკვეული თავისებურებებისა, მესისხლეობა და სისხლის საურავი სვანეთში საერთო ქართულ სამართალს ემყარებოდა¹⁵².

საისტორიო ძეგლებში კარგად ჩანს, რომ სვანეთში მთელი საზოგადოება აღიარებდა ვარგ-აზნაურის სისხლის უპირატესობას, ვარგის სისხლი მოხსენიებულია როგორც საპატიო და საუკეთესო სვანის სისხლი, რომ მესისხლეობაში მთელი საზოგადოების საზომი აზნაურის სისხლი იყო (მაგ., ჭაფარიძის, ყიფიანის, იოსელიანის და სხვ.), რომ აზნაურის სისხლი ითვლებოდა სრულ სისხლად, რომელშიც სანახშირო, საზავო, საპირო და სახელო შედიოდა. იმავე ძეგლებში რიგითი აზნაურის სისხლის საურავი კონკრეტულად არ არის განსაზღვრული, მაგრამ თუკი მკვლევარს მაინცდამაინც აღრინდელი აზნაურის სისხლის საურავის ჩვენება და გლების სისხლთან მისი შედარება სურდა, უპირიანი იქნებოდა რამდენიმე საუკუნის წინანდელი მდგომარეობის დასადგენად XIX საუკუნის ეთნოგრაფიულ-ფოლკლორული მონაცემების ნაცვლად აეღო XV საუკუნის ძეგლი — აბესალომ გელოვანის ცნობილი „სასისხლო სიგელი“, რომლის მიხედვით გელოვანის სისხლი 200 ათასი კორმანეულადაა შეფასებული, სანახშირე 40 ათასად, საპირო და საზაო 12 ათასად, საჩინო ადგილზე დალი 12 ათასად და ა. შ.¹⁵³.

მართალია, სასისხლო სიგელების სანდოობა საექვოდაა მიჩნეული, მაგრამ მის მიხედვით X—XV საუკუნეების სვანეთის ფეოდალური წოდების სისხლის საურავის განსაზღვრა მაინც ყოველმხრივ უფრო მისაღები ჩანს, რადგან, ჭერ ერთი, ამ სასისხლო სიგელში ჩამოთვლილი სანახშიროს, საზაოს, საპიროს, სახელოს, გერმისა და სხვა ინ-

¹⁵² მ. კეკელია, ზემო სვანეთის საზოგადოებრივი წყობილებისა და სამართლის საკითხები. — თუს შრომები (138), 1971; გ. გასეიანი. დასავლეთ საქართველოს მთიანეთის ისტორიიდან, გვ. 153—201; მისივე, დასავლეთ საქართველოს მთიანეთის ისტორიის საკითხები, გვ. 197—198.

¹⁵³ საქართველოს სიძველენი, 11, ტფ., 1909, ე. თაყაიშვილის გამოც., გვ. 514.

სტიტუტების არსებობა და მოქმედება სვანეთში ყოველმხრივ დადასტურებულია საისტორიო წყაროებით; მეორეც, თვითონ მკვლევარიც არ უარყოფს სასისხლო სიკვლების მონაცემების საისტორიო დანიშნულებას. აღნიშნულისადმი ანგარიშის გაწევაც შემთხვევაში, დ. გოგოლაძეს არც იმისი განცხადება დასჭირდებოდა, რომ ბარის აზნაურის სისხლი სვანეთთან შედარებით თექვსმეტჯერ განსხვავდებოდა, არც ისტორიზმის პრინციპის დარღვევა და არც შუა საუკუნეების სვანეთის ფეოდალური წოდების სისხლის საურავის ბელოვნური დაკნინება (განა სისხლის საზღაურს ძირითადად სამეფო ხელისუფლება არ განსაზღვრავდა).

მარტო ამით როდი შემოიფარგლება მკვლევრის ტენდენციურობა. მისი განსჯით, XIII—XV საუკუნეების სვანეთში თითქოს გაუდიფერენცირებელი ჩანს სისხლის აღებისა და დაურევების წესი, რაც თითქოს იმაში გამოიხატებოდა, რომ მიუხედავად ფასის სხვაობისა, „ვარგთა და გლებთა თუ მეთემე მდაბიორთა უფლებები თანაბარია“, თითქოს მათ ერთნაირი უფლებები ჰქონდა სისხლი მოეკითხათ და სხვ.¹⁵⁴

წერილობით ძეგლებში აშკარად და ნათლად ჩანს, რომ შუა საუკუნეების სვანეთში, როგორც ხელისუფალი (მელომე, მკვურკლე, ხევისთავეი), აგრეთვე ეკლესია და მთელი საზოგადოება გამობდა ადამიანის მოკვლას, შეპყრობას, ყიდვა-გაყიდვას და სხვ. სვანეთის საისტორიო ძეგლებში მკვლევარი ვერ იპოვის ვერც ერთ შემთხვევას, როდესაც ხელისუფალი და საზოგადოება სანქციას აძლევს სისხლის აღებას, ყველა შემთხვევაში, ლაპარაკია დანაშაულის საზღაურზე¹⁵⁵. ამასთან, არც ერთ საბუთში არ ჩანს აზნაურისა და გლების თანასწორუფლებიანობა; პირიქით, სასისხლო საქმეზე მიღებულ გადაწყვეტილებებში ყველგან აზნაურის პრივილეგიურობა ჩანს, რაზეც არა მარტო მთელი საზოგადოების მიერ აზნაურის ოფიციალური (წერილობითი) ცნობა და საზომად აზნაურის სისხლის აღიარება მეტყველებს, არამედ, ფეოდალური სამართლისამებრ ამ სისხლის დაყოფა „საპატიო სვანის სისხლად“, „ვარგის ანუ აზნაურის სისხლად“, „სრულ სისხლად“, „საუკეთესო სვანის სისხლად“ და ა. შ. თუნდაც ამიტომ, აგრეთვე თვით ფეოდალური სამართლის ბუნებიდან გამომდინარე, რანაირად შეიძლება აზნაურისა და გლების უფლებრივ განთანაბრებაზე ლაპარაკი.

¹⁵⁴ დასახელებული კრებული, გვ. 66.

¹⁵⁵ სვანეთის საისტორიო ძეგლები, II, გვ. 5, 6, 38, 48, 49, 50, 60, 78, 80, 85, 87, 96.

სვანეთის საისტორიო წყაროებში აზნაურისა და გლეხის უფლებ-
რივ უთანასწორობაზე პირდაპირი ჩვენებაც მოგვეპოვება. საქმე
ეხება აზნაური ჯაფარიძეების დამოკიდებულებას ხერგიანებისადმი.
ერთ საბუთში ვკითხულობთ: „ხერგიანის გუარის კაცს აზნაური კაცი
თუ შემოაკედეს, სისხლი ყოფნა გარდახდეს. თუ ხერგიანები იმას შე-
ვაკედეთ, ყი ისი გლებმან კაცმან... თუ სისხლი ვინამე გუღორხოს,
ორი ქუაბის ხერგიანების იყოს, სხვა მკვდარის“¹⁵⁶. აქ ნათლად ჩანს,
რომ აზნაურის სისხლის საურავი ხერგიანებს უყოყმანოდ და უთუოდ
უნდა გადაეხადათ, ხოლო აზნაურების მიერ გლეხის სისხლის გადახდა
სათუო და საექვო ყოფილა (თუ სისხლი ვინმემ გვაღირსოსო), რო-
გორც ჩანს, წოდებრივი უპირატესობისა და ხელისუფლების მხარ-
დაჭერის წყალობით აზნაურები მძლავრობდნენ და გლეხებს ტოლად
არ ცნობდნენ. ასეთი რამ კი უცხო და უცნობია თანასწორუფლებიანი
და სამხედრო დემოკრატიული საზოგადოებისათვის.

აღსანიშნავია ისიც, რომ მიუხედავად ფეოდალური სამართლის
მიერ თავდაზნაურთა წოდების ინტერესების დაცვისა („გლეხის ყვე-
ლაფერი ბატონს ეკუთვნის გარდა სულისა“), პრივილეგიურ წოდე-
ბას გლეხის სიცოცხლის ხელყოფა არ შეეძლო და ამ უკანასკნელს
უფლება ჰქონდა სისხლი და ზარალიც მოეკითხა. ე. ი. ფეოდალუ-
რი სამართლით გლეხის სისხლის დაურევბაც წესი იყო.

სულ სხვა საქმეა რიგითი მოსახლეობის მისწრაფება თავისუფ-
ლებისა და თანასწორუფლებიანობისადმი. სვანეთის საისტორიო ძეგ-
ლებში ხშირად სწორედ ასეთი სულისკვეთებაა გამოხატული. ბუნებ-
რივია, ხელისუფლების სისუსტის, ქვეყნის აშლის პირობებში გლე-
ხური მოსახლეობა თანასწორობისა და თავისუფლებისათვის, გაბატო-
ნებული წოდების უფლებათა შეკვეცისა და ლიკვიდაციისათვის იბრ-
ძოდა. მაგრამ ამ სურვილისა და მისწრაფების რეალიზაცია იოლი
როდი იყო.

როგორც ვხედავთ, შუა საუკუნეების სვანეთის სოციალურ-ეკო-
ნომიკური განვითარების სწორი შეფასებისთვის ხანგრძლივი, საფუ-
ძვლიანი და ყოველმხრივ დაკვირვებული კვლევა-ძიებაა საჭირო, ზო-
გადთეორიული და ნააჩქარევი მსჯელობით სვანეთის განვითარებაზე
ჩვენს მიერ ხანგრძლივი შრომის შედეგად წერილობით ძეგლებზე
დაფუძნებული მოსაზრებების გადასინჯვა რაღაც საშუალოდ მოსა-
ზრებებით შეუძლებელია.

კრებულში მნიშვნელოვანი ადგილი უკავია გ. ძიძიგურის რეცენ-
ზიას, რომელიც ჩვენს მიერ სვანეთის ისტორიისადმი მიძღვნილ გა-
მოკვლევებს მაღალ შეფასებას აძლევს¹⁵⁷. რეცენზენტის აზრით,

¹⁵⁶ სვანეთის საისტორიო ძეგლები, II, გვ. 110.

¹⁵⁷ დასახელებული კრებული, გვ. 96.

ჩვენმა ნაშრომებმა მნიშვნელოვანი როლი შეასრულეს შუა საუკუნეების სვანეთის განვითარების სუბიექტური შეფასების უარყოფაში: „მართალია, დღეისთვის თითქოს აღიარებულია მოსაზრება, რომ შუა საუკუნეებში სვანეთის საზოგადოება განასახიერებდა განვითარების ადრეფეოდალურ სტადიას, მაგრამ მეჩვენება, — წერს გ. ძიძიგური, — რომ აღნიშნული დასკვნა მომგებიან, ე. წ. ოქროს საშუალოს უფრო წარმოადგენს, ვიდრე ჩაღრმავებული კვლევა-ძიების შედეგს. საზგასმით უნდა აღინიშნოს, — განაგრძობს ავტორი, — რომ ამ მხრივ სარეცენზიო შრომები (ე. ი. ჩვენი ნაშრომები — გ. გ.) შენიშვნებს არ იმსახურებენ, მათში იშვიათად შეხედებით ზოგად, აპრიორულ მსკელობებს, დასკვნები, როგორც წესი, მიღებულია ემპირიული მასალის ანალიზის საფუძველზე და ობონენტის მხრივ მათი უარყოფა შეუძლებელია, თუ ვერ შესძელი თვით ავტორის მიერ დამოწმებული წყაროების განსხვავებული ინტერპრეტაცია“¹⁵⁸.

ჩვენი გამოკვლევების მაღალ შეფასებასთან ერთად გ. ძიძიგური იძლევა რიგ შენიშვნებს, რომელთა ნაწილი, ჩვენი აზრით, გასათვალისწინებელია. ნაწილიც სადავოა ან უმართებლო. რეცენზენტი სვანეთის ისტორიის საფუძვლიან ცოდნასა და მართებულ გაგებას ამჟღავნებს, მისი შენიშვნები ხშირად წყაროების განსხვავებულ ანალიზსა და გაგებას ემყარება, რითაც გ. ძიძიგურის შენიშვნები მართლაც გამოირჩევა ზოგიერთი მკვლევრის მეტრამეტად თამამი და ზერელე დასკვნებისაგან.

რეცენზენტს ნაწილობრივ ვერ გაუგია მიწისმფლობელობის ჩვენჯული კლასიფიკაცია: 1. ფეოდალურ ანუ აზნაურულ-საეკლესიო; 2. ინდივიდუალურ-გლეხური, ანუ ალოდიალური და 3. სასოფლო-თემური (საერთო) მფლობელობა. ასეთი დაყოფის ნაცვლად მას უფრო მართებულად ეჩვენება: პირველ პუნქტში, ფეოდალურში გავკვირთიანებინა „ინდივიდუალურ-გლეხური“. ამ შემთხვევაში პირველ პუნქტში მივიღებდით „ფეოდალურ ანუ საბატონო და საგლეხო მიწისმფლობელობას“; „მეორე — „ალოდიალურს“, ხოლო მესამესთან დაკავშირებით არ გვედავება, ოღონდ, მისი აზრით, ჩვენ აქვე უნდა გაგვემართა სოფლურ მფლობელობასთან გვაქვს საქმე თუ საკუთრებასთან¹⁵⁹. აქ შეინიშნება რეცენზენტის დაუკვირვებლობა. საქმე ასაა, რომ პირველი და მეორე პუნქტი საკუთრების პრინციპით დაეალაგეთ: პირველ პუნქტში აზნაურებისა და ეკლესიის მიწა მოვაქციეთ, ე. ი. ფეოდალური საკუთრება; ბუნებრივია, ფეოდალურში ის მიწა იგულისხმება, რომელიც გაბატონებულ წოდებას ეკუთვნოდა კერძო სა-

¹⁵⁸ დასახელებული კრებული, გვ. 96—97.

¹⁵⁹ იქვე, გვ. 98.

კუთრების უფლებით (მაგალი — „ვოტჩინა“), ეს მიწა ორ ნაწილად იყოფა: ერთ ნაწილზე, მესაკუთრის, უშუალო მეურნეობა იყო მოწყობილი, მეორე კი გლეხებს ჰქონდათ ნადელის სახით (სარგებლობის და არა კერძო საკუთრების უფლებით). მაშასადამე, ფეოდალურ მიწისმფლობელობაში იგულისხმება ის მიწა, რომელსაც უშუალოდ ფეოდალი ფლობდა და ისიც, რომელიც საბაზო და საბეგროდ ჰქონდა გლეხს მიღებული (ამ უკანასკნელის გარეშე ფეოდალური მიწისმფლობელობა წარმოუდგენელია!). მეორე პუნქტში კი მოვალეობა ადოლური მიწისმფლობელობა, ის მიწა, რომელიც გლეხს ეკუთვნოდა ინდივიდუალურად (საკუთრების უფლებით). ამიტომ ინდივიდუალურ-გლეხური საკუთრების ფეოდალური საკუთრებისადმი მიკუთვნება, როგორც ამას ოპონენტი გეთავაზობს, შეცდომა იქნებოდა.

რაც შეეხება მესამე პუნქტს, აქაც ყველაფერი თავის ადგილზე დგას, სვანეთში საქმე გვაქვს საძოვრებისა და შორეული ტყეების საერთო-კოლექტიურ მფლობელობასთან, ისინი სოფლებს ეკუთვნოდა და მათი კერძოდ დაჩემების უფლება არაეის ჰქონდა.

რეცენზენტი ეხება გლეხთა ვალდებულებას სვანეთში და შენიშნავს, რომ ამ ვალდებულების საფუძველი შესაძლოა აზნაურის მიერ გლეხის მიწისადმი ხელდება კი არ იყოს, არამედ პოლიტიკური იძულება¹⁶⁰. აღნიშნულ შემთხვევაში რეცენზენტი ფაქტობრივად იმას იმეორებს, რასაც ჩვენ არაერთგან ვამბობთ. ჩვენი აზრით, სვანეთში და საქართველოს სხვა კუთხეებში, სადაც მიწის დიდი სიმცირე იგრძნობოდა, მიწა ფეოდალურმა წოდებამ კი არ ათვისა (როგორც ეს რუსეთში ხდებოდა ზოგჯერ), არამედ თავიდანვე მატერიალური დოვლათის მწარმოებელ მასას ჰქონდა ათვისებული და დაჩემებული, ხოლო შემდეგ მას ფეოდალებმა და სახელმწიფომ დაადეს ხელი, დროთა მსვლელობაში პრივილეგიებულმა წოდებამ და სახელმწიფომ შეძლეს გლეხთა უფლების შეზღუდვა და მათი მიწის მოვიცება¹⁶¹. თუ ერთ შემთხვევაში მემამულეებმა და სახელმწიფომ შეძლეს სრულიად წაერთმიათ გლეხისათვის მიწა (სხვაგან გადაეხადებინათ ის), მეორე შემთხვევაში, მიწით სარგებლობის უფლება გლეხს სიგელით განესაზღვრა, მესამე შემთხვევაში, გლეხები ითვლებოდნენ „თავისი მიწის“ მემკვიდრეობით მფლობელად, ხოლო მესაკუთრე ფეოდალთა უფლებები მხოლოდ გარკვეული გადასახადების გადახდევინებით შემოიფარგლა¹⁶².

160 დასახელებული კრებული, გვ. 99.

161 გ. გასკიანი, დასავლეთ საქართველოს მთიანეთის ისტორიანი, გვ. 77.

162 А. Л. Шапиро, О природе феодальной собственности на землю, — Вопросы истории, 1969, №12, с. 57—72.

ფეოდალიზმის ეპოქაში, — წერდა მარქსი, — უმაღლესი ძალა-
უფლება სამხედრო და სამოქალაქო საქმეში — მიწის საკუთრების
ატრიბუტი იყო¹⁶³. ე. ი. მმართველობაში და სამხედრო საქმეში პო-
ლიტიკური ძალაუფლების მოპოვება აზნაურობას გაბატონებულ ძალად
აქცევდა¹⁶⁴.

როგორც ვხედავთ, გლეხთა ვალდებულება (ბეგარა და სხვ.) თავ-
დაპირველად სხვადასხვა საფუძველზე აღმოცენდა, მაგრამ ვ. ი. ლე-
ნინის მითითებით, საბოლოო ჯამში, ის ყველგან და ყოველთვის პო-
ლიტიკურ იძულებაზე და ძალმომრეობაზე იყო დაფუძნებული¹⁶⁵.

რაც შეეხება რეცენზენტის მსჯელობას, რომ მწარმოებელი სა-
ზოგადოება ნატურით და შრომით ვალდებულებას ასრულებდა, რო-
გორც ადრეფეოდალურ, აგრეთვე განვითარებულ ფეოდალურ ხანაში,
ის სწორია. მაგრამ ექსპლუატაციის განუვითარებელი თუ განვითარე-
ბული ფეოდალური ურთიერთობის განსაზღვრა მარტო ზემოსხენებუ-
ლი ფორმების გათვალისწინებით შეუძლებელი და სასიფთოა. რად-
გან ფეოდალური ურთიერთობის ბასიათის განსაზღვრა არაერთ სხვა
გარემოებაზეცაა დამოკიდებული.

გ. ძიძიგური ეხბა მიწის საკუთრების ფორმებს და აღნიშნავს, რომ
სვანეთში მიწის კერძო საკუთრება ბატონობდა ალოდიალური საკუთ-
რების სახით, თუმცა საეკვოდ მიაჩნია, რომ ასეთი საკუთრების
წყარო სვანეთში «გლეხური რევოლუცია» ან მიწის გამოსყიდვა ყო-
ფილიყო¹⁶⁶.

ჩვენს ნაშრომებში არაერთგან ვუსვამთ ხაზს, რომ სვანეთში მი-
წაზე კერძო საკუთრება ბატონობდა, მაგრამ ჩვენ არსად არ ვამტყი-
ცებთ რეცენზენტის მიერ აქ წამოჭრილ მოსაზრებას. როდესაც ჩვენ
საკუთრების საკითხზე ვმსჯელობთ, ვწერთ, რომ სვანეთში მიწის სა-
კუთრების გაბატონებულ ფორმას ფეოდალური საკუთრება წარმო-
ადგენდა და იქვე დავძენთ, რომ ამასთან, ალოდიალურ საკუთრებასაც
მნიშვნელოვანი ადგილი ეკავა¹⁶⁷. თუმცა მიუხედავად ამისა, სათანა-
დო ცნობების უქონლობის გამო, ფეოდალური და ალოდიალური მი-
წათმფლობელობისა და საკუთრების თანაფარდობის ზუსტი განსა-
ზღვრა ძნელია და სადავო. რაც შეეხება ალოდიალური საკუთრების

¹⁶³ К. Маркс и Ф. Энгельс, Соч., т. 23, с. 334.

¹⁶⁴ გ. გასვიანი, დასახელებული შრომა, გვ. 89.

¹⁶⁵ К. Маркс и Ф. Энгельс, Соч., т. 25, ч. II, с. 361; ვ. ი. ლე-
ნინი, თხ., ტ. 3. გვ. 208; გ. გასვიანი, დასახელებული შრომა, გვ. 99,
145—146.

¹⁶⁶ დასახელებული კრებული, გვ. 99.

¹⁶⁷ გ. გასვიანი, დასახელებული შრომა, გვ. 76—110.

წარმოშობას, ჩვენ არაერთგან აღვნიშნავთ, რომ მისი თავდაპირველი წარმოშობის საფუძველი მწარმოებელი საზოგადოების მიერ მიწის ათვისება და დაპატრონებაა (გვარონული წყობილების რღვევისა და კლასობრივი საზოგადოების წარმოშობის პროცესში)¹⁶². ამასთან, ჩვენ ვითვალისწინებთ იმასაც, რომ საქართველოს ცენტრალიზებული სამეფოს დაშლა-დაქუცმაცებულობის შემდეგ სვანეთის საერისთავოც დაეცა. სამეფო და საერისთავოს ხელისუფალთა ძალაუფლების ლიკვიდაციის შედეგად მეფისა და ერისთავის მოლაშქრე ფენა თავისუფალი დარჩა, ამასთან, ამას დაემატა კლასობრივ და შინაკლასობრივ ბრძოლაში გამჭრალ აზნაურთა გლეხები და საბოლოო ჯამში გლეხთა თავისუფალი ფენა ჩამოყალიბდა (მით უფრო ე. წ. თავისუფალ სვანეთში). ყოველივე ამის შედეგია გვიან საშუალო საუკუნეებში სვანეთში კერძო მესაკუთრე გლეხთა თავისუფალი კატეგორიის არსებობა და არა მხოლოდ კლასობრივ ბრძოლაში თუ სხვა გზით მოპოვებული წარმატების შედეგი¹⁶³.

გ. ძიძიგურის შემდეგი შენიშვნა ეხება სვანეთს ეკლესიის რაობის გაშუქებას. ის სვამს საკითხს — იყო თუ არა სვანეთის ეკლესია ფეოდალური ორგანიზაცია? მართალია, გ. ძიძიგური დაბეჭდვით არაფერს ამბობს, მაგრამ უფრო იქითკენ იხრება, რომ ე. წ. ეკლესიის მიწა ფაქტობრივად „ერთობილი კოლექტიური საკუთრება იყო“. რეცენზენტი არ უარყოფს ეკლესიის ექსპლოატატორულ ხასიათს, მაგრამ, მისი აზრით, „ეს იქნებოდა ფეოდალური ექსპლოატაცია, ექსპლოატატორი კერძო მიწათმფლობელი რომ ყოფილიყო და არა კოლექტივი“¹⁷⁰.

შუა საუკუნეების სვანეთის ეკლესიის ფეოდალურ ხასიათზე არაერთ გამოკვლევაში ვიმსჯელებთ¹⁷¹. ამასთან, არაერთგან აღვნიშნეთ ისიც, რომ საეკლესიო თემი, როგორც „ერთობილი ორგანიზაცია“ საქართველოს სხვა კუთხეებსაც (მაგ., რაჭა-ლეჩხუმს, იმერეთს, კახეთსა და სხვ.) ახასიათებდა. ამავე დროს, ეკლესიის მესვეური რომ კერძო მიწისმფლობელი და ექსპლოატატორი იყო (მაგ., სეტის ეკლესიის ქორეპისკოპოსი სეტიელი), ესეც თავის დროზე მივეუთითეთ¹⁷². აქ მხოლოდ იმას დავუმატებთ, რომ მიუხედავად მიწის სიმცირისა,

168 გ. გასვიანი, დასავლეთ საქართველოს მთიანეთის ისტორიიდან, გვ. 77, 87, 90, 97, 201—241; მისივე, დასავლეთ საქართველოს მთიანეთის ისტორიის საკითხები, გვ. 213—216, 219—220 და სხვ.

169 დასახელებული კრებული, გვ. 102.

170 დასახელებული კრებული, გვ. 112.

171 გ. გასვიანი, დასავლეთ საქართველოს მთიანეთის ისტორიიდან, გვ. 94.

172 იქვე, გვ. 128—135.

მღვდელმთავარი სეტიელის (ფალიანის) მიერ სხვადასხვა პირისაგან მიწის ნასყიდობის რვაზე მეტმა საბუთმა მოაღწია ჩვენამდე¹⁷³. რაც შეეხება „ერთობილს“, ის სვანეთში ფეოდალური ურთიერთობის განუვითარებლობაზე თუ განვითარებულობაზე არაფერს გვეუბნება, რადგან ეს არა მარტო საეკლესიო, არამედ საერო სფეროშიც ხშირად ფიგურირებს ბარის საქართველოს სინამდვილეში. ამიტომ სვანეთის საისტორიო ძეგლებში მოხსენიებული „ერთობილი“ გამოჩაყლისი არ არის და ის სვანეთის საზოგადოების გვაროვნულობისა და ადრეკლასობრივი ხასიათის მაჩვენებლადაც არ გამოდგება.

გ. ძიძიგური იზიარებს მოსაზრებას სვანეთის საზოგადოების კლასობრივ დაყოფაზე და აზნაურის ცალკე წოდებად ჩამოყალიბებაზე, მაგრამ გაურკვეველად ეჩვენება, „თუ რა იყო სვანეთის საზოგადოების პრივილეგირებული ფენის უპირატესობის საფუძველი — ძალა, ქონება თუ წოდება“. ვფიქრობთ, აქ სათუო და სადავო არაფერია. ფეოდალური წოდების უპირატესობის საფუძველს წარმოადგენს წოდებაც, ქონებაც და ძალაც. ფეოდალური ურთიერთობისათვის დამახასიათებელია „გლეხთა რეგულარული ძარცვის სისტემაც“. რეცენზენტი არც იმას უარყოფს, რომ სვანეთში აზნაურებს მაღალი სამოხელეო თანამდებობები ეპყრათ, მაგრამ რაკი აზნაური „ერთობილი თემის“ წევრად ფიგურირებს და საბუთებში მისი უფლებამოსილება ცალკე არაა ფიქსირებული, ეს იმის მაჩვენებლად მიაჩნია, რომ ის და გლეხი პოლიტიკურად თანასწორუფლებიანი იყვნენ, რასაც თითქოს ისიც მოწმობს, რომ მთელი თემი თავადს ერთსულოვნად უპირისპირდებოდა¹⁷⁴.

ზემოთ უკვე აღვნიშნეთ, რომ „ერთობილს“ არაფერი აქვს საერთო მასში მოხსენიებული საზოგადოების სოციალურ და პოლიტიკურ თანასწორუფლებიანობასთან, ის მხოლოდ მის ქვეშ მოხსენიებულ სხვადასხვა წოდების წარმომადგენელთა ზოგად ერთობას გამოხატავს. ეს რომ ასეა, ეს ადრეც ცხადვეყავით ბარის საქართველოს სათანადო საბუთებით¹⁷⁵. აქაც უნდა დავძინოთ, რომ ამას ადასტურებს აგრეთვე დასავლეთ და აღმოსავლეთ საქართველოს ბარის წერილობითი საბუთები, მათ შორის ქართლის მეფის 1661 წლის ახლო ხანების ბრძანება ზემო იმერლებისადმი: „ქ. მეფეთ-მეფე შაჰნავაზ უზუნთაესთა მოვახსენებთ და უქვედაესთა გიბრძანებთ, ერთობილნო ბუჯახწყალს ზედათნო, ზრეთთანთ ღიხის მთამდი. მერე, თქუენი სარდრო-

173 სვანეთის საისტორიო ძეგლები, II, გვ. 79, 82, 83, 84.

174 დასახელებული კრებული, გვ. 105.

175 გ. გასვიანი, დასავლეთ საქართველოს მთიანეთის ისტორიიდან. გვ.

ბა ზაალ წერეთლისათვის გუიბოძებია და რომელიცა ჩუენი სამსახუ-
რი: ან ლაშქრობა, ან ნადირობა და ან სხვა რამე დაგპატიჯოს ყუე-
ლახედ მოუდევით და ნურას საქმეზედ ნუ დაეურჩებით“¹⁷⁶. როგორც
ცნობილია, ზემო იმერეთის საზოგადოება სხვადასხვა წოდებისაგან შე-
დგებოდა, მაგრამ მეფისა და ქუეყნისადმი სამსახური ყველას განურ-
ჩევლად ევალებოდა, ერთობილში მოხსენიებული სხვადასხვა წოდების
ვალდებულების გაუმიჯნობას არაფერი აქვს საერთო მათ სოციალურ
თუ პოლიტიკურ თანასწორუფლებიანობასთან. აფხაზეთის კათალიკო-
სის გრიგოლ ლორთქიფანიძის 1706 წლის საბუთში „ერთობილის“
ქვეშ ასევე მოხსენიებულია: მეფე-დედოფალი, დადიან-გურიელი,
თავად-აზნაური, დიდ და მცირე, მღვდელმსახური და გლეხი და
სხვ.¹⁷⁷ მაგრამ ამას რა საერთო შეიძლება ჰქონდეს აქ ჩამოთვლილთა
თანასწორუფლებიანობასთან? ასევე, XVIII საუკუნის დასასრულის
საბუთებში „ერთობილი“ ტერმინით მოიხსენიება ხონისა და მათხო-
ჯის თემების მთელი საზოგადოება (აზნაური, გლეხი, სასულიერო წო-
დება და სხვ.)¹⁷⁸.

რაც შეეხება იმას, რომ სვანეთში ზოგჯერ მთელი თემი უპირის-
პირდებოდა „თავადს“, არც ამაშია რაიმე უცნაური, რადგან მოძა-
ლადეს და უღების დამღებს ხშირად აზნაურიც უპირისპირდებოდა და
გლეხიც (რაც ნათლად ჩანს ქართლის ზემოაღნიშნული მაგალითიდანაც).

გ. ძიძიგური არ უარყოფს სვანეთის აზნაურთა ცალკე, სოცია-
ლურ წოდებად ჩამოყალიბების ფაქტს, მაგრამ მიაჩნია, რომ აზნაუ-
რები ეთგვაროვანნი იყვნენ და სვანეთის აზნაურთა დაყოფა სხვადა-
სხვა ფენად (კატეგორიად) და განსხვავებული სისხლის მქონედ გა-
ზვიადებული ეჩვენება. მისი აზრით, სვანეთის აზნაურთა ამგვარი და-
ყოფა ბარის სინამდვილის განმეორება და მიბაძვია¹⁷⁹.

ნაშრომებში, წერილობით წყაროების საფუძველზე, შევეცადეთ
დაგვესაბუთებინა, რომ სვანეთის აზნაურები „დიდ და მცირე კატე-
გორიებად იყოფოდნენ“¹⁸⁰. ამასთან, აბესალომ გელოვანის სასისხლო
სიგელიდანაც ჩანს, რომ აზნაურები ერთიმეორისაგან განსხვავდებო-
დნენ გვარჩამომავლობით, ქონებრივი შეძლებით, მოხელეობით (თანა-
მდებობით) და სხვა. ბუნებრივია, ეს იმ დასკვნის უფლებას გვაძლევს,
რომ მათი სისხლის საურავიც განსხვავებული იყო.

¹⁷⁶ ისტორიული დოკუმენტები... თბ., 1959, შ. ბურჯანაძის გამოც., გვ. 33.

¹⁷⁷ დასავლეთ საქართველოს საეკლესიო საბუთები, წ. 1, გვ. 94.

¹⁷⁸ იქვე, გვ. 11, გვ. 77, 79.

¹⁷⁹ დასახელებული კრებული, გვ. 106.

¹⁸⁰ გ. ვასიანი, დასავლეთ საქართველოს მთიანეთის ისტორიიდან, გვ.

დავუშვათ, ჩვენ მხოლოდ ზოგადად ვიცით სვანეთის აზნაურთა წარმოშობა. ხოლო მათ დიფერენციაციაზე არავითარი საბუთი არ მოგვეპოვება: ვფიქრობთ, ასეთ შემთხვევაშიც ნათლად შეგვეძლო გვევარაუდნა. რომ ყველა მათგანი ერთ ღონეზე ვერ გაიყინებოდა; ამის საფუძველს გვაძლევს: ჯერ ერთი, ის, რომ რაკი საზოგადოების დიფერენციაცია მოხდა და აზნაურთა წოდება გაჩნდა, ერთხელ წარმოშობალი აზნაურობა X საუკუნიდან XIX საუკუნემდე სტატიკურ მდგომარეობაში ვერ დარჩებოდა. მეორეც, ჩვენთვის კარგადაა ცნობილი, რომ ბარის საქართველოს კვალდაკვალ თავადები (მაგ., გლოვანები, დადიშქელიანები და გარდაფხაძეები) სვანეთშიც წარმოიშვენ და ჩამოყალიბდნენ. განა ეს იმისი პირდაპირი მაჩვენებელი და მოწმობა არ არის, რომ შუა საუკუნეებში სვანეთის აზნაურთა დიფერენციაციაც განხორციელდა?!

ყოველივე ამის გამო არც ის არის საკვირველი, რომ სვანეთის აზნაურთა კატეგორიებად დაყოფა საერთო ქართული სამართლის ძეგლების კვლობაზე და მეშვეობით გვევარაუდებინა, რადგან, ჯერ ერთი, ამ ძეგლებში (მაგ., „ქართლის ცხოვრებაში“) პირდაპირ სახელდებათაა აღბეჭდილ-ფიქსირებული სვანი „მოხვევებისა“ და „დიდებულების“ მნიშვნელოვანი როლი საქართველოს ცენტრალიზებული სახელმწიფოს პოლიტიკურ და სოციალურ წარმატებაში: მეორე, ანგარიშვასაწვეია ისიც, რომ ერთიან სახელმწიფოში აზნაურის წოდებას, უპირველეს ყოვლისა, მეფის ხელისუფლება აწესებდა, ბუნებრივია, სისხლის საურავიც სახელმწიფო სამართლით იყო განსაზღვრული: მესამე, განა ჩვენ საქართველოს ყველა კუთხის სოციალურ წოდებებზე, მით უფრო ადრინდელ პერიოდზე (მაგ., სამეგრელოს, გურიის, რაჭა-ლეჩხუმის და სხვ.), ყოველთვის ამომწურავი წერილობითი დოკუმენტური მასალა მოგვეპოვება? მაგრამ, საჭირო შემთხვევაში, ამ კუთხეთა სოციალური მდგომარეობის გასარკვევად საერთო ქართულ წერილობით წყაროებს ვიყენებთ და ვეყრდნობით, ამიტომ ამ სახელმწიფოს ორგანული შემადგენელი ნაწილი — სვანეთი — გამოჩაყლისი არ შეიძლებოდა ყოფილიყო.

ყოველივე აქედან გამომდინარე, გვაქვს საფუძველი სვანეთის სინამდვილე ზოგიერთ სფეროში საერთო ქართული წყაროების საფუძველზეც წარმოვადგინოთ.

სხვათა შორის, მკვლევარ გ. ძიძიგურს რატომღაც ვერც ჩვენს ნაშრომებში და ვერც სვანეთის საისტორიო ძეგლებში ვერ შეუნიშნავს იმისი მაგალითები, რომ ესა თუ ის აზნაური სვანეთში მამულს თავისი უშუალო სიუზერენის ნებართვით ასხვისებდა, ამიტომ მას ექვი ეპარება სვანეთში აზნაურის მამულის იერარქიულობაში¹⁸¹.

¹⁸¹ დასახელებული კრებული, გვ. 107.

აღნიშნულზე ფართოდ ვიმსჯელებთ სვანეთისადმი მიძღვნილ პირველ მონოგრაფიაში¹⁸², აქ კი მოკლედ უნდა დავძინოთ, რომ სვანეთის სინამდვილეში ამისი ნიმუშია აზნაური გელოვანები. მათ მიერ დაწერილი წერილობითი საბუთიდან კარგად ჩანს, რომ ისინი თავიანთი სიუზერენ (პატრონ) მიქელაიძის ნებართვით სწირავენ ეკლესიას ორ ადგილმამულს და მიუხედავად ეკლესიის განკარგულებაში გადასვლისა, ისინი ძველი პატრონისადმი ვალდებულიც რჩებიან¹⁸³, რაც იმისი უთუო საბუთიცაა, რომ სვანეთშიც არსებობდა მიწის დანაწევრებული და საზიარო საკუთრება ანუ იერარქიული საკუთრება.

ახლა იმაზე, თუ როგორ ვაფასებთ და როგორ შეიძლება შეფასდეს შუა საუკუნეთა სვანეთის სოციალურ-ეკონომიკური განვითარება.

ზოგიერთი მკვლევარი შენიშნავს, რომ ჩვენს გამოკვლევებში ამ კითხვაზე პირდაპირი და კატეგორიული პასუხი არსად არის გაცემული. სხვა მკვლევარებს კი ეჩვენებათ, რომ მიუხედავად ამისა, ჩვენ სვანეთს მივიჩნევთ განვითარებულ ფეოდალურ ქვეყნად. რადგან მისი ისტორიის საკითხების გაშუქებისას არაერთგან ვხმარობთ გამოთქმას — „ფეოდალურ-ბატონყმური ურთიერთობა, მიწის იერარქიულია“ და სხვ., რაც თითქოს იმის მაჩვენებელია, რომ სვანეთს განვითარებული საზოგადოებრივ-ეკონომიკური წყობილების მქონედ მივიჩნევთ. თითქოს ამას მოწმობს ჩვენს მიერ სვანეთის საზოგადოების ნიშნების დახასიათებაც¹⁸⁴. გ. ძიძიგური არ უარყოფს იმას, რომ სხვადასხვა საკითხების განხილვის დროს, ჩვენ არაერთგან ვუძნავთ ხაზს სვანეთის საგრძნობ ჩამორჩენილობას ბარის საქართველოსთან შედარებით¹⁸⁵.

როგორც ზემოთ დავინახეთ, სვანეთის განვითარების შეფასებაში დაახლოებით ასეთივე შენიშვნას გვაძლევს მკვლევარი დ. გოგოლაძე, რომელიც სვანეთის საზოგადოებრივ-ეკონომიკურ განვითარებას კატეგორიულად აფასებს როგორც ადრეფეოდალური ურთიერთობის კლასიკურ ნიმუშს¹⁸⁶.

აქ ჩვენ უფრო გ. ძიძიგურის შენიშვნა გვაკვირვებს, მან კარგად იცის, რომ ფეოდალური საქართველოს ისტორიისაგან სვანეთის წარსულის ხელოვნური იზოლირება და ან ხელოვნურად გამოთიშვა (ამ უკანასკნელის სრულიად სხვა ფორმაციისთან დაკავშირების მცდელო-

182 გ. გასვიანი, დასავლეთ საქართველოს მთიანეთის ისტორიიდან, გვ. 76—110.

183 სვანეთის საისტორიო ძეგლები, 11, გვ. 17.

184 დასახელებული კრებული, გვ. 97.

185 იქვე.

186 იქვე, გვ. 61, 62, 63, 71.

ბა) უსაგნო ვარჯიშობაა. ამის მიუხედავად შეგვნიშნავს, რომ პირდაპირ არ ეიძლევიტ სვანეთის განვითარების ფორმაციულ შეფასებას.. ამავე დროს, რაკი სვანეთი წარმოადგენდა საქართველოს ორგანულ ნაწილს, ამიტომ, რასაკვირველია, მისი განვითარება მთლიანობაში — ზოგადქართული მნიშვნელობით და მასშტაბით — უნდა განვიხილოთ.. კიდევ მეტი, თვითონ მკვლევარმა კარგად იცის, რომ «განვითარებული ფეოდალური საზოგადოება არ გულისხმობს და არც მოითხოვს ქვეყნის ცალკეულ რეგიონებში (ბარში თუ მთაში) წარმოებით ურთიერთობათა თანაბარ დონეს, მათ ერთგვაროვნებასა და ერთსახოვნებას»¹⁸⁷.

ვფიქრობთ, ამ დასკვნის შემდეგ გ. ძიძიგურს ჩვენთან არაფერი სადავო არ უნდა ჰქონოდა, მაგრამ რატომღაც მაინც გვედღეება.

სვანეთის სოციალურ-ეკონომიკური განვითარების ე. წ. გვაროვნული თეორიის გარჩევისას არა მარტო ის ცხადვყოფი, რომ სვანეთი ფეოდალური კუთხე იყო, არამედ დასკვნებში ხაზგასმით აღვნიშნეთ ისიც, რომ საქართველოს ერთიანი სახელმწიფოს პოლიტიკურმა უაშლად-დაქუცმაცებამ სვანეთი ჩიხში მოაქცია, ამასთან დაკავშირებით პირდაპირ ვწერთ: «ცხადია, სვანეთში ზრდადაუსრულებელი ფეოდალიზმის განვითარება, რაც საქართველოს ერთიანობის დროს მიმდინარეობდა, შეწყდა»¹⁸⁸.

მიწისმფლობელობისა და გეოგრაფიული მდებარეობის დაზასიათებლს დასკვნით ნაწილში აღვნიშნავთ: «საქართველოს პოლიტიკური დაშლის შედეგად შექმნილმა კონკრეტულმა პირობებმა სვანეთში ფეოდალიზმის განვითარება შეაფერხა და ბალსზემო ნაწილში წვრილ-ახნაურული მეურნეობა გაბატონდა. ცხადია, ფეოდალიზმი ბუნებრივი და ნორმალური გზით რომ განვითარებულიყო სვანეთში... ასეთა ვითარებაშიც ის ბარის მეურნეობის მასშტაბს ვერ მიაღწევდა»¹⁸⁹.

გლებთა ვალდებულებისა და ექსპლუატაციის შეჯამებისას ვწერთ: «ისევე როგორც მიწისმფლობელობის, აგრეთვე ფეოდალური ბეგარა-ვალდებულების მასშტაბის და ნაირფეროვნების ძხრივ სვანეთი ქვეყნის ბარის განვითარებულ რაიონებს საგრძნობლად ჩამორჩებოდა»¹⁹⁰. აქვე აღვნიშნავთ: «მთური მდებარეობის გამო სვანეთის მეურნეობა შეზოქილი იყო, რაც ფეოდალური მეურნეობის განვითარებას ზღუდავდა და დამოკიდებული წოდების მსუბუქ და მარტივ ბეგარა-

187 დასახელებული კრებული, გვ. 114.

188 გ. ვასვიანი, დასაუღეთ საქართველოს მთიანეთის ისტორიან. გვ. 107.

189 იქვე, გვ. 111.

190 იქვე, გვ. 151.

191 იქვე, გვ. 59, 60, 82, 152.

უაღლებულებას განსაზღვრავდა“¹⁹¹. ასევე, არაერთგან შეენიშნავთ, რომ სვანეთს არაერთი სპეციფიკური თავისებურება ახასიათებდა, ასეთ თავისებურად მივიჩნიეთ ე. წ. ბალსზემო სვანეთის ეითარება და სხვ.¹⁹².

შემდეგ, სვანეთის მთურ-ვიწროეკონომიკური ბაზის დახასიათებისას, ვწერთ: „უეჭველია, რომ მთა თავისი ეკონომიკით ბარს ჩამორჩებოდა. რომ მთაში ზედმეტი პროდუქტის წარმოება და მისი მითვისება. ბართან შედარებით, მცირე მასშტაბით ხასიათდებოდა“¹⁹³.

ექსპლოატაციის მასშტაბზე მსჯელობისას ვწერთ: „ამ მხრივაც სვანეთი ვერ შეედრებოდა ბარის საქართველოს, მაგრამ მიუხედავად ყველაფრისა, არც მთურ მდებარეობას და არც შედარებით მწირ ეკონომიკას არ შეეძლო ზედმეტი პროდუქტის წარმოების გამოტყვევა. ასევე შეუძლებელი იყო შუა საუკუნეების ეპოქაში სვანეთის საზოგადოებრივ-ეკონომიკური ცხოვრების ერთ წერტილზე გაყინვა. მიუხედავად მთური მდებარეობისა, სოციალურ-ეკონომიკური დიფერენციალა და კულტურის განვითარება სვანეთში კუთხის მასშტაბისდაკვალად იკაფავდა გზას“¹⁹⁴.

აღნიშნულთან დაკავშირებით იმასაც ვწერთ, რომ „თუ ზოგიერთ მკვლევარს დაუეჭრებთ, მთაში (რომლის გარემო რამდენიმე საუკუნეში თითქმის არ შეცვლილა) საზოგადოებაც უცვლელი იყო—პირველყოფილურ დონეზე უნდა გაქვავებულიყო (სწორედ ასეთი შეხედულების ნაყოფად მივიჩნიეთ მთაში გვაროვნულ-პირველყოფილი წყობილების ესოდენ გამძლეობისა და ხანგრძლივი არსებობის ოდიოზური თეორია). ბოლო ბარის განვითარება ყველგან ინტენსიურ-ზეალმაღალი ხაზით უნდა წარმართულიყო. მაგრამ ყველაფერი ასე როდია...“¹⁹⁵.

სვანეთის გეოგრაფიული გარემოს დახასიათებისას, პირველ რიგში, ვეყრდნობით ცნობილ მარქსისტულ დებულებას, რომ გეოგრაფიული ვარემო ანელებს (ამუხრუქებს) ან აჩქარებს (ხელს უწყობს) საზოგადოების განვითარებას და დაეძინთ, რომ მთიან-მწირი მდებარეობა თეოდალიზმის განვითარების მასშტაბს ზღუდავდა. ამასთანავე, ხაზგასმით ვწერთ: „მიუხედავად ამისა, მთურ მდებარეობას არ შეეძლო საზოგადოების განვითარების შეჩერება, მის ერთ წერტილზე გაყინვა, მით უფრო, რომ სვანეთი წარმოადგენდა სოციალურად და კულტურულად მაღალგანვითარებული საქართველოს ორგანულ და განუყოფელ ნაწილს, რომლის ტერიტორია არცთუ ისე

192 იქვე, გვ. 230—239.

193 იქვე, გვ. 211.

194 იქვე, გვ. 211, 216.

195 იქვე, გვ. 212.

ურცელი იყო. ცნობილია, რომ საქართველოს მთისა და ბარის ცხოვრება ერთიმეორესთან იყო გადაკვანძული¹⁹⁶.

ჩვენს ნაშრომებს ყველგან წითელ ზოლად გასდევს იმისი მტკიცება, რომ „შეუძლებელია ისეთ პატარა რეგიონში, როგორც სვანეთია, ფეოდალიზმისათვის დამახასიათებელი ყველა ინსტიტუტი, ასე ვთქვათ: კლასიკური სისრულით ყოფილიყო წარმოდგენილი, მით უფრო, რომ ის წარმოდგენდა არა ცალკე აღებულ, დამოუკიდებელ ქვეყანას, არამედ ფეოდალური საქართველოს ერთ-ერთ პროვინციას“¹⁹⁷. რეფორმისდროინდელ ე. წ. თავისუფალი სვანეთის ვითარებაზე კი ვწერთ: მოცემულ პერიოდში იქ ბატონყმურ მდგომარეობაში მხოლოდ შინაყმები იყვნენ, გლებთა უდიდესი ნაწილი კი პირადად თავისუფალი იყო და სამამულო უფლება შეზღუდულ აზნაურობას ებედობოდ სიმბოლურ გადასახადებს უხდიდა¹⁹⁸.

ჩვენ არსად არ ვიძლევიტ განვითარების თვალსაზრისით საქართველოსაგან სვანეთის გამოცალკევების, მისი ისტორიის არქაიზაციისა და დამახინჯების ცდას. როგორც ამას ზოგიერთი მეკლევარი აკეთებს; არსად არ ვამტკიცებთ, რომ სვანეთი განვითარებული ფეოდალური ქვეყანა იყო, პირიქით, ხაზს ვუსვამთ, რომ სვანეთში ჩვენ ეხვდებით ფეოდალურ-ბატონყმური ურთიერთობის ელემენტებს, აგრეთვე განუვითარებელ ფეოდალურ ინსტიტუტებს და ფეოდალიზმამდელი საზოგადოებრივი ურთიერთობის გადმონაშთებს. ჩვენ შეუძლებლად მიგვაჩნია არა მარტო სვანეთის ცალკეული ნაწილის, არამედ თვით მთელი სვანეთის, ასევე რაჭის, ლეჩხუმის, გურიის, ფშავის, ხევსურეთის, თუშეთისა და საქართველოს დანარჩენი კუთხეების განვითარების ერთმანეთისაგან იზოლირებული — ფორმაციული — შეფასება. ფორმაციული განვითარების ასე დაწვრილერთეულება შეუძლებელია (ასევე შეუძლებელია მთა-ბარის ზღვის დონიდან სიმძლის მიხედვით სოციალური საზღვრის დადგენა); ამასთან, ფეოდალური ფორმაცია არც ერთ ქვეყანაში არ გულისხმობს განვითარების ერთგვაროვნობასა და ერთნაირ დონეს, მისი წმინდა სახით არსებობას.

სხვადასხვა ქვეყნის (და არა ამა თუ იმ ქვეყნის ცალკეული ნაწილებს) სოციალურ-ეკონომიკური განვითარების დახასიათებისას კ. მარქსი წერდა: „ერთსა და იმავე ეკონომიკურ ბაზისს — ერთსა და იმავე მთავარი პირობების მიხედვით — უთვალავ სხვადასხვა ემპირიულ გარემოებათა, ბუნებრივ პირობათა... გარედან მოქმედ ისტორიულ გავლენათა და სხვათა მეობებით შეუძლავ თავისი გამოვლენისას

196 ვ. გასვიანი, დასავლეთ საქართველოს მთიანეთის ისტორიის საკითხები, გვ. 211—212.

197 იქვე.

198 იქვე, გვ. 219.

ისეთი დაუსრულებელი ვარიაციები და გრადაციები გვიჩვენოს, რომელთა გაგებაც მხოლოდ ემპირიულად მოცემულ გარემოებათა ანალიზის საშუალებით შეიძლება¹⁹⁹.

ესა თუ ის ფორმაცია ლენინმა ასე შეაფასა: „...ეპოქა სხვადასხვაგვარ მოვლენათა ჯამია, რომელშიც ტიპურის გარდა მუდამ არის სხვაგვარი“²⁰⁰. ვ. ი. ლენინმა 1921 წელს ახალგაზრდა საბჭოთა რუსეთის წყობილებაში სხვადასხვა საზოგადოებრივ-ეკონომიკური სისტემის ან წყობის ხუთი ნაირსახეობა შენიშნა²⁰¹.

ყოველივე ამის შემდეგ ბუნებრივია იმისი მტკიცება, რომ ქართულ ფეოდალიზმს, ბარში თუ მთაში, ნაირფეროვნება ახასიათებდა, რომ ფეოდალური წყობილების დროს საქართველოს საბელმწიფოში არა მარტო მთა ჩამორჩებოდა ბარს, არამედ ბარიც განსხვავდებოდა ერთმეორისაგან; რომ მთასაც და ბარსაც სხვადასხვაგვარი გრადაცია-ვარიაციები და წინამორბედ საზოგადოებრივ-ეკონომიკური წყობილების საბეშეცვლილი გადმონაშთები ახასიათებდა, რომ მიუხედავად ამისა, მთელი საქართველოს სხვადასხვა კუთხის საზოგადოებრივ-ეკონომიკური განვითარება ერთიანობაში უნდა წეფხადეს, როგორც საერთო ზოგადქართული ფეოდალური წესწყობილება.

რჩება კიდევ არაერთი აუხსნელი და სადავო საკითხი, რომლებიც ხსენებულ კრებულში ან არასრულყოფილადაა გაშუქებული ან არასწორადაა გაგებული, მაგრამ ყველა მათგანის ჩამოთვლა და გაშუქება ერთი შრომის ფარგლებში შესაძლებლობას აღემატება.

დაბოლოს აღსანიშნავია: 1. მიუხედავად იმისა, რომ მოცემულ კრებულში საყურადღებო ფაქტებთან და განზოგადებებთან ერთად არაერთგან წინააღმდეგობრივი მსჯელობა და გაუგებრობაც შეინიშნება, მისი გამოცემა მაინც გამართლებულია; 2. კრებული ცალკეულ ნარკვევთა მექანიკური ჯამი უფროა, ვიდრე პრობლემისადმი მიძღვნილი ერთიანი, დასრულებული ნაშრომი, რომელსაც შეიძლო დასმულ საკითხებზე მეცნიერულად სრულყოფილი პასუხის გაცემა.

199 ვ. მარქსი, კაპიტალი, ტ. 3, ნაწ. II, გვ. 411—412.

200 ვ. ი. ლენინი, თხზ. ტ. 35, გვ. 232.

201 ვ. ი. ლენინი, თხზ. ტ. 32, გვ. 269.

დამატება

რაჭა-ლეჩხუმისა და აფხაზეთის ზოგიერთი სვანური ტოპონიმი

1. რაჭა-ლეჩხუმის სვანური ტოპონიმია

როგორც ცნობილია, ტოპონიმიაში აისახება მისი შემქმნელი ხალხის ენა, აგრეთვე სამეურნეო და კულტურული ყოფაცხოვრების ზოგიერთი მხარე. ამიტომ მის შესწავლას გარკვეული მნიშვნელობა აქვს ამა თუ იმ ხალხის ისტორიული წარსულის შესწავლაში.

რაჭა-ლეჩხუმის ისტორიისა და ტოპონიმის კვლევა-ძიებას საფუძველი ჩაუყარა ი. ჭავჭავაძემ. მის შემდგომ შესწავლაში თავაიი წვლილი შეიტანეს ე. თაყაიშვილმა, ს. კაკაბაძემ, გ. ბოჭორიძემ, შ. ბურჯანაძემ, გ. ჩიტაიამ, ს. მაკალათიამ, ა. კიკვიძემ, გ. მელიქიშვილმა, ო. სოსელიამ, გ. გობეჯიშვილმა, ნ. რეხვიაშვილმა, მ. რეხვიაშვილმა და სხვ.

რაჭა-ლეჩხუმის ტოპონიმის ენათმეცნიერულ შესწავლაში მნიშვნელოვანი დამსახურება მიუძღვით მ. ალავეძეს, მ. ჩიქოვანს, ნ. მარს, ი. ყიფშიძეს, ვ. თოფურიას, მ. ქალდანს, შ. ძიძიგურს, ალ. ლლონტს და სხვ.

ენათმეცნიერ მკვლევართა აზრით. რაჭა-ლეჩხუმის ტოპონიმია სხვადასხვა წარმოშობისაა: მათი მნიშვნელოვანი ნაწილი საერთო (საკუთრივ) ქართულია, ნაწილი სვანურ-ზანურია.



ლეჩხუმის ტოპონიმების წარმომავლობის გარკვევისათვის, აუცილებელია ვიცოდეთ, თუ რას წარმოადგენს ლეჩხუმური. დიდი ხანია ენათმეცნიერ-მკვლევარებს აინტერესებთ ლეჩხუმური (ზანურ-სვანურის მსგავსი) ქართველური ენის ცალკე (სატომო)-ენობრივ განშტოებას წარმოადგენს თუ ქართული ენის კილოკავს.

მიზეზილ ჩიქოვანი ცდილობს ლეჩხუმური ქართული ენის ცალკე დიალექტურ ერთეულად წარმოადგინოს. ამასთანავე აღნიშნავს, რომ „ლეჩხუმურ ენას“ შეხვედრის წერტილები აქვს ზანურთან და სვა-

ნურთან. მისი აზრით, ლეჩხუმურ დიალექტში ორი თავისებური ერთეული გამოიყოფა, ესაა ქვემო და ზემო ლეჩხუმური, რომლებიც თავის მხრივ კოლხურ და სვანურ ფენას შეიცავენ¹.

მ. ალავეძე ლეჩხუმურს ქართული ენის კილოდ მიიჩნევს და დაბძენს, რომ სვანურმა და ზანურმა ენებმა მას ღრმა კვალი დააჩვენეს².

შ. ძიძიგურის აზრით, ლეჩხუმური ქართული ენის დიალექტია, რომელსაც, ქვემო იმერულის შემდეგ, ყველაზე მეტი მსგავსება ქვემო რაჭულთან აქვს³.

ვ. თოფურია წერს: „ლეჩხუმური მკაცრი დიალექტოლოგიური დაყოფით დამოუკიდებელ კილოდ არ ჩაითვლება, იგი უფრო იმერულის კილოკავია“⁴. მეცნიერის აზრით, „ლეჩხუმურს თავისებურებაც ახასიათებს. მაგრამ ეს მომიჯნავე ხალხის კილოთა და ენათა გაღვნიით აიხსნება“⁵.

აღ. ლლონტი მხარს უჭერს შ. ძიძიგურის და ვ. თოფურიას თვალსაზრისს და წერს: „ლეჩხუმური მასალების ახლო გაცნობა უეჭველად იძლევა ამ უკანასკნელი მოსაზრების საფუძველს, მით უმეტეს, თუ მის სტრუქტურულ ნორმებს იმერულს ან რაჭულს შეუპირისპირებთ“⁶.

ლეჩხუმურის ცალკე ენად, კილოკავად, თუ დიალექტად განსაზღვრა და წარმოდგენა დამოკიდებული უნდა იყოს არა მხოლოდ ზოგიერთ განსხვავებასა და თავისებურებაზე, არამედ მნიშვნელოვან ფაქტორზე, იმაზე — წარმოდგენდა თუ არა ლეჩხუმური სატომო ენას — მეგრულ-ჭანურ-სვანურის მსგავსად!?

ამ საკითხს უკავშირდება ტოპონიმი „ლეჩხუმის“ საკითხიც.

ვახუშტი ბაგრატიონის აზრით, მოცემულ კუთხეს ლეჩხუმი ეწოდა ზომლის მთის მიხედვით. ე. ი. ეს სახელწოდება მეცნიერმა ზომლის მთის სახესხვაობად მიიჩნია⁷.

ი. ყიფშიძე ტოპონიმ ლეჩხუმს მეგრულ „ჩხომს“ (თევზს) უკავშირებს და დასძენს, რომ „ლეჩხუმი სათევზე ადგილს ეწოდება“⁸.

1 მ. ბ. ჩიქოვანი, ტოპონიმური ლექსიკონი. — თსუ შრომები, IX, 1939, მისივე ლეჩხუმური ლექსიკონი. — თბ. პედ. ინსტ. შრომები, I, 1941, მისივე ტოპონიმური სახელთა წარმოება ლეჩხუმური მასალების მიხედვით — თბ. პედ. ინსტ. შრომები, ტ. VII, 1949.

2 მ. ალავეძე, ლეჩხუმური ტოპონიმური სახელწოდებანი, — ქუთაისის სახელმწიფო პედ. ინსტ. შრომები, XVIII, 1958.

3 შ. ძიძიგური, ძიგბანი ქართული დიალექტოლოგიიდან, თბ., 1954, გვ. 178.

4 ვ. თოფურია, ქართული დიალექტოლოგია, I, თბ., 1961, გვ. 482.

5 ვ. თოფურია, დასახელებული შრომა, იქვე.

6 ალ. ლლონტი, ლეჩხუმური ტოპონიმია და ლექსია, — ქართული ფოლკლორი, III, თბ., 1969, გვ. 39.

7 ქართლის ცხოვრება, IV, თბ., 1973, გვ. 748.

8 И. Книш и др. Грамматика мингрельского (иверского) языка с хрестоматией и словарем, 1914.

ივ. ჯავახიშვილი და გ. ჩიტაია „ლეჩხუმს“ სევანურ სახელწოდებად მიიჩნევენ, თუმცა ამის დამამტკიცებელ არგუმენტს არ ასახელებენ⁹.

ი. ორბელს „ლეჩხუმი“ მიაჩნდა სატომო სახელწოდებად, ან ცალკე ტომის საცხოვრებელი ადგილის სახელად¹⁰.

ნ. მარის აზრით, ლეჩხუმი სოხუმის პირვანდელ სახელწოდებას „ცხომ-ცხუმს“ უკავშირდება. სახელწოდება „ცხუ“ ნ. მარს მიაჩნდა „სკუ“ ეთნონიმის (ხალხის სატომო სახელის) მეორე წარმართვად. ნ. მარი სარწმუნოდ მიიჩნევს ი. ორბელის მოსაზრებას და დასძენს, რომ ლეჩხუმის მკვიდრი ხალხი („ტომი“) თევზის („ჩხომის“) ტოტემის მატარებელი სკვიტები უნდა ყოფილიყვნენ. ნ. მარი ერთი ტიპის (ერთ ფუძიდან წარმოქმნილ) სახელწოდებებად მიიჩნევს „ჩხომ-ცხუმს“, აგრეთვე „ლანჩხუთს“ და მდ. „ცხუმურს“¹¹.

პ. ინგოროყვა იზიარებს ნ. მარის მოსაზრებას და აღნიშნავს, რომ „ლეჩხუმი“ წარმომდგარია თევზის მეგრული სახელწოდება „ჩხუმი-საგან“. მისი აზრით, „ჩხომს“ უკავშირდება (მეგრული სახელწოდებაა), აგრეთვე, სოხუმის პირვანდელი სახელი „ცხუმი“¹².

ს. ყაუხჩიშვილს და ს. ჯანაშიას მიაჩნიათ, რომ ლეჩხუმი მეგრულ-სევანური სახელწოდებაა, რომლის ძირი „ჩხუმი“ („ჩხომი“ — თევზი) მეგრულია, ხოლო „ლე“ თავსართი — სევანური. ისინი დასძენენ, რომ მოკემულ სახელწოდებას უკავშირდება „სკვიმია“, რომელიც „ჩხუმ-ცხუმის“ ბიზანტიური — მიახლოებითი გადმოცემას წარმოადგენს¹³.

მ. ჩიქოვანის განსჯით, ტომონიმი „ლეჩხუმი“ მომდინარეობს „ჩხუმ-ჩქუმ“ ძირისაგან. ე. ი. თევზის მეგრული სახელწოდებისაგან¹⁴.

გ. მელიქიშვილს მიაჩნია, რომ, ისე როგორც „ლეჩხუმი“, ჰენიოხური ქალაქის ძველი ქართული სახელი „ცხუმი“ სევანური წარმოშობის უნდა იყოს¹⁵.

⁹ ივ. ჯავახიშვილი, ქართული ერის ისტორია, I, გვ. 422; გ. ჩიტაია, დასახლებული შრომა. — საქართველოს საბ. მუზეუმის „მოამბე“, XII, 1944, გვ. 267.

¹⁰ Н. А. Србелли, Город близнецов... и племя. — ЖМНП, 1908, с. 32—33.

¹¹ Н. Я. Марр, Термин скиф. — Избранные работы. У, 1935. М.-Л. с. 32 — 33.

¹² პ. ინგოროყვა, გიორგი მერჩულე, 1954, გვ. 147.

¹³ ს. ყაუხჩიშვილი, გეოგრაფია, II, 1934, გვ. 96; ს. ჯანაშია, შრომები, II, 1952, გვ. 100.

¹⁴ მ. ჩიქოვანი, ტომონიმიურ სახელთა წარმოება ლეჩხუმი დასახლების მიხედვით. — ა. პუშკინის საბ. თბ., საბ. პედ. ინსტ. შრომები, VII, 1949, გვ. 239.

¹⁵ გ. მელიქიშვილი, საქართველოს კავკასიისა და მახლობელი აღმოსავლეთის უძველესი მონახლეობის საკითხისათვის, თბ., 1965, გვ. 66.

მ. ალავეიძე არ ეთანხმება ლეჩხუმის სახელწოდების „ჩხუმ-ჩხო-მთან“ ე. ი. მეგრულთან დაკავშირებას. მისი მტკიცებით, „ლეჩხუმი“ რომ ზანურ „ჩხომ“ ძირს ემყარებოდეს, მაშინ ის მეგრულსავე „ო“ საწარმოებელ პრეფიქსს დაირთავდა და გვექნებოდა არა ლეჩხუმი, არამედ „ოჩხომური“ (სათევზაო). ამ მოსაზრების საბუთად იგი ასახელებს ლეჩხუმის ტოპონიმებს: ონტოფი, ონქეიში, ოყურეში, ოფიტარა, ოღრაბუჩე, ოყალეთი და სხვა, რომლებიც მეგრული ენის კანონზომიერებას ექვემდებარებიან და შესაძლებელია ისინი მეგრულის გავლენით წარმოიშვნენ. მაგრამ მ. ალავეიძის დასკვნით, რამდენადაც „ლე“-პრეფიქსიანი ზანური ფუძის ტოპონიმები დასახელებულ რეგიონში ჭერჭერობით გამოვლენილი არ არის, ამდენად, ლეჩხუმი არ შეიძლება „ჩხომს“ დაუვკავშიროთ და ზანურ სახელწოდებად მივიჩნიოთ. ეს მით უფრო, — წერს მეცნიერი, რომ თვით სამეგრელოში „ჩხომ“ ძირისაგან წარმოქმნილ სოფელს „ოჩხომური“ ეწოდება, აქვე მდინარეს „ოჩხამური“ (გურიაში). მ. ალავეიძე თავის მოსაზრების სასარგებლოდ მიიჩნევს იმასაც, რომ მეგრული ენის კანონზომიერების გზით „ჩხომ“ (თევზი) ძირისაგან ჭერ მდინარის სახელწოდება „ოჩხომური“ წარმოიშვა, ხოლო შემდეგ ეს სახელწოდება სოფელსაც შეერქვა. ამრიგად, მ. ალავეიძის განსჯით, ლეჩხუმი, რომ „ჩხომ“ ძირისაგან წარმოშობილიყო, მაშინ ეს სახელწოდება ჭერ მდინარეს უნდა შერქმეოდა. შემდეგ კი საკუთრივ ლეჩხუმსაც, რაც არ მოხდა.

აქედან გამომდინარე, მ. ალავეიძე დასძენს: მართალია, ლე პრეფიქსი სვანურ-ზანური (საერთო) გეოგრაფიული სახელების მაწარმოებელია, მაგრამ „ცხუმ-ცხვიმ“ რცხილის სვანური სახელწოდებაა (ქართული რცხილის სვანური ვარიანტია), ამიტომ დაასკვნის, რომ ლეჩხუმი „ლეცხუმ-ლეცხვამ“ სვანური სახელისაგან უნდა იყოს წარმოშობილი, რაც სვანურად რცხილნარს — სარცხილეს — ნიშნავს¹⁶.

„ლეჩხუმს“ სვანური წარმოშობისად მიიჩნევს მ. ქალდანი, რომელმაც ლეჩხუმის ტოპონიმის წარმომავლობის უდავო მეცნიერული ინტერპრეტაცია მოგვცა¹⁷.

წინამორბედი მკვლევარების გამოკვლევებისა და დასავლეთ საქართველოს ტოპონიმის ანალიზის საფუძველზე, ლეჩხუმის სახელწოდებასთან დაკავშირებით, გ. მელიქიშვილი წერს: „ლაზებს ემორჩილებოდა, როგორც ჩანს, კიდევ ერთი სვანური გაერთიანება „სკუმია“, რომლის სახელი სვანური ლე-პრეფიქსით შემორჩა დასავლეთ საქართველოს ერთ-ერთ მთიან ოლქს — ლეჩხუმს“¹⁸.

¹⁶ მ. ალავეიძე, რას ნიშნავს „ლეჩხუმი“, — სოფლის ცხოვრება, 1972, 6 ივლისი.

¹⁷ მ. ქალდანი, ლეჩხუმის გეოგრაფიულ სახელთა - იშ (II-შ) სუფიქსის საკითხისათვის. — ქართველურ ენათა სტრუქტურის საკითხები, III, 1963.

¹⁸ გ. მელიქიშვილი, საქართველოს, კავკასიისა და... გვ. 66.

ლეჩხუმის სახელწოდებას ეხება თ. ბერაძე; იგი ოზიარებს ამ სახელწოდების ზანურ წარმომავლობას, მაგრამ ამის დამადასტურებელ რაიმე, საკუთარ არგუმენტს არ გვისახელებს.

ეფიქრობთ, ლეჩხუმის სახელწოდების წარმომავლობაზე ერთადერთი ბოლომდე თანმიმდევრული და სწორი დასკვნა მ. ქალღანმა, მ. ალაიძემ და გ. მელიქიშვილმა მოგვცეს. მათ მოსაზრებას ლეჩხუმის სვანურ წარმომავლობაზე მხარს უჭერს არა მხოლოდ ის, რომ ეს სახელი სვანური ფუძისა („ცხუმ-ცხვიმ“) და „ლუ“ პრეფიქსისაგან შედგება, არამედ ლეჩხუმის მიწა-წყლის სახელწოდებათა მნიშვნელოვანი ნაწილის სვანურობაც. ამასთანავე, ლეჩხუმის სახელწოდება რომ „ცხუმ“ (რცხილა) სახელისგანაა ნაწარმოები, ამას უნდა ადასტურებდეს სვანეთში და სვანთა ნასახლარ ტერიტორიებზე გავრცელებული შესაბამისი სახელწოდებების არსებობაც. მაგალითად, ცხუმელური (სოფელი ლენტეხის რაიონში), ცხუმარი (თემი, მესტიის რაიონში), სხუმარი (ნასახლარი) ყარაჩაიში და სხვ.

ჩამოთვლილი გეოგრაფიული სახელწოდებები, ისევე როგორც ლეჩხუმი და ცხუმი (სოხუმის ყოფილი სახელი), როგორც ეს ზოგიერთ ენათმეცნიერს მიაჩნია, მცენარე ცხუმის (რცხილის) სახელიდან უნდა იყოს წარმოშობილი და რცხილნარ ადგილს უნდა ნიშნავდეს.

ამასთან, ლეჩხუმის ე. წ. ეთნიკურ სახელწოდებად წარმოდგენა (როგორც ამას ზოგიერთი მკვლევარი მიიჩნევს) არასწორი უნდა იყოს. ეს სახელწოდება ეთნიკურობას კი არა, არამედ გარკვეულ ტერიტორიულ ერთეულს უნდა გამოხატავდეს, როგორც, მაგალითად, ლენტეხი, რაჭა. არგვეთი და სხვ.

გადაჭრით შეიძლება ითქვას, რომ მოცემულ რეგიონში სვანური სახელწოდებები გამონაკლისს კი არ შეადგენენ, არამედ, როგორც ქვემოთაც ვნახავთ, ტოპონიმი ლეჩხუმი ერთი პატარა რგოლია სვანური სახელწოდებების გრძელ ჯაჭვში. ამდენად, დასახლებულ რეგიონში აღებული ტოპონიმის შემთხვევით წარმოშობასთან ან ზოგად დამთხვევა-მსგავსებასთან კი არ გვაქვს საქმე, არამედ მრავალრიცხოვანი, სვანური სახელწოდებების კანონზომიერ შედეგთან.

მკვლევართა მიერ დადგენილია, რომ ლეჩხუმის ტერიტორიის მნიშვნელოვანი ნაწილის ტოპონიმები საკუთრივ ქართული წარმოშობისაა. მ. ალაიძის დაკვირვებით და განსჯით, ქართული სახელწოდებების კომპონენტებად გამოყენებულია სიტყვები: ახალი, მიღმა, კარი, უბანი, მიწა, ყანა, ყელი, ყური, ძირი, მთა, თავი, მაღალი, ვაკე, პატარა, ჰალა, წვერი, გვარდი, კლდე, ქვა, შუკა, ქვედა, ქვეში, წმიდა, ზურგი, წყალი, დელე და სხვ. მაგალითად: ახალსოფელი, მიღმაკუთხე, მიღმაგვარდი, სახტიკარი, ქველუბანი, კალითავი, თეთრიმიწა,

გორიახო, მაღალყანა, დელეყანა, ბეოლიყანა, ფიჭვიყანა, ვაკეყანა, ლაშიყელი, ხიდიყელი, ტბიყური, ციხისძირი, გვერდიძირი, კოკითავი, დელითავი, ქვაბითავი, ვაკეტყე, პატარჰალა, ვარდიგორა, ჰალიბოლო, წვერსუყანი, ღარიწყალი, ციხიწყარო და სხვ.¹⁹

ლეჩხუმშივე ვხვდებით ქართული სუფიქსურ-პრეფიქსული წარმოების ტოპონიმებს, მაგალითად: საზღვარა, აყვანა, ბოსტანა. გვერდა, უნაგირა, კიბიეთი, მალიეთი, ურწყულეთი, ვალიეთი, წითური, გაბილური, კასანოური, ბაძგაროული, ანტარეული, რუვისა, სიპისა, ზხანარი, ახუები, დაკეცილები, ვერხვები, ყანწები და სხვ.²⁰

ენათმეცნიერთა დასკვნით, ლეჩხუმის ტოპონიმიაში მრავლად ვხვდებით სევანურ სახელწოდებებს, ლეჩხუმის მრავალ სოფელს და ადგილს სევანური სახელი ჰქვია. მ. ალავიძის აზრით, ამ სახელწოდებათა სევანური ეტიმოლოგიები ასეთია: ლ ა რ ჩ ვ ა ლ ი (სამეწყყერე ადგილი), ლ ა ნ ჩ -ვ ა ლ ი (ჩვალ-მეწყყერი) ეწოდება მესტიის ერთ-ერთ სოფელს, რომლის ერთი ნაწილი ოდესღაც მეწყყერს წაულეკია. ლ ა კ ე -პ ი ტ ა (ლაკებიდა — ლაკბიდა) — მისამწყყვედვი, მიკუნჰულებული ადგილი. ლ ა ბ ე კ ი ნ ა (ლაბეჩ) — ქვიანი ადგილი. ლ ა ხ ე ფ ა (ლახკა-ლახკე) დახრამულ, ჩამოფხეკილფერდობიანი მიდამო. ლ ა ც ო რ ი ა (ლაცრა — ლიცრე) — დასატოეებელი, დასარჩენი ადგილი. ლ ა ძ გ ვ ე რ ი ა (ძგვერ) — ბორცვნარ-გორაკიანი ადგილი. ლ ე შ კ ე დ ა (ლეშგედ) — ადგილი, რომელსაც მზე იშვიათად დაჰყურებს. ლ უ ხ ვ ა ნ ო (უხვან) — კლდიან-მთიან ადგილს ეწოდება. დევეირ (ლუხვეირ) — დანგრეულ-დარღვეული ადგილი. აღნიშნულ სოფელს უწინ ჩვალბეჩი ერქვა; ჩვალ-მეწყყერი, ბეჩ-ბაჩ-ქვა. ამრიგად, ჩვალბეჩი დახრამულ ქვიან-მეწყყერიან ადგილს ნიშნავს. ც ა გ ე რ (ცაგ) — ეელნარს, ეკლით დაფარულ ადგილს ეწოდება. ჩ ხ უ ტ ე ლ (ჩხუტელ — კენჭი) — კენჭნარი ადგილი. უ ც ხ ე ე რ (უცხე-ეცხ) მსხლიანი მიდამო. გ ო ლ ა ი ა (გოლა) — ფერდობი. ზ ა გ ა ლ ე თ ი (ზაგარ) — სერი, ქედი. ან პერევალი. ნ ა კ ა რ ე შ ი (ნაკ-ნაკ-არ) — ვაკობი და სხვ.²¹

ლეჩხუმის ტოპონიმიაში მრავლად გვხვდება ლა, ლე პრეფიქსიანი სახელწოდებები. მკვლევრები — ვ. თოფურია, მ. ჩიქოვანი, შ. ძიძიგური და მ. ალავიძე — მიუთითებენ, რომ მოცემული პრეფიქსიანი ტოპონიმები ლეჩხუმის მიწა-წყალზე ზანურ-სევანური წარმოშობისაა, თუმცა კონკრეტული მსჯელობისას მ. ალავიძეს ასეთი პრეფიქსიანი სახელწოდებები სევანური წარმოშობისად მიაჩნია. მკვლევრის მსჯე-

19 მ. ალავიძე, ლეჩხუმური ტოპონიმური სახელწოდებანი. — ქუთაისის სახელმწიფო პედ. ინსტ. შრომები, XVIII, გვ. 147—148.

20 მ. ალავიძე, იქვე; აღ. დლონტი, ლეჩხუმური ტოპონიმია და ლექსიკა. — ქართული ფოლკლორი, III, თბ., 1969, გვ. 43.

21 მ. ალავიძე, დასახელებული შრომა, გვ. 148—150.

ლობით, ლეჩხუმის ტოპონიმები, მაგალითად, ლატაფი (ლა-ტაფი-ი) სვანურია და მთის ან ფერდობის განივზე გამავალ გზას ეწოდება. ლაგუბა (ლა-გუბია) სვანურად წყლის დასაგუბებელ ადგილს ნიშნავს. ლარცია (ლა-რცი, ლა-ლცი) წყლიანი ან სარწყავი ადგილია. ლატხორია (ლა-ტხორ-ი) ტალახიან მიდამოს ეწოდება. ლეხერა (ლე-ხერა, ლე-კერა) წიწვნარი ტყეა. ლეყავრი (ლე-ყავრი, ლე-ყარე) საყავრე ტყეა. ლედეშტო (ლე-დეშტე) დათევბის საბინადრო ადგილს ეწოდება და ა. შ. შ. ალავეძე სვანურ წარმოშობისად მიიჩნევს, აგრეთვე, ლეჩხუმის სხვა ტოპონიმებს, რომლებიც ლა, ლე პრეფიქსით არიან ნაწარმოები; მაგალითად, ლანქორ, ლაჭანა, ლასხანა, ლაჭყეპა, ლესინდი, ლეშენა, ლეკუნდრუშა, ლექვენა, ლებენა, ლეფშარი, ლეფურა, ლეზიდარი და სხვ.²² აღსანიშნავია, რომ ყველა აქ ჩამოთვლილ ტოპონიმსაც სვანური შინაარსი და ახსნა აქვს.

თავის უაზლეს გამოკვლევაში მ. ალავეძე პირდაპირ და გადაჭრით წერს, რომ ზანური ძირეული ფუძის მქონე ლა-ლე პრეფიქსიანი ტოპონიმები ლეჩხუმის ტოპონიმოგრაფიაში ჭერჭერობით გამოვლენილი არ არის.²³

ლეჩხუმში გავრცელებულ ლა და ლე პრეფიქსიან სახელწოდებებზე მ. ქალდანი აღნიშნავს, რომ ისინი შეიცავენ ისეთ მორფოლოგიურ ელემენტს, წარმოქმნის აფიქსებს და ძირებს, რომლებიც მხოლოდ სვანური ენის მეშვეობით ხდება გასაგები და ამდენად მათი სვანური წარმომავლობა ექვს არ უნდა იწვევდეს. ამის დამამტკიცებელ მაგალითებად მკვლევარი ასახელებს ლა-ა (|| ლა), ლე-ა /ა (|| ლე —) ტოპონიმებს: ლილაში, ლასურიაში, ლაბადაში, ლალუმელაში, ლაჭებაში, ლახომიაში, ლახვეტიაში, ლაყოიდაში, ლატკიაში, ლაკალიაში, ლამარეში, ლაქამუში, ლაყვამიში, ლამქარუში, ლახარუში, ლეშკაში, ლეკენტაში, ლებალიაში, ლებარეში, ლემუში და სხვ.²⁴

ჩამოთვლილი და სხვა მსგავსი ტოპონიმები თავისი ენობრივი სტრუქტურით და შინაარსით უექველად სვანური წარმოშობის არიან. როგორც მ. ქალდანი აღნიშნავს, მოცემული ტოპონიმების მ. ალავეძისეული და მ. ჩიქოვანისეული ახსნა ყოველთვის ზუსტი არ არის, რადგან ისინი ლ-ა-ა, ლ-ე-ა, ლ-ე-ე აფიქსების მეორე შემადგენელი კომპონენტის ა და ე ხმოვნების ფუნქციას ვერ არკვევენ ზუსტად. მ. ალავეძე საერთოდ არ გამოყოფს ამ ხმოვნებს ძირებისაგან, ხოლო მ. ჩიქოვანი მათ ბრუნვის შ-ფორმანტს მიაკუთვნებს.²⁵

22 მ. ალავეძე, იქვე, გვ. 151.

23 მ. ალავეძე, ლეჩხუმი, — სოფლის ცხოვრება, 1972, 6 ივლისი.

24 მ. ქალდანი, დასახელებული შრომა, გვ. 70.

25 იქვე, გვ. 71.

მ. ქალდანი არკვევს, რომ: 1. ლ ა- და ლ ე- პრეფიქსებთან ერთად, სვანურში მომავლის მიმღეობის წარმოებაში მონაწილეობენ ა და ე სუფიქსებიც; 2. ნათესაობითი ბრუნვის -იში სუფიქსის ხმოვანი ელემენტი ხმოვანდუძიან სახელებთან სვანურში, როგორც წესი, დაკარგულია და 3. რომ -ა შ სუფიქსი, როგორც ნათესაობითი ბრუნვის ნიშანი, გარდა სვანურისა, არც ერთ ქართველურ ენაში არ მოგვეპოვება²⁶.

როგორც ეხედავთ, ლე- პრეფიქსითაა ნაწარმოები თვით ლეჩხუმის სახელწოდებაც. მოცემულ პრეფიქსიან სახელთა შორის მ. ჩიქოვანი ეხება სოფლებს — ლეირიშა და ცხუკუშერს — შორის არსებულ ტოპონიმ ლეშვენას (ნასოფლარის სახელს) და აღნიშნავს, რომ სვანები თავის ქვეყანას „ლეშვანს“ ან „ლეშმუნიერას“ უწოდებენ, რომლის საფუძველზე დაასკვნის, რომ ლეჩხუმის ტერიტორიაზე ცხენისწყლისა და რიონის შუა გამყოფზე „ლეშვენა“ ერთი პატარა კუნძულად უნდა ყოფილიყო „ჩხუმართა“ შორის ძლიერ შორეულ წარსულში. მაგრამ, განაგრძობს მკვლევარი, სვანური ენობრივი კოლექტივა ამ ადგილას გაქრა (მხოლოდ მათი ჩამომავალი სვანები დარჩნენ), ხოლო გეოგრაფიული სახელი შეეკეცილი ფორმით დარჩა²⁷.

გასაკვირი ის არის, რომ მ. ჩიქოვანი ლეჩხუმის მოსახლეთა შორის ნასვანარად (სვანურ ჩამომავლად) მხოლოდ სვანიძეს მიიჩნევს, ხოლო ცხენისწყლის ზემო წელში მოსახლე ხალხს — ლეჩხუმის პატარა „კუნძულ“ ლეშვენადან გავრცელებულად თვლის.

ვფიქრობთ, საკითხის ამგვარი დასმა და ინტერპრეტაცია ოდნავადაც ვერ ასახავს სინამდვილეს. „ლეშვენა“ ტოპონიმის არსებობა არ შეიძლება ნიშნავდეს იმას, რომ ლეჩხუმის ტერიტორიაზე სვანები მხოლოდ ამ ადგილზე ცხოვრობდნენ, პირიქით ამ ტოპონიმის არსებობაც შეიძლება იმის საილუსტრაციოდ გამოდგეს, რომ ლეჩხუმის ტერიტორია მართლაც სვანებით იყო დასახლებული. მსგავს მაგალითად და პარალელად გამოდგება „ზანი“ ან „საზანო“. როგორც ს. ჯანაშია აღნიშნავს, „ზან“, „ზანათი“ და „საზანო“ სამეგრელოში რამდენიმე ადგილს ეწოდება, მაგალითად, დიდი და პატარა ზანა, მდ. ცივის შენაკადი ზანა. ასეთივე ტოპონიმები არსებობს აგრეთვე იმერეთში — ზემო და ქვემო საზანო და სხვ.²⁸ მაგრამ ეს იმას როდი ნიშნავს, რომ წინათ ზანები სამეგრელოსა და იმერეთში მხოლოდ იმ ადგილას სახლობდნენ, სადაც ეს ტოპონიმები შემორჩა. პირიქით, როგორც

26 მ. ქალდანი, იქვე.

27 მ. ჩიქოვანი, ტოპონიმიურ სახელთა წარმოება ლეჩხუმური მასალების მიხედვით, — ა. პუშკინის სახ. თბილისის სახელმწიფო უნივერსიტეტის გამომცემი, 1949, გვ. 240.

28 ს. ჯანაშია, შრომები, III, 1959, გვ. 13.

დადგენილია, მოცემულ ტერიტორიებზე ძველად ზანები ცხოვრობდნენ.

ყველაფრიდან ჩანს, რომ „ლეშენა“-„შენა“-„შუნა“ სვანთა საცხოვრებელი ტერიტორიის სახელწოდების ვარიანტებია და (სხვა სვანურ ტოპონიმებთან ერთად) მხოლოდ იმის მაჩვენებლად გამოდგება, რომ ლეჩხუმის მიწა-წყალი სვანებით იყო დასახლებული.

რაც შეეხება მტკიცებას, თითქოს ლეჩხუმის მოსახლეთა შორის მხოლოდ სვანიძეები არიან ნასვანარები, კიდევ უფრო დაუჭრებელია. სადავო არ შეიძლება იყოს, რომ სვანიძე სვანი ეთნონიმიდან წარმოდგება, მსგავსად მეგრელიშვილის, კახეთელიძის, იმერლიშვილის, ქართველიშვილის და სხვ. მაგრამ მოცემული გვარი ნაწარმოებია და არა პირდაპირ სვანური წარმომავლობის გვარი, მაშინ, როდესაც ლეჩხუმში დღესაც მრავალი სვანური გვარი გვხვდება სახეშეუცვლელად (ამაზე ქვემოთ).

როგორც ზემოთაც ითქვა, ლეჩხუმის მიწა-წყალზე განსაკუთრებით ხშირად ვხვდებით -იშ (|| შ) სუფიქსიან სახელწოდებებს. ამ სახელწოდებათა წარმოშობაზე კი აზრთა სხვადასხვაობა არსებობს. რაკი ამგვარი სახელწოდებები უფრო ხშირად სამეგრელოსა და სვანეთში გვხვდება, მკვლევართა უმრავლესობას ისინი ზანურ-სვანური წარმოშობისად მიაჩნია.

ივ. ჯავახიშვილი ფიქრობდა, რომ -იშ, -ეშ სუფიქსიანი სახელწოდებები ზანური წარმოშობისაა, მაგალითად: ტვიში, ვანჭეიში. ნაკურალეში, ქორენიში, ღვირიში და სხვ. მეცნიერის აზრით, ლეჩხუმის „საგეოგრაფიო სახელების შესწავლა უეჭველს ჰყოფს, რომ მთელი ეს მიწა-წყალი მხოლოდ მეგრულ-ლაზური შტოს ტომებს ეკუთვნოდა“²⁹.

გ. ჩიტაიას აზრით, მართალია, ლეჩხუმის ტოპონიმია სხვადასხვა ეთნიკურ ფენას (იგულისხმება ზანურ-სვანური) შეიცავს, მაგრამ -იშ სუფიქსიანი გეოგრაფიული სახელები (მაგალითად, ღვირიში, ტვიში, ზოგიში, ლაილაში, ოყურეში, ნაკურალეში და სხვ.) ზანური წარმოშობისაა³⁰.

გ. ჩიქოვანი ლეჩხუმის გეოგრაფიულ სახელებს სამ ჯგუფად ყოფს: საკუთრივ ქართულ, მეგრულ-ქანურ და სვანურ. მისი აზრით, „მეგრულ-ქანური წარმოების სახელები ძლიერ მკვიდრად არია შესული ლეჩხუმის ტოპონიმიაში“³¹. ამის საბუთად კი ო-თაესართიან და ი-შ (|| შ) სუფიქსიან სახელწოდებებს ასახელებს.

²⁹ ივ. ჯავახიშვილი. ქართველი ერის ისტორია, I, 1951, გვ. 421.

³⁰ გ. ჩიტაია, ლეჩხუმის ექსპედიციის მოკლე ანგარიში. — საქართველოს სახელმწიფო უზენაესი მოამბე, XII-B, 1944, გვ. 267.

³¹ გ. ჩიქოვანი, ტოპონიმურ სახელთა წარმოება... გვ. 238.

მ. ალავიძის განხილვით, ლეჩხუმის სოფლების, მთა-ტყე-გორაკების, მდინარე-ღელე-წყაროების, ყანა-ვენახის და სხვათა- იშ (II შ) სუფიქსიანი სახელწოდებები ზანურ-სევანურია. მას ამის საფუძვლად მიაჩნია სამეგრელოსა და სევანეთში მსგავსი ტიპის სახელწოდებების გავრცელება; მაგალითად, სამეგრელოში: ჩხენიში, ცაიში, ოდიში, ბულიში, ნანჯიში, ჭიხაიში, კულაში, წყავაში, ფურაში, მოხაში, კვადლუაში, ნოლოხაში, კუხეში, წყოლში, ჩხოლუში და სხვ.; სევანეთში: ხაიშ, მაცხვარიშ, ტეებიშ, სპარდიშ, სგურიშ, ყარიშ, ცალდაშ, ნოდაშ, ბარქაშ, ვიჩნაშ, ზარდლაშ, ქურაშ, კიჩხულდაშ, ხერხვაშ, ლალრავაშ, დურაშ, მცხეთაშ, ბადალაშ, ბოგრეშ, ხაჩეშ, ბულეშ, უკვლეშ, ჩიხრეშ, კალამეშ, მუაშ, მარგვიშ და სხვ.³²

მ. ალავიძე ეხება მსგავს სახელწოდებებს იმერეთსა და რაჭაში და დასძენს, რომ „ბევრი გეოგრაფიული სახელის მნიშვნელობის ახსნა მხოლოდ ზანურის საშუალებით შეიძლება, ანდა მათ, ცხადია, ზანური დამახასიათებელი ნიშნები აქვთ“³³.

პირველ რიგში, აღსანიშნავია, რომ -იშ, -ეშ სუფიქსიანი (აგრეთვე სხვ.) ტოპონიმების ზანურისადმი მიკუთვნებას, როგორც ჩანს, საფუძვლად უდევს სევანური ენის „ნარეუობის თეორია“, რომლის მიხედვით სევანური ენა ჭანურ-მეგრული, ძველი ქართული და ადიღეურ (ჩერქეზულ)-აფხაზურისაგან შედგება. ანდა სევანური, როგორც ნარევი ენა („აგრევატი“), იმეორებს ზანურს, ძველ ქართულს, ადიღეურს და სხვ.³⁴

რაკი სევანური ენა „ნარევი“ („აგრევატი“) და ენათმეცნიერ ე. ჩიქობავას სიტყვებით რომ ვთქვათ, „მასში საკუთარი თითქმის არაფერია“, ბუნებრივი და ლოგიკურია ზანურ-სევანური ენებისადმი დამახასიათებელი საერთო მოვლენის ზანური ენის კუთვნილებად გამოცხადებაც. აქედან გამომდინარე, რასაკვირველია, ბუნებრივია ლეჩხუმის ტოპონიმიაში -იშ (II შ) სუფიქსიანი სახელწოდებების ზანურისადმი მიკუთვნებაც. ასეთი მოსაზრების მკაფიო ნიმუშია ა. ჩიქო-

32 მ. ალავიძე, ლეჩხუმური ტოპონიმური სახელწოდებანი, — ქუთაისის სახელმწიფო პედ. ინსტ. შრომები, XVIII, 1958, გვ. 152.

33 მ. ალავიძე, იქვე, გვ. 153.

34 Н. Я. Марр, К дате эмиграции Москов из Армении в Сванетию, — ИАН, 1916; его же, из поездок в Сванию, — Христ. Востока, т. II, вып. I; его же, где сохранилось сванское склонение? — ИАН, 1911, № 17, VI серия; его же, Тубал-Кайинский вклад в сванском, — ИАН, 1912, № 18 VI серия; ე. თოფურია, სევანური ენა. I. ზნა, ტფ., 1931; ს. ჭანაშია, სევანურ-ადიღეური (ჩერქეზული) ენობრივი შეხვედრები, — შრომები. III, 1959, გვ. 81—116; ა. ჩიქობავა, ქართველური ენები, შათი ისტორიული შედგენილობა და დამახასიათებელი ძველი ნიშანთვისებები — იბერიულ-კავკასიური ენათმეცნიერება. II. თბ., 1948, გვ. 272—273.

ბავას ლეჩხუმურზე მსჯელობაც: „იმერული კილოს ქვემოიმერული თქმაცა და ლეჩხუმურიც სავსეა მეგრელიზმებით, როგორც ლექსიკასა, ისე მორფოლოგია-სინტაქს-ში“³⁵.

ა. ჩიქობავამ არამცთუ ლეჩხუმის -იშ სუფიქსიან სახელებში, არამედ ლეჩხუმის ტოპონიმიკაში და, საერთოდ, ლეჩხუმურში სვანური ვერსად დაინაა.

ლეჩხუმური დიალექტის, აგრეთვე მისი ლექსიკისა და ტოპონიმიკის კვლევაში ჯერ კიდევ მნიშვნელოვანი ნაბიჯი გადადგეს მ. ალავიძემ, მ. ჩიქოვანმა და შ. ძიძიგურმა, რომელთაც ლეჩხუმურსა და ლეჩხუმის ტოპონიმიკაში სვანურის გავლენა და კვალი პირდაპირ დაინახეს. მაგრამ ლეჩხუმის ტოპონიმიკისათვის ესოდენ დამახასიათებელი -იშ სუფიქსიანი სახელწოდებების ღრმა, სრული და ბოლომდე თანმიმდევრული ახსნა მაინც მ. ქალდანმა მოგვცა.

მ. ქალდანი სვამს საკითხს რატომ მიაჩნიათ -იშ (|| შ) სუფიქსიანი ლეჩხუმური გეოგრაფიული სახელები მაინცდამაინც ზანური წარმოშობისად?

მკვლევრის განსჯით, ამ კითხვაზე სრულ პასუხს ვერ იძლევა იმისი ზოგადი მტკიცება, რომ -იშ ფორმატი, ვითარცა ნათესაობითი ბრუნვის ნიშანი, „ზანური ენის კუთვნილებას წარმოადგენს“. მ. ქალდანი აღნიშნავს: -იშ (|| შ) სუფიქსიანი სახელები რომ მხოლოდ ზანური წარმონაქმნი იყოს, მაშინ მათი გავრცელების არეალიც ძირითადად მხოლოდ ზანურის გავრცელების არეალს დაემთხვეოდა. ამასთანავე, ის დასძენს: თუ -იშ სუფიქსიანი გეოგრაფიული სახელები ლეჩხუმის ტერიტორიაზე ზანების ოდინდელი ბინადრობის მაჩვენებელია, რატომ ანალოგიური მდგომარეობა არ გვაქვს ჭვემო იმერეთის და გურიის ტერიტორიებზე, სადაც ზანური მოსახლეობის ოდინდელი ბინადრობა ეჭვს არ იწვევს³⁶.

კიდევ მეტი, -იშ სუფიქსიანი გეოგრაფიული სახელწოდებები რომ საკუთრივ ზანური წარმონაქმნი და მისი კუთვნილება იყოს, მაშინ ისინი ყველაზე ჭარბად უნდა იყოს გავრცელებული სამეგრელოს იმ ტერიტორიაზე, რომელზეც უწინაც და ახლაც ამ ენაზე მოლაპარაკე ხალხი ცხოვრობს. სინამდვილეში, აღნიშნავს მ. ქალდანი, ეს ასე არ არის. ამისი მაჩვენებელია თუნდაც საქართველოს ადმინისტრაციულ-ტერიტორიული დაყოფის ცნობარი³⁷.

აღნიშნულ ცნობარებზე და, საერთოდ, ზანური ტოპონიმიკის შინაარსსა და გავრცელებაზე დაკვირვების საფუძველზე მ. ქალდანმა

35 ა. ჩიქობავა, ჭანური გრამატიკული ანალიზი. თბ., 1936, გვ. 5.

36 ივ. ჭავჭავაძის შვილი. ქართული ეროს ისტორია, I, გვ. 420.

37 იბ. 1930, 1949 და 1961 წლებს გამოცემები.

შენიშნა, რომ გურიისა და, საკუთრივ, სამხრეთ სამეგრელოს (ლანჩხუთის, ჩოხატაურის, ოზურგეთის, მარტვილის, აბაშის და ჩხოროწყუს რაიონების) მიწა-წყალზე -იშ სუფიქსიანი გეოგრაფიული სახელები, როგორც წესი, თითქმის არ გვხვდება, ხობისა და სენაქის რაიონებში იშვიათად, ხოლო წალენჯიხის რაიონში — მხოლოდ ოთხი, ზუგდიდის კი — ექვსი. ე. ი. მთელი სამეგრელოს რვა რაიონის ტერიტორიაზე -იშ სუფიქსის შემცველი 12 სოფლის სახელი მოგვეპოვება, იმაზე ერთით ნაკლები, რამდენიც ცალკე ცაგერის რაიონში.

ამრიგად, ზანური წარმოშობისად მიჩნეული -იშ სუფიქსიანი სახელების ძირითადი მასა გავრცელებულია არა იმ ტერიტორიაზე, სადაც ზანები სახლობდნენ ისტორიულად და სახლობენ დღეს, არამედ ლეჩხუმის და, როგორც ქვემოთ ვნახეთ, სენაქის მიწა-წყალზე.

მ. ქალდანმა დაადგინა, რომ -იშ (|| შ) სუფიქსიანი გეოგრაფიული სახელები საქართველოში არსად ისე ფართოდ არაა გავრცელებული, როგორც სენაქში, მაგალითად, მარტო მესტიის რაიონში -იშ (|| შ) სუფიქსიანი 23 სოფელი გვხვდება, ესენია: ტეებში, ჰადიში, მაცხვარიში, სპარდიში, სგურიში, ქურაში, კალაში, ზაარდლაში, ცალდაში, კოლაში, კიჩხულდაში, ლაშხრაში, ვიჩნაში, იენაში, ნოდაში, ბარჯაში, ჩაჟაში, ხერხვაში, ბოგრეში, ეაბეში, ეამუში, ბარში და სხვ. ლენტეხის რაიონში ასეთივე სახელწოდების 14 სოფელი გვხვდება: მარგვიში, დურაში, ლაღარვაში, წანაში, სასაში, მაზაში, მახაში, ლამფალაში, ყორულდაში, ბულეში, ყვედრეში, ხაჩეში, ჩიხრეში, ყარაში და სხვ.³⁸

-იშ (|| შ) სუფიქსიანი გეოგრაფიული სახელწოდებების სიმრავლის მხრივ მ. ქალდანმა თითქმის ანალოგიური სურათი შენიშნა ლეჩხუმში (ცაგერის რაიონში), სადაც -იშ სუფიქსით დაბოლოვებული 13 სოფელი გვხვდება: ტეიში, ქორენიში, ზოგიში, ღვირიში, ვანჭვიში, ლასურიაში, შახაში, კენაში, ლაილაში, ოყურეში, ნაკურალეში და სურამუში³⁹.

როგორც ვხედავთ, -იშ (|| შ) სუფიქსიანი გეოგრაფიული სახელები დამახასიათებელია სენაქისა და ლეჩხუმისათვის, ნაწილობრივ, მათი მოსაზღვრე რაჭა, იმერეთ, სამეგრელოს ტერიტორიებისათვის. საქართველოს ადმინისტრაციულ-ტერიტორიული დაყოფის ცნობარის მიხედვით, მარტო მესტიის რაიონში ორჯერ მეტი -იშ (|| შ) სუფიქსიანი გეოგრაფიული სახელწოდება გვხვდება, ვიდრე სამეგრელოს რვა რაიონში.

³⁸ მ. ქალდანმა სენაქში -იშ სუფიქსიანი 400-ზე მეტი გეოგრაფიული სახელწოდება აღწერა.

³⁹ მ. ქალდანი, ლეჩხუმის გეოგრაფიულ სახელთა -იშ (|| შ) სუფიქსის საკითხისათვის. — ქართველურ ენათა სტრუქტურის საკითხები. III, გვ. 1963, გვ. 240.

ამასთანავე, როგორც მ. ქალდანმა შენიშნა და დაამტკიცა: სვანეთის, აგრეთვე ლეჩხუმის - იმ სუფიქსიანი სახელები შეიცავენ ბევრ ისეთ მორფოლოგიურ ელემენტს, წარმოქმნის აფიქსებსა და ძირებს, რომლებიც მხოლოდ სვანური ენის მეშვეობით ხდება გასაგები. მაგალითად, ლეჩხუმის ტოპონიმური სახელები — ლაილაში, ლასურიაში, ლაბადაში, ლალუმელაში, ლაჭებაში, ლატკიაში, ლავალიაში, ლამარეში, ლაქამუში, ლაყვამუში, ლაშკარუში, ლახარუში, ლეშკაში, ლეკენტაში, ლებალიაში და სხვა — ნაწარმოებია მომავლის მიმღეობის სვანური ლა-ა (|| ლა-), ლე-ა (|| ლე-ე) აფიქსებით. ხოლო ნაკარეში, კარვალეში, ხამარეში, გუმარეში, ლობარეში, ლებარეში, ვანდარეში, ლოკარეში, ფაცბარეში, კუკუმარეში, ჩოხარეში, ლამარეში, ქუხარეში, ცანკურალეში და სხვა ნაწარმოებია მრავლობითი რიცხვის -არ (|| აღ) სუფიქსით. უნდა ითქვას, რომ ანალოგიური წარმოების სახელები ამჟამადაც ფართოდაა გავრცელებული სვანეთში, მაგალითად: ძულვარეში, ძულვარიში, სუფარეში, ლეკვდარეში, ბოგარეში, დაბარეში, ყვედრეში, ჩიხრეში და სხვ.⁴⁰

ამასთან, ლეჩხუმის (სხვა მსგავსი) ტოპონიმები — ლახამეილაში, წუდილაში, მერულაში, ქერულდაში, კახელიდაში, გოლიდაში, ლარციდაში და სხვა — შეიცავენ კნინობით სვანურ ფორმანტს -ილ-ილდილ სუფიქსს⁴¹.

ლეჩხუმის ტოპონიმები — კინიშერი, ხოჩაშერი დაბაშერი ცხუკუშერი და სხვა მსგავსი სახელები — უდავოდ სვანური ენის წარმონაქმნია, რადგანაც ისინი მომდინარეობენ გვარების, საკუთარი სახელების ან სხვა დამახასიათებელი ნიშნისაგან. მაგალითად. ასეთებია: ვინაშერი, მიქელშერი, დუდიშერი, ოთარშერი, მეტოშერი, გოშერი, ეზიანიშერი, მაზიშერი და სხვა. სხვათა შორის, სვანეთში დღესაც ასე აღინიშნება გვარის შიგნითა განშტოებები (საძმობები).

ლეჩხუმსა და სვანეთში ხშირად ერთი და იგივე გეოგრაფიული საბელწოდებები გვხვდება, მაგალითად:

ლეჩხუმში	სვანეთში
1. ბარჯაში (სახნაეი)	ბარჯაში (სახნაეი)
2. ლაყოიდაში (სახნაეი)	ლაყვეიდაში (სახნაეი, წყარო)
3. მახაში (სოფელი)	მუაში (აგარაკი)
4. მუაში (სახნაეი)	მახაში (სოფელი)
5. გოლიდაში (ადგილი)	გოლდაში (მთა)
6. უთილაში (სახნაეი)	უთილაში (ადგილი)

⁴⁰ მ. ქალდანი, დასახელებული შრომა, გვ. 71.

⁴¹ იქვე, გვ. 72.

7. ხალდეში (ადგილი)

ხალდეშ (სოფელი)

8. ხარაში (ღელე)

ხარაშ (ღელე)

და ა. შ.⁴².

მ. ქალდანის აზრით, ლეჩხუმის -იშ (II-შ) სუფიქსიანი გეოგრაფიული სახელწოდებები, ისევე როგორც სვანეთის, ერთი და იგივე ფონეტიკურ კანონზომიერებას ექვემდებარება. სვანეთისა და ლეჩხუმის ტოპონიმიაში თითქმის არ მოგვეპოვება ისეთი შემთხვევა, როდესაც ხმოვანფუძიან სახელთან იშ სუფიქსის ნათესაობითი ბრუნვისეული ი დაკარგული არ იყოს, ხოლო ეს ი მეგრულში ყოველთვის შენარჩუნებულია; მაგალითად, სვანურში ლ ა შ ხ რ ა შ, ბოგრეშ. ე ა მ ე შ და ს ხ ე. ლეჩხუმში: ლაილაში, ნაკურალეში, სურამეში და სხე., მეგრულში: ჭიხაიში, ცაიში, ონჭეიში და სხე.⁴³

ამასთანავე, ლეჩხუმის და სვანეთის გეოგრაფიული სახელწოდებები ბნირ შემთხვევაში ერთი და იგივე ლექსიკური და მორფოლოგიური შედგენილობისაა, ამიტომაც, რომ ლეჩხუმის გეოგრაფიული სახელები, რომლებიც საკუთრივ ქართული წარმოშობის არაა, ძირითადად მხოლოდ სვანური ენის მეშვეობით იხსნება

როგორც აღვნიშნეთ, თავის დროზე, ისეთი ავტორიტეტული და სახელმწიფოებრივი მკვლევრები, როგორიც არიან ი. ჯავახიშვილი, ნ. შარი, ა. ჩიქობავა, მ. ჩიქოვანი და სხვები, ლეჩხუმის ტოპონიმიაში ფართოდ გავრცელებულ -იშ (II-შ) სუფიქსიან სახელწოდებებს ხანური წარმოშობისად მიიჩნევდნენ. მაგრამ სვანურ ენაზე გაშლილმა ღრმა მეცნიერულმა კვლევა-ძიებამ მრავალ საკითხს მოჰდინა ნათელი, რომლის საფუძველზე გ. მელიქიშვილმა და ალ. ლლონტმა მხარი დაუჭირეს მ. ქალდანის მოსაზრებას -იშ სუფიქსიანი ლეჩხუმის ტოპონიმის სვანურისადმი კუთვნილების შესახებ.

გ. მელიქიშვილი, რომელმაც დასაყვლეთ საქართველოს (ისტორიული კოლხეთის) ისტორია გააშუქა, წერს: „ცალკეული სვანური სახელწოდებების არსებობა დასაყვლეთ საქართველოს არა მარტო მთიან, არამედ ბარის ზოლშიც ადრეც იყო ცნობილი. ახალი გამოკვლევებით ისიც ირკვევა, რომ დასაყვლეთ საქართველოში (სვანეთთან ერთად ლეჩხუმისა და ბარის რიგ სხვა რაიონებში) ფართოდ გავრცელებული -იშ (II-შ) სუფიქსიანი ტოპონიმია არა ხანური, როგორც აქამდე მიაჩნდათ, არამედ საკუთრივ სვანური წარმოშობის უნდა იყოს“⁴⁴.

42 მ. ქალდანის იქვე, გვ. 73.

43 იქვე, გვ. 74.

44 გ. მელიქიშვილი, საქართველოს, კავკასიის და მახლობელი აღმოსავლეთის უძველესი მოსახლეობის საკითხისათვის, თბ., 1965, გვ. 66.

ენათმეცნიერის ალ. ლლონტის დასკვნით, მ. ქალდანმა საკმარისი დამაჯერებლობით დაასაბუთა, რომ „-იშ (||-შ) სუფიქსიანი ლეჩხუმის გეოგრაფიული სახელების შემოქმედია არა ზანური, არამედ სეანური მოსახლეობა“⁴⁵.

როგორც გამოიჩვენა, ლეჩხუმის ტოპონიმიაში მხოლოდ -იშ სუფიქსიანი სახელწოდებები როდია სეანური წარმოშობის. ამ მხრივ არანაყლებ მასშტაბურია ლა-ა (||ლა-), ლე-ა (||ლე-) პრეფიქსიანი სახელწოდებების გავრცელება. სპეციალისტ-მკვლევართა უმრავლესობა ადასტურებს, რომ ლეჩხუმის ლა-ა, ლე-ა პრეფიქსიანი ტოპონიმების ფუძისეული მასალა და ლექსიკაც სეანურია. მაგალითად: ლა-გუბა სახნავი (ლაილაშში) — ნიშნავს დასაგუბებელ (საგუბაი) ადგილს; ლაჰეკიტა (სოფელი) ეწოდება მისამწყვედევ ადგილს; ლაბეკინა (სოფელი) — ქვიანი ადგილი; ლარდაია (ძთა ლუხვანოში) — სამყოფი ადგილი; ლარცია (წყარო სოფელ აკარაში), აგრეთვე, ლარციდა (წყარო და სახნავი ცხუკუშერში) — წყლიანი, საწყლე ადგილი; ლასარა (წყარო ცხუკუშერში) — მორაკრაკე, მოჩუხჩუხე წყლიანი ადგილი; ლაურცხა (სახნავი ლუხვანოში) — სამსხლე ადგილი; ლაძგვერია (სოფელი) — ბორცვიანი, უსწორმასწორო ადგილი; ლაცორია (სოფელი) — დასატოვებელი ადგილი; ლაქეკანა (ეკლესია ნაკურალეშში) — სამზერი, თვალსაჩინო ადგილი; ლაქყეპა (სოფლის კუთხე ოყურეშში) — წუმბიან-წყლიანი ადგილი; ლაჯანა (სოფელი) — დასაჩაგრი, დასაჭაბნი ადგილი; ლარჩვალი (სოფელი) — მეწყერიანი ადგილი; ლატაფი (სახნავი ალშში, ქორენიშში) — ფერდობიანი ადგილი; ლანდაბარი (სახნავი ლაცურიაშში) — ნაყანარი ადგილი; ლებენა (სახნავი საირმეში) — დასაბმელი ადგილი; ლეთოთანა (სახნავი ლაილაშში) — თეთრუანი, თეთრი ადგილი; ლეიფანა (სოფლის უბანი ოყურეშში) — საიფნე, იფნარი ადგილი; ლეფურა (სახნავი ლაცორიაში) — საფურე ადგილი; ლეშვენა (კლდე, დელე დვირიშში) — სასეანო; ლეშკედა (სოფელი) — ჩრდილნარი ადგილი; ლეწება (სახნავი ლაცორიაში) — დაკიდებული ადგილი; ლედეშტო (ვენახი, სახნავი და ტყე, ცხუკუშერში) — დათვის საბინადრო ადგილი; ლენჭყე (ცხუკურიშში) — ერთგვარი ბალახის სახელია; ლეხიდარი (დელე ცუკუშერში) — სახიდე ადგილი და სხვ.⁴⁶

45 ალ. ლლონტი, ლეჩხუმური ტოპონიმია და ლექსიკა, ქართული ფოლკლორი, III, თბ., 1969, გვ. 44.

46 მაგალითები ამოღებულია ზ. ჩიქოვანისა და მ. ალავეძის ტოპონიმური ლექსიკონებიდან.

ლეჩხუმის ტოპონიმებს ხშირად სვანურისათვის დამახასიათებელი -ერ (|| ელ) სუფიქსი აწარმოებს; მაგალითად: ცაგერი, ცაიდერი, ცხუკუშერი, უცბერი, უცხანდერი, ისუნდერი, იუნდერი, წენდერი, თეკენტერი, ბადერი, კიცხუნდერი, წულანდერი, ჩაიდერი, დაბაშერი, კაიშერი, კინიშერი, წილამიერი, თაკვერი და სხვ. ამავე სუფიქსით და კანონზომიერებით ხასიათდება სვანეთის მრავალი ტოპონიმი, მაგალითად: ლადრერ, ლეშტერ, ფხუტრერ, ლაშხრერ, მაზერ, დავბერ, ლეწფერ, ცალერ, ჟაჟუნდერ და სხვ.⁴⁷

ჩამოთვლილ, საერთო კანონზომიერებასთან ერთად, მ. ქალდანის განსჯით, ლეჩხუმისა და სვანეთის ტოპონიმიკას ახასიათებს მრავალი ისეთი თავისებურება, კერძოდ, ლექსიკური შინაარსი, რომელთა ახსნა მხოლოდ სვანური ენის საშუალებით შეიძლება, მაგალითად, ლეჩხუმის: ბ ა ბ ი ნ ა კ ო რ (სახნავი ლაილაშში) — ბაბის ნასახლარი; ბ ა რ ჯ ა შ ი (სახნავი ორბელში) — ბეკის; გ უ დ უ ლ ა შ ი (საკულტო ადგილი) — გუდუღსი. ეს სახელი სვანურისათვის დამახასიათებელი კნინობითო ფორმითაა მოცემული; ი ფ ე რ ა ლ ი (სახნავი ლაილაშში) — ფერცვალებადი ადგილი, იფრალი — იფარის მსგავსად; კ ვ ა ნ ჩ ხ ო თ უ ლ ო (წყარო ორხეში) — კვანჩ წყლის საწყაო ჭურჭელია; კ ა რ ვ ა ლ ე შ ი (სახნავი ლაცორიაში) — კარავის დასადგმელი ადგილი; კ ი ც ხ უ ნ დ ე რ ი (სახნავი და ტყე ლაილაშში და ლაჯანაში) — ბელტნარი ადგილი; ლ ა ვ ა ლ ი ა შ ი (ტყე და სახნავი ღვირიშში) — ვალში მიცემული ან მისაცემი ადგილი; ლ ა მ ა რ ე შ ი (სახნავი ღვირიშში) — სამამაკაცე; ლ ა მ უ ხ უ რ ა შ ი (სახნავი ლახეფაში) — კუთხის, კუთხე ადგილი (მუხვირ-მუხურ სვანურად და მეგრულადაც კუთხეს ნიშნავს); ლ ა ტ ა ფ ი (სახნავი აღვში) — ფერდობი (ამავე მნიშვნელობისაა: ლ ა ტ ფ ი ა შ ი და ლ ა ტ ა ფ ი გ ვ ე რ დ ი — სახნავები ლაილაში და ქორენიში); ლ ა ყ ო ი დ ა შ ი (სახნავი ლახეფაში) — ნელთბილწყლიანი ადგილი; ლ ა შ კ ო დ ი ე (ღელე ოყურეშში) — სარეცხი ადგილი; ლ ა ხ ა მ ე ი ლ ა შ ი (სახნავები ცხუკუშერეში და ღვირიშში) — საღორე (ამავე მნიშვნელობისაა ლახამიდაში — ვენახი ორბელში); ლ ა ხ ე ფ ა (სოფელი) — საკმეჩი, საკბენი ადგილი; ლ ე ბ ე ნ ა (სახნავი საირმეში) — დასაბმელი ადგილი (ამავე ძირიდანაა ნაწარმოები ლ ე ბ ე ნ ა ლ ე — ტყის სახელწოდება ყვედრეშში); ლ ე დ ე შ ტ ო (ვენახი და სახნავი ცხუკუშერეში) — სადათვე ადგილი; ლ ე თ ო თ ა ნ ა (სახნავი ლაილაშში) — თეთრი ქათქათა ადგილი; ლ ე ი ფ ა ნ ა, ლ ე ი ფ ა ნ ი ს ღ ე ლ ე (უბანი და ღელე ოყურეშში) — იფნარი ადგილი; ლ ე მ უ შ ო (სახნავი ლაცორიაში) — თოვლიანი, სათოვლე ადგილი; ლ ე ნ კ ვ ვ ი (საძოვარი ცხუკუშერეში) — სარეველა ბალახიანი ადგილი; ლ ე ყ ა ვ რ ი

⁴⁷ მ. ქალდანი, დასახელებულ ნაშრომი, გვ. 75.

(სახნავი ორბელში) — საყავრე; ლეწება (სახნავი ლაცორიაში) — დაკიდებული; ლურცენალი (წყარო ლაილაში) — წყლიანი, მორწყული ადგილი; ლუხეანო (სოფელი) — სალკლდიანი ადგილი; მეკენჩხალი (სახნავი ქორენიში)... ნაკარეში (სახნავი ლაილაში) — ვაკობი. ამავე შინაარსისაა ნაკაში (ღელე ლასურიაში); სურმუში (სოფელი) — დიდთოვლიანი ადგილი; უცხერი (სოფელი) — მსხლიანი ადგილი (იგივე ძირისგანაა ნაწარმოები ნაკურალეშის და ცხუკუშერის ტოპონიმები: უცხანდერი, უცხერი — ციხე და სხვ.); ქვენაკა (სახნავი ორბელში) — ქვემოვაკე; ქორენიში (სოფელი) — სახლიანი ადგილი; შკედი (სახნავი ლაცორიაში) — ადგილი, რომელსაც მზე იშვიათად ეფინება (ამავე ძირისგანაა ნაწარმოები შკედიში — სოფლის, სახნავის და ტყის საბელები); ჩხუტელი (სოფელი) — კენჭნარი ადგილი (ამავე ძირისაგან შედგება ჩხუტელაში, წყარო ლაილაში); ცაგერი (სოფელი) — ეკლნარი ადგილი (ანალოგიური სახელწოდებებია ცაგერა და ცაგულეში); ცხაკუ (სახნავი ოყურეში) — საქორე; ცხუკუშერი (სოფელი) — ტყიანი ადგილი; ძულური (მთა, ტყე), რომელიც „ზღვა“ ძირისგანაა წარმოებული; წუდილაში (წყარო საირმეში) — პატარა დებიტის წყარო; ჰანქახი (სახნავი ლასურიაში) — უაღრესად ცივი; ხამარეში (სახნავი ლუხვანოში) — საღორე ადგილი; ჯიხერი (სახნავი ორბელში) — მუხნარი და სხვ.

ლეჩხუმის მიწა-წყლის სახელწოდებათა სევანური წარმომავლობის მნიშვნელოვანი მაჩვენებელია არა მარტო აღნიშნული და მსგავსი ტოპონიმების საყოველთაო გავრცელება, არამედ მისი ადრინდელი და აშკამინდელი მოსახლეობის უმრავლესობის გვარჩამომავლობაც. აშკარაა, რომ ლეჩხუმის მრავალ მკვიდრს სევანურისათვის დამახასიათებელი გვარი აქვს, მაგალითად: ასათიანი, აბვლედიანი, აბრალიანი, ბახსოლიანი, ბენდელიანი, ბურჯალიანი, ვასვიანი, გვიშიანი, გვირგვიჩიანი, გურგუაჩიანი, გულუანი (გელოვანი), გვიდანი, გაბიანი, გორეზიანი, გოლეთიანი, დავითულიანი, დაშნიანი, დევდარიანი, ვონიანი (ონიანი), ისიანი, თუთისანი, კოპალიანი, ლაჭყვიანი, ლაკეხელიანი, ლიპარტელიანი, ლარცულიანი, ლეთოდიანი, მეშველიანი, მუყბანიანი, მადრიანი, მუშკულიანი, რატიანი, ტვილდიანი, ფურცლიანი, ქელბაქიანი, ქვარიანი, ღოღელიანი, ჩაჩხიანი, ჩარკვიანი, ჩიქოვანი (ჩიქვანი), ჩხეტიანი, ცხვედიანი, კაბუყიანი, ხვადაგიანი, ხეცურიანი, ხერგიანი და სხვ.⁴⁹

48 ჩამოთვლილ გვარებს ენათმეცნიერები სევანურ ჩამომავლობისაღ მიიჩნევენ, მაგალითად, იბ. შ. ძიძიგური, ძიებანი ქართული დიალექტოლოგიიდან, თბ., 1954, გვ. 166 და სხვ.

ჩამოთვლილი სვანური გვარები ლეჩხუმის თითქმის ყველა სოფელში გვხვდება (ისინი ზოგან აბსოლუტურ უმრავლესობას შეადგენენ).

ამასთან, მნიშვნელოვანია ისიც, რომ ლეჩხუმის ტოპონიმიკას ხშირად სვანური გვარისათვის დამახასიათებელი (ჩამომავლობის თუ საკუთრების აღმნიშვნელი) ი-ან სუფიქსიანი სახელები აქვს; მაგალითად: არგუანი (სახნავი), გოგიჩიანი (სახნავი), გელვანისოული (სახნავი), ბელარიანი (სახნავი), ბილუანი (სახნავი), გასვიანიახო (სახნავი), ჩხეტიანისოული (სახნავი), საავალიანო (ღელე), საკოპალიანო (სოფლის ნაწილი), ჩიქვანისოული (სახნავი) და სხვ.

მკვლევართა (მ. ალაიძე, მ. ჩიქოვანი, ვ. თოფურია, შ. ძიძიგური და სხვ.) მტკიცებით, ლეჩხუმური ლექსიკა და მეტყველება დღესაც მრავლად შეიცავს სვანურს.

ლეჩხუმური ტოპონიმია და ლექსიკა ნაწილობრივ შეიცავს აგრეთვე ზანურსაც. ტოპონიმიაში ასეთად მიჩნეულია ო-ე (|| ო) აფიქსიანი გეოგრაფიული სახელწოდებები (აღსანიშნავია, რომ ეს აფიქსები ქართულ სა-ე (|| სა) და ზვანურ ლა-ა (|| ლა), ლე-ა/ე აფიქსებს შეესატყვისება). მაგრამ, როგორც ეს ი. ჭავჭავიძემ, მ. ჩიქოვანმა, მ. ალაიძემ, მ. ქალდანმა და სხვებმა დაადგინეს, ამგვარი ზანური წარმოების სახელწოდებები ლეჩხუმში მცირე რაოდენობით მოგვეპოვება, მაგალითად: ოღრაბუჩე, ოსუნელე, ოფიტარა, ოყალეთი, ონტოფ, ოფიჩხეთი, ონქეიში, ოფურეში და სხვ.⁴⁹

შესაძლებელია ლეჩხუმის ტოპონიმიაზე ზანურის გავლენა ამ მაგალითებით არ ამოიწურება, მაგრამ როგორც ეს ენათმეცნიერმა მ. ქალდანმა დაადგინა, ფაქტი ის არის, რომ ჩამოთვლილი სახელწოდებების აბსოლუტური უმრავლესობა ლეჩხუმის სამხრეთ ნაწილშია მოქცეული. რაც იმაზე უნდა მიუთითებდეს, რომ ოდესღაც იმერეთის მიწა-წყალზე მცხოვრები ზანები გარკვეულ გავლენას ახდენდნენ მოსაზღვრე ლეჩხუმის ტოპონიმიაზე და საერთოდ, ლექსიკაზე (მსგავსი გავლენა შეიმჩნევა სვანურზეც და პირიქით — სვანურისა ზანურზე).

სავარაუდოა, რომ ლეჩხუმის ტოპონიმიაზე და ლექსიკაზე ზანურის გავლენა ნაწილობრივ გვიანდელია, კერძოდ იმ დროის, როდესაც ლეჩხუმი სამეგრელოს სამთავროს შეუერთდა (XVIII საუკუნის პირ-

⁴⁹ ივ. ჭავჭავიძეილი, ქართველი ერის ისტორია, 1, გვ. 421; მ. ჩიქოვანი, ტოპონიმური ლექსიკონი, — ოსუ შრომები, IX, 1939, გვ. 238; მ. ალაიძე, ლეჩხუმური ტოპონიმური სახელწოდებანი, — ქუთაისის. პედ. ისტ. შრომები, XVIII, 1958, გვ. 154; მ. ქალდანი, ლეჩხუმის გეოგრაფიულ სახელთა-თშ (შ) სუფიქსის საკითხისათვის, — ქართველურ ენათა სტრუქტურის საკითხები, ტ. 111, 1963, გვ. 76.

ველ ნახევარში). ამისი ერთი მაგალითია თუნდაც ლეჩხუმური ტოპონიმი — დოღურაში (ტყისა და სახნავის სახელწოდება).

მ. ჩიქოვანის მიერ ჩაწერილი გადმოცემის მიხედვით, ეს ტოპონიმი შემდეგნაირად წარმოიშვა; ლეჩხუმში დადიანის (ყოფილი ჩიქვანის) საზაფხულო რეზიდენციას თავს დასხმია დადიშქელიანის რაზმი. ეს ამბავი სასწრაფოდ შეუტყობინებიათ რუხში მყოფი დადიანისათვის, რომელსაც ციხის მცველებისათვის შეუთვლია, რომ ცოცხალი თავით მტრისთვის ციხე არ დაეთმოთ, რაც კიდევაც შეუსრულებიათ. გადმოცემით დადიშქელიანს ციხე მხოლოდ მაშინ დაუპყრია, როდესაც მისი მცველები დაუხოცავეს. ამის გამო ამ ნაომარ ადგილს დოღურა-აში (მეგრულად მანდ მოკვდით) შეერქვა⁵⁰.

ეჭვსგარეშეა, რომ ზანურის გავლენა შეიმჩნევა ლეჩხუმურ ლექსიკასა და მეტყველებაზე, მაგრამ საგულისხმოა, რომ ეს გავლენა უპირატესად გარედან შემოქმედების შედეგია.

ყველაფერი ეს საფუძველს გვაძლევს დავასკვნათ, რომ ლეჩხუმის მიწა-წყალი სვანებს ეკავათ, მაგრამ დროთა ვითარებაში „ლეჩხუმის მოსახლეობამ სვანური დაივიწყა, „გაიმერელდა“ ანუ „გაქართველდა“ (ქართიზაცია განიცადა).

თუკი საკითხს ისტორიის თვალთახედვით განვსჯით, შეიძლება ვირწმუნოთ, რომ ლეჩხუმში (აგრეთვე მთელ კოლხეთში) თავდაპირველად „ფუძე ენა“ ანუ საერთო ქართული მოქმედებდა (ამისი მაგალითი უნდა იყოს ზანურ, სვანურ, ქართულში არსებული საერთო ლექსიკა, რომელიც უძველესი წარმოშობისაა). ამდენად, შესაძლებელი და სავარაუდოა, რომ ლეჩხუმის ტოპონიმიკური სახელწოდებების ის ნაწილი, რომელიც საერთო ქართულია, უძველესი წარმოშობის იყოს. მაგრამ, მეცნიერთა ვარაუდით, დროთა ვითარებაში „ფუძე ენა“ დაიშალა — ქართულს ჯერ სვანურა, ხოლო შემდეგ ზანურიც გამოეყო.

როგორც ისტორიული წყაროებიდან ჩანს (კოლხეთისა და ლაზიკის სამეფოებში). დასავლეთ საქართველოს მთიანეთი სვანებს ეპყრათ, ხოლო ბარი — ზანებს. მაგალითად, პტოლომაიოსის ცნობით, დასავლეთ საქართველოს ძირითად მოსახლეობას სვანო-კოლხები წარმოადგენდნენ.

ლეონტი მროველის ცნობით. პირველი ქართველი მეფე ფარნავაზის დროს, ერისთავი ქუჩი განაგებდა ქვეყანას ეგრის წყალსა და რიონს შუა — ზღვიდან მთამდე, რომელიც მოიცავდა ეგრისსა და სვანეთს⁵¹.

⁵⁰ მ. ჩიქოვანი, დასახელებული ლექსიკონი.

⁵¹ ს. ყაუხჩიშვილი, გეოგრაფია, II, 1934, გვ. 96—97.

პროკოპი კესარიელის გადმოცემით, სუანეთი მერმინდელ ლეჩხუმსაც მოიცავდა.

ჩანს, კოლხეთისა და ეგრისის სამეფოებში ლეჩხუმი ეკავა სვანურ ენაზე მოსაუბრე ხალხს, რომელმაც თავისი სახელები შეარქვა მიწა-წყალს. საგულისხმოა ისიც, რომ თავისი პოლიტიკური ჰეგემონობისა და მეზობლობის წყალობით ლეჩხუმის ტოპონიმიაზე ზანებმაც გარკვეული გავლენა მოახდინეს.

როგორც მეცნიერები ვარაუდობენ, „ფუძე ენის“ დაშლის შემდეგ სვანური და ზანური ენები თავისი გზით ვითარდებოდნენ, მაგრამ ისტორიულ პროცესში ლაზიკა სუსტდება და მის პარალელურად ძლიერდება იბერიის სამეფო, რომლის პოლიტიკურმა ჰეგემონობამ, დროთა ვითარებაში, ზანებსა და სვანებზეც იჩინა თავი.

ძველი კოლხური ტომები იბერიის პოლიტიკურ, ეკონომიკურ და კულტურულ გავლენაში მოექცნენ, ისინი გაქართვების გზას დაადგნენ.

გ. მელიქიშვილის განსჯით, დასავლეთ საქართველოში იბერიის გავლენაში ყველაზე ადრე (ძვ. წ. IV—III სს.) კოროზის მოსახლეობა მოექცა, შემდეგ დასავლეთ საქართველოს აღმოსავლეთ ნაწილი, სადაც ქართული ელემენტი შეიჭრა⁵².

სპეციალისტების მტკიცებით, დასავლეთ საქართველოში ქართიზაცია განსაკუთრებით ქრისტიანობისა და ქართული დამწერლობის შემოღების შემდეგ ძლიერდება. ნ. ბერძენიშვილისა და დ. მუსხელიშვილის აზრით, ქრისტიანობისა და ფეოდალური ურთიერთობის გამარჯვების შემდეგ დასავლეთ საქართველოს ქართიზაცია ყოველმომცველი ხდება⁵³.

იბერიის კულტურულმა და პოლიტიკურმა ძლევამოსილებამ ქართული ენის პოზიციები და გავრცელებაც გააძლიერა. ქართულენოვანმა ქრისტიანულმა მღვდელმსახურებამ და ქართული დამწერლობის მძლავრმა ნაკადმა შუა საუკუნეებში მთელი დასავლეთ საქართველო დაიპყრო. ბუნებრივია, ამის შედეგია რაქა-ლეჩხუმის საბოლოო ქართიზაცია.

საგულისხმოა, რომ ლეჩხუმის ქართიზაცია მთელ შუასაუკუნეებში გრძელდებოდა, რის შედეგად, ექ. თაყაიშვილის სიტყვებით რომ ვთქვათ, „ლეჩხუმელი სვანები გაიპერელდნენ ანუ გაქართველდნენ“⁵⁴.

52 გ. მელიქიშვილი, საქართველოს კავკასიისა და მსოფლიო აღმოსავლეთის უძველესი მოსახლეობის საკითხისათვის. გვ. 28, 91.

53 ნ. ბერძენიშვილი. საქართველოს ისტორიის საკითხები, XVIII, 1975, გვ. 249; დ. მუსხელიშვილი, საქართველოს ისტორიული გეოგრაფიის ძირითადი საკითხები, თბ., 1977, გვ. 228.

54 ექ. თაყაიშვილი, არქეოლოგიური ექსპედიცია ლეჩხუმ-სვანეთში 1910 წ. პარიზი, 1937, გვ. 84.

ჩანს, ეს პროცესი განსაკუთრებით მას შემდეგ გაძლიერდა, როდესაც საქართველოს ერთიანი ცენტრალიზებული სახელმწიფო ჩამოყალიბდა და ლეჩხუმი (თაკვერად წოდებული) სვანეთის საერისთავოს საბოლოოდ გამოეყო ადმინისტრაციულად. ამიერიდან ლეჩხუმში სვანური ენა შევიწროვდა და ცოცხალ მეტყველებაში თანდათანობით დავიწყებას მიეცა.

მიუხედავად ამისა, როგორც ვნახეთ, სვანურის ძლიერი კვალი ლეჩხუმის მიწა-წყალს დღემდე შემორჩა. ამასთანავე, ქართიზაციის პროცესმა ტოპონიმიაშიც გაიდგა ფესვი. სხვათა შორის, ენათმეცნიერთა განსჯით, ხშირია შემთხვევა, როდესაც ლეჩხუმის ამა თუ იმ ტოპონიმს სვანური ძირი აქვს, მაგრამ მაწარმოებელი ან განმსაზღვრელი ქართული ერთვის. მაგალითად, ზედა ლეჩომოლ (სახნავი ალპანაში) — აქ ლეჩომოლ (ანუ „ლეყა მოლ“) ნიშნავს აღმოსავლეთით მდებარე მდელს, რომელსაც ქართული — „ზედა“ აქვს დართული; ლატფიგვერდი (სახნავი ქორენიშში) — ლატფი სვანურად ეწოდება ფერდობ, დამრეც ადგილს, რომელსაც „გვერდი“ დამატებია; ლეიფანის ლელე (ოყურეშში) — ლეიფანე ნიშნავს იფნარ ადგილს, რომელსაც „ლელე“ დაერთო; ლეხიდრისთავი (სოფელი) — ლეხიდარი ნიშნავს სახიდე ადგილს, რომელსაც „თავი“ დაემატა; ნაკაშილელე (ლასურიაშში) — ნაკ (ნაკაში) ეწოდება ვაკეს (ვაკობს), რომელსაც „ლელე“ დაერთო; უცხერიციხე (ციხე-სიმაგრის ნანგრევები) — უცხერი ნიშნავს მსხლიან (მსხალნარ) ადგილს, რომელსაც „ციხე“ დაერთო; ქვენაკა (ორბელში) — ნაკ (ნაკა) — ნიშნავს ვაკობს; ქვედალუხვანო (სოფელი) — უხვან (ლუხვან-ლუხვინ) — ნიშნავს საფუძველს, კედელს, რომელსაც „ქვედა“ დაერთო; ცხაკუწვერი (სახნავი ოყურეშში) — ცხაკვ ქორის სვანური სახელია, რომელსაც „წვერი“ დაემატა; ხამარეში ქვაბი (ლახეფაში) — ხამარეში ნიშნავს სალორეს, რომელსაც „ქვაბი“ დაემატა და ა. შ.

ეს მაგალითებიც იმაზე მეტყველებენ, რომ ლეჩხუმის სვანურმა ტოპონიმიაშიც ქართიზაცია განიცადა, რომ რიგმა სვანურმა ტოპონიმმა სახე იცვალა.



გარკვეული თავისებურების გამო ენათმეცნიერები რაჭულში სამ კილოკავს გამოყოფენ: ზემორაჭულს, ქვემორაჭულსა და მჟარაჭულს⁵⁵.

⁵⁵ ი. გიგინეიშვილი, ვ. თოფურია, ი. ქავთარაძე. ქართული დიალექტოლოგია, I, თბ., 1961, გვ. 500—501; შ. ძიძიგური, ძიებანი ქართული დიალექტოლოგიიდან, თბ., 1954.

როგორც ცნობილია, ისტორიულ რაქას შეხვედრის წერტილები ჰქონდა ქართლთან და იმერეთთან, ხოლო ნაწილობრივ სევანეთთან, სამეგრელოსთან და, აგრეთვე, ოსეთთან, ამიტომ რაქული დიალექტი მეზობელი ენების გავლენასაც განიცდის.

სპეციალისტების განსჯით, თანამედროვე რაქული ქართული ენის განშტოებაა, რომელსაც განსაკუთრებული სიახლოვე იმერულთან და ლეჩხუმურთან აქვს⁵⁶.

უდავოა, რომ რაქის თანამედროვე ტოპონიმია (აგრეთვე ლექსიკა) ქართულია (მიუხედავად იმისა, რომ ზოგიერთი სპეციალისტის აზრით, რაქა ოდესღაც ზანებით და სევანებით იყო დასახლებული). მის მიწა-წყალს სევანურისა და ზანურის გავლენა სუსტად შემორჩა, რაც იმით აიხსნება, რომ რაქის ქართიზაცია უფრო ადრე მოხდა და ყოველსმომცველი იყო, ვინემ ლეჩხუმის.

ენათმეცნიერთა განსჯით, თანამედროვე რაქის სოფლების, სახნავ-სათიბების, ვენახების, ბაღების, მინდვრების, მთების, ღელე-წყაროების, ტყეების და სხვათა სახელწოდებები, როგორც წესი, ქართულია, მით უფრო ქვემო და შუა რაქის, სადაც დღეს სპეციალისტები თითო-ოროლა ზანურ და სევანურ ტოპონიმს თუ ამჩნევენ.

რაქაში ქართული წარმომავლობის სოფლების სახელებია: აბანოეთი, აგარა, ახალსოფელი, ბარეული, ბოსტანა, გოგოლეთი, გორი, გორისუბანი, ველიევი, კლდისუბანი, კორტი, ნამანევი, პატარა ონი, საკეცია, სალხინო, სინათლე, ტბეთი, ქედისუბანი, ღვიარა, შავრა, შრომა, ქელიადლე და სხვ. ასევე ქართულია სახნავ-სათიბის, მთატყის, წყლების და სხვათა სახელწოდებები: აღდგომელა, ბალიანთა, ბარეულა, ბატონიწყალი, ბელელა, ბორიდელე, ბოსელა, ბოსტანა, ბუაველა, გადათრეული, გასიაკარი, გველიეთი, გლიტინადლე, გობსათიფი, გოდრეულა გორმალალი, გრძელიური, დაბლაები, დათვიბელაურა, დათვირეკია, დანაფიციები, დარგულა, დედაბერა, დევინაგლეჯი, დიოფალა, ედემა, ეაკეთა, ეაკეტყე, ვაშლარა, ველიკოდი, ზეცხოველი, ზეინარი, ზურვანა, თამარწყალი, თბილისა, თეთრაული, თელანი, თიკანული, თხილიეთი, იხვა, კალთიეთი, კალოეთი, კამირტყე, კარიეთი, კახაბერაული, კერკეტა, კვერთა, კვირიკაული, კობახეული, კოდიკარი, კოშკითავი, კოშკიდელე, კუდისი, ლაკორიგვერდი, ლომიეთი, მამაკაური, მაისურაული, მახარობელა, მგლისყურა, მიმინო-

⁵⁶ ისტორიკოს მკვლევართა ვარაუდით, რაქაში (მთა რაქის გამოკლებით) და იმერეთის აღმოსავლეთ ნაწილში, უკვე V—VI საუკუნეებში, საკუთრივ ქართულენოვანი მოსახლეობა ცხოვრობდა (იხ. ნ. ბერძენიშვილი, საქართველოს ისტორიის საკითხები, VIII. 1975, გვ. 245—249; გ. მელიქიშვილი, საქართველოს, კავკასიისა და... გვ. 90—91; დ. მუსხელიშვილი, საქართველოს ისტორიული გეოგრაფიის ძირითადი საკითხები, გვ. 226).

წყარო, მიღმატყე, მოგონილა, ნაგარევი, ნაბახმარი, ნაბელლარი, ნაბოსლევა, ნაგუთნევი, ნადიკვარი, ნათელაური, ნაკარევი, ნამაცხოვრები, ნანადევი, ნაომარი, ნასაკირევი, ნასისხლარი, ნატბაურა, ნაფიცვარა, ნაფუზვარი, ნაშვავები, ნაცერცვალა, ნახიდურა, ორლარი, ოქროყანა, პაიჭა, პეპელა, პირიყანა, როსტომეულა, საბაწრია, საკანაფო, საღათვია და სხვ.⁵⁷

ქვემო რაჭაში სვანური წარმოშობის ტოპონიმები ჩანს: კაჩეთი (სოფელი), კონჩხა (სახნავი ღვინარაში), ლენჯყი (სახნავი და წყარო ბარეულში), მუჟური (კლდე კორტში) და სხვ. აქვე ვხვდებით რამდენიმე ზანურ ტოპონიმსაც.

ადგილმდებარეობათა სახელწოდების მხრივ, ქვემო რაჭასთან შედარებით, განსხვავებული სურათია მთარაჭაში ანუ რაჭის „მთიულეთში“, სადაც სვანურის კვალი არა მხოლოდ ტოპონიმიაში შემორჩა, არამედ ნაგებობებში, ლექსიკაში, მეტყველებაში და სხვ.⁵⁸

ირკვევა, რომ მთარაჭა, რომელიც 400 კომლამდე მოსახლეს შეიცავდა, XV საუკუნემდე სვანეთის შემადგენლობაში შედიოდა, მაგრამ შემდეგ ის იმერეთის სამეფო კარმა რაჭის საერისთავოს შეუერთა⁵⁹.

სავარაუდოა, რომ მთარაჭის ქართიზაციაც ადრე დაიწყო, მაგრამ ეს პროცესი საბოლოოდ მხოლოდ მას შემდეგ დამთავრდა, რაც ის რაჭის საერისთავოს შემადგენლობაში შევიდა და მთარაჭაში სვანურენოვანი მოსახლეობა თანდათანობით შემცირდა ან გაქრა (ასეთი პროცესის შედეგი უნდა იყოს სოფლების — ბრილის, თევრეშოს, შოდას, ჩუეშოს, ბუბასა და სხვათა — დაცლა და გაუკაცრიელება).

მიუხედავად ყველაფრისა, მთარაჭაში სვანურის კვალი დღემდე შემორჩა.

რაჭისა და კერძოდ, მთარაჭის გეოგრაფიული ნომენკლატურიდან სოფლების სვანური სახელწოდებები: ბოყვა, ლაგვანთა (შეადარეთ მდ. კოდორის ხეობის ლაგვანთას, სადაც დღემდე შემორჩა სასაფლაოების ნაშთები), მაყიეთი, ნაკიეთი, წედისი, ჰეხბარი, ლები და სხვ.⁶⁰

57 მაგალითები ამოღებულია მ. ალაიძის ქვემო-რაჭული ტოპონიმიკური ლექსიკონიდან.

58 ს. მაკალათია, მთის რაჭი, თბ., 1930, გვ. 9—14; ი. გიგინეიშვილი, ვ. თოფური, ი. ქაეთარაძე, ქართული დიალექტოლოგია. I, გვ. 50; შ. ძიძიგური, ძიგბანი ქართული დიალექტოლოგიიდან, გვ. 182.

59 სვანეთის საისტორიო ძეგლები, II, თბ., 1941, გვ. 31—34; ს. კაკაბაძე, სვანები მე-15 საუკუნეში — წერილები და მასალები საქართველოს ისტორიისათვის, წ. I, 1914, გვ. 131.

60 ბოყვა-ბეყე ეწოდება გამოფულურობულ, ჩადრმავებულ, ქვაბულ ადგილს, აგრეთვე არყის ხის ქერქისაგან გაყეთებულ ჰურქველს. ლაგვანთა-ლაგვან (ლაგვნი) ეწოდება სატირალ-საგოდებულ ადგილს. მაყიეთი-მიყიეთი ეწოდება მზიან ადგილს.

აღნიშნულის გარდა, რაჭის (უპირატესად მთარაჭის) მრავალ ადგილს შემორჩა სვანური სახელი, მათ შორის: ბერალ (სათიბი ღებში), ბინული (სახნავი ეამიერეთში), ბუბა (სოფელი, აგრეთვე მთა გლოლაში), გუგუშერები⁶¹ (საძოვარი ურავეში), გვიმბრალა (სახნავი ონში), ზუგსუკანები (სათიბი სხარალში), კაპრალი (სახნავი სევაში, სინათლეში და უყეშში), ლათქიშორა (მდინარე რიონის შენაკადი ღებში), ლაილაეთი სოფელ წედისის უბანი, ლალათი (ტყე ფსორში), ლაშხიაქელი (სახნავი ბაჯიხევში), ლენკყი (სახნავი, საძოვარი და წყარო ბარში), ლუბუნგადალმა, ლუბუნგივერდი, ლუბუნისთავი (სახნავ-საძოვრები აბანოში და ურავეში), მაჩხტარი (მთა ღებში), მეკენჩხალები (სათიბი სევაში), მერღვევი (ტყე ქრისტეში), მუშვანი (ღელე უწერაში), მუჟური (კლდე კორტში), ნახოშარა (სათიბი ბოყვაში და ზეარეთში), ნახოშევარი და ნახოშარი (სათიბები ბარში და გლოლაში), ნახოშევი⁶² (სახნავი ნიგავზევში), ნახულვარი (სახნავი ბაჯიხევში), რივნიანი (სახნავი მიდანში), რივენ მდინარე რიონი, სალატიფარი (სათიბი ღებში), ყიარში (საძოვარი და სახნავი ჰიორაში), ჩრდილნაკიეთი (სახნავ-საძოვარი ნაკიეთში), ცხოში (მთა მჟიეთში), ცხომოულა (წყარო ზნაკეაში), წედისითა (სათიბი წოლაში), წიხვარგა (მთა ღებში), ჰანჯახი — მდინარე რიონის შენაკადი (გლოლაში), ჰაღნაკიეთი — სოფელ ნაკიეთის უბანი, ბუთხარო (მწვერვალი ურავეში), შხიროლი (საძოვარი ჰიორაში) და სხვ.⁶³

რაჭაში დღემდე მოაღწია ბევრმა ისეთმა სახელწოდებამ, რომელიც პირდაპირ მიუთითებს მის სვანურ წარმოშობაზე, მაგალითად: ბლუანი (საძოვარი პიპილეთში), გელოანთსეული (საძოვარი ურავეში), გოგრიკიანნატეხი (მთა ღებში), ლაშხიაქელი (სახნავი ბაჯიხევში), მუშუანი (ღელე უწერაში), სვანური (სახნავი და ტყე უყეშში და ჩორჯოში), სვანების წყალი (წყარო და მთა სადმელში), სასვანო (მთა ღებში), სასვანო (ბილიკი და ტყე ლიხტოში), ჩარკვიანიახო (სათიბი ზეარეთში) და სხვ. რაჭის გარკვეული მიწა-წყალის ოდინდელ სვანურობაზე მეტყველებს მისი მოსახლეობის ნაწილის გვარჩამომავლობაც;

ნაკიეთი-ნაკი ეწოდება ვაკობ ადგილს, ტრიალ მინდორს. წედისი-წედი (წედ) ეწოდება პატარა ღებბიტის წყაროს. ჰევაბარი — ჰევაბრა — ჰუბუბა ჰაობნარი ადგილია. ღები-ღევი ეწოდება გობს, ჩაღრაშეებულ ადგილს.

61 აღნიშნული საკუთარი სახელი წარმოებულია ორმაგი მრავლობითის ნიშნით — სვანური ერ და ქართული ებით.

62 ნახოშარი, ნახოშევი და მისთანანი წარმოებულია ხომა ძირისაგან, რაც ასაკით უფროსს ნიშნავს, ე. ი. საუფროსო ან ნაუფროსალი.

63 მაგალითები ამოღებულია ლ. ფრუიძის ზემო რაჭისა და მთარაჭის ტოპონიმიკური ლექსიკონიდან (ხელნაწერი) და მ. ალაიძის ქვემო რაჭის ტოპონიმიკური ლექსიკონიდან.

მაგალითად: ავალიანი, ახელედიანი, გაბისიანი, გელბახიანი, გელოვანი, ველებიანი, ველესიანი, გიორგობიანი, გოგრიჭიანი, გორდუზიანი, დაშნიანი, დავითულიანი, დათუსანი, ზურაბიანი, მუსელიანი, მახალდიანი, სამარგულიანი, სვანიძე, სვანი, სვანიშვილი, რატიანი, ცხვედია-ნი, ყიფიანი, ჩაჩხიანი და სხვ.

რაჭის ზოგიერთი გვარეულობის ნასვენარობაზე მიუთითებს მათი განშტოებების სვანურ-ტრადიციული დაყოფა; მაგალითად, ლობჯანიძეები, რომლებიც გვარშეცვლილ სვანებადაა მიჩნეული, გვარის შიგნით შემდეგ შტოებად იყოფიან: ხოშიტიანი, ნანუკიანი, ლაშხენი, ზვიადენი, ჯოტონი, სვანენი, ჯაჯონი და სხვ., გვაშელიშვილები, რომელთა ნაწილსაც აგრეთვე ნასვენარებად მიიჩნევენ იყოფიან: ქაოზენი, ნახილენი, გოტიენი, გვიტიანი, ჯამონი და სხვ. გოგრიჭიანის გვარ-განშტოებებია: ჩხუტენი გოჩიენი, ლეჩხუმლენი, საგიენი, მამუჩიანი და სხვა. ასეთი დაყოფა, პირველ რიგში, ოჯახის უხუცესის (წინაპრის) სახელთანაა დაკავშირებული, ზოგჯერაც წარმოშობის ადგილთან, სადაურობასთან და სხვა⁶⁴. შესაძლებელია შემოჩამოთვლილი გვარეულობებიდან რაჭაში რომელიმე გვიან იყოს ჩასახლებული, მაგრამ ყველაფრიდან ჩანს, რომ რაჭის მიწა-წყლის ნაწილი სვანებით ყოფილა დასახლებული.

რაჭის ისტორიული წარსულის დადგენაში გვეხმარება მისი ნაგებობების სტრუქტურაც. ეს ნაგებობები უმთავრესად იმერულ-ქართლური სტილისაა, მაგრამ ზოგან განსხვავებული, სვანური სტილიც შეინიშნება, მაგალითად მთა რაჭაში. იქაური საცხოვრებელი, სამეურნეო და თაუდაკეთი ნაგებობანი დანარჩენისაგან იმდენად განსხვავებული და თავისებურია, რომ მას ვახუშტი ბატონიშვილიც ცალკე გამოყოფს. საკმარისია ამ ნაგებობათა ვახუშტისეულ დახასიათებას დავაკვირდეთ, რომ თვალში გვეცეს მთარაპულ-სვანურ-ლეჩხუმურ ნაგებობათა იდენტურობა და მათი გენეტიკური კავშირ-ერთიანობა.

⁶⁴ საინტერესოა ისიც, რომ სვანური გვარგანშტოების მსგავსი ტრადიცია შეინიშნება აღმოსავლეთ საქართველოს მთიულურ გვარებშიც, მაგალითად, ზურუკურებში, რომელთა განშტოებებია: მამუკიანი, ბერიანი, ქუშიანი, ქოჩიანი, ობელიანი და სხვ.; აშირიძეების გვარში: ხუტიანი, პაპიანი, გვიანი, მკედლიანი და სხვ.; ჩოხელების: ლაზარიანი, შელიანი და სხვ.; კობაძეების: ბეჟიანი, მგლიანი, მახარია-ნი და სხვ.; ბურდულუბის: შოკიანი, კაბუკიანი, კოკილანი, ვიდიკიანი, ლევიანი და სხვ.; წამალიძეების: ყაზბეგიანი, მახარობელიანი, ჯაბიანი და სხვ.; ქვეთარაძეების: ხიზანიანი, ქოჩორიანი, სეხნიანი და სხვ.; აფცაურების: ივანიანი, კოტონიანი და სხვ.;

ისტორიული სვანეთის მოსახლერე მთიულურ გვარეულობათა -იან სუფიქსიან განშტოებებად დაყოფა სვანებისა და მთიულების გენეტიკური ნათესაობის მნიშვნელოვან არგუმენტადაა მიჩნეული (იხ. შ. ძიძიგური, დასახლებული შრომა, გვ. 193; ს. შაკალაიძე, დასახლებული შრომა, გვ. 37).

მართალია, მთარაჰის სოფლები — ბრილი, თევარეშო, შოლა, ჩუეში, ბუბა და სხვა, რომლებიც ისტორიულ სვანეთში შედიოდა, გაუქვაცირელდა (ნაგებობები დაინგრა), სამაგიეროდ, ზოგიერთმა მათგანმა ჩვენამდე მოაღწია. ამ მხრივ საინტერესოა ღები, სადაც ჩვენი საუკუნის დამდეგამდე 50-დუროიანი სახლი და რამდენიმე ციხე-კოშკის ნაშთი შემოინახა⁶⁵. მოცემული ნაგებობანი თავისი წყობით, ფორმით, მოცულობით და სხვა თითქმის არაფრით განსხვავდება სვანურისაგან.

სვანეთისა და მთარაჰის ნაგებობათა ტიპობრივ-გენეტიკური ერთნაირობა დღეს არ იწვევს ეჭვს, მით უფრო მას შემდეგ, რაც რ. თაბუკაშვილმა იტალიიდან ვიტორიო სელას მიერ XIX საუკუნეში გადაღებული ზემო რაჰის ზოგიერთი სოფლის ხედის ფოტო-სურათი ჩამოიტანა.

მთარაჰაში სვანურის კვალი შეიმჩნევა აგრეთვე ლექსიკაში, მეტყველებაში, ზნე-ჩვეულებებში, სიმღერებში და სხვ.

ყველაფერი ეს იმაზე მეტყველებს, რომ რაჰის ნაწილი ოდესღაც სვანებს ეკავათ, მაგრამ, დროთა ვითარებაში, რაჰაში სვანური ენა ვაჰრა, მისი ადგილი, ქართიზაციის შედეგად, საერთო და მოწინავე ქართულმა ენამ დაიკავა.

2. ვინ იპყნენ მისიშიანები

ქართველი ერის ეთნოგენეზისის შესწავლისათვის დიდი მნიშვნელობა აქვს საქართველოს ოდინდელი მოზინადრე უძველესი ტომების ტერიტორიული განსახლებისა და ეთნიკური ვინაობის გარკვევას.

ამ მხრივ ჩვენს ყურადღებას იპყრობს ეგრისის (ისტორიული კოლხეთის) ტერიტორიაზე მოსახლე მისიშიანთა საკითხი.

ეგრისის ანუ ლაზიკის სახელმწიფოში, რომელიც დასავლეთ საქართველოს მოიცავდა, მეგრულ-ლაზების გარდა, სხვა ტომებიც ცხოვრობდნენ, მათ შორის: ჰენიოხები ანუ სანიგები, აბაზგები, აფსილები, მისიშიანები და სხვ.

ცნობილია, რომ ანტიკურ და ადრეფეოდალურ ეპოქაში სანიგები, აბაზგები, აფსილები და მისიშიანები მოსახლეობდნენ შავი ზღვის ჩრდილო-აღმოსავლეთ ნაწილში, ნიკოფსიიდან ვიდრე მდ. ღალიძკა — კელასურამდე.

⁶⁵ მოგზაურ დიბუას მიერ XIX საუკუნის 30-იან წლებში გადაღებული ღების სურათში კარგად ჩანს დუროიანი სახლები და კოშკები. ღების ზედი სვანეთის სოფლების ზუსტ ტიპს მოგვაგონებს (იხ. ს. მაკალათია, დასახლებული შრომა, გვ. 21, 41).

ჩანს, ჩამოთვლილი ტომები დროთა ვითარებაში გარკვეულ გადადგილებას განიცდიდნენ.

ბიზანტიური წყაროებით, ჰენიოხები ანუ სანიგები შავიზღვისპირეთის მოსახლეობას წარმოადგენდნენ. ფსევდოპოსიდასი, სტრაბონი, ფსევდოორფეოსი, პლინიუსსეკუნდი, ფსევდოარიანე, პონპონი მელა და სხვა სანიგებს ასახელებენ შავიზღვის ჩრდილო-აღმოსავლეთ სანაპიროზე ანუ სებასტოპოლისსა (ცხუმსა) და სოკს შორის ტერიტორიაზე. არიანე (II ს. ჩვ. წ. აღ.) პირდაპირ წერს, რომ სებასტოპოლისი სანიგთა მიწა-წყალზე მდებარეობს. პონპონი მელაც ასევე აღნიშნავს, რომ დიოსკურია (იგივე ცხუმი ანუ სოხუმი) ჰენიოხთა ანუ სანიგთა ქალაქია.

სტრაბონი (ძველი და ახალი წ. აღ. მიჯნა) წერს, რომ კოლხები და ჰენიოხები ერთიმეორის მეზობლები არიან. პტოლემეაიოსის (II ს. ჩვ. წ. აღ.) ცნობით, პონტოს გაყოლებით ცხოვრობენ ახეველები, კერკეტები, ჰენიოხები და სვანო-კოლხები. ფსევდოორფეოსიც (IV ს.) აღნიშნავს, რომ კავკასიის გასწვრივ სახლობდნენ კოლხების, ჰენიოხებისა და აბაზგების ტომები.

საერთოდ, არაერთგვაროვანი ცნობები მოგვეპოვება შავიზღვის ჩრდილო-აღმოსავლეთ ტერიტორიაზე მოხსენიებულ ხალხთა განსახლების ადგილმდებარეობის შესახებ.

პ. ინგოროყვას მიაჩნია, რომ აფსილებს ანტიკურ და ადრეფეოდალურ ხანაში მდ. კელასურის ხეობის ზემო წელი და მისი მიმდებარე ტერიტორია ეკირათ — გუმისთიდან ვიდრე კოდორის ხეობამდე⁶⁶.

ზ. ანჩაბაძის აზრით, აფსილები (ანუ აბსილები) ჩვ. წ. აღ. პირველ და მეორე საუკუნეში აწინდელი გალის ტერიტორიაზე სახლობდნენ, შემდეგ — მეხუთე-მეშვიდე საუკუნეებში — გულრიფშისა და სოხუმის მიდამოებში გადაინაცვლეს. მისივე განსჯით, შესაბამის დროში, აბაზგები ჯერ აწინდელ ოჩამჩირის ტერიტორიაზე, ხოლო შემდეგ მდ. გუმისთასა და ბზიფს შორის სახლობდნენ⁶⁷.

ძნელია ჰენიოხ-სანიგთა ეთნიკური ვინაობის ზუსტი და უდავოდ აღდგენა. ბიზანტიური ცნობები მათ განასხვავებს როგორც მეგრულ-ლაზების, აგრეთვე აბაზგების, აფსილებისა და სვანებისაგან.

საქართველოს უძველესი ისტორიის მკვლევართაგან ერთნი ფიქრობენ, რომ ჰენიოხები (იგივე სანიგებ ანუ სანიხები) სვანთა წინა-

⁶⁶ პ. ინგოროყვა. გიორგი მერჩულე ქართველი მწერალი მეათე საუკუნისათვის, 1954, გვ. 126.

⁶⁷ З. В. Анчабадзе. Из истории средневековой Абхазии, Сухуми, 1959; его же. История и культура древней Абхазии. М., 1964. ;

პრები ანუ უძველესი ქართველები იყვნენ⁶⁸. მეორენი ჰენიოხებს იგივე ქართველების ანუ მეგრელ-ლანების თვისტომად მიიჩნევენ⁶⁹. მესამენი აცხადებენ, რომ ჰენიოხ-სანიგები აფხაზური მოდგმის ხალხს წარმოადგენდნენ⁷⁰. ამასთან ისიც ითქვა, რომ ჰენიოხები შავი-ზღვისპირეთის ადიღეური წარმოშობის სხვადასხვა ტომთა და ჯგუფთა კრებითი სახელია⁷¹.

აღსანიშნავია, რომ აფსილების, აბაზგების, მისიმიანების თუ ჰენიოხ-სანიგების ეთნიკურ კუთვნილებასა და ენის რაობაზე არაერთარი პირდაპირი ჩვენება არ არსებობს. ამიტომ ამ საკითხებზე მკვლევართა მსჯელობა უმეტესწილად პირობითი და ჰიპოთეზურია, ზოგჯერ ტენდენციურიც.

პირდაპირ უნდა ითქვას, რომ ჰენიოხ-სანიგების დღევანდელ აფხაზებად ან მათ თვისტომებად მონათვლას საფუძვლად მხოლოდ სუბიექტური სურვილი და ვარაუდი უდევს. ჩანს, ისინი აფხაზებად მხოლოდ იმიტომ არიან მიჩნეული, რომ აფხაზეთად წოდებულ ტერიტორიაზე ცხოვრობდნენ.

ძნელია, აგრეთვე, იმისი უდავო ცხადყოფაც, რომ ჰენიოხ-სანიგები უეჭველად ქართველური ტომები ანუ სვანები იყვნენ. თუმცა ამ მოსაზრებას უფრო რეალური საფუძველი გააჩნია. ეს არის ბიზანტიური ცნობები სვანთა მრავალრიცხოვნობისა და კავკასიის მთავარი ქედის ცენტრალურ და დასავლეთ ნაწილში განფენილობის შესახებ. აგრეთვე, სახელწოდება სანიგის სვანთან სიახლოვე და სხვ.

ჰენიოხ-სანიგთა სვანობაზე უნდა მიუთითებდეს ისტორიულ აფხაზეთში და მის მიმდებარე ტერიტორიებზე შემორჩენილი არაერთი სვანური ტოპონიმი (ამაზე ქვემოთ).

⁶⁸ И. А. Орбели. Город Близицево „Дюскурнас“ и племя возниц „пепнохой“. — ЖМНП, XXXIII 1911 г. გ ე ლ ი კ ი შ ე ი ლ ი. საქართველოს, კავკასიისა და მახლობელი აღმოსავლეთის უძველესი მოსახლეობის საკითხისათვის. თბ., 1965, გვ. 50—67; დ. მ უ ს ხ ე ლ ი შ ე ი ლ ი. საქართველოს ისტორიული გეოგრაფიის ძირითადი საკითხები. თბ., 1977, გვ. 99.

⁶⁹ პ. ი ნ გ ო რ ო ყ ვ ა. გიორგი მერჩულე... გვ. 129, 134—137, 143, 144; ს. ჯ ა ნ ა შ ი ა. შრომები. III, თბ., 1959, გვ. 11; მ. ი ნ ა ძ ე. ჩრდილო-აღმოსავლეთ შავი-ზღვის სანაპიროს მოსახლეობის ეთნიკური შემადგენლობის საკითხისათვის. — მაცნე (საზოგ. მეცნ. სერია), № 2. 1960.

⁷⁰ И. Гулия. История Абхазии, т. I. Сухуми, 1925; მ. გ უ ნ ბ ა. დასავლეთ საქართველო და ბიზანტია VI—VIII სს. თბ., 1962; З. В. Анчабадзе. История и культура древней Абхазии. М., 1964; его же. Очерк этнической истории Абхазского народа. Сухуми, 1967.

⁷¹ Л. И. Лавров. О происхождении народов северо-западного Кавказа. — ССИК, вып. 3, 1954.

მართალია, მისიმიანების ტერიტორიულ განსახლებაზეც აზრთა ვარკვეული სხვაობა არსებობს, მაგრამ ბიზანტიელი მწერლები მკაფიოდ მიუთითებენ, რომ ისინი აფსილებისა და აბაზგების უშუალო მოსაზღვრე იყვნენ ჩრდილოეთის მხრიდან, კავკასიის სამხრეთ კალთების გაყოლებაზე. მაგალითად, სტრაბონის ცნობით, სვანები დიოსკურიას უშუალოდ ესაზღვრებოდნენ: „სვანებს უჭირავთ კავკასიონის მთიანი მხარე, რომელიც აღმართულია დიოსკურიის ზემოთ“⁷².

კლავდიუს პტოლემეაიოსის თხზულებაში შავი ზღვის ჩრდილო-აღმოსავლეთ მხარეში, სხვა ტომთა შორის, სვან-კოლხებია დასახელებული⁷³.

აგათია სქოლასტიკოსი წერს, რომ მისიმიელები აფსილთა ტომზე უფრო ჩრდილოეთით და ოდნავ აღმოსავლეთისაკენ ცხოვრობენ. მისივე ცნობით, მისიმიელები აბაზგიასა და სვანეთსაც ესაზღვრებოდნენ⁷⁴.

მსგავს ცნობას გვიტოვებს მენანდრეც, რომლის მიხედვით მისიმიელებს აღმოსავლეთიდან უშუალოდ სვანები ესაზღვრებოდნენ, ჩრდილოეთიდან — კავკასიის ქედი და ალანები, სამხრეთიდან — ლაზიკა (ეგრისი), დასავლეთიდან — აბაზგები.

აქედან გამომდინარე, პ. ინგოროყვა დაასკვნის, რომ მისიმიანები კოდორის ხეობაში (წებელდიდან ვიდრე ქლუხორის უღელტეხილამდე) ცხოვრობდნენ. მისივე აზრით, მისიმიანთა მთავარი ციხე იყო ძახარო ანუ ჩხარო (იგივე ჩხლი ანუ ჩხალთა), რომელსაც „რკინის ციხე“ ეწოდებოდა⁷⁵.

ზ. ანჩაბაძეც დაახლოებით ასე განსაზღვრავს მისიმიანთა ადგილმდებარეობას — ისინი დალის (კოდორის ზემო წელში) და წებელდის ნაწილში სახლობდნენ⁷⁶.

პ. ინგოროყვას განსჯით, ისტორიული კოლხეთის ანუ ეგრისის მიწა-წყალზე მოსაძლე სვანო-კოლხების ნაწილი სვანური მოსახლეობაა, რომელიც სტრაბონის რწმუნებით, კავკასიონის ქედის ცენტრალური და დასავლეთი ზოლის გაყოლებაზე (დიოსკურიის ზემოთ) სახლობდა⁷⁷.

72 სტრაბონი. გეოგრაფია. გეოგრაფია. XI, 2 (1) გვ. 138.

73 კლავდიუს პტოლემეაიოსი. გეოგრაფია. წ. V, 25 (1), გვ. 239.

74 გეორგიკა. ბიზანტიელი მწერლების ცნობები საქართველოს შესახებ. ტ. III, ს. ყაუხჩიშვილის გამოც., თბ., 1936, გვ. 86.

75 პ. ინგოროყვა. დასახლებული შრომა. გვ. 127; დ. მუსხელიშვილი. საქართველოს ისტორიული გეოგრაფიის ძირითადი საკითხები. I, თბ., 1977, გვ. 121.

76 ზ. В. Анчабадзе. Очерки этнической истории Абхазского народа, с. 44.

77 პ. ინგოროყვა. დასახლებული შრომა. გვ. 144.

ყოველივე ეს იმაზე მიგვითითებს, რომ როგორც აწინდელი სვანეთის, აგრეთვე მისი დასავლეთით და აღმოსავლეთით მდებარე კავკასიის სამხრეთ კალთებზე, ლიხის ქედიდან ვიდრე ისტ. აფხაზეთის (ეგრისის) ჩრდილო-დასავლეთ მთებამდე, სვანური მოსახლეობა ცხოვრობდა (სხვანაირად დიოსკურიის მოსაზღვრე სვანები ვერაფრით იქნებოდნენ?!).

მართალია, პ. ინგოროყვა მისიმიანებს მეგრულ-ლაზურ და სვანურ (ნარეგ) ხალხად თვლის, მაგრამ უფრო იმ მოსაზრებას უჭერს. მხარს, რომ მისიმიანები სვანურენოვანი ქართველური ტომი იყო⁷⁸.

ისტორიულ აფხაზეთში სვანების ბინადრობაზე მიუთითებს სომეხი ისტორიკოსი ფავსტოს ბიზანტიელიც, რომელიც „სვანო-კოლხის“ მსგავსად მათ „ეგრესუანის“ სახელწოდებით მოიხსენიებს⁷⁹.

თუ გავითვალისწინებთ იმას, რომ კოლხეთის მიწა-წყალზე მოსახლე სხვადასხვა ტომები ურთიერთდაწოლისა და უცხო მტრის შემოსევის გამო გარკვეულ გადაადგილებას განიცდიდნენ, ვასაკვირიროდია დიოსკურიასა და მის მოსაზღვრე ტერიტორიებზე სვანთა (სვანური ტომების) შევიწროება და თანდათანობით შემცირება.

მართალია, მისიმიანთა ეთნიკურ ვინაობაზე დღესაც აზრთა სხვაობა არსებობს, მაგრამ სპეციალისტების უმრავლესობას ისინი სვანებად მიაჩნია. მაგალითად, ს. ყაუხჩიშვილს, რომელსაც გ. მელიქიშვილი და პ. ინგოროყვა უჭერენ მხარს, მიაჩნია, რომ „მისიმიანი“ სვანთა თვითსახელის — „მუშვანის“ — სახელშეცვლილი ფორმაა და ის უთუოდ სვანს ნიშნავს⁸⁰.

მისიმიანის სატომო სახელში, პ. ინგოროყვას აზრით, „მი-სიმი-ანი ბოლოკიდური „ანი“ არის ქართული ეთნიკური სახელების ფუძის დეტერმინატი — იმავე ტიპისა, როგორც სვანი, ზანი, ჭანი, სანი; ხოლო თავკიდური „მი“ არის ქართველური ენებისათვის, კერძოდ სვანურისათვის, დამახასიათებელი ფორმანტი, რომელიც თავში ერთვის ეთნიკურ სახელებს“⁸¹.

საისტორიო წყაროების მონაცემთა საფუძველზე, პ. ინგოროყვას დადასტურებულად მიაჩნია, რომ ჩვენი წელთაღრიცხვის პირველ საუკუნეებში აფხაზეთის მხარეში, სხვა ქართველი ტომების გვერდით,

⁷⁸ პ. ინგოროყვა. დასახ. შრომა. გვ. 130—144. 6

⁷⁹ История Армении Фавстоса Бузанда. 1953, с. 15.

⁸⁰ ს. ყაუხჩიშვილი. მისიმიანთა ტომი. — თსუ შრომები. I. პირველი სერია, საზოგადოებათმეცნიერებანი, თბ., 1919; გ. მელიქიშვილი. საქართველოს, კავკასიისა და მახლობელი აღმოსავლეთის უძვ. მოსახლ. საკითხისათვის. თბ., 1965, გვ. 65; მისივე. К истории древней Грузии, Тбилиси, 1959, с. 92; საქართველოს ისტორიის ნარკვევები. I. თბ., 1970, გვ. 557; პ. ინგოროყვა. გიორგი მერჩულე. გვ. 145.

⁸¹ პ. ინგოროყვა. გიორგი მერჩულე. გვ. 144.

სვანებიც მოსახლეობდნენ⁸². ამას ადასტურებს სტრაბონის ცნობა იმაზე, რომ სვანები დიოსკურიის ზემოთ ცხოვრობდნენ და სიმრავლის მხრივ ყველა მეზობელ მთიელს აღემატებოდნენ, მათ, საჭიროების შემთხვევაში, ორასიათასი მეომრის გამოყვანა შეეძლოთ⁸³.

ქართული და უცხოური წყაროების საფუძველზე კ. კეკელიძე მიუთითებს, რომ სვანები ცხოვრობდნენ მეგრულ-ლაზების, აფსილებისა და აბაზგების მეზობლად — კავკასიის ქედის სამხრეთის გაყოფილებაზე. წყაროებში ისინი ევქსინის პონტოს მოსაზღვრეც არიან⁸⁴.

ივ. ჯავახიშვილისა და გ. მელიქიშვილის დასკვნით, ძველ დროში სვანები გაცილებით ფართო ტერიტორიაზე სახლობდნენ, ვინემ ამჟამად. ისინი დასავლეთით, აღმოსავლეთით, სამხრეთითა და ჩრდილოეთით შორს აღწევდნენ ახლანდელ სვანეთთან შედარებით. მეცნიერთა რწმუნებით, ამას მოწმობს დასავლეთ საქართველოს მთასა თუ ბარში გავრცელებული სვანური ტოპონიმიკა⁸⁵.

უკანასკნელმა გამოკვლევებმა დაადასტურეს, რომ სვანურა მოსახლეობა ეპიზოდურად ალანთა ქვეყანაში (თანამედროვე ბალყარეთისა და ყარაჩაის ტერიტორიებზეც) ვრცელდებოდა⁸⁶.

დ. მუსხელიშვილის აზრით, მისიმიელები სვანები ანუ სვანური ტომი იყო. ის წერს: „რომ სწორედ მისიმიელების სვანური ტომი უნდა იგულისხმებოდეს პტოლემეაიოსის „სუანო-კოლხებში“ ანუ ფავსტოს ბიზანტიელის „ეგრო-სუანებში“ იმ აზრით, რომ ესენი იყვნენ ეგრისის სამეფოს მიერ დამორჩილებული სვანები, იმ სვანებისაგან განსხვავებით, რომლებიც ჯერ არ იყვნენ ეგრისს დაქვემდებარებულნი და რომელთა დამორჩილება მხოლოდ IV საუკუნის დასასრულს მოხერხდა“⁸⁷.

თუ ყველა მონაცემს შევაჯერებთ, უქვეალი გახდება, რომ სვანებს (ანუ სვან ტომებს, მათ შორის მისიმიანებს) ძველ დროში აფხაზეთის ტერიტორიის მნიშვნელოვანი ნაწილი ეკავათ.

ეტყობა, კოლხეთის ძველი სამეფოს დაშლის შემდეგ, ჩვ. წ. I და II საუკუნეებში, განცალკევებულ სვანთა გაერთიანებას, ერთი მხრივ, ჩიქები, ალანები, აბაზგები და აფსილები დაუპირისპირდნენ, ხოლო

82 პ. ბ ნ გ ო რ ო ყ ვ ა. გიორგი მერჩულე. გვ. 144.

83 თ. ყ ა უ ხ ჩ ი შ ვ ი ლ ი. სტრაბონის გეოგრაფია, თბ., 1957, გვ. 126.

84 К. К. Кекелидзе, — Сведения груз. ист. о пред. Максиме исповеднике, — труды Киевской дух. акад., с. 19.

85 ი. ჯ ა ვ ა ხ ი შ ვ ი ლ ი. ქართველი ერის ისტორია. I. თბ., 1960, გვ. 429; გ. მ ე ლ ი ქ ი შ ვ ი ლ ი. საქართველოს, კავკასიისა და მახლობელი აღმ., გვ. 50—57.

86 თ. მ უ ზ ხ ე ა ნ ი. მეგობრობის სათავეებთან. თბ., 1986.

87 დ. მ უ ს ხ ე ლ ი შ ვ ი ლ ი. დასახლებული შრომა, გვ. 132—133.

შეორე მხრივ მეგრულ-ლაზები და სხვ. ამიტომ სვანები თანდათან დასუსტდნენ, შევიწროვდნენ და პოზიცია დათმეს — IV საუკუნის ბოლოს მთლიანად ეგრისის (ლაზიკის) ძალაუფლებასა და სახელმწიფოში მოექცნენ.

მენანდრე პროტიქტორი გვამცნობს, რომ VI საუკუნეში მისიმიანები კვლავ დალის (მდ. კოდორის) ხეობასა და მის მიმდებარე ტერიტორიაზე სახლობდნენ. ის წერს, რომ ალანთა წინამძღოლმა საროდიმ ჩრდილოეთიდან სამხრეთისაკენ მიმავალ, აბრეშუმით მოვაჭრე ქარავანს (ზემარქესა და მის კაცებს) ურჩია მისიმიანთა გზით (კოდორის ხეობით — ვ. გ.) არ წასულიყვნენ, თორემ იქ სვანეთში მყოფი სპარსელები იყვნენ ჩასაფრებული და ისინი ჩაიგდებდნენ ხელში. აბრეშუმის ქარავანი იძულებული გახდა რჩევა მიეღო და შავი ზღვისკენ დარინის გზით წასულიყო (მისიმიანთა გზა მარცხნივ დატოვა)⁸⁸.

მისიმიანთა ვინაობის გარკვევისათვის ერთგვარი მნიშვნელობა აქვს მათ პოლიტიკურ ისტორიას. როგორც ვიცით, ბიზანტიასა და ირანს საუკუნოვანი ომი ჰქონდა სვანეთის გამო. საქმე ის არის, რომ VI საუკუნეში მისიმიანები დანარჩენი სვანების კვალდაკვალ განუდგნენ ბიზანტიას და ირანს მიემხრნენ.

სვანები და მათი მოძმე მისიმიანები 555 წელს ბიზანტიის წინააღმდეგ აჯანყდნენ. სპარსელებისადმი მიმხრობის შემდეგ მისიმიანებმა ჯერ ბიზანტიელთა მოხელეები და რაზმი ამოწყვიტეს, შემდეგ მათთან შესარიგებლად გაგზავნილი აფსილი მოციქულები. ამის საპასუხოდ ბიზანტიამ ჯარი შეუსია მისიმიანებს, რომელთაც ხუთიათასამდე მებრძოლი და ათი ათასამდე მშვიდობიანი მოსახლე დაუხოცა. ამის შემდეგ მისიმიანები იშვიათად თუ ჩანან ასპარეზზე⁸⁹.

უნდა ვივარაუდოთ, რომ მისიმიანები შემთხვევით არ იზიარებდნენ ბიზანტიის წინააღმდეგ მებრძოლ სვანთა ბედს, ისინი ერთი მოდგმისანი იყვნენ.

ისტორიული აფხაზეთის ტერიტორიაზე მოსახლე უძველესი ტომების ეთნიკური ვინაობის გასარკვევად პირველხარისხოვანი მნიშვნელობა აქვს ამ ქვეყნის ძველ ტოპონიმებს.

აფხაზეთის უძველესი მოსახლეობის — მისიმიანების — ისტორიის აღწერისას ბიზანტიელი მწერლები ადგილობრივ გეოგრაფიულ თუ ადმინისტრაციულ პუნქტებს იშვიათად ასახელებდნენ, ან თავისებურად აღიქვამდნენ და ასხვაფერებდნენ მათ. ამ შემთხვევაში ისინი ასახელებდნენ ტიბელეოსსა და ძახარისს რომელთა ზუსტი ადგილები დღეს არ მოგვეპოვება. ვფიქრობთ, ტიბელეოსს საერთო აქვს ტიბ-

⁸⁸ გეორგიკი. III, გვ. 236.

⁸⁹ იქვე, გვ. 171—174.

ტიბთან, რაც სვანურად ხევს (ტიბს) ნიშნავს (შეადარე სვანეთის ტიბს, ტვიბერს, ტვიბრას, ტვიბარს); თუ ეს სწორია, მაშინ ტიბელეოსი ხევში განლაგებულ ციხეს აღნიშნავს. ციხე ძახარი (ანუ ჩხარი) ქართული სახელწოდებაა (შეად. ჩხარი), ყოველ შემთხვევაში მისიმიანთა ეს (უკანასკნელი) ციხე-სიმაგრე („ჩკინის ციხედ“ სახელდებული) კოლორის ხეობის ზემო წელის დასაწყისში მდებარეობდა⁹⁰.

მიუხედავად იმისა, რომ ბერძნები ასხვაფერებდნენ ადგილობრივ სახელწოდებებს, ზოგჯერ მაინც რჩებოდა ქართული ძირი და იერსახე. ამ თვალსაზრისით საინტერესოა თეოდოსი განგრელის თხზულება (VII ს.), რომელშიაც აღწერილია საქართველოში გადმოსახლებული მაქსიმე აღმსარებლის და მისი თანამოაზრეების ადგილსამყოფელი პუნქტების სახელწოდებები, მათ შორის: სკოტორი, ბუკოლუსი (ბუქლოსი), მუკორისი, ფუსტა, სხემარი, თაკვირია, სვანეთის ციხე და სხვ.⁹¹.

დასახლებული სახელწოდებების რაობამ და ლოკალიზაციამ თავის დროზე მიიპყრო კეკელიძის ყურადღება, თუმცა ზოვიერთი სახელწოდება კვლავ დაუდგენელია.

ნაკლებ სადავოა სხემარის ანუ სვიმარის (სქიომარი) სახელწოდება; ორივე სვანური ჩანს. პირველი „ცხუმ“ (რცხილა) სახელს უკავშირდება ისე, როგორც დღევანდელი სოხუმის ძველი სახელწოდება — ცხუმი ანუ ცხომი⁹². მეორე კი — მკავე წყლებს (სვიმ — მკავე წყალი).

განსაკუთრებულ ყურადღებას იპყრობს აფხაზეთის ქალაქ ცხუმის სახელწოდების საკითხი.

⁹⁰ დ. მუსხელიშვილი. დასახლებული შრომა, გვ. 121.

⁹¹ გეორგიკა. IV. ნ. ს. ყაუხჩიშვილის გამოც., თბ., 1941, გვ. 40—56.

⁹² როგორც ჩანს, სხემარი კ. კეკელიძეს, ა. ბრილიანტოვს, და სხვებს ლეჩხუმში ან მის მახლობლად ეგულებოდათ. შესაძლებელია ისინი სხუმის (ცხუმის) ლეჩხუმთან (ლეცხუმთან) მიმსგავსებამ შეიყვანა შეცდომაში. როგორც დ. მუსხელიშვილი შენიშნავს, ეს ციხე-სიმაგრე უთუოდ მისიმიანეთში უნდა ყოფილიყო (საკინის ხეობაში), სადაც კიდევაც დაამოწმა ტოპონიმი „სვიმარი“ (იხ. დ. მუსხელიშვილი, დასახლებული შრომა, გვ. 121). როგორც აღვნიშნეთ, „სვიმარ“ სვანურად მკავე წყლის მრავლობით ფორმაა (არ მრავლობითის მაწარმოებელია). ნიშანდობლივია ისიც, რომ ხსენებულ ადგილას მართლაც მკავე წყალი მოდის.

აღნიშნული და სხვა ციხეების მდებარეობასთან დაკავშირებით სრულიად გონებაშეხილურად შენიშნავს დ. მუსხელიშვილი: „მისიმიანეთის ტერიტორიაზე ამ ციხეების არსებობა სავსებით გასაგებია, რადგან ამ ტერიტორიაზე გადმოდიოდა უმნიშვნელოვანესი მაგისტრალური გზები ჩრდილო კავკასიიდან აფხაზეთში და ეგარისში, ხოლო აქედან ზღვით ან ხმელეთით — ბიზანტიაში“. მისივე აზრით, ეს ციხეები აკონტროლებდნენ სივარო გზას, ალანთა და ჩრდ. კავკასიის სხვა მომთაბარე ტომთა აგრესიას სამხრეთისაკენ. ამ მხრივ მეცნიერს ფრად მნიშვნელოვნად მიაჩნია სვანეთის გზებიც (დ. მუსხელიშვილი. იქვე, გვ. 123).

როგორც პ. ინგოროყვა აღნიშნავს, სახელწოდება „ცხუმი“ ქართულ წყაროებში VIII საუკუნიდან მოიხსენიება⁹³. ექვი არ ათის, რომ ეს სახელწოდება (ისე, როგორც ცხუმარი) რცხილის სვანურ სახელს — ცხუმს (ცხუმ-ცხვიმ) — უკავშირდება. ასეთი სახელწოდებები ფართოდაა გავრცელებული სვანეთსა და ნასვანარ ადგილებში. მაგალითად, ცხუმარი (სოფელი მესტიის რაიონში), ცხუმელური (ლენტეხის რ-ნი), ცხუმ ზაგარ (ცხვიმ ზაგარ), რცხილნარი ქედი — სვანეთისა და სამეგრელოს ყოფილი საზღვარი სოფელ ჯვართან, ცხმორი (რაჭა), ცხომარეთი (ზემო იმერეთი), ცხემარისგა (გალის რ-ნი). რცხილის (ცხუმ-ცხვიმ) სახელწოდებას უკავშირდება აგრეთვე ლეჩხუმის (ლე-ცხვიმ, ლე-ცხუმ) სახელიც. მიუხედავად იმისა, რომ ამ უკანასკნელის ამგვარი ახსნა მაინცდამაინც ენათმეცნიერულ კანონზომიერებას არ ექვემდებარება, ლეჩხუმის ლეცხუმიდან წარმომავლობაც ნაკლებ საეჭვოა. ამ სახელწოდების სვანურობას მხარს უჭერს ლეჩხუმის ტოპონიმიკის უდიდესი ნაწილის სვანურობაც. აგრეთვე ქართული სქოლასტის ჩვენება: „სუანთა სოფლის ციხე, რომელ არს მური“⁹⁴.

ცხუმის (სოხუმის) სვანურბუნებოვნებაზე მეტყველებს არა მხოლოდ მისი სვანური შესატყვისობა და ამ ტოპონიმის ფართოდ გავრცელება ისტორიული სვანეთის ტერიტორიაზე, არამედ შუა საუკუნეთა სვანეთში ცხუმ-ჩხუმიანი გვარეულობების არსებობაც. მაგალითად, სვანეთის სოფლებში — კიჩხელდაშში, ლახამულაში, ლუქაში, ეცერში, ცხუმარში და დოლში — მრავლად ცხოვრობდნენ ცხუმიანები, ცხვიმიანები და ჩხუმიანები (ლეჩხუმ-ლეცხუმის იგივეობასა და მის მცენარე ცხუმიდან წარმომავლობაში გვარწმუნებს ცხუმიან-ჩხუმიანი გვარეულობებიც)⁹⁵.

აღნიშნული ტოპონიმებისა და გვარეულობების მსგავსად, ცხუმიდან წარმოშობილი უნდა იყოს ცხომელიძე, ცხომარია და სხვ.

ყოველივე ეს იმაზე მეტყველებს, რომ აფხაზეთის ქალაქ ცხუმის სახელწოდების შემოქმედი თავის დროზე სვანურენოვანი მოსახლეობა იყო (შემთხვევითი არ შეიძლება იყოს ამ სახელწოდების ფართოდ გავრცელება სვანეთში და მისი ცოცხლად შენარჩუნება სვანურ მეტყველებაში), ის ცხუმ-რცხილიდან წარმოდგება და პრეისტორიული, ფუძე ქართული ტოპონიმია⁹⁶.

⁹³ პ. ინგოროყვა. გიორგი მერჩულე. გვ. 147.

⁹⁴ გეორგიკა. IV. გვ. 56. შენიშვნა.

⁹⁵ პ. ინგოროყვა. სვანეთის საისტორიო ძეგლები. ნ. II. თბ., 1941. გვ. 119, 120, 129, 132, 133, 136, 138, 139, 144.

⁹⁶ სხვათა შორის, ამ ბოლო დროს სოხუმის ისტორიული სახელწოდების არაერთნაირი ახსნა შემოგვთავაზეს მკვლევრებმა — გ. რუხაიამ, გ. ფიფიამ და სხვ., რომელთაც, მართალია, ამ სახელწოდების ახსნის სვანურობასაც გაუსვენს ხაზი,

აფხაზეთის ქალაქ ცხუმის ტოპონიმის ნაწილობრივ მაინც სწორ ახსნას გვაძლევს ვ. ზუხბაია, რომლის მიხედვით ეს სახელწოდება უკავშირდება რცხილის სვანურ სახელს — ცხუმს. ვ. ზუხბაია სწორად შენიშნავს აგრეთვე, რომ სოხუმი ცხუმის სახეშეცვლილი თურქული სახელწოდებაა. დროული და მიზანშეწონილია აგრეთვე ვ. ზუხბაიას მიერ დღის წესრიგში დასმული საკითხი აფხაზეთის ქალაქ სოხუმის ძველი სახელწოდების — ცხუმის — აღდგენის მიზანშეწონილობის შესახებ⁹⁷.

ბიზანტიურ წყაროში დაცული მაქსიმე აღმსარებლისა და მისი თანამოაზრეების საპატიმროს — „სვანეთის ციხის“ — აღგილსამყოფელზე თვითონ სახელწოდება მიუთითებს, რა თქმა უნდა, ის ციხის კონკრეტულ სახელს კი არ მიუთითებს, არამედ ქვეყანას. ასევე „თაკვირია“ — ლეჩხუმზე მიუთითებს. კ. კეკელიძის აზრით, ეს უკანასკნელი ისტორიული სვანეთის ორბელის ციხე უნდა იყოს, ხოლო დ. მუსხელიშვილის აზრით — ზუბის ციხე⁹⁸.

ამასთან, ციხე სკოტორი კოდორს უნდა უკავშირდებოდეს, რომელიც უშუალოდ მისიმიანთა ტერიტორიაზეა სავარაუდებელი. „მუკორისი“ კი ჩვენთვის უცნობია.

რაც შეეხება „ფუსტას“, ის ს. ყაუხჩიშვილის სარწმუნო მოძიებით, დღევანდელი სოხუმის რაიონში, სოფ. ალექსანდროვსკოეში მდებარეობს (ციხის მდებარეობაზე დაახლოებით ამასვე იზიარებს შ. გუმბაც)⁹⁹.

მთავარი ის არის, რომ ფუსტა სვანური ტოპონიმია. ეს სახელწოდება დღესაც მრავალგან გვხვდება სვანეთში და ფართოდაა გავრცელებული იქაურ ზეპირსიტყვიერებაში. ფუსტ (ლენტეხური კილო), ფუსდ (ბალსზემოური) სვანეთში დღესაც მრავალ ეკლესია-სალოცავს ეწოდება. სვანურ მეტყველებაში ამ სახელწოდებამ, ლეთიურ მნიშვნელობასთან ერთად (ღმერთი, უფალი, მეუფე, გამგებელი), შუა საუკუნეებში სოციალური შინაარსიც შეიძინა (პატრონი, ბატონი, მფლობელი, თავადი, უფროსი და სხვ.)¹⁰⁰.

შაგრამ სხვაგვარ და აფხაურ ენებზე ახსნასაც შეეცადნენ (იხ. ვაზ. „ახალ-ვაზირა კომუნისტი“, 12. 10. 89 წ., ვაზ. „სახალხო განათლება“, 10.06.90 წ.), თუმცა ამდგავარი ახსნის ხელოვნურობა ექვს არ იწვევს.

97 ოქროს საწმისი. № 3, 1990.

98 დ. მუსხელიშვილი. დასაბელებული შრომა. გვ. 126.

99 შ. გუმბაც. დასავლეთ საქართველო და ბიზანტია VI—VIII სს. გვ. 42.

100 სვანური პოეზია, I, თბ., 1939, გვ. 28, 72, 85, 89, 103, 132, 260, 299; ტ. II, თბ., 1957, გვ. 8, 13, 81, 128, 194 ტ. III, თბ., 1967, გვ. 4, 66, 1967, 89, 97, 106, 110, 211; სვანური ენის ქრესტომათია თბ., 1978, გვ. 11, 27, 60, 61, 62, 64, 66, 68, 71, 83, 93, 98, 200, 215, 238 და ა. შ.

აქედან გამომდინარე, ფუსტი სვანური ტომონიმია, ხოლო ბიზანტიელი მწერლის ეპიფანეს (VIII ს.) მოხსენიებული ფუსტელე-ბი — მისიმიანები ანუ სვანურენოვანი ხალხი იყო¹⁰¹.

სვანური ტომონიმია კოდორის ხეობაში მისიმიანთა ნასახლარზე შემორჩენილი სახელწოდება ლაგვანთა. ლაგვან სიტყვასიტყვით სატირალ, საგოდებელ ადგილს ეწოდება (შეად. მესტიაში ლაგვნიამ). ნიშანდობლივია ისიც, რომ კოდორის ლაგვანთაში დღემდე შემორჩა სასაფლაოს ნაშთები. იგივე სახელწოდება ჰქვია სვანეთისა და ჩაქალეჩხუმის შემაერთებელ გზაჯვარედინს, რომელთან დაკავშირებით ასეთი გადმოცემა არსებობს: სვანეთიდან სალაშქროდ მიმავალი ყველა მამაკაცი ლაგვანთას ადგილზე თითო ქვას დებდა, ხოლო უკან დაბრუნებული ქვის საერთო გროვიდან ასევე თითო ქვას აკლებდა. ასეთნაირად დგინდებოდა შინ მოუსვლელთა რიცხვი, რომელთა ღირსსახსოვრად ტირილი იმართებოდა (ამიტომ ეწოდა ლაგვან-ლაგვნიამ).

სვანური ტომონიმია აგრეთვე კოდორის ხეობის სახელი დალ (აფხაზეთის სვანეთის სახელი), რომელიც მისიმიანთა ნასახლარია. დალზე, როგორც ნადირობის ქალღმერთზე, სვანურ ფოლკლორში არაერთი მითი და თქმულებაა გავრცელებული. დალ, როგორც წარმართული ღვთაება, ღრმადაა ჩამჭდარი სვანურ რწმენა-წარმოდგენათა პანთეონში.

შემთხვევითი არ შეიძლება იყოს ისიც, რომ XIX საუკუნეში სვანებმა კვლავ მიაშურეს დალს, როგორც წინაპრებისადმი კუთვნილ მიწა-წყალს.

სვანურია დალის სოფ. გენწვიშის სახელწოდებაც, რაც ტირიფის სვანური სახელიდან — გენწე — წარმოდგება (გენწვიშ უკავშირდება აგრეთვე ანწლიან ადგილს — გენჭვიშ). ასევე სვანურია კოდორის სათავე ხეობის ფერდობის სახელწოდება — შიყეერ (შიყ-შყ ზურგს ნიშნავს). ასევე სვანურია ე. წ. სამურზაყანოს ჩრდილო მხარეზე გაყოლებული ტყე-ფერდობის სახელწოდება — ლაკაადა, რაც კაადა — ნაჯახთანაა დაკავშირებული.

ჩვენ არ ვეხებით დალის ხეობის იმ სახელწოდებებს, რომლებიც აფხაზეთის სხვა მრავალი სახელწოდების მსგავსად, ახალი და გვიანდელი შერქმეულია.

ეტყობა, კოდორის ხეობაში განსახლებულ მისიმიანებს და საერთოდ, აფხაზეთის სვანურ მოსახლეობას ფართო კავშირებითიერობა ჰქონდა მიმდებარე ჩრდ. კავკასიასთან, კერძოდ, ალანთა სამეფოსთან, სადაც აგრეთვე არაერთი სვანური ტომონიმი შემოგვრჩა დღემდე. მაგალითად, ნაქალაქარი შუანა, სადაც ამჟამადაც დგას XI საუ-

¹⁰¹ გეორგიკა, II, თბ., 1965, გვ. 26.

კუნის ქართული ხურომოძღვრული ეკლესია. საგულისხმოა, რომ შუანა მომდინარეობს სვანეთის თვითსახელი შვანის სახელწოდებიდან (აქედან წარმოსდგება მუ-შვან-სვანი). ამავე ნაქალაქართან ქედსა დოფერლობს ეწოდება გიშარ (სგიშარც), რაც სვანურად მეფეეწყლიან მიწას ნიშნავს. შესაძლებელია, აგრეთვე, სვანური წარმოშობისაა ტებერდი (შეადარე სვანური ტვიბ, აგრეთვე სვანეთის სოფლებს: ტვიბიაშ, ტვიბეერ, ზოლო ბოლოსართი ერდი არასვანურია), რაც ხევის სვანურ სახელს უნდა უკავშირდებოდეს.

აფხაზეთის მიმდებარე ჩრდ. კავკასიის ტერიტორიებზე სვანური ტომონიმების გავრცელება შემთხვევით ხასიათს არ უნდა ატარებდეს, საფიქრებელია, რომ სვანურენოვანი ხალხი იქაც ცხოვრობდა ეპიზოდურად და თავის კვალს ტოვებდა.

აღსანიშნავია, რომ თავის დროზე ზურაბ ანჩაბაძე შეეცადა მისიმიანთა ტომის აფხაზებად წარმოდგენას. ამის ერთ არგუმენტად მან აგათია სქოლასტიკოსის თბზულების ის ადგილი მოიტანა, სადაც მისიმიანების აფსილებთან ნათესაობაზეა ლაპარაკი¹⁰².

მოცემული არგუმენტი არაფერს ლაპარაკობს აფხაზებისა და მისიმიანების იგივეობაზე, რადგან არამთცუ ისინი, არამედ არაერთ ძველ წყაროში კავკასიის ხალხებიც კი ერთიმეორის მონათესავედ ითვლებიან. სინამდვილეში, აფხაზები და მისიმიანები რომ სხვადასხვა იყვნენ, ეს იგივე აგათიას თბზულების სხვა ადგილასაა ნათქვამი: ისინი „განსხვავებულ ენაზე ლაპარაკობდნენ და სხვადასხვა კანონებს მისდევდნენ“¹⁰³.

ასევე მიუღებელია ზ. ანჩაბაძის მეორე არგუმენტი მისიმიანებისა და აფხაზების იგივეობაზე — თითქოს მისიმიანების ეთნიკური სახელი უკავშირდება აფხაზთა ფეოდალურ გვარეულობას — მარშანიებს¹⁰⁴.

სიმართლე უნდა ითქვას, რომ ასეთი მტკიცების უბერხულობა დამცდარობა თვითონ ზ. ანჩაბაძემვე შენიშნა და აღნიშნა, რომ მარშანიები წარმოშობით მარუშიანები — სვანები — იყვნენ (ეს გვარეულობა XIX საუკუნეშიც ძველებურად მარშანად იწოდებოდა). ოლონდ ზ. ანჩაბაძე უთუოდ სწორია იმაში, რომ წებელდელი მარშანიები ბოლოს გააფხაზდნენ — აფხაზ ფეოდალებად იქცნენ.

თუ ზ. ანჩაბაძე თავდაპირველად მისიმიანების უეჭველ აფხაზობას ამტკიცებდა, ბოლოს ამ საკითხშიც უკან დაიბრუნდა და შესაძლებ-

¹⁰² იხ. გეორგია. III. გვ. 161—162.

¹⁰³ იქვე. გვ. 86.

¹⁰⁴ З. В. Анчабадзе. Из истории средневековой Абхазии.

ლად მიიჩნია აფხაზეთის მთიანი ზოლის ნაწილში სვანური ეთნიკური ელემენტის მოსახლეობა, მისიმიანების სვანობა¹⁰⁵. შემდეგ ზ. ანჩაბაძე ისევე დაუბრუნდა მისიმიანების ვინაობის საკითხს და კვლავ არათანამიმდევრული პოზიცია დაიკავა. აღნიშნა, რომ მათი ეთნიკური კუთვნილების საკითხი რთულია და ბოლომდე გადაწყვეტილი არ არის. ამასთან, ისინი ახლა აფხაზი ხალხის წებელდა-დალის ეთნიკურ განშტოებად მიიჩნია, იმ განსხვავებით, რომ ისინი ამჟამად ქართველების მონათესავე პალეოკავკასიურ ეთნოლინგვისტურ ტომად გამოაცხადდა¹⁰⁶. აქვე უნდა ითქვას, რომ მისიმიანებს აფხაზეთად მიიჩნევენ სხვა აფხაზი კოლეგებიც, მათ შორის მ. გუმბაც, რომელიც ამახინჯებს აგათიას ცნობას — თითქოს ის წერს მისიმიანებისა და აფხაზების წინაპრების (აფსილების) ენათა ნათესაობაზე¹⁰⁷. განა მ. გუმბაც ისედაც არ იცის, რომ საერთოდ აღნიშნული ტომების ნათესაობის თეორია ასე შორს როდია საძიებელი, განა კავკასიის ხალხთა ნათესაობაზე ისედაც მრავალი ქართულ-სომხური წყარო არ ღაღადებს.

ფაქტი ის არის, რომ მარშიანები ანუ მარუშიანები (ამჟამინდელი მარშანიები) სვანეთის ერისთავების (ფარჯანიან-ვარდანისძეების) ჩამომავლები იყვნენ, რასაც მოწმობს სვანეთის საეკლესიო წარწერები¹⁰⁸. თუმცა ზოგიერთი აფხაზი კოლეგა ხელოვნურად ცდილობს აფხაზეთის მკვიდრი ქართველი ტომების აფხაზად მონათვლას, აფხაზეთში ქართველის სახსენებლის შეგნებულად, გულმოდგინედ და უმოწყალოდ ამოძირკვას, ყოველივე ქართულის ხელოვნურად გადასხვაფერებას და უძველესი ქართული ტოპონიმიკის გადაკეთებას.

მიუხედავად იმისა, რომ ქართველისათვის დიდი ხანია აფხაზეთის ტოპონიმიკის შესწავლას ტაბუ ადევს, ერთი შეხედვითაც ადვილი დასანახია, რომ აფხაზეთში მრავალი ქართული წარმომავლობის ტოპონიმი არსებობს, მათ შორის სვანური. აღნიშნულის გარდა, ასეთები ჩანს: ბაბუშერი, გაგრა, ლიხნი და სხვა, რომელთაც სვანური შინაარსი და ახსნა აქვთ.

არც ის უნდა იყოს შემთხვევითი, რომ ლეგენდა-თქმულებების და რწმენა-წარმოდგენებით სვანებს თავი წარმოდგენილი აქვთ შავ ზღვის სანაპიროს ოდინდელ მცხოვრებად. სვანური ფოლკლორი საესეა თქმულებებით, რომელთა მიხედვით სვანები ებრძვიან ზღვის სხვადასხვა ბინადარს, თევზაობენ, კველეშაბებს კლავენ და სხვ.

¹⁰⁵ ზ. ვ. ანჩაბაძე. История и культура древней Абхазии. с. 183.

¹⁰⁶ ზ. ვ. ანჩაბაძე. Очерк этнической истории Абхазского народа, с. 44—45.

¹⁰⁷ მ. გუმბაც. დასავლეთ საქართველო და ბიზანტია. გვ. 49.

¹⁰⁸ ე. თაყაიშვილი. არქეოლოგიური ექსპედიცია ლეჩხუმ-სვანეთში 1910 წელს. პარიზი. 1937, გვ. 25—26, 144, 237, 325, 429.

ამასთან, ეტყობა, სვანებს უშუალო მეზობლობა აკავშირებდა ჯიქებთან (ზიქებთან) და ჩერქეზებთან (მხედველობაშია აღიღეც), რომელთაც სვანები დღესაც ქაშგებს (კასოგებს) ეძახიან. სხვათა შორის, სვანური ფოლკლორი მათ (ჯიქებთან ერთად) სუსხიან, დაუნდობელ და მძინვარე ხალხად ახასიათებს.

ისტორიულ აფხაზეთში ქართული (სვანური და სხვ.) მოსახლეობის დიდ ხვედრით წილზე და როლზე მიუთითებს იქ შავლიანთა სამეფო დინასტიის დაწინაურება IX საუკუნის მეორე ნახევარში; როგორც შ. ბადრიძე წერს, ბუნებრივია, შავლიანები სვანები იყვნენ და მათ აფხაზეთა სამეფოში თვისტომთაგან სათანადო დასაყრდენიც ჰყავდათ¹⁰⁹. შემთხვევითი არ შეიძლება იყოს, აგრეთვე, საქართველოს გაერთიანებასა და წარმატებაში (განსაკუთრებით თამარ მეფის ეპოქაში) სვანთა დიდი ადგილი და როლი, რაც უთუოდ მათ მიერ აფხაზეთა სამეფოში მოპოვებული ტრადიციიდან მომდინარეობდა.

ნიშანდობლივია ისიც, რომ სვანეთის ერთ-ერთი უძველესი და მთავარი ეკლესია (კვირიკესა და ივლიტას ანუ „ლაგურკა“) „შალიანად“ (ჩანს, შავლიანის დინასტიის მიხედვით) იწოდება. საქმე იმაშია, რომ ამ ეკლესიაში დღემდეა უძველესი და უძვირფასესი ხატი, რომელიც შალიანის ანუ შავლიანის სახელთანაა დაკავშირებული.

გადმოცემის მიხედვით, შალიანი ანუ შავლიანი იყო უძლიერესი სვანი, რომელმაც ხსენებული ხატი ნიძლავით მოიგო აფხაზეთის მეფისაგან.

გადმოცემა მოგვითხრობს, რომ აფხაზეთის ერთ-ერთმა მეფემ სატახტო ქალაქ ქუთაისში მიიწვია (გეგუთის მოსათიხად) ასი სვანი. ერთ-ერთმა მათგანმა — შალიანმა — მეფეს შესთავაზა, რომ მინდორს მარტო თვითონ მოთიხავდა იმ დროში, რაშიც ასი კაცი. როდესაც შალიანმა პირობა შეასრულა, მეფემ ჰკითხა სამაგიეროდ რა სურდა. შალიანმა ხსენებული ხატის ჩუქება მოისურვა, რაც მეფემ უყოყმანოდ შეუსრულა. ამის შემდეგ შალიანმა მოგებული ხატი სვანეთში წაასვენა და იქ ხალხმა მისი სახელობის ეკლესია ააშენა¹¹⁰.

ნიშანდობლივია ისიც, რომ თქმულებით, შალიანიდან ანუ შავლიანიდან მომდინარეობენ სვანეთის შერვაშიძეები, რომელთაც „მორეთიდან მოსულები“ („მაჯვდიერი“) ეწოდებოთ.

ამ ლეგენდის სინამდვილეზე უნდა მეტყველებდეს ისიც, რომ ხსენებულ ეკლესიაში დღესაც განსაკუთრებული პრივილეგიით სარგებლობენ შერვაშიძეები, რომლებიც ყველასაგან განსხვავე-

¹⁰⁹ იხ. კრებული — საქართველოს მთიანეთის სოციალურ-ეკონომიკური განვითარების თავისებურებანი ფეოდალიზმის ხანაში. თბ., 1983, გვ. 24.

¹⁰¹ ექ. თ ა ყ ა ი შ ვ ი ლ ი. დასახელებული შრომა, გვ. 180.

ბით, ამ ეკლესიაში სხვადასხვა ცერემონიალის დროს (ლოცვის, დაფიცების, წყევლა-კრულის, მოწინააღმდეგესთან შერიგების და სხვ.) თავისუფალი არიან ყოველგვარი გადასახადისაგან (ეკლესიაში გარკვეული უფლებით სარგებლობენ აგრეთვე იოსელიანები).

შეიძლება შემთხვევითი არ არის აგრეთვე უძველესი ქართველური ენის შტოს, სვანურის „შეხვედრები“ თუ „პარალელები“ აფხაზურ და ადიღურ-ჩერქეზულ ენებთან. თუ ამ ენებს მართლაც რაიმე შეხვედრები და საერთო აქვთ ხსენებულ ენებთან, ეს ნათესაობა უნდა იყოს იმ დროის ურთიერთგავლენა, როდესაც სვანები ხანგრძლივად ცხოვრობდნენ აფხაზეთში, როდესაც უძველეს ქართველ ტომებს, სვანებს (მისიმიანებისა და ჰენიოხ-სანიგების სახით) და მეგრელ-ლაზებს ფართო ადგილი ეკავათ ისტორიული აფხაზეთის მიწა-წყალზე და მათ მჭიდრო და ინტენსიური კავშირურთიერთობა ჰქონდათ არა მხოლოდ აფხაზების წინაპრებთან (აფსილებთან და აბაზგებთან), არამედ მათ მოძმე ადიღელ აბაზინელებთან, აგრეთვე ჩიქებთან და სხვა მეზობელ ტომებთან.

ყოველივე ესეც იმაზე მეტყველებს, რომ ისტორიული აფხაზეთის მიწა-წყლის მნიშვნელოვანი ნაწილი ქართული სამყარო იყო (თავისი ენით, ყოფით, მატერიალური და სულიერი კულტურით), ის არასდროს ყოფილა მხოლოდ რომელიმე ერთი მოდგმის ტომის (თუნდაც აფსილ-აბაზგის, რომლებიც უმცირესობას შეადგენდნენ) კუთვნილება, რომ ქართულ ტერმინ „აფხაზის“ ცნებაში იგულისხმება არა მხოლოდ ეთნიკურად აფსუა (ანუ აფსილ-აბაზგი), არამედ აფხაზეთის ტერიტორიაზე უხსოვარი დროიდან მოსახლე ჰენიოხ-სანიგი, მისიმიან-სვანი, ლაზ-ჭანი (მეგრელი) და სხვ. მაშასადამე, „კოლხის“ მსგავსად, „აფხაზი“ აფხაზეთის ოდინდელ მკვიდრ მცხოვრებთა ისტორიულად ჩამოყალიბებული საერთო სახელწოდებაა.

ჩვენ უადგილობის გამო აქ საერთოდ არ ვეჭვებით მეგრულ-ლაზურ თუ სხვა ქართულ ტოპონიმებს, რომლებიც აფხაზეთის მიწა-წყალზე აგრეთვე ფართო მასშტაბით ვრცელდებოდა და ვრცელდება.

ასეთი იყო ისტორიული აფხაზეთის მოსახლეობის ეთნიკური შემადგენლობის ზოგიერთი სურათი, რომელსაც ანგარიში უნდა გავწიოს.

ОЧЕРКИ ИЗ ИСТОРИИ СРЕДНЕВЕКОВОЙ СВАНЕТИ

Резюме

В работе изложены проблемы истории одного из уголков Грузии — Сванети, в частности: генеалогия феодальной фамилии Дадишкеллианов, границы их владений, характер социально-экономических отношений княжества, присоединение его к России, проведение крестьянской реформы и др.

В работе затронуты также некоторые вопросы истории средневековой сванетской церкви, в частности ее характер, тесные связи с другими христианскими центрами как на родине, так и за ее пределами. Показана специфика некоторых институтов сванетской церкви (Хорепископ, Сакдришвили и др.).

В приложении рассматриваются некоторые топонимы исторической Сванети, а также вопрос об этнической принадлежности миссионаров Абхазии.

На основе анализа древнейших письменных источников, материальных и духовных памятников, архивных, этнографических и фольклорных данных, а также учета специальной литературы освещена социально-экономическая структура средневековой Сванети, ее культурно-политическая жизнь. Критически рассмотрены взгляды разных авторов, придерживавшихся порой порой противоположных концепций в оценке общего уровня развития Сванети в ту или иную эпоху.

Одна из концепций, проявившаяся преимущественно в этнографической литературе, разобщает и отрывает друг от друга уровни общественного развития равнинных и горных регионов одной страны. Концепция эта придает решающее значение географической среде. На этой основе и создана теория о т. н. «горном феодализме», в котором фактически ничего подлинно феодального не подразумевается. По этой концепции, в горных краях Грузии для возникновения феодального общества и развития феодальных отношений не было никаких условий, в результате чего там не произошла феодальная дифференциация и не возникли соответствующие сословия.

Чрезмерное преувеличение значения древнейших пережиточных явлений и игнорирование решающих факторов общественного развития привели к тому, что сторонники данной концепции во всех сферах общественной жизни Сванети увидели лишь первобытно-родовые институты и соответствующие общественные отношения (в результате они получили «первобытно-патриархальную Сванетию», которая якобы вплоть до XX века характеризовалась «родовым и общинным землевладением», «военной демократией», «семейной и сельской общиной», «племенно-языческим единством», «теократией», «народным правлением», «родовой архитектурой» и т. п.).

В этнографических и исторических исследованиях, согласно этой концепции, полностью игнорировались такие решающие институты и явления общественного развития, как частная собственность на основные средства производства (частное землевладение и животноводство, домашнее производство, торговля и т. д.), характерная лишь для классового (в данном случае феодального) общества.

Использование указанного метода исследования привело к забвению того непреложного исторического факта, что Сванети всегда являлась органической и неотделимой частью грузинского государства, активным участником его прогрессивного развития, что скидывает со счетов также элементы передовой для своего времени сванской материальной и духовной культуры.

В результате такого искусственного и необоснованного расщепления исторических процессов в равнинных и горных районах Грузии, преднамеренной архаизации быта ее горного населения, придания сохранившимся некоторым пережиткам отсталости всеобщего и универсального характера, во многих исследованиях общественный строй и быт горцев Грузии предстал перед нами гораздо примитивнее, чем это было на деле. Не были учтены памятники местной материальной и духовной культуры, а также сильное и преобразующее влияние грузинской цивилизации не только на быт горного населения Грузии, но и на культурный прогресс народов Кавказа и всего Ближнего Востока.

В некоторых этнографических и исторических исследованиях можно заметить тенденцию диаметрального разделения общественного развития не только в горных и равнинных регионах Грузии, но даже в отдельных общинах и селах маленькой Сванети. Утверждается, что между уровнями их общественного развития якобы существовали формационные различия.

Согласно этим искусственным схемам, «Вольная Сванетия», в силу своего географического положения, на всем протяжении

средневековья стояла на месте и вплоть до конца XIX в. не смогла уйти дальше патриархально-родового строя, здесь не было ословного деления и эксплуатации человека человеком, все люди были свободными и равными.

Отдельные авторы, не считаясь с данными документальных письменных источников о существовании в Сванети различных сословий, утверждают, что социальная дифференциация здесь якобы ограничилась превращением общинника в свободного крестьянина и исключают возможность развития здесь хотя бы одного характерного для феодализма института. Такими примитивными и предвзятыми суждениями стараются они доказать, что сванетские азнауры (варги) ничем не превосходили простых крестьян.

К сожалению, подобный примитивизм и тенденциозность характерны и для рассуждений многих авторов об уровне общественного развития всего кавказского нагорья.

Сторонники второй концепции, основоположниками которой были Дмитрий Бакрадзе, Иванэ Джавахишвили, Павле Ингорква, Нико Бердзенишвили, Георгий Чубинашвили, Шалва Амирашвили и др., дают правильную оценку уровня общественного развития средневековой Сванети,

По этой концепции, несмотря на некоторую отсталость Сванети, связанную с тяжелыми природно-хозяйственными условиями, в результате положительного воздействия ряда исторических факторов (постоянная связь с равнинными районами страны, как и со всем внешним миром и др.) в Сванети происходила имущественно-сословная дифференциация общества, имел место хозяйственный и культурный прогресс. Географическая среда и суровый климат не могли приостановить развития общества, о чем наглядно свидетельствуют его дифференциация на азнауров и крестьян, а в дальнейшем и формирование тавадов (Дадишкелани, Геловани, Гардапхадзе).

Показателями довольно высокого общественного развития средневековой Сванети являются также замечательные архитектурные, хозяйственные, фортификационные и жилищные строения, чеканка по золоту, монументальная живопись, развитое земледелие, животноводство, домашнее производство, богатый фольклор и т. д.

შ ი ნ ა ა რ ს ი

შესავალი 3

თავი პირველი

სვანეთის სამთავრო

1. დადიშქელიანთა გენეალოგია 7
2. დადიშქელიანთა სამთავროს მოსახლეობა და საზღვრები 15
3. დადიშქელიანთა სამთავროს შეერთება რუსეთთან 19
4. სოციალური ურთიერთობა 43
5. საგლეხო რეფორმა დადიშქელიანთა სამფლობელოში 55

თავი მეორე

სვანეთის ეკლესიის ისტორიისათვის

(ქორეპისკოპოსი და საყდრისშვილები) 67

თავი მესამე

სვანეთის ისტორიის პრობლემები

1. სვანეთის სოციალური სტრუქტურა და მისი სხვანაირი გააზრების ზოგიერთი რეცედივი 91
2. მთიანეთის ისტორიის პრობლემა კრებულში — „საქართველოს მთიანეთის სოციალურ-ეკონომიკური განვითარების თავისებურებანი ფეოდალიზმის ხანაში“ 132

დამატება

რაქალეჩხუმისა და აფხაზეთის ზოგიერთი სვანური ტოპონიმი

1. რაქალეჩხუმის სვანური ტოპონიმიკა 173
 2. ვინ იყვნენ მისიმიანები 198
- Очерки из истории средневековой Сванети (резюме) 213

Геронти Александрович Гасвани

ОЧЕРКИ ИЗ ИСТОРИИ
СРЕДНЕВЕКОВОЙ СВАНЕТИ

(на грузинском языке)

ТБИЛИСИ
«МЕШНЕРЕБА»
1991

დაბეჭდა საქართველოს მეცნიერებათა აკადემიის
საბუნების-საგამომცემლო საბჭოს დადგენილებით

ISBN 4560

გამომცემლობის რედაქტორი ლ. ჭეჩენაძე
მხატვარი ვ. თნიანი
მხატვრული რედაქტორი ა. ლომიძე
ტექნიკური რედაქტორი ნ. ბოკერიძე
კორექტორი დ. ჩხეიძიანი
გამომწევი ვ. მაისურაძე

გოდეთა წარმოებას 29.12.1990; ხელმოწერილია დასაბეჭდად 24.4.91;
ქაღალდის ზომა 60×90; ქაღალდი № 2; ბეჭდვა შიდალი;
გარნიტურა ვენურა; პირობითი საბეჭდი თაბახი 13.9;
სააღრიცხვო-საგამომცემლო თაბახი 12.20;

ჯირათი 10000;

შეკეთა № 3215;

ფასი 3 მან. 70 კაპ.

გამომცემლობა „მეცნიერება“, თბილისი, 380060, კუტუზოვის ქ. 19
Издательство «Мешнереба», Тбилиси, 380060, ул. Кутузова, 19

ბეჭდვის მეც. აკადემიის სტამბა, თბილისი, 380060, კუტუზოვის ქ. 19
Типография АН Грузии, Тбилиси, 380060, ул. Кутузова, 19